



Azamatjon RAHIMOV

KOMPYUTER LINGVISTIKASI ASOSLARI



UDK: 519.711

32.973

R33

Rahimov A. Kompyuter lingvistikasi asoslari / A. Rahimov; mas'ul muharrir A. Nurmonov; O'zR Oliy va o'rta maxsus ta'lim vazirligi, Andijon davlat universiteti. – T.: Akademnashr, 2011. – 160 b.

BBK 32.973я73+81.2-4я73

Mazkur qo'llanma oliv o'quv yurtlarining 5220100-filologiya (o'zbek filologiyasi) ta'lim yo'naliishi 1-bosqich bakalavr talabalari, magistrantlar, tadqiqotchilar va o'qituvchilarga mo'ljalangan. Unda kompyuter lingvistikasining asosiy masalalari tahlil va talqin etilgan, shuningdek, kitob so'ngida kompyuter lingvistikasining tayanch terminlari lug'ati (glossariy) keltirilgan.

Данное пособие предназначено для студентов (5220100-филология (узбекская филология), магистрантов, исследователей и преподавателей ВУЗов. В этой книге обсуждены и интерпретированы основные вопросы компьютерной лингвистики, а также в конце книги приложен словарь (глоссарий) ключевых терминов по компьютерной лингвистике.

This manual (handbook) is referred to the first year bachelor-students (5220100-philology (Uzbek philology), masters, researchers and teachers of universities. In this book basic questions of computational linguistics are analyzed and interpreted, as well as the dictionary (glossary) of key terms on computational linguistics is attached at the end of the book.

Mas'ul muharrir: A.Nurmonov, filologiya fanlari doktori, professor

Taqrizchilar: Sh.Shahobiddinova, filologiya fanlari doktori, dotsent,
D.Nabiyeva, filologiya fanlari doktori, dotsent

Andijon davlat universiteti Ilmiy kengashining 2010-yil 26-noyabrdagi 3-sonli yig'ilishi qarori bilan nashrga tavsiya etilgan.

ISBN 978-9943-373-92-1

© A.Rahimov

«Kompyuter lingvistikasi asoslari».

«Akademnashr» nashriyoti, 2011-yil.

SO‘ZBOSHI

Jamiyatimizda hozirgi kunda avtomatlashgan informatsion texnologiyalar va kompyuter muhim ahamiyat kasb etmoqda. Kompyuter kundan kunga jamiyatning barcha sohalariga kirib bormoqda. Bu esa yangi yo‘nalishlarning yuzaga kelishiga sabab bo‘lmoqda. Xususan, kompyuter texnologiyalarining tilshunoslik fani bilan ijobjiy hamkorligi natijasida **kompyuter lingvistikasi** fani shakllandi. Bu fan XX asrning 50 – 60-yillarda yuzaga kelgan bo‘lib, u turlicha nomlar bilan atalgan: *hisoblash lingvistikasi, matematik lingvistika, kvantitativ lingvistika, injener lingvistikasi* kabi. O‘tgan yarim asrlik vaqt mobaynida kompyuter lingvistikasi sohasida bir qator ilmiy va amaliy natijalarga erishilgan: tabiiy tilda avtomatik tarjima tizimi yaratildi, matndagi ma’lumotlarning avtomatik qidiruv tizimi ishlab chiqildi, og‘zaki nutqning avtomatik analizi va sintezi tizimi yaratildi, bir qator lingvistik muammolar ni hal etuvchi kompyuter dasturlari ishlab chiqildi, inson va mashina (kompyuter) muloqoti optimallashtirildi, tabiiy tilni qayta ishslash (**Natural Language Processing**) tizimi shakllantirildi. Bu yo‘nalishlarda sezilarli yutuqlar qo‘lga kiritilgan bo‘lsa-da, lekin sanalgan masalalar hali to‘liq o‘z yechimini topgani yo‘q. Chunki inson tili va tafakkuri sirli mohiyatga ega, uning biz anglamagan qirralari juda ko‘p. Bu esa kompyuter lingvistikasi doirasida to‘xtovsiz izlanishlar olib borishni taqozo etadi.

Ma’lumki, kompyuter lingvistikasi fani doirasida xorijda ingliz, rus, nemis, fransuz, ispan tillarida yaratilgan monografiyalar, ilmiy jurnallar, darsliklar miqdori ko‘p. O‘zbek tilida kompyuter lingvistikasi bo‘yicha izlanishlarni kuchaytirish bugungi o‘zbek tilshunosligi oldidagi eng dolzarb vazifalardan biridir. Shu ma’noda ushbu kitobda kompyuter lingvistikasining asosiy masalalari tahlilga tortildi. Muallif ushbu kitobni yozishda D.Jurafskiy, J.H.Martinlarning «*Speech and Language Processing*», R.Grishmanning «*Computational linguistics*», «*Новое в зарубежной лингвистике*» jurnalining 24-soni (Компьютерная лингвистика), G.G.Belonogovning «*Компьютерная лингвистика и перспективные информационные технологии*», Yu.I.Shemakinning «*Начало компьютерной лингвистики*», A.Nurmonovning «*Struktur tilshunoslik: ildizlari va yo‘nalishlari*», A.Po‘latov, S.Muhamedovalarning «*Kompyuter lingvistikasi*» kitoblari va Internet saytlaridan foydalаниldi.

Mazkur o‘quv qo‘llanma kompyuter lingvistikasi asoslarini tashkil etuvchi masalalarga bag‘ishlangan, shuningdek, unda kompyuter lingvistikasining tayanch tushunchalari lug‘ati (glossari) ham keltirilgan.

A.Nurmonov, filologiya fanlari doktori, professor

KOMPYUTER LINGVISTIKASI FANINING MAZMUN-MOHIYATI

Reja:

1. Kompyuter lingvistikasi fanining yuzaga kelish asoslari.
2. Kompyuter lingvistikasi va matematik lingvistika.
3. Kompyuter lingvistikasi fanining tekshirish obyekti, maqsad va vazifalari.
4. Kompyuter lingvistikasi va klassik tilshunoslik.

Til sistema sifatida aynan matematikaning o'zidir.

Matematika aniq fan bo'lib, formulalar munosabati orqali reallashadi. Til ham matematika singari aniqlikni talab qiladi va unda ikki yoki undan ortiq elementlarning o'zaro munosabati bir butunlikni tashkil etadi.

Beryozin

Tayanch so'z va iboralar: *til algebrasi, matematik lingvistika, kompyuter lingvistikasi, mashina tarjimasi, metatil, sun'iy til, deskriptiv, kvantitativ, muloqotning optimal modeli, analiz, sintez, NLP, injener lingvistikasi, generatsiya, tilshunoslik va adabiyotshunoslik sohalarida kompyuterdan unumli foydalanish, tillarni o'qitish, bilimlarini baholash, matnlarni tahrir qilish, tabiiy tillarning matematik modeli, o'zbek tilining kompyuter uslubi, matnlar korpusi, elektron lug'at, tezaurus.*

Ma'lumki, tilshunoslik fani XIX (1816-yilda) asrda mustaqil fan sifatida shakllandi. Shundan boshlab u turli aspektlarda, yo'nalishlarda rivojlanib kelmoqda. Keyingi yillarda barcha fanlardagi kabi tilshunoslikda ham ikki fanning «chorrahasida» (kesishuviga) yuzaga kelgan fanlar jadal rivojlanmoqda. Jumladan, ana shunday fanlar sirasiga sotsiolingvistika (sotsiologiya va tilshunoslik), psixolingvistika (psixologiya va tilshunoslik), etnolingvistika (etnografiya va lingvistika), neyrolingvistika (nevrologiya va tilshunoslik), matematik lingvistikasi va kompyuter lingvistikasi fanlarini kiritish mumkin. Bunday holni boshqa fanlar doirasida ham kuzatish mumkin: biokimyo, astrofizika, matematik fizika, matematik logika kabi. Buni fanlar tizimida bir necha fanlarning o'zaro hamkorligi, integratsiyasi deb baholash lozim bo'ladi. XX asrning 50-yillaridan boshlab tilshunoslikda

«mashina tarjimasi», «mashina tilshunosligi» atamalari qo'llanila boshlandi.¹ Mazkur asrning buyuk kashfiyoti bo'lgan kompyuter texnologiyalari tilshunoslikka ham kirib kelganining isboti edi.² Mashina tarjimasi yoki avtomatik tarjima deyilganda bir tildagi matnni ikkinchi bir tilga EHM (kompyuter) vositasida, tez vaqt ichida tarjima qilish nazarda tutiladi. Mashina tarjimasining asoschilari kibernetika va matematika sohasi vakillari bo'lib, keyinchalik bu ishda tilshunoslar ham faol qatnasha boshlagan. Shu tariqa mashina tarjimasi g'oyalari butun dunyoda nazariy va amaliy tilshunoslikning rivojlanishida katta ahamiyat kasb etdi. Bu yo'nalish bilan parallel ravishda formal grammatika nazariyasi yuzaga kelib, til va uning alohida aspektlari modelini yaratishga e'tibor qaratildi. Tilning bu jihatlari matematik lingvistika fanida ishlab chiqildi, bu, o'z navbatida, kompyuter lingvistikasi fanining yuzaga kelishi uchun poydevor bo'ldi. Demak, shu asosda tilshunoslikning yangi yo'nalishi – kompyuter lingvistikasi va tilshunoslikning bir qator nazariy va amaliy yo'nalishlari vujudga keldi.

Matematik lingvistika fani XX asrning 50-yillarda (1952-yilda) tilshunoslikning alohida yo'nalishi sifatida yuzaga keldi. Bu fanning shakllanishida Kopengagen struktural tilshunoslik maktabi (glossematika)ning asoschisi Lui Yelmslevning g'oyalari o'ziga xos «turtki» vazifasini o'tagan. U hatto til hodisalarini matematik bayonda tushuntiradigan fanning nomini ham taklif etgan. Olimning fikricha, bu fan «*Til algebrası*» («*Lingvistik algebra*») deb atalishi lozim edi.³ Amerikalik tilshunos Noam Chomskiyning formal grammatika, transformatsion grammatika haqidagi qarashlari bevosita matematik lingvistikaning alohida yo'nalish sifatida yuzaga kelishiغا sabab bo'lgan.⁴ Mana shunday qarashlar ta'sirida matematik lingvistika fani shakllandi. Matematik lingvistika – bu tabiiy tillarning matematik modellarini (bunday formallahgan til **metatil** deb ataladi) ishlab chiqish, xususan, sun'iy tillarni yaratish algoritmini tuzish bilan shug'ullanuvchi fandir. Matematik lingvistika oldida turuvchi eng muhim masalalar quyidagilardir:

- tilning aksiomatik nazariyasini ishlab chiqish;

¹ Grishman R. Computational linguistics // Cambridge University Press. 1994. – P.4.

² Po'latov A., Muhamedova S. Kompyuter lingvistikasi. – Toshkent, 2007. – B.4 – 5.

³ Нурмонов А. Структур тилшунослик: илдизлари ва йўналишлари. – Тошкент, 2008. – Б.145.

⁴ Гладкий А.В., Мельчук И.А. Элементы математической лингвистики. – М.: Наука, 1969. – С.7.

- formal grammatika yaratish;
- tillarning matematik modellarini ishlab chiqish.

Har bir fanning o‘z maqsad va vazifalari bo‘ladi. Matematik lingvistika fanining asosiy maqsadi tabiiy tillarning matematik modelini ishlab chiqishdir. Ushbu maqsadga erishish uchun fan o‘z oldiga quyidagi vazifalarni qo‘yadi:

- tabiiy va sun’iy tillarning formal modellari algoritmini ishlab chiqish;
- lisoniy hodisalarini matematik parametrlarda baholash;
- til hodisalarini matematik metodlar yordamida tahlil qilish (*ehtimollar nazariyasi, statistika va kvantitativ metodlarni tatbiq etish*).

Kompyuter lingvistikasi matematik lingvistikaning mantiqiy davomi bo‘lib, u amaliy tilshunoslikning eng muhim qismini tashkil etadi. Kompyuter lingvistikasi 1954-yil AQSHda Jorjtaun universitetida mashina tarjimasini bo‘yicha dunyoda o‘tkazilgan birinchi tajriba asnosida yo‘nalish sifatida shakllana boshladи, 1960-yilga kelib mustaqil fan sifatida shakllandи. Kompyuter lingvistikasi inglizcha «computational linguistics» so‘zining kalkasidir. XX asrning 80-yillariga qadar bu fan turlicha nomlar bilan atalgan: *hisoblash lingvistikasi, matematik lingvistika, kvantitativ lingvistika, injener lingvistikasi* kabi. Bu fanning asosiy maqsadi lingvistik masalalarni yechishning kompyuter dasturlarini ishlab chiqish, inson va mashina (kompyuter) muloqotini optimallashtirish⁵, tabiiy tilni qayta ishlash (**Natural Language Processing**)dir.⁶ NLP kompyuter lingvistikasida tabiiy tillarning kompyuter analizi va sintezini o‘z ichiga oladi. Bunda *analiz* tabiiy tilning kompyuterda morfologik, sintaktik va semantik tahlil yordamida tushunilishiga nisbatan ishlatalidi, *sintez* esa kompyuterda matnning grammatik shakllanrilishi va *generatsiyasi* (hosil qilinishi) demakdir. NLP bo‘yicha yaratilgan dasturiy ta’minotlar quyidagilar: *AlchemyAPI, Expert System S.p.A., General Architecture for Text Engineering (GATE), Modular Audio Recognition Framework, MontyLingua, Natural Language Toolkit (NLTK)*.

Kompyuter lingvistikasining asosiy vazifalariga quyidagilar kiradi:

- avtomatik o‘qitish tizimini ishlab chiqish;
- bilimlarni tekshirish;
- matnlarni turli jihatdan avtomatik tahrirlash;
- matnlarning avtomatik tarzda morfologik, sintaktik va semantik tahlilini (inglizcha **parsing**) ta’minlovchi tizimlar yaratish (**parser** dasturlar);

⁵ Новое в зарубежной лингвистике. Вып.24. Компьютерная лингвистика. – М.: Прогресс, 1989. – С.10.

⁶ Jurafsky D., Martin J.H. Speech and Language Processing. – New Jersey, 2000. – P.2 – 3.

- mashina tarjimasi uchun mo‘ljallangan dasturlarni ishlab chiqish;
- lug‘atlarni va kompyuterdagи matnni statistik tahlil qilish;
- lingvistik muammolarni hal qilishga yo‘naltirilgan optimal dasturlar yaratish;
- muloqotning kompyuter modelini ishlab chiqish;
- matn strukturاسining gipertekst texnologiyasini yaratish;
- elektron lug‘atlar va tezauruslar yaratish;
- sun’iy intellekt tizimini ishlab chiqish;
- matnlар korpusini yaratish;
- matnni avtomatik referatlash;
- sujet strukturасини modellashtirish;
- nutqni avtomatik tushunish tizimini ishlab chiqish (inglizcha **ASR – Automatic Speech Recognition**);
- matndan faktlarni avtomatik ajratib olish (inglizcha **fact extraction, text mining**).

Kompyuter lingvistikasida qo‘llaniladigan va yaratiladigan lingvistik vositalarni shartli ravishda ikki qismga bo‘lish mumkin: deklarativ hamda protsedura qismlari. Deklarativ qismga til va nutq birliklari lug‘ati, grammatik ma’lumotnomalar, matnlар korpusi kabilarni kiritish mumkin. Protcedura qismi esa yuqoridagi lingvistik ta’minot bazasini boshqarish vositalarini (algoritmlar tuzish, dasturlar yaratish, kompyuter analizi va sintezi kabilar) o‘z ichiga oladi.

O‘zbek tili materiallari bo‘yicha kompyuter lingvistikasiga oid tadqiqot olib borgan olimlar sifatida H.Arziqulov, S.Rizayev, S.Muhamedov, A.Po‘latov, S.Muhamedova, N.Jo‘rayevalarni ko‘rsatish mumkin. Olimlar asosan statistik tahlil, algoritmlash, o‘zbek tilining aksiomatik nazariysi, fe’llarning kompyuter analizi va sintezi kabi yo‘nalishlar bo‘yicha izlanishlarни amalga oshirganlar. O‘zbek tilshunosligidagi kompyuter lingvistikasining boshqa yo‘nalishlari esa o‘z tadqiqotchilarini kutmoqda. Shunga ko‘ra, bugungi kunda o‘zbek tilshunosligining kompyuter bilan bog‘liq holda hal etilishi lozim bo‘lgan quyidagi vazifalarni ta’kidlab ko‘rsatish mumkin:⁷

1. O‘zbek tilining kompyuter uslubini yaratish.
2. Axborot matnlaridagi qoliplilik, qisqalik standartlarini ishlab chiqish.
3. Kompyuter izohli va tarjima lug‘atlarini yaratish.
4. O‘zbek tili va adabiyoti darsliklarining elektron versiyalarini ishlab chiqish.

⁷ Po‘latov A., Muhamedova S. Kompyuter lingvistikasi. – Toshkent, 2007. – B.5 – 6.

5. Kompyuterda inglizcha-o'zbekcha tarjima dasturlarini ishlab chiqish.
6. Kompyuterdag'i matnlarni avtomatik tahrirlash dasturlarini yaratish.
7. O'zbek tili grammatikasining kompyuter modelini yaratish.
8. «Inglizcha-o'zbekcha tarjimon» kompyuter dasturini ishlab chiqish.
9. O'zbek tilidagi matnlarni tahrirlash dasturlarini yaratish.
10. O'zbek tilidagi «Windows» operatsion tizimini yaratish.
11. Inglizcha-o'zbekcha, o'zbekcha-inglizcha kompyuter lug'atlarini ishlab chiqish.

Kompyuter lingvistikasi amaliy tilshunoslikning tarkibiy qismi hisoblanadi, u nazariy tilshunoslik yutuqlaridan foydalanadi, oziqlanadi. Kompyuter lingvistikasi va nazariy tilshunoslik bir-birini to'ldiradi. Kompyuter lingvistikasida til insondan tashqarida mavhum sistema sifatida, L.Yelmslev ta'rif bilan aytganda, «sof munosabatlar tizimi» sifatida tavsiflanadi. Kompyuter lingvistikasi va klassik (mumtoz) tilshunoslik orasidagi farq quydagi nuqtalarda ko'rindi:

- mumtoz tilshunoslikda til inson bilan mutanosiblikda, juftlikda ko'rib chiqiladi. Ya'ni mumtoz tilshunoslik insonga yo'naltirilgan bo'ladi va uning faol ishtirokida qabul qilinadi. Kompyuter lingvistikasi esa tavsiflash jaryonida insonni istisno qiladi va u ko'proq kompyuterga moslashtiriladi;
- mumtoz tilshunoslik ko'proq tavsifiy (deskriptiv) xarakterga ega hisoblanadi. Kompyuter lingvistikasi esa masalani miqdoriy xarakteristikalar va aniq parametrler asosida hal etadi. Demak, mumtoz tilshunoslik ko'proq tavsifiy bayonga asoslansa, kompyuter lingvistikasi miqdoriy (kvantitativ) tavsifga, algoritmash, modellashtirish, statistik tahlilga asoslanadi;
- mumtoz tilshunoslik ko'proq nazariy xarakterga ega bo'lib, tilshunoslikning nazariy masalalari bilan shug'ullanadi. Kompyuter lingvistikasi esa amaliy xarakterga ega bo'lib, til bilan bog'liq muammolarning amaliy jihatlariga e'tibor qaratadi hamda uni aniq maqsadga yo'naltirilgan dasturlar, metodlar, tizimlar yordamida hal etish bilan shug'ullanadi;
- mumtoz tilshunoslikning tahlil obyekti tabiiy til hisoblanadi va tahlilda uning mavjud barcha imkoniyatlari e'tiborga olinadi. Kompyuter lingvistikasida esa ko'proq sun'iy tillar (programmalashtirish tillari, algoritmik tillar)ga tayaniлади, tabiiy tillarning mavjud imkoniyatlari cheklanadi, bunda tabiiy tilga ishlov berilib (**NLP**), kompyuterga moslashtiriladi.

Fanlar hamisha o'zaro uzviy bog'liqlik va hamkorlikda ish ko'radi, ular bir-birisiz yashay olmaydi. Jumladan, kompyuter lingvistikasi fani ham bundan mustasno emas. Kompyuter lingvistikasi mantiq, informatika, statistika, semiotika, kibernetika, ehtimollar nazariyasini kabi turli fan sohalari bilan o'zaro aloqadorlikda ish ko'radi.

LINGVISTIKA FANI JENSKIY RODGA MANSUB, SHUNING UCHUN BU FANNI SEVISH KERAK, SHUNDAGINA UNI MUKAM-MAL O'RGANISH MUMKIN!

Topshiriqlar:

1. Matematik lingvistika va kompyuter lingvistikasi fanlarining amaliy ahamiyati nimadan iborat?
2. Tabii til va sun'iy til munosabatini qanday izohlaysiz?
3. Kompyuter lingvistikasining asosiy muammolari sifatida nimalarni ajratib ko'rsatish mumkin?
4. Tilda aniqlikka erishish uchun nimalar qilish lozim deb o'ylaysiz?
5. Kompyuter lingvistikasi fanining yuzaga kelish asoslarini tushuntiring.

Adabiyotlar:

1. Шемакин Ю.И. Начало компьютерной лингвистики. – М.: Высшая школа, 1992.
2. Зубов А.В., Зубова И.И. Основы лингвистической информации. – Минск: МГПИИЯ, 1992.
3. Пиотровский Р.Г. Инженерная лингвистика и теория языка. – Л., 1979.
4. Нелюбин Л.Л. Компьютерная лингвистика и машинный перевод. – М.: ВЦП, 1991.
5. Grishman R. Computational linguistics // Cambridge University Press, 1994.
6. Новое в зарубежной лингвистике. Вып.24. Компьютерная лингвистика. – М.: Прогресс, 1989.
7. Нурмонов А., Йўлдошев Б. Тилшунослик ва табиий фанлар. – Тошкент: Ўқитувчи, 2001.
8. Po'latov A., Muhamedova S. Kompyuter lingvistikasi. – Toshkent, 2007.
9. Гладкий А.В., Мельчук И.А. Элементы математической лингвистики. – М.: Наука, 1969.
10. Jurafsky D., Martin J.H. Speech and Language Processing. – New Jersey, 2000.

MANTIQ, GRAMMATIKA VA ALGORITM

Reja:

1. Mantiq – kompyuter lingvistikasining muhim tarkibiy qismi.
2. Mantiq va grammatika munosabati.
3. Semiotika va informatsiya nazariyasida tilning kod sifatidagi talqini.
4. Algoritm – dasturlash asosi.

Tayanch so‘z va iboralar: *mantiq, grammatika, semiotika, algoritm, uchinchisi mustasno qonuni, oraliq uchinchi, matematik mantiq, dialektik mantiq, konyunksiya, dizyunksiya, implikatsiya, ekvivalensiya, kvantor, lingvistik protsessor, tabiiy tilli interfeys, semantika, sintaktika, semiotika, lingvosemiotika, pragmatika, kod, kodlash, dekodlash, denotat, signifikat, algoritmik tillar, translyator dasturlar (kompilyatorlar).*

Mantiq, grammatika, semiotika va algoritm kompyuter lingvistikasining muhim unsurlari hisoblanadi. Ular til va nutqning funksionallashuv jaryonini anglashda hamda lingvistik muammolarni avtomatik hal etish tizimini yaratishda poydevor bo‘lib xizmat qiladi. Mantiq, grammatika, semiotika va algoritm bir-biri bilan chambarchas bog‘liq tushunchalar bo‘lib, ular kompyuter lingvistikasida bir-birini to‘ldiradi, taqozo etadi hamda hamkorlikda ishlovchi qoidalalar tizimini tashkil qiladi.

Tafakkur qonuniyatlarini, muhokama yuritish qonun-qoidalari, usullari va formalarini o‘rganuvchi fan mantiq sanaladi. Unda tushuncha, hukm, xulosa chiqarish kabi mantiqiyl operatsiyalar o‘rganiladi. Mantiq dastlab Qadimgi Xitoy va Hindistonda miloddan avvalgi V asrda grammatika bilan uzviy bog‘liq holda shakllana boshladi. Miloddan avvalgi IV asrda Qadimgi Yunonistonda mantiq mustaqil fan maqomiga ega bo‘ldi. Bu hodisa yunon faylasufi Aristotel nomi bilan bog‘liq, u mantiq fani asoschisidir. Olim «Organon» (bu so‘z «qurol», «vosita» ma’nolarini anglatadi) asarini yozib, tafakkur qonuniyatlarini birinchi bo‘lib tushuntirdi, deduksiya nazariyasini – mantiqiyl xulosa chiqarishning formal xarakterga ega ekanligini ko‘rsatdi, mantiqni fikrlash quroli sifatida tavsifladi. Aristotel nominativ (otli) ifodalarning mantig‘ini ishlab chiqdi. Keyinroq Aristotelning shogirdi Teofrast va stoiklar maktabi vakillari jumla mantig‘ini yaratdilar.⁸

⁸ Белоногов Г.Г. Компьютерная лингвистика и перспективные информационные технологии. – М.: Русский мир, 2004. – С.15.

Aristotel ta'limoti Farobiy, Beruniy, Gegel, Frege, Leybnis kabi buyuk olimlar tomonidan davom ettirildi. Shundan boshlab mantiq fani turli yo'nalishlarda rivojlana boshlanadi. Dastlab formal mantiq yuzaga keldi, unda hodisalar faqat formal asosda tushuntiriladi. Bu yo'nalishda **uchinchisi mustasno** qonuni ustuvorlik qiladi. Unga ko'ra, bayon qilingan ikki zid fikrdan biri chin, boshqasi xato, lekin uchinchi holat bo'lishi mumkin emas. Bu qonun «A – B dir yoki B emasdir» formulasi orqali beriladi. Juda uzoq yillar ushbu qarash to'g'ri deb baholab kelindi.

XVIII – XIX asrlarda falsafada hodisalarni doimo rivojlanish va o'zaro ta'sirda o'rganuvchi dialektik ta'limot paydo bo'lganidan so'ng u mantiqqa ham ta'sir ko'rsata boshladи. Natijada dialektik mantiq yo'nalishi yuzaga keldi. Bu yo'nalishga nemis faylasufi Georg Vilgelm Fridrix Gegel asos soldi. U o'z qarashlarini 4 jildli «**Mantiq fani**» nomli monografiyasida bayon qildi. Olim mantiqqa **oraliq uchinchi** qoidasini olib kirdi. Unga ko'ra, hodisalarni baholashda ikkita bir-birini inkor etuvchi hodisa o'rtaida neytral – «oraliq uchinchi» holat ham ajratiladi. Masalan:

issiq	iliq	sovutq
A	B	C

Demak, dialektik mantiqqa asosan hodisalar ko'p parametrлarda bahanadi. Keyinroq nemis olimi va matematigi Leybnis va Gilbertlar mantiq faniga matematik simvollarni tatbiq etdi. Ushbu olimlarning buyuk xizmatlari bilan matematik mantiq fani shakllandi.

Dastlab matematik mantiq faqat tabiiy fanlarda qo'llanib kelindi, keyinchalik u gumanitar sohalarga ham tatbiq etilgan. Nemis faylasufi va matematigi G. Leybnis (1646 – 1716) birinchilardan bo'lib mantiqiy fikrlashingning hisob xarakteriga ega ekanligini ko'rsatdi. Uning fikricha, barcha ilmiy tushuncha va mulohazalarning asosini mantiqiy elementlar tashkil qildi. Mana shu mantiqiy elementlarni muayyan simvollar bilan belgilash mumkin bo'ladi. Leybnis g'oyalari faqat XIX asrdagina amalga oshdi. Nemis olimi G. Frege, ingliz olimi J. Bul, rus olimi V. Poretskiy ishlarida simvolik mantiq asoslari yaratildi.⁹

Matematik mantiqda fikrlarning chin (to'g'ri) yoki yolg'onligi matematik yo'l bilan isbotlanadi. Bunda x ni argument (o'zgaruvchi) deb belgilaymiz. Agar $x = 1$ bo'lsa, mutlaq chin hukm, $x = 0$ bo'lsa, mutlaq yolg'on hukm deb belgilaymiz. Matematik mantiq turli simvollar bilan ishlendi. Ular mantiqiy bog'lovchilar deb ham yuritiladi. Ushbu simvollar sun'iy

⁹ Po'latov A., Muhammedova S. Kompyuter lingvistikasi. – Toshkent, 2007. – B.10.

programmalashtirish tillarida ishlataladi. Shu o'rinda biz ularni alohida ajratib ko'rsatishni lozim topdik:

1-jadval

1. A & B – konyunksiya. Bu o'zbek tilidagi «va» bog'lovchisiga to'g'ri keladi.
2. A V B – dizyunksiya. Bu o'zbek tilidagi «yoki» bog'lovchisiga to'g'ri keladi.
3. A \Rightarrow B – implikatsiya. Bu o'zbek tilidagi «agar ... -sa, u holda ...» bog'lovchisiga to'g'ri keladi.
4. A \equiv B – bu belgi mantiqiy teng kuchlilik (ekvivalensiya) uchun ishlataladi.
5. A / B – bu belgi «Sheffir tayoqchasi» deb nomlanadi, u «va ... emas» bog'lovchisiga to'g'ri keladi.
6. A \downarrow B – bu belgi «Pirs strelkasi» deb nomlanadi, u «yoki ... emas» bog'lovchisiga to'g'ri keladi.
7. \exists = inglizcha <u>exists</u> so'zining qisqartmasi bo'lib, mavjudlik kvantori sifatida ishlataladi.
8. \sum = summa, barcha narsaning jami.
9. \forall = inglizcha <u>all</u> so'zining qisqartmasi bo'lib, hammasi uchun \in kvantori sifatida ishlataladi.
10. x, y, z – predmetlarning borligini belgilash uchun ishlataladi.
11. X, Y, Z – predmetlarning sifatini (atributlarini) belgilash uchun ishlataladi.
12. S – subyekt
13. P – predikat
14. A = 0 – mutlaqo noto'g'ri
15. A = 1 – mutlaqo to'g'ri
16. \bar{A} – emas (inkor). Bir mulohaza ikkinchi bir mulohazaga zid kelsa, ishlataladi.

Matematik mantiqda mulohazalarning chin yoki yolg'onligini formal nazariya asosida tekshirib ko'rish mumkin. Bunda mantiqiy hukmlarni shartli ravishda simvolik belgilar, mantiqiy bog'lovchilar yordamida belgilab olamiz. U gapning propozitsional ko'rinishi deb nomlanadi. So'ng jumlanı formal nazariya asosida hisoblaymiz. Bunda bizga hukmlarning qiymatini ko'rsatuvchi jadval beradi.

2-jadval

A, B	A&B	AVB	A \Rightarrow B	A \equiv B
0 0	0	0	1	1
0 1	0	1	1	0
1 0	0	1	0	0
1 1	1	1	1	1

Formal mantiq va simvolik mantiq til strukturasini o'rganishda amaliy ahamiyat kasb etadi, grammatikani formallashtirishda, sun'iy program-malashtirish tillarini yaratishda asos bo'lib xizmat qiladi, kompyuter lingvistikasining o'ziga xos simvolik «tili» sifatida namoyon bo'ladi. Mantiq bizga kompyuter lingvistikasining murakkab va ko'p aspektli muammosi hisoblangan tabiiy tilga ishlov berish (NLP) uchun optimal metodlarni taklif etadi. Jumladan, formallashtirish, analogiya, modellashtirish metodlari kabi.

Antik davrda ham, o'rta asrlarda ham grammatika va mantiq yonmayon o'qitilgan. Ayniqsa, o'rta asrlarda grammatika va mantiq klassik ta'limga poydevori bo'lgan «yetti erkin san'at» (*artes liberales*) tarkibiga kirgan. Bunda grammatika, ritorika (notiqlik san'ati) va mantiq «formal san'atlar» (*artes formales*) sifatida trivia (uchlik)ga birlashgan. Arifmetika, geometriya, musiqa va astronomiya «real san'atlar» (*artes reales*) sifatida kvadrvicia (to'rtlik)ga birlashgan. Ushbu fanlarni o'zlashtirgan insongina yetuk va barkamol hisoblangan.

Tabiiy tilning strukturasini o'rganishda mantiq, grammatika va semiotika uzviy aloqadorlikda ish ko'radi. Mantiq va grammatika orasidagi aloqadorlikni til va tafakkur, so'z va tushuncha, gap va hukm, ega va subyekt, kesim va predikat kabi kategoriyalarning dialektik munosabati yordamida yaqqol tasavvur etish mumkin.¹⁰

3-jadval

Mantiqiy kategoriyalar	Tilning grammatik unsurlari
Subyekt	Ega
Predikat	Kesim
Obyekt	To'ldiruvchi
Atribut	Aniqlovchi
Predmet, hodisa	Ot so'z turkumi
Jarayon (harakat, holat)	Fe'l so'z turkumi
Sifat	Sifat so'z turkumi
Miqdor	Son so'z turkumi; son kategoriyasi
Bog'lovchilar; munosabatlar	Ko'makchilar, bog'lovchilar; kelishik kategoriyasi

Til tafakkur bilan chambarchas bog'liq bo'lib, fikrni moddiylashtiradi-gan, kishilarning fikr almashishini ta'minlab beradigan quroldir. Til bilan

¹⁰ Лагута О.Н. Логика и лингвистика. – Новосибирск, 2000. – С.7.

tafakkur bir-birini taqozo etadigan ajralmas hodisadir. Tilsiz tafakkur bo'lmaganidek, til ham tafakkursiz bo'lmaydi. Tafakkur inson oliv nerv sistemasining, ya'ni bosh miyaning faoliyati bo'lib, so'z, so'z birikmalari va gaplarda o'z ifodasini topadi. Har qanday fikr so'zlarda o'z ifodasini topmaguncha, ya'ni so'zlardan tarkib topgan ifoda qolipiga tushmaguncha yuzaga chiqmaydi. Fikrning vogeligi, uning mavjudligi tilda namoyon bo'ladi. Demak, fikr tilda vogelashadi, tilda mayjud bo'ladi.

Tafakkurning reprezentatsiyasi til hisoblanadi. Ong amalda til formasi-da mayjud. Garchi til bilan tafakkur bir-biri bilan bevosita bog'liq ajralmas birlikni tashkil qilgan bo'lsa-da, ammo ularni aynan bir hodisa deb tushunish noto'g'ri. Til bilan tafakkur murakkab, qarama-qarshiliklarga boy bo'lgan dialektik birlikni tashkil etadi. Til fonetika, grammatika qonunlari asosida tashkil topgan material hodisa bo'lsa, tafakkur obyektiv borliqning inson miyasida aks etishining oliv formasi sifatida ideal hodisadir. Til qonunlari bilan tafakkur qonuniyatlarining tuzilishi va rivojlanishi bir xil emas. Tilning qurilish qonunlarini grammatika fani o'rganadi. Tafakkur qonunlari va birliklari esa mantiqda o'rganiladi. Grammatik kategoriya va mantiqiy kategoriya orasidagi munosabat ham juda murakkabdir. Grammatik kategoriyalarni mantiq, mantiqiy kategoriyalarni grammatik kategoriyalarga bo'ysundirish yoki ularni qorishtirish mumkin emas. Bu kategoriylar ba'zida mos kelishi, ba'zida mos kelmasligi ham mumkin.

Kompyuter lingvistikasida inson tafakkuri va tilini modellashтирish masalasi markaziy muammo hisoblanadi. Ya'ni sun'iy intellekt, tabiiy tilga ishlov berish (NLP), **lingvistik protsessorlar**, kompyuter uchun **tabiiy tilli interfeys** bo'yicha olib borilayotgan tadqiqotlar mantiq, grammatika, semiotika, kompyuter texnologiyalari sohalarning ijodiy hamkorligi asosida amalga oshirilmoqda. Bu sohada juda ko'p yutuqlarga erishildi, lekin halihanuz mo'jizakor tabiiy til ham, sirli inson tafakkuri ham to'la modellashтирilgani yo'q. Ayni shu masala – til va tafakkurni modellashтирish kompyuter lingvistikasi fanining istiqbolli yo'nalishi sanaladi.

Semiotika yoki semiologiya (yunoncha semiotike, ya'ni «belgilash», «tasvirlash», «ifodalash» degan ma'nolarni anglatadi) belgilar sistemasi haqidagi fan bo'lib, unda axborotni saqlovchi, uzatuvchi turli xil belgi va belgilar tizimlarining yaratilishi, vazifalarini, belgilar sistemasiga kiruvchi hodisalarни, ularning tabiatи, mohiyati, turlari, ko'rinishlari, amal qilishi kabilarni tekshiradi.¹¹ Semiotika tilshunoslikda, xususan, kompyuter lingvistikasida ham muhim metodologik ahamiyat kasb etadi. Chunki til ham bel-

¹¹ Э́ко У. Отсутствующая структура. Введение в семиологию. – М.: Петрополис, 1998. – С.31.

gi sanaladi, semiotikada tabiiy tillar ham, sun'iy tillar ham, hatto yo'l belgilari, audio va videosignal lar ham tadqiq etiladi.


Semiotika fani XIX asr oxirlarida vujudga keldi, uning asoschisi amerikalik olim Charlz Sanders Pirs (1839 – 1914) hisoblanadi. Strukturalizm asoschisi Ferdinand de Sossyur «Umumiy tilshunoslik kursi» asarida bu fanni «*semiologiya*» deb nomlagan. Ushbu fan yutuqlari hozirgi zamon kompyutershunoslida, telekommunikatsiya, uyali telefon tizimlari, sun'iy yo'l doshlar, avtomatik boshqaruv tizimlari va boshqa sohalar da keng foydalaniladi. Semiotikada belgilarni tizimi to'rt aspekt asosida o'r ganiladi: 1) *sintaktika* – belgilarni strukturasini tekshiradi; 2) *semantika* – belgilarning mazmuniy tomonini tekshiradi; 3) *sigmatika* – belgi va uniax ettiruvchi obyekt o'rtasidagi munosabatni o'r ganadi; 4) *pragmatika* – belgilarning insonga bo'lgan munosabati, foydaliligi, amaliy jihatlarini tadqiq etadi.

Semiotika belgilarni haqidagi keng qamrovli nazariy-falsafiy fan bo'lib, tilni belgilardan iborat butunlik sifatida o'r ganadi. Tilshunoslik va semiotikaning o'zaro maqsadli aloqaga va munosabatga kirishuvidan lingvosemiotika deb ataluvchi soha shakllandi. Lingvosemiotika tilning belgi tabiatiga egaligini, informatsiya uzatuvchi til birliklarining xususiyatlarini tadqiq qiladi. Til birliklari, tilning tarkibini tashkil qiluvchi struktural elementlar – morfema, so'z, so'z birikmasi, gap, matn va boshqalar muayyan informatsiyani berish, yetkazish – ijtimoiy vazifani bajarish uchun xizmat qiluvchi belgilarni sistemasi sifatida tadqiq qilinadi. Shunga ko'ra til jamiyatda mavjud bo'lgan boshqalar bilan umumiylitka, o'xshashlikka ega bo'ladi. Shunga ko'ra, til semiotika fanining – lingvosemiotikaning o'r ganish obyektiga aylanadi. Tilning tabiatini, mohiyatini, jamiyatdagi o'rni va rolini bilish uchun uni faqat qaysidir til bilan qiyoslashning o'zigina yetarli bo'lmaydi. Tilni – til sistemasi tarkibidagi birliklarni, belgi deb olingan elementlarni boshqa belgilarni – nolisoniy belgilarni sistemasi bilan ham, jamiyatga faol xizmat qilayotgan ramzlar (znaklar) bilan ham, sun'iy tillar bilan ham qiyoslash lozim. Bu, shak-shubhasiz, tilning tabiatini mukammal yoritishga katta xizmat qiladi.

Ma'lumki, til – til (nutq) birliklari (so'z, so'z birikmasi, gap va boshqalar) muayyan belgilarni sifatida ma'no, tushuncha, fikr ifodalaydi. Ular ma'no, tushuncha, fikr kabilarning simvoli (ramzi) yoki belgisi hisoblanadi. Shunga ko'ra, Ferdinand de Sossyur til fikr ifoda etuvchi belgilarni sistemasidir, deydi.¹²

¹² Соссюр Ф. де. Курс общей лингвистики // Труды по языкоznанию. – М.: Прогресс, 1977. – С.53.

F.de Sossyurning fikricha, lingvistik belgi ikki tomonlama psixik mohyatdir. Buni quyidagi chizmada ko'rish mumkin.¹³



Demak, lisoniy belgi tushuncha va akustik obraz bilan bog'liq. Bu terminlar «ifodalovchi» va «ifodalanmish» deb ham ataladi.¹⁴

Til birliklari o'zaro zaruriy, mantiqiy aloqaga kirishib, til sistemasini shakkantiradi, uning obyektivligini, bir butunligini ta'minlaydi, tilning ijtimoiy vazifa bajarishi uchun imkoniyat beradi, shart-sharoit yaratadi. Ushbu jarayonda tilning yuqorida qayd etilgan birliklarining har biri o'ziga xos xususiyatlarga egaligi bilan, nisbiy mustaqilligi bilan, umumiy va farqli jihatlari bilan ajralib turadi.

Til sistemasining asosiy birliklari bo'lgan fonema, morfema va so'zlarning ijtimoiy vazifa bajarishidagi eng muhim jihatni ularning ikki tomonga egaligida ko'rindi. Ushbu birliklar ifoda va mazmun jihatiga egaligi bilan, shu nuqtayi nazardan umumiy hamda farqli xususiyatlari bilan o'zaro ajralib turadi.

Tabiatda ham, jamiyatda ham mavjud har bir narsa, hodisa falsafiy ma'noda shakl (tashqi) va mazmun (ichki) tomonlariga ko'ra baholanadi. Tilning eng kichik birligi bo'lgan tovush (fonema) shakl va mazmun jihatiga ko'ra o'ziga xos bo'lib, morfema va so'zlardan farqlanadi. Tovush (fonema), qayd etilgan xususiyati nuqtayi nazardan faqat bir tomonga – ifoda tomoniga egadek ko'rindi. U morfema va so'z kabi muayyan ma'no, tushuncha – mazmun bilan bog'lanmaydi, ma'no ifodalamaydi. Shu nuqtayi nazardan tovush (fonema) bir tomonlama birlikka o'xshaydi. Ammo tovush (fonema) faqat ifoda jihatiga, moddiylik xususiyatiga egaligidan tashqari, ayni vaqtda, u dastavval til birliklarining tashqi – ifoda jihatini tashkil qiladi va ularni shaklan – tovush tizimiga ko'ra farqlaydi. Shunga ko'ra, til birliklarining ma'nosini o'zgaradi, o'zaro farqlanadi. Demak, tovush (fone-

¹³ Шемакин Ю.И. Начало компьютерной лингвистики. – М.: Высшая школа, 1992. – С.7.

¹⁴ Нурмонов А. Лисоний белги хусусиятлари ҳақида. – Андижон, 1992. – Б.14.

ma) muayyan ma'noga ega bo'Imagan, ayni vaqtda, muayyan ma'noga ega til birliklarining (morfema va so'zlarning) differensiatsiyasi uchun, ularni o'zaro farqlash uchun xizmat qiladi. Til birligi bo'lgan tovush (fonema) kommunikativ jarayonda ijtimoiy vazifa bajarishiga, tilning eng asosiy qurilish materiali, moddiy ashyosi ekanligiga, so'z hosil qilish, so'z yasash, ma'no farqlash kabi ijtimoiy-lisoniy xususiyatlarga egaligiga ko'ra alohida baholanadi. Shunga ko'ra, tovush (fonema) til birligi sifatida tilshunoslikning alohida sohasi bo'lgan fonemalar haqidagi ta'limot – fonologiyaning tadqiq va tahlil obyekti hisoblanadi.

Morfema ifoda (moddiy) va mazmun (ruhiy) jihatlarining bir butunligidan iborat bo'lib, tilning muayyan ma'noga ega eng kichik birligi hisoblanadi. Muayyan birlik bo'lgan so'z (leksema) ikki planli belgi sifatida tovush va ma'no, ifoda va mazmun tomonlarining dialektik bog'liqligidan iborat, nominativ birlik holatida ijtimoiy vazifa bajaradi. So'zning ifoda plani uning tashqi – tovush tomoni bo'lib, bunda so'zning belgisi sifatida uning tovush tomoni xizmat qiladi. So'z ifoda planiga ega deyilganida so'zni formal shakllantiruvchi, uning moddiy birlik sifatida sezgi a'zolarimizga ta'sir qilishini ta'minlovchi tovushlar nazarda tutiladi.

So'zning mazmun plani uning ichki, ma'no tomoni (leksik ma'no, leksik tushuncha, ramziy axborot, signifikat, semema) bo'lib, u obyektiv borliq elementlarining kishi ongida aks etishi, ayni elementlarga xos xususiyatlarning umumlashuvi natijasida yuzaga keladigan ideal (psixik) strukturaadir. Ma'no obyektiv borliq elementi yoki ushbu elementlar guruhining kishi ongidagi shartli ramzi (belgisi, ishorasi) emas, balki bu element (yoki elementlar guruhi)ning kishi ongida mavhumlik kasb etgan obrazi, umumlashgan in'ikosi hisoblanadi.

So'zning mazmun tomonini o'zicha biron shaxsga ma'lum qilish mumkin bo'Imaganligi uchun uning tovush jihatni, ramzi talaffuz qilinadi. Bu ramz (belgi) tinglovchi ongida tegishli tushuncha, tasavvur uyg'otadi. Demak, til sistemasida ramziy munosabat tovush va ma'no orasidagi shartli bog'lanish tarzida yuzaga chiqadi. Ma'noda aks etadigan aniq narsa yoki hodisa tasavvuri (denotat) ikkinchi planda bo'ladi.

So'z mazmun planida ikki hodisa farqlanadi: leksik ma'no (**signifikat**) va **denotat**.¹⁵ Denotat so'z ma'nosi emas, balki so'z yordamida ko'rsatiladigan, nomlanadigan, ataladigan hodisadir. Ma'no esa, qayd etilganidek, obyektiv borliq elementlariga xos bo'lgan xususiyatlarning inson ongida mavhumlik kasb etishi, umumlashuvi natijasida shakllanishidir. Nutqda so'z denotat-

¹⁵ Нурмонов А. Лисоний белги хусусиятлари ҳақида. – Андижон, 1992. – Б.17.

ning (obyektiv borliq elementining) lingistik vakili vazifasini bajaradi. So'zda tovush ifodalovchi (ramz, belgi) bo'lsa, ma'no ifodalanuvchi bo'ladi.

So'zdan yirik so'z birikmalarini va gaplar ham ifoda va mazmun planlari-
ga ega, ularning mazkur ikki jihatni ko'proq grammatika va semantikaning
aloqasi doirasida qaraladi. Ushbu nutq birliklari ham, aslida, ifoda va
mazmun planiga ega so'zlarning birikuvidan, o'zaro bog'lanishidan yuza-
ga keladi. Shu sababli ularni o'rganish ularni hosil qilgan so'zlarni
o'rganishdan boshlanadi.

Informatsiya nazariyasi informatsiyani uzatish va saqlashning mazmun
tomonini emas, balki uning statistik qurilishi bilan shug'ullanadi, ya'ni in-
formatsiya nazariyasi axborot matnini statistik struktura sifatida o'rganadi.
Statistik struktura axborotdagi signal (simvol) va signallar birlashuvining
voqelanish chastotasi soni, miqdoridir. Signalning ko'p marta takrorlanishida
signal orqali uzatiladigan axborotning miqdorini aniqlash juda muhim.
Demak, informatsiya nazariyasi muayyan axborotdagi ma'lumotlarni ush-
bu ma'lumotlarning tabiatiga – mazmuniga bog'liq bo'limgan holda miqdorini o'lchash (tekshirish) yo'llarini, usullarini ishlab chiqadi. Shunga ko'ra,
informatsiya nazariyasining muhim va asosiy xulosalari tilshunoslikda ham
o'z ifodasini topadi. Informatsiya nazariyasining asoschisi amerikalik olim
K.Shennon informatsiyaning quyidagi aloqa kanallari bo'yicha uzatilishini
sxema asosida tushuntiradi:¹⁶

Manba → uzatuvchi → kanal → priyomnik → axborotni oluvchi

Ushbu holat til vositasida insonlarning kommunikatsiyaga kirishuv jara-
yoniga ham to'la mos keladi. Aslida, ushbu model til, tafakkur va nutq mu-
nosabatidan kelib chiqqan. Informatsiya tabiiy yoki sun'iy tillar orqali uza-
tilar ekan, bunda til sistemasi kodlash va dekodlash jarayonlariga bog'liq
holda talqin etiladi.

Informatsiya nazariyasi ma'lumotlarini o'rganish jarayonida maxsus
terminlardan – tushunchalardan foydalilanadi. Bular quyidagilar:

1. **Kod** – axborotni yozib olish vositasi (usuli).
2. **Matn (tekst)** – muayyan axborotni berish, uzatish jarayonidagi belgi-
larning (til birliklarining, simvollarning) izchilligi, ketma-ket kelishi.
3. **Kanal** – axborot beriluvchi, uzatiluvchi muhit, sharoit.
4. **Informatsiya** asosiy birlik bo'lib, u **bit** (yoki **binit** inglizcha «binary
unit» – «ikkilik birligi») deb ataladi.¹⁷

¹⁶ Эко У. Отсутствующая структура. Введение в семиологию. – М.: Петрополис, 1998. – С.45.

¹⁷ Реформатский А.А. Введение в языковедение. – М.: Просвещение, 1967. – С.51.

5. Kodlash va dekodlash – informatsiyani mashina (kompyuter) tushunadigan tilga o'tkazish va bunga teskari bo'lgan kompyuter tushunadigan til dan inson tushunadigan tilga aylantirish jarayoni.

Tashqi olam haqidagi informatsiya insonning bosh miya qobig'ida model va strukturalar ko'rinishida saqlanadi, aks etadi va qayta ishlanadi. Ushbu holatning fiziologik asosi nerv-sensor hujayralar – aksonlar hisoblanadi. Bosh miya qobig'ida so'zli strukturalar hamda semantik maydon shakllanadi. Funksionallashuv jarayonida (xabarning bir individuumdan boshqasiga yetkazilishi va qabul qilinishi) til diskret shaklda – nutq ko'rinishida namoyon bo'ladi. Tovushli nutqning idrok qilinish jarayoni – bu nutq tovushlaridan informatsiyaning ajralishi, tarqalishi demakdir. Eshitish organi havoning tebranishini qabul qiladi, signalni bosh miya qobig'iga jo'natish uchun uzlusiz impulslarni kodlashtiradi. Birinchi bosqichda bosh miyada tovushlar zaxirasidan «tovushlar modeli» (N.I.Jinkin buni «fonemalarning barqaror katakchaları» deb atagan) shakllanadi. Inson miyasidagi obrazlar va tushunchalar tovushlar kombinatsiyasi ko'rinishida moddiy qobiqqa ega bo'ladi. Inson xotirasida so'zlearning modellari aniq hujayralar kompleksi ga muvofiq ravishda saqlanadi. Informatsiyani solishtirish natijasida miyada yangi kod – so'z kodi kodlashtiriladi va uni qobiqning keyingi bosqichiga uzatadi. U yerda informatsiyaning yangi modeli shakllanadi, bunda oldingiga nisbatan kodlashtirish oson kechadi, chunki o'zida mayjud bo'lmagan ramzlarnigina kodlashtiradi, keyingi so'zni kodlashtirish oldingisidan ko'ra ham oson kechadi, keyingi bosqichda – birikmalar kodlashtiriladi hamda informatsiya keyingi bosqichga uzatiladi. Bunda yuqoridaqgi jarayon qaytariladi: informatsiya ajratiladi va mazmun modellashtiriladi.¹⁸

Tilni informatsiya nazariyasiga ko'ra yuqorida qayd etilgan uchta tushunchalardan kod bilan tenglashtirish, kod bilan parallel qo'yish mumkin.¹⁹ Chunki kod, aytiganidek, axborotni yozib olish usuli, vositalardan biridir. Demak, til – tilning har bir belgisi (til birlklari) kod sifatida muayyan axborot tashiydi, uzatadi, yetkazadi. Binobarin, ayni vaqtda, ushbu axborotni hisoblab chiqish, statistik ma'lumot to'plash mumkin. Xullas, til semiotika va informatsiya nazariyasiga ko'ra kod sifatida namoyon bo'ladi.

Algoritm (lotincha algoritmus – «ibtido» ma'nosini anglatadi; bu so'zning etimologiyasi buyuk alloma Al-Xorazmiy nomi bilan bog'liq. U Yevropada buzilgan shaklda «Algorithmi» tarzida ishlatilgan) – ma'lum bir tipga oid

¹⁸ Qarang: Амосов Н.М. Моделирование мышления и психики. – Киев, 1965.

¹⁹ Шемакин Ю.И. Начало компьютерной лингвистики. – М.: Высшая школа, 1992. – С.7.

hamma masalalarni yechishda ishlatiladigan jarayonlar tizimining muayan tartibda bajarilishi haqidagi aniq qoida yoki qoidalalar tizimi.²⁰ O'rta asrlarda sanoqning o'nli sistemasi bo'yicha to'rt arifmetik amal bajariladi- gan qoida algoritm deb atalgan. Bu qoidalarni fanga IX asrda o'zbek matematigi Muhammad al-Xorazmiy kiritgan. Uning «Arifmetika» asarining birinchi so'zi «Qola al-Xorazmiy» so'zleri lotin tiliga «Dixit Algorithmi» («Al-Xorazmiy dediki») deb tarjima qilingan. Bu yerda al-Xorazmiy so'zi «Algorithmi» deb yozilgan. Shundan so'ng algoritm tushunchasi fanda e'tirof etilib, uning qo'llanilish doirasi kengaydi. XX asrda algoritmlar kibernetikaning nazariyi va mantiqiy asosi sifatida tan olingan.

Qo'shuv, ayiruv, ko'paytiruv, bo'lув kabi arifmetik qoidalari, kvadrat ildiz chiqarish qoidalari, har qanday ikki natural son uchun eng umumiy bo'luvchini topish usuli arifmetikaga eng oddiy misollardir. Aslida, biror vazifani umumiy tarzda, ya'ni uning variatsiya qilinuvchi shartlarining butun turkumi uchun hal qilish vositalariga ega bo'lganimizda biz algoritm bilan ish ko'ramiz. Oddiy hayotiy misol – choy yoki kofe tayyorlashning ham o'z algoritmi mavjud.

Kompyuter texnologiyalari taraqqiyoti bilan bog'liq holda odam bilan mashina orasida o'ziga xos «ko'prik» vazifasini bajaruvchi sun'iy tillar yaratildi, ular programmalashtirish jarayonida qo'llaniladi. Sun'iy tillar buyruqlarning tizimli algoritmiga tayanib yaratilgani uchun ular **algoritmik tillar (programmalashtirish tillari)** deb ham ataladi. Dastlabki shunday til 1958-yilda Parijda yaratilgan va «**Algol**» deb atalgan (Uning to'liq nomi inglizcha – «Algorithmic language»). Hozir jahonda 500 dan ortiq algoritmik tillar mavjud.

Algoritmik tillardagi matnlar xuddi tabiiy tildagidek aniq interpreteriga – insonga yoki avtomatik qurilmaga yo'nalgan bo'lishi lozim, toki u axborotni qabul qilsin va tushunsin. Agar bu jarayon (qabul qilish va tushunish) amalgaloshmasa, u holda algoritmik tillar va kompyuter orasida vositachi sifatida **translyator dasturlar** (yoki **kompilyatorlar**)dan foydalilanadi.²¹ Algoritmik tillar uch asosiy komponentdan iborat bo'ladi: 1) alfavit – asosiy simvollar nabori; 2) sintaksis – simvollar kombinatsiyasi orqali jumla hosil qilish qoidalari; 3) semantika – algoritmik tillardagi birliklarning mazmun tomoni. Algoritmik tillar asosan **imperativ** xarakterga ega bo'ladi, ya'ni asosan buyruqlar tizimiga tayanadi (begin – boshla, end – tugalla kabi). V.A.Uspenskiy va A.L.Semyonovlar bu haqida shunday yozadi: «Algorit-

²⁰ Фалсафа. Қисқача изоҳли луғат. – Тошкент: Шарқ, 2004. – Б.18.

²¹ Кревский И.Г., Селиверстов М.Н., Григорьева К.В. Формальные языки, грамматики и основы построения трансляторов. – Пенза, 2003. – С.7.

ning mazmuni «buyruqlashtirilgan»: algoritm ijro etilishi, bajarilishi shart. Shunday qilib, aytish mumkinki, *algoritmlarni o'rganuvchi nazariya buyruq gaplar lingvistikasi sifatida talqin etilishi mumkin*.²²

Algoritmlar asosan quyidagi shakllarda yoziladi: a) so'z ko'rinishida – tabiiy til yordamida; b) grafik ko'rinishida – tasvir, chizma va grafikli simvollar yordamida; c) psevdokod ko'rinishida – algoritmlarning yarim formallahgan tavsifi bo'lib, u programmalashtirishning dastlabki bosqichlarida qo'llaniladi. Bunda programmalashtirish tillari unsurlaridan ham, tabiiy tildagi so'z va birikmalardan ham foydalanoladi; d) programma ko'rinishida – programmalashtirish tillaridagi belgilari yordamida.

Algoritm buyruqlar tizimi, qat'iy bajariladigan amallar ketma-ketligi hamda programmalashtirishning tayanch nuqtasi sanalgani bois uning vositasida kompyuter dasturlarini ishlab chiqish va muammoning avtomatik tarzda (mashina orqali) hal etilishini amalga oshirish mumkin. Algoritmi qamrovli vazifalarni hal etishga yo'naltirish, algoritm nazariyasini mukammalashtirish, ayniqsa, kompyuter texnologiyalari, shuningdek, kompyuter lingvistikasi rivojlanayotgan davrimizda dolzarb ahamiyat kasb etadi. V.A.Uspenskiy va A.L.Semyonovlar algoritm haqida shunday yozadi: «*Algoritm tushunchasi nafaqat algoritmlar nazariyasi, matematika va informatikaning tushunchasi, balki umuman zamonaviy fanlarning tayanch tushunchalaridan biridir. Axborot asrining kirib kelishi bilan algoritmlar sivilizatsiyaning eng muhim faktorlaridan biri bo'lib qoldi*». Shu o'rinda ta'kidlash joizki, kompyuter lingvistikasida shunday masalalar ham borki, ularni algoritmlar asosida hal etish mumkin emas. Jumladan, sun'iy intellekt tizimi doirasidagi nevron tarmoqlar, sifatlari avtomatik tarjima kabilalar. Ushbu muammlarni hal etishda **«algoritmga asoslangan yondashuv»** (**«rule based approach»**) dan tashqari, analogiya prinsipiiga asoslanadigan **«namunalarga asoslangan yondashuv»** (**«example based approach»**) ga ham ehtiyoj seziladi.

Buyuk faylasuf Gegelning fikricha, har qanday fan tadqiq etilgan mantiqidir.

Topshiriqlar:

1. Mantiq va semiotikaning kompyuter lingvistikasidagi tatbiqini tu-shuntiring.
2. Konyunktiv, disyunktiv, implikativ hukmlarga o'zbek tilidan misollar keltiring.

²² Успенский В.А., Семенов А.Л. Теория алгоритмов: основные открытия и приложения. – М.: Наука, 1987. – С.13.

3. Matematik mantiq fanini qaysi olimlar rivojlantirgan?
4. Ushbu gapning propozitsional ko'rinishini yozing: Agar Jons bu tunda Smitni uchratmagan bo'lsa, u holda Smit qotil yoki Jons aldayapti. Agar Smit qotil bo'lmasa, u holda Jons bu tunda Smitni uchratmadи va qotillik yarim tundan keyin sodir bo'ldi. Agar qotillik yarim tundan keyin sodir bo'lgan bo'lsa, u holda Smit qotil yoki Jons aldayapti. Yuqoridagilardan kelib chiqadiki, Smit qotil.

5. Qanday algoritmik tillarni bilasiz?

Adabiyotlar:

1. Yoqubov T., Karimbekov S. Matematik mantiq elementlari. – Toshkent: O'qituvchi, 1996.
2. Шемакин Ю.И. Начало компьютерной лингвистики. – М.: МГОУ, 1992.
3. Лагута О.Н. Логика и лингвистика. – Новосибирск, 2000.
4. Нурмонов А. Лисоний белги хусусиятлари ҳақида. – Андижон, 1992.
5. Успенский В.А., Семенов А.Л. Теория алгоритмов: основные открытия и приложения. – М.: Наука, 1987.
6. Кревский И.Г., Селиверстов М.Н., Григорьева К.В. Формальные языки, грамматики и основы построения трансляторов. – Пенза, 2003.
7. Эко У. Отсутствующая структура. Введение в семиологию. – М.: Петрополис, 1998.
8. Соссюр Ф. де. Курс общей лингвистики // Труды по языкознанию. – М.: Прогресс, 1977.
9. Белоногов Г.Г. Компьютерная лингвистика и перспективные информационные технологии. – М.: Русский мир, 2004.
10. Po'latov A., Muhamedova S. Kompyuter lingvistikasi. – Toshkent, 2007.

AKSIOMATIK NAZARIYA – TILNI FORMAL TAVSIFFLASH ASOSI

Reja:

1. Aksiomatik nazariya haqida umumiy ma'lumot.
2. Aksiomatik nazariyaning lingvistik tadqiqi.
3. Lingvistik universaliyalar g'oyasi.
4. Metagrammatika.

Tayanch so'z va iboralar: *aksioma, postulat, teorema, ziddiyatsizlik, to'lalik, bog'liqsizlik, aksiomatik metod, aksiomatik nazariya bosqichlari, formula, keltirib chiqarish qoidalari, metagrammatika, metaqoidalar, lingvistik universaliyalar, frekventaliya va unikalialiylar, metaqoida, implikativ universaliya.*

Aksiomatik nazariya miloddan avvalgi VII – VI asrlarda shakllangan. Uning yaratilishi matematik olim Pifagor nomi bilan bog'liq. Lekin bu metodni birinchi marta miloddan avvalgi III asrda yashab ijod etgan yunon olimi Yevklid o'zining «Negizlar» asarida qo'llagan. Aksiomatik nazariya bosqichlari quyidagilardan iborat:

1. Postulat – yunoncha «talab» ma'nosini anglatadi. Qadimgi dialektika o'yinida har bir kishining ilgari surgan g'oyasi, fikri. Uni tasdiqlash ham, inkor qilish ham mumkin.

2. Aksioma – yunoncha «hurmat qilaman» ma'nosini anglatadi. U ilmiy nazariyaning hech qanday mantiqiy isbotsiz to'g'ri deb tan olinuvchi va boshqa ilmiy xulosalar uchun asos bo'luvchi maqbul deb topilgan haqiqat, go'yo olimlar bu fikrni «hurmat qilib» inkor etmaydi. Arirstotel aksiomani «har qanday isbotsiz e'tirof etiladigan boshlang'ich hukmlar», «ilm-fanning poydevori, ibtidosi» sifatida talqin qilgan.

3. Teorema – aksiomadan farqli ravishda mantiqan keltirib chiqariladigan jumlalar, u shart, isbot va xulosa qismalariga ega.

Fanni aksiomatik asosda qurish uchun qabul qilingan aksiomalar tizimi quyidagi asosiy talablarni qanoatlantirishi kerak:²³

– ziddiyatsizlik – aksiomalar tizimining shunday xossasiki, unga ko'ra, sistemaning hech qanday ikkita holati bir-biriga zid kelmasligi kerak. Bunda aksiomalar tizimining o'zida rost va yolg'on orasidagi farqni aks ettirishi kerakligi nazarda tutiladi;

²³ <http://www.wikipedia.org/wiki/axiom.html> / Гильберт Д. Аксиоматическое мышление / Перевод с англ. А.Г.Барабашева.

– to'lalik – aksiomalar sistemasiga qandaydir jumlanı qo'shganımızda sistemada ziddiyat sodir bo'ladi;

– bog'liqsizlik – berilgan aksiomalar sistemasining u yoki bu sistemalari shu sistemaning boshqa sistemalari yordamida isbot qilinishi mumkin emas.

Aksiomatik metod – ilmiy nazariyaning shunday qurilishiki, unda bu nazariya asosida shunday boshlang'ich postulat va aksiomalar qo'yiladiki, qolgan barcha qoidalari (teoremlar) undan kelib chiqadi. Aksiomalar isbot talab qilmaydi, deymiz, lekin uning isboti uzoq asrlik kuzatishlar natijasida yuzaga kelgan va shuning uchun ham isbot shart emas. Aksiomatik nazariya masalalar modelini tuzishdagi universal til hisoblanadi. Bundan tashqari, mazkur til kompyuter tilidir. Formal nazariyada har bir formula umumiyligi ma'no nuqtayi nazaridan alohida tekshiriladi, aksiomatik nazariyada esa ko'rib chiqilayotgan formulaning umumiyligi ma'nosini tekshirishda isbot qilinigan formulalarning barchasidan foydalanish mumkin bo'ladi. Aynan shuning uchun mazkur metod samarali hisoblanadi.

Aksiomatik nazariyada dastlabki boshlang'ich tushunchalar, postulat, aksiomalar, teoremlar, keltirib chiqarish qoidalari asosiy o'rinni tutadi. Masalan: **Aksioma:** so'zda nechta unli bo'lsa, shuncha bo'g'in bo'ladi. **Teorema:** Agar ixtiyoriy X gap inversiyaga uchramasa, **NSP** – Normal Sentence Pattern (normal gap qurilishi)ga mos kelsa, u holda ega doim kesimdan oldin keladi.

Aksomatik nazariya quyidagi holatlар aniqlanganda haqiqiy hisoblanadi:²⁴

1. Nazariya ifodalarini tavsiflash uchun zaruriy bo'lgan nazariya simvollari – harflar, belgilarni raqamlar.
2. Nazariya formulalari, ya'ni nazariyada fikrlangan barcha ifodalarning tavsifi.
3. Nazariya aksiomalari (boshlang'ich va mutlaq to'g'ri deb hisoblangan formulalar).
4. Nazariya xulosalarini chiqarish qoidalari, ya'ni mutlaq to'g'ri formulalardan boshqa mutlaq to'g'ri formulalarni keltirib chiqarish imkonini beruvchi barcha qoidalarni hisoblab chiqish.
5. Nazariyaning teoremlari – nazariyaning mutlaq to'g'ri, umum tomonidan qabul qilingan formulalari.

Til grammatikasining matematik modeli matematik mantiqning aksiomatik nazariyasiga asoslanadi. Aksiomatik nazariya predmeti tabiiy tillarda gaplardir (ya'ni ixtiyoriy so'zlar ketma-ketligi). Teorema sifatida tabiiy

²⁴ Po'latov A., Muhamedova S. Kompyuter lingvistikasi. – Toshkent, 2007. – B.15.

tillarda to‘g‘ri hisoblangan gap konstruksiyalari ko‘rib chiqiladi. Dastlab tabiiy til aksiomatik nazariyasining bosqichlarini keltiramiz:

1. Aksiomatik nazariyaning simvollari: til harflari (alifbo), tinish belgilari va mantiqiy operatsiyalarning belgilari.

2. Aksiomatik nazariyaning formulalari: tildagi so‘zlar, ular maxsus kengaytirilgan lug‘atda keltiriladi.

3. Til grammatikasi aksiomalari: gaplarning dastlabki to‘g‘ri konstruksiyalari. Masalan, ingliz tili uchun ega+kes+to‘ld+hol (kengaytirilgan tasdiq (darak) gap kostruksiyasi): Mother bought milk yesterday. O‘zbek tili uchun ega+to‘ld+hol+kes (kengaytirilgan tasdiq (darak) gap kostruksiyasi): Nafisa ma‘ruzani diqqat bilan tingladi.

4. Keltirib chiqarish qoidalari (berilgan konstruksiyalardan yangi gap konstruksiyalarini hosil qilish qoidalari):

G – ingliz tilidagi muayyan bir gap;

K Ch q – keltirib chiqarish qoidalari.

1. $G(e,k,t,h) + \%G^1(e,k)$, ya’ni G gapidan yangi (kengaytirilmagan gap) hosil bo‘ladi (unda gapning ikkinchi darajali bo‘laklari tushirib qoldirilgan).

G: The car stopped at the gate – Mashina darvoza yonida to‘xtadi.

G^1 : The car stopped – Mashina to‘xtadi.

2. $G(e,k,h) + \%G^2(e',k,h)$. Bunda G gapidan aniqlovchili (ya’ni har bir gap bo‘lagining o‘z aniqlovchisi mavjud) gap hosil bo‘ladi.

G: The car stopped at the gate – Mashina darvoza yonida to‘xtadi.

G^2 : The blue car stopped at the gate – Ko‘k mashina darvoza yonida to‘xtadi.²⁵

Aksiomatik nazariyaning rivoji natijasida barcha tillar uchun xos bo‘lgan umumiyligini qonuniyatlarini aniqlash masalasi ko‘ndalang qo‘yildi. Bu hodisa lingvistik universaliyalarni deb ataladi.²⁶ Ch.Xokket lingvistik universaliyalarni shunday ta‘riflaydi: «*Lingvistik universaliya – dunyodagi barcha tillarga xos bo‘lgan yoki umuman tilga xos muayyan belgi, xususiyat*». B.Uspenskiy: «*Lingvistik universaliyalar tushunchasi ostida barcha tillarga yoki mutlaq ko‘pchilik qismiga xos umumiyligini qonuniyatlar tushuniladi*». Lingvistik universaliyalarni haqidagi dastlabki g‘oyalar XX asrning 50-yillariga to‘g‘ri keladi. 1941-yilda Aginskiy tomonidan «**The Importance of language universals**» sarlavhani maqola e’lon qilindi. 1961-yilda Nyu-York

²⁵ Po‘latov A., Muhamedova S. Kompyuter lingvistikasi. – Toshkent, 2007. – B.16.

²⁶ Qarang: Новое в лингвистике. Вып.V. Языковые универсалии. – М.: Прогресс, 1970.

shahrida universaliyalarga bag'ishlangan xalqaro konferensiya o'tkazildi. Unda J.Grinberg, J.Jenkins, Ch.Osgudlar «**Lingvistik universaliyalar haqidagi memorandum**» mavzusida chiqish qilishdi. Konferensiyyada Ch.Osgud shunday yozadi: «*Biz ushbu konferensiyyada qonsiz inqilobning guvohi bo'lamiz*». Haqiqatan ham shundan so'ng universaliyalarning tadqiqi kuchaydi. Bunda dastlab **universaliyalar, frekventaliyalar** (tabiiy tillarda tez-tez kuzatiladigan hodisalar, belgilari) hamda **unikaliyalar** (muayyan tillarda uchraydigan o'ziga xos hodisalar, jarayonlar va xususiyatlar) aniqlanib, metaqoidalar ishlab chiqiladi va natijada etalon til (metatil) yuzaga keladi. Butun dunyo tillarining grammatick tavsifi yaratilishi jarayonida, ma'lumotlar bazasini tayyorlashda, formal grammatica yaratishda universaliyalarni aniqlash juda muhim.

Amerikalik olim Jozef Grinberg universaliyalarni aniqlashda yangicha bir yondashuvni taklif etdi. Unga ko'ra, universaliyalar implikatsiya asosida aniqlanadi. Bu **implikativ universaliya** deb nomlanadi. Olim 45 ta implikativ universaliyani aniqlagan.²⁷ Masalan:

1. Agar til uzliksiz affiksler ega bo'lsa, unda yo prefiksatsiya yoki suffiksatsiya yaxshi rivojlangan bo'ladi.
2. Agar til istisnoli tarzda suffiksal bo'lsa, u posleoglarda, kelishiklarga boy bo'ladi.
3. Agar til istisnoli tarzda prefiksal bo'lsa, u predloglarda boy bo'ladi.
4. Agar til VSO modelida bo'lsa, unda predloglar dominantlik qiladi.

Fonologiya, morfologiya, sintaksis, semantika sohalarida aniqlangan lingvistik universaliyalar 2000-yilga kelib 1600 tani tashkil etdi. Germaniyaning Konstanz universitetida lingvistik universaliyalarning bazasi (**Universals Archive**) yaratildi va u har yili yangi ma'lumotlar bilan boyitib boriladi. Uni obrazli qilib D.I.Mendeleyevning kimyoviy elementlar davriy jadvaliga o'xshatish mumkin. Davriy jadvalda keyinroq aniqlanishi mumkin bo'lgan elementlar uchun bo'sh kataklar qoldirilgan. Xuddi shunga o'xshab universaliyalar bazasini to'ldirib borish uchun imkoniyat mavjud.²⁸ Mazkur baza Internetda <http://www.ling.uni-konstanz.de/pages/proj/sprachbau.htm> saytiga joylangan.

Lingvistik universaliyalar g'oyasi ta'sirida metagrammatika haqida qarashlar, nazariy va amaliy tadqiqotlar yuzaga keldi. Ilmiy adabiyotlarda metagrammatika atamasiga turlicha ta'riflar mavjud:

²⁷ Гринберг Дж. Некоторые грамматические универсалии, преимущественно касающиеся порядка значимых элементов // Новое в лингвистике. Вып.V. Языковые универсалии. – М.: Прогресс, 1970. – С.115 – 162.

²⁸ <http://www.ling.uni-konstanz.de/pages/proj/sprachbau.htm>

1. Metagrammatika (yunoncha «metha» – «keyin», «grammatike» – «o'qish va yozish san'ati») – metaqoidalarga asoslangan grammatika.
2. Metagrammatika – tavsifiy grammatika, formal grammatika, transformatsion grammatika bosqichlaridan so'ng yuzaga kelgan, qayta yozilgan grammatika.
3. Metagrammatika – programmalash tillarini tavsiflash uchun tabiiy til grammatikasi modeli asosida ishlab chiqilgan metaqoidalar to'plami.

Metagrammatika haqidagi dastlabki g'oyalar Dekart, Leybnis kabi matematiklar tomonidan ilgari surilgan ratsional (universal) grammatika yaratish, Klod Lanslo va Antoniy Arnoldlarning (1660, Parij) «Por-Royal grammatikasi» bilan bog'liqdir. Algol 68 uchun ishlangan metaqoidalar Winjgaarden-grammar yoki W-grammar deb nomlangan. Keyinroq 1981-yil olimlar Gazdar, Pullman, Saglar ham metaqoidalar ishlab chiqdi. Uning nomi **Generalized Phrase Structure Grammar (GPSG)**.²⁹

Masalan:

For every production of the form

$\langle VP \rangle ::= \langle *v \rangle \langle NP \rangle X$

add a production of the form

$\langle VP \rangle ::= be \langle *VEN \rangle X$

(where VEN is the word class for past participles). The 'x' in the meta rule matches any sequence of zero or more symbols.

$\langle VP \rangle ::= \langle *V \rangle \langle NP \rangle$ and

$\langle VP \rangle ::= \langle *V \rangle \langle NP \rangle \langle PP \rangle$

the meta rule will add the productions

$\langle VP \rangle ::= be \langle *VEN \rangle$ and

$\langle VP \rangle ::= be \langle *VEN \rangle \langle PP \rangle$

Mazkur metaqoida asosida «*Lincoln was shot*» («*Linkoln otildi*») va «*A book was given to Mary*» («*Kitob Mariyaga berildi*») kabi majhul nisbat shaklidagi jumlalar hosil qilinishi mumkin. Bu yerda majhul nisbatdagi gaplarning egasi aniq nisbatdag'i vositali to'ldiruvchi vazifasini bajaradi.

O'zbek tilida metaqoidaga misol sifatida formal-funksional tilshunoslik vakillarining **WP** modelini ko'rsatish mumkin. Bunda W – inglizcha Word so'zidan olingan bo'lib, har qanday nominativ birlikni anglatadi, P – predicate so'zidan, m – marker so'zidan olingan, u predikativlik (kesimlik) ko'rsatkichini bildiradi. Bu o'zbek tilidagi gapning minimal qolipidir.

²⁹ Grishman R. Computational linguistics // Cambridge University Press. 1994.
– P.82 – 83.

Topshiriqlar:

1. Aksioma nima, unga misollar keltiring.
2. Boshlang'ich tushunchalar, postulatlarni belgilash qanday amalga oshiriladi?
3. Grammatikaning aksioma va teoremalariga o'zingiz misollar keltiring.
4. Keltirib chiqarish qoidalari deganda nimani tushunasiz?
5. Lingvistik universaliyalar naborini jurnal yoki Internetdan topib, daf-taringizga yozing.

Adabiyotlar:

1. Grishman R. Computational Linguistics // Cambridge University Press. 1994.
2. Шемакин Ю.И. Начало компьютерной лингвистики. – М.: МГОУ, 1992.
3. Good J. Linguistic Universals and Language Change // Oxford University Press. 2008.
4. Gelbukh A. Computational Linguistics and Intelligent Text Processing. International Conference. – Mexico, 2003.
5. Гринберг Дж. Некоторые грамматические универсалии, преимущественно касающиеся порядка значимых элементов // Новое в лингвистике. Вып.V. Языковые универсалии. – М.: Прогресс, 1970. – С.115 – 162.
6. Новое в лингвистике. Вып.V. Языковые универсалии. – М.: Прогресс, 1970.
7. Po'latov A., Muhamedova S. Kompyuter lingvistikasi. – Toshkent, 2007.
8. <http://www.wikipedia.org/wiki/axiom.html> / Гильберт Д. Аксиоматическое мышление / Перевод с англ. А.Г.Барабашева.

KOMPYUTER LINGVISTIKASIDA MODELLASHTIRISH VA ANALOGIYA METODLARI

Reja:

1. Model tushunchasining mohiyati.
2. Modellashtirish va uning tilga tatbiqi.
3. Modellashtirishning pragmatik jihatlari va kamchiliklari.
4. Kompyuter lингвистикасида analogiya metodi.

Tayanch so‘z va iboralar: *model, tabiiy model, matematik model, mantiqiy-matematik model, metamodel, deduktiv, lingvistik model, sintaktik model-lashtirish, so‘z turkumlari va ularning simvollari, gap bo‘laklari simvollari, analogiya metodi, induksiya, deduksiya.*

Model (lotincha «modelus» so‘zidan olingan bo‘lib, «nusxa», «andaza», «o‘lchov», «me‘yor» ma’nolarini anglatadi) tabiiy fanlar yoki umuman fanda shunday moddiy qurilma, grafik, sxema, umuman, bilish vositasи sifatida tushuniladiki, u muayyan original-obyekt haqidagi ma'lumotlar majmui tarzida yuzaga kelgan hosila-obyekt demakdir. Boshqacharoq tushuntirganda, model tabiiy obyektlarning imitatsiyasidir (o‘xshashi, taqlidiy ko‘rinishi), u o‘zbek tilidagi qolip, andaza so‘zlariga mos keladi. U hodisalarning yuzaga kelishi uchun asos vazifasini o‘taydi, bunda aniq yoki mavhum obyektlar kichraytirilgan obyektlar, sxemalar, chizmalar, fizikaviy konstruksiyalarda tadqiq etiladi. Buni oddiy hayotiy misol bilan tushuntiradigan bo‘lsak, olmani xarakterlovchi belgilar, atributlar – uning dumaloqligi, mevaligi, shirinligi o‘sha tushunchaning fikriy modeli hisoblanadi. Agar biz olmani loydan yoki sun’iy bir materialdan yasasak, bu uning moddiy modeli hisoblanadi. Yoki globus yerning modeli, o‘yinchoq mashina haqiqiy mashinaning modeli sifatida baholanishi mumkin.³⁰ Model quyidagi asoslarga ko‘ra bilishda muhim hisoblanadi:

- birinchidan, u o‘rganish obyektini soddalashtiradi;
- ikkinchidan, uni boshqa obyektlar ta’siridan ajratadi;
- uchinchidan, model obyektni ta’riflashni osonlashtiradi.

Model dastlab amaliy sohalarda ishlataligani. Keyinchalik ilm-fanning ijtimoiy sohalariga ham kirib keldi. Bu matematika, kimyo fanlariga keng tatbiq qilingani yaqqol ko‘rinadi. «Model» tushunchasi fan va texnikada

³⁰ <http://www.wikipedia.org/wiki/model.html>

turli ma'nolarda ishlatalgani bois modellashtirish turlarining yagona tasnifi mavjud emas. Tasnif modelning xarakteriga ko'ra, modellashtirilayotgan obyektning tabiatiga ko'ra, modellashtirish tatbiq qilinayotgan soha yoki yo'nalishga qarab amalga oshirilishi mumkin. Masalan, modellashtirishning quyidagi turlarini ajratib ko'rsatish mumkin: informatsion modellashtirish, lingvistik modellashtirish, kompyuterli modellashtirish, matematik modellashtirish, matematik-kartografik modellashtirish, molekulyar modellashtirish, mantiqiy modellashtirish, pedagogik modellashtirish, psixologik modellashtirish, statistik modellashtirish, struktur modellashtirish, fizik modellashtirish, iqtisodiy-matematik modellashtirish, imitatsion modellashtirish, evolutsion modellashtirish, kognitiv modellashtirish kabi.

Modellarni shartli ravishda quyidagicha tasniflash mumkin:

1. Tabiiy modellar – o'rganilayotgan obyekt bilan bir turda bo'ladi va undan faqat o'chamlari, jarayonlarining tezligi va ba'zi hollarda yasalgan materiali bilan farq qiladi.
2. Matematik modellar – prototipdan (asl nusxadan) jismoniy tuzilishi bilan farq qiladi, lekin prototip bilan bir xil matematik tasvirga ega bo'ladi.
3. Mantiqiy-matematik modellar – belgilardan iborat bo'lib, abstrakt model hisoblanadi va tafakkur jarayonini o'rganishda qo'llaniladi.
4. Kompyuterli modellar – matematik va mantiqiy modellashtirish metodlariga asoslanib kompyuterda algoritm va dasturlardan foydalanib yaratiladigan modellar.

Kompyuterli modellashtirish bugungi kunda barcha fanlarda, xususan, kompyuter lingvistikasida ham samarali metod hisoblanadi.³¹ Kompyuter modellashtirish quyidagi asosiy bosqichlardan iborat:

- masalaning qo'yilishi, modellashtirish obyektining aniqlashtirilishi;
- konseptual (tushunchaviy, fikriy) modelning ishlab chiqilishi, tizim asosiy unsurlarining ajratib olinishi;
- formalizatsiya, ya'ni **matematik model** bosqichi; **algoritm** yaratilishi hamda **dastur** ishlanishi;
- kompyuter eksperimentlarini o'tkazish;
- natijalar tahlili va talqini.

Sun'iy intellekt tizimi doirasidagi tabiiy tilli interfeys, ekspert tizimlari, eyron tarmoqlar, lingvoanalizatorlar, gapiruvchi avtomatlar – barchasi kompyuter modellashtirish natijasi hisoblanadi.

Modellashtirish jarayoni uchta unsurni o'z ichiga oladi:

- subyekt (tadqiqotchi);

³¹ Grishman R. Computational linguistics // Cambridge University Press. 1994.
– P.7 – 8.

- tadqiqot obyekti;
- o‘rganuvchi subyekt va o‘rganiluvchi obyekt munosabatini aks ettiruvchi model.

Modellashtirish har bir fan obyektini soddalashtiruvchi metoddir. Lingvistik birliklarni modellashtirish bu belgilar tarkibidagi elementlarning barqaror munosabatlariga asoslanadi. Shuning uchun ham butunlik tarkibidagi elementlar o‘rtasida munosabatlarning barqaror va beqaror turlarga ajratilishi lingvistik modellashtirish uchun katta ahamiyatga ega. Modellashtirish barcha fanlar uchun xos bo‘lgan umumilmiy metod hisoblanadi va u quyidagi tamoyillarga amal qildi:

- deduktivlik – mantiqiy xulosa chiqarishga asoslangan bo‘ladi, xususiylikdan umumiylikka tamoyilida bo‘ladi;
- tafakkur eksperimentidan foydalanish;
- evristik funksiyaga ega bo‘lishi. Ya’ni u yangi g‘oyalar bera olishi va uni amaliyatda sinab ko‘rish imkoniyati bo‘lishi zarur;
- eksplanatorlik xususiyatiga, ya’ni tushuntirish kuchiga ega bo‘lishi kerak. Shundagina model eski nazariya tushuntirib bera olmagan muammoni hal qiladi, obyektning ilgari kuzatilmagan, ammo kelajakda amalga oshishi mumkin bo‘lgan tomonini kashf etadi;³²
- modelni ideallashtirilgan obyekt sifatida talqin qilish.

Shu o‘rinda aytib o‘tish zarurki, modellashtirish obyektni umumlashtirish darajasiga ko‘ra quyidagicha bo‘ladi:

1. Lingvistik faktni tavsiflashga qaratilgan analitik model.
2. Oralig model yoki to‘ldiruvchi model.
3. Maksimal umumlashtirishga asoslangan sintezlovchi model.

Lingvistik model tushunchasi struktur tilshunoslikning E.Sepir, L.Bluemfeld, R.Yakobson, N.Chomskiy, Z.Harris, Ch.Hokket kabi namoyandalarini tomonidan kirib kelgan. Uning taraqqiyoti esa XX asrning 60 – 70-yillariga (matematik va kibernetik lingvistika rivojiana boshlagan davrga) to‘g‘ri keladi. Lingvistik modelni quyidagi turlarga ajratish mumkin:

1. Inson nutqiy faoliyati modellarini. Bu modellar konkret nutq jarayonini va hodisalarini aks ettiradi. Masalan, aniq bir tovushning talaffuz modeli yoki nutqning yuzaga chiqish modeli.
2. Lingvistik tadqiqot modellarini. Bunda muayyan til hodisalarini asosida olib borilgan tadqiqot jarayonini aks ettiradi. Masalan, o‘zbek tilida morfologik usul asosida so‘z yasalishining umumiyligi modeli: **asos + so‘z yasovchi qo‘sishma**; xususiy modellarini: asos + -chi; asos + -dosh; asos + -do‘z kabi.

³² Po‘latov A., Muhamedova S. Kompyuter lingvistikasi. – Toshkent, 2007. – B.23.

3. Metamodellar – bunda lingvistik modellar saralanadi, u gipotetik-deduktiv xarakterga ega, o'ta abstraktlashgan va ratsionallashgan bo'ladi.

Modellashtirish metodi ayrim tillarga, jumladan, ingliz tiliga faol tatbiq qilingan. O'zbek tilida sodda gap qurilishi:

S + O + V : Men kitob o'qidim. Men xat yozdim.

S = ega, O = to'ldiruvchi, V = kesim.

Bundan kelib chiqib aytish mumkinki, o'zbek tilida qo'shma gapning eng kichik modeli quyidagicha bo'ladi:

S₁ + V₁, S₂ + V₂ : Bahor keldi, ishlar qizib ketdi.

Ingliz, rus tillarida sodda gap qurilishi quyidagicha belgilangan:

S + V + O:

Я пишу диссертацию. Он читает книгу.

I have read the book. I am writing a research work.

Modellashtirish tilshunoslikda strukturalizm yo'nalishi ta'sirida faol tatbiq qilina boshlandi. Gap strukturasini modellashtirish g'oyasi XX asrning 50-yillarida amerikalik tilshunos Charlz Friz tomonidan olg'a surildi. Olim o'z qarashlarini umumlashtirib 1952-yilda «The Structure of English» nomli tadqiqotini yaratdi: Ch.Friz o'z konsepsiyasini distributiv model deb nomlagan. Unga ko'ra, gap muayyan so'z turkumlariga oid bo'lgan so'zlar zanjiri hisoblanadi va tahlilda morfologiya bazasiga tayaniladi. Masalan, «*The young man painted the door yesterday*» jumlesi distributiv model asosida quyidagicha tahlil etiladi: **D 3 I^a 2-d D I^b 4.** Bu yerda **D** – otning aniqlovchisi (inglizcha determiner), **3** – sifat, **I** – birlikdagi ot, **2-d** – o'tgan zamон shaklidagi fe'l, **4** – ravishni anglatadi. Demak, mazkur modelda turli so'z turkumlariga mansub so'z shakllarining nutq zanjiridagi distributsiyasi (tarqalishi, qurshovi) gap strukturasini modellashtirishning asosiy mezoni sanaladi.

Shunga ko'ra, so'z turkumlarini modellashtirishda quyidagi shartli belgilar keng e'tirof etilgan.

So'z turkumlari

I. Ot predmetning (u keng ma'noda tushuniladi, ya'ni jonli va jonsiz narsalarni anglatadi) nominibildiradi. U kim, nima, qayer so'roqlaridan biriga javob bo'ladi. Ot uchun **N**, ko'plik shaklidagi ot uchun **N_s**, turdosh otlar uchun **N_{com}**, atoqli otlar uchun **N_{prop}**, otli birikma uchun **NP** simvollari dan foydalananiladi.

II. Sifat qanday, qanaqa so'roqlariga javob bo'lib, predmetning belgisi-

³³ Бархударов Л.С. Структура простого предложения английского языка. – М.: Высшая школа, 1966. – С.18.

ni bildiradi. Sifat uchun **Adj** yoki **A**, sifatli birikma uchun **AP** simvollaridan foydalaniadi.

III. Son qancha, nechanchi so'roqlariga javob bo'lib, predmetning miqdori va tartibini bildiradi. Son so'z turkumi uchun **Q** simvolidan foydalaniadi.

IV. Fe'l predmetning harakat yoki holatini bildirib, nima qilgan, nima qilyapti, nima qilmoqchi so'roqlariga javob beradi. Fe'l uchun **V**, o'timli fe'l uchun **V_t**, o'timsiz fe'l uchun **V_f**, fe'lning predikativ (shaxsli shakli – finite form) shakli uchun **V_p**, fe'lning nopredikativ shakli (shaxssiz shakli – non-finite form) uchun **V_{np}**, hozirgi zamon sifatdoshi yoki gerundiyl shaklidagi fe'l uchun **V_{ing}**, o'tgan zamon sifatdoshi yoki majhul nisbatdagi fe'l uchun **V_{en}**, fe'lli birikma uchun **VP**, yordamchi fe'lllar uchun **aux**, modal fe'lllar uchun **mod** simvollaridan foydalaniadi.

V. Ravish ifodalayotgan harakat yoki holatning belgisi yoki turilcha vaziyatlarini bildiradi. Ravish asosan fe'lga, yana sifat yoki ravishga ham bog'lanib, qay tarzda, qayerda, qachon va h.k. so'roqlarga javob bo'ladi. Ravish uchun **Adv** yoki **D** simvolidan foydalaniadi.

VI. Olmosh gapda ot, sifat yoki ravish o'rniда qo'llanuvchi so'z turkumidir. Olmosh uchun **Pron** simvolidan foydalaniadi.

VII. Artikl yordamchi so'z bo'lib, otning maxsus belgilovichisi hisoblanadi. Artikl barcha tillarda uchrayvermaydi, **Art** simvolidan foydalaniadi.

VIII. Predlog (old ko'makchi) yordamchi so'z bo'lib, otning gapdag'i boshqa so'zlarga nisbatan bo'lgan munosabatini (ya'ni makon, vaqt va sabab kabi munosabatlarni) ifodalaydi. Predlog uchun **Prep** yoki **p** simvolidan foydalaniadi.

IX. Bog'lovchi yordamchi so'z bo'lib, gap bo'laklari yoki gaplarni bog'lash uchun xizmat qiladi. Bog'lovchi uchun **Conj** simvolidan foydalaniadi.

X. Yuklama uchun **Part** simvolidan foydalaniadi.

XI. Undov so'zlar uchun **Interj** simvolidan foydalaniadi.

XII. Taqlid so'zlar uchun **Mim** simvolidan foydalaniadi.

Gap bo'laklari

Ixtiyoriy tildagi yozma matn yoki shaxsning nutqi jumla deb ataluvchi alohida segmentlardan iborat bo'ladi. Ular sodda va qo'shma (ya'ni sodda gaplardan tashkil topgan) gaplarga bo'linadi. Har qanday tilning grammatisini o'rganish sodda gaplar bilan tadqiq etishdan boshlanadi. Har qanday tildagi sodda gaplar tarkibida ega, kesim, to'ldiruvchi, aniqlovchi, hol kabi gapning bosh va ikkinchi darajali bo'laklari mavjud bo'lishi mumkin.

I. Ega – gapning zaruriy bo‘lagi bo‘lib, boshqa bo‘laklar bilan grammatic bog‘lanadi, u predmet yoki shaxsni bildiradi. Ega kim, nima, qayer so‘roqlariga javob bo‘ladi. Ega uchun **S** simvoldidan foydalaniadi.

II. Kesim – gapning ham semantik, ham grammatic markaziy bo‘lagi bo‘lib, gapning yadrosi hisoblanadi, kesimsiz gap shakllanmaydi, u harakat, holat, xususiyat kabilarni anglatadi. Kesim nima qilyapti, nima qilmoqchi, nimadan tashkil topgan kabi so‘roqlarga javob beradi. Kesim uchun **P** (ba’zan **V**) simvoldidan foydalaniadi.

III. To‘ldiruvchi deb predmetni bildiruvchi va ma’no jihatidan kesimni to‘ldiruvchi gap bo‘lagiga aytildi. Vositasiz (obyektsiz) to‘ldiruvchi kimni, nimani so‘roqlariga, vositali to‘ldiruvchi esa kimga, nimaga, kimda, nimada, kimdan, nimadan, kim haqida, nima haqida va h.k. so‘roqlarga javob bo‘ladi. To‘ldiruvchi uchun **O** simvoldidan foydalaniadi.

IV. Aniqlovchi otning belgilarini tushuntiruvchi, izohlovchi gap bo‘lagidir. Aniqlovchi predmetning belgisini bildirgan holda qanday, kimning, nechanchi, qancha kabi so‘roqlarga javob bo‘ladi. Aniqlovchi kompyuter lingvistikasida gap bo‘lagi sifatida ajratilmaydi, chunki u gapda boshqa bo‘laklarga tobelanib keladi, u gap uchun nozaruriy (fakultativ, obligator emas) bo‘lak hisoblanadi.

V. Hol kesimda ifodalananayotgan harakat yoki holatning o‘rni, payti, maqsadi, sababi va bajarilish sharti kabilarni bildiruvchi gap bo‘lagidir. U qanday, qay tarzda, qayerda, qachon, nima sababdan, nima uchun kabi so‘roqlarning biriga javob beradi. Hol uchun **M** simvoldidan foydalaniadi.

Modellashtirish metodi keyingi paytlarda tilshunoslikka faol tatbiq qilina boshlandi. Bunda olimlar mazkur metodning bir qator afzalliklari va pragmatik jihatlarini nazarda tutadilar. Buni quyidagicha izohlash mumkin:

- birinchidan, modellashtirish amaliy metod hisoblanadi, tavsifiy emas;

- ikkinchidan, modellashtirish metodi har qanday sharoitda optimal («eng qulay», «eng maqbul» degan ma’nolarni ifodalarydi) hisoblanadi;

- uchinchidan, modellashtirish metodi ekonomiya prinsipiiga tayanadi.

Bunda so‘z, uzun ta’rif va tavsislarga ehtiyoj bo‘lmaydi;

- to‘rtinchidan, obyektni tushuntirish va izohlashni osonlashtiradi va soddalashtiradi.

Borliqdagi hamma narsalarning ijobjiy va salbiy tomonlari bo‘lganidek, modellashtirish metodining ham pozitiv va pragmatik tomonlari bilan birga salbiy tomonlari ham bor. Uning kamchiliklari, salbiy tomonlarini quyidagicha umumlashtirish mumkin:

- birinchidan, modellashtirishda faqat struktur va formal belgilarga asoslaniladi. Bunda mazmuniy tomon, semantik qirralar e’tibordan chetda qola-

di. Vaholanki, har qanday hodisaning, xususan, lisoniy hodisaning mohiyati shakl va mazmun birligida o‘z ifodasini topgan bo‘ladi;

– ikkinchidan, bizning obyekt haqidagi bilimlarimiz rivojlanib borgan sari modellar eskiradi. Avvalgi bilimlarni inkor qilish hisobiga fan rivojla-nadi. Mayjud modellar bilimlarimiz ufqini cheklaydi va xato tasavvurlarga olib kelishi mumkin;

– uchinchidan, tabiat va jamiyatdagi hech bir narsa boshqa obyektlar ta’siridan xoli bo‘lmaydi. Ya’ni modellar nisbiylik xarakteriga ega, biz ularni mutlaq haqiqat sifatida qabul qila olmaymiz.

Kompyuter lingvistikasida eng ko‘p qo‘llanilayotgan metodlardan biri analogiya metodi hisoblanadi. **Analogiya** (yunoncha ἀναλογία so‘zidan olingan, «moslik», «o‘xhashlik» ma’nosini anglatadi) – munosabatlarning tengligi, muvofiqligi; hodisa va jarayonlarning muayyan xossalarni qiyoslash yo‘li bilan anglashda o‘xhash jihatlari. Qiyoslanayotgan obyektlar o‘rtasida o‘xhashlik va farqlanish kuzatiladi, bu qiyoslashning asosi sanaladi. Bunda ma’lum obyektga xos bo‘lgan aniq belgining qiyoslanayotgan obyektlarda kuzatilishiga tayanib ularning identifikatsiyasi asosida mush-tarak jihatni aniqlanadi. Masalan, sifat va ravish so‘z turkumiga mansub so‘zlar berildi. Ular bir qarashda bir-biriga juda yaqin, so‘roqlari o‘xhash, shuningdek, farqli tomonlari ham mayjud. Shunda analogiyaga tayanib berilgan so‘zlarning mushtarak jihatlarini ajratish mumkin. Yoki ko‘p odam-lar «singan oyna – baxtsizlik, noxush voqealarni keltirib chiqaradi», degan irimga ishonadi. Bu irimning kelib chiqishi ham qandaydir mistik asosga ega emas, balki analogiyaga asoslangan. Ya’ni singan oyna insonni xunuk aks ettiradi, mazkur tashqi o‘xhashlik asosida tasvirning buzilishi undan foydalanuvchi uchun ham shunga mos yomon oqibatlarni keltirib chiqaradi, degan xulosaga olib kelgan. Shu o‘rinda ta‘kidlash joizki, analogiya *induksiya* (umumiylidkan xususiylikka borish; qoidadan misolga borish) va *deduksiya* (xususiylikdan umumiylikka borish; misoldan qoidaga borish) metodlari bilan uzviy aloqadorlikda bo‘ladi. Bilish jarayonida ular o‘rtasiga qat‘iy chegara qo‘yib bo‘lmaydi. Analogiya deduksiya va induksiya o‘rtasida bog‘lovchi «halqa» vazifasini o‘taydi.

Bilishda analogiya metodining ahamiyatini mashhur matematik Dyord Poya shunday izohlaydi: «*Analogiyaga asoslanmasdan na elementar, na oliy matematikada, na fanning boshqa sohalarida hech qanday kashfiyot qilib bo‘lmaydi*». Stefan Banax esa shunday yozadi: «*Matematik isbotlar o‘rtasidagi analogiyani topa olgan odam, eng yaxshi matematik – isbotlar o‘rtasida analogiya o‘rnata olgan odam, bundan ham ko‘ra kuchli matematik – nazariyalar analogiyasini sezgan odam; biroq odam o‘zini eng kuchli*

hisoblashi uchun analogiyalar o'rtaqidagi analogiyani ko'ra olishi kerak». Ushbu mulohazalardan kelib chiqqan holda aytish mumkinki, analogiya lingistikadagi, xususan, kompyuter lingistikasidagi tadqiqotlar uchun ham o'ziga xos «kompas» vazifasini bajaradi.

Akademik L.V.Sherba o'zining bir ma'ruzasida yozuv taxtasiga shunday jumlanı yozadi: «*Глокая куздра штеко будланула бокра и кудрячит бокренка*». Talabalardan uning grammatic tahlilini talab qiladi. Mazkur jumla aslida hech qanday mazmunga ega emas, lekin u rus tilidagi mazmunga ega bo'lgan qaysidir jumlanı eslatadi. Bu jumlaning grammatic tahlilini amalga oshirish mumkin. Masalan, «*куздра*» so'zi – birlik, bosh kelishik, jenskiy rod shaklidagi ot bilan ifodalangan ega, «*будланула*» so'zi – o'tgan zamon shaklidagi fe'l bilan ifodalangan kesimlardan biri, «*кудрячит*» so'zi – noaniq shaklidagi fe'l bilan ifodalangan boshqa bir kesim. Masalaga bunday yondashish analogiya metodi asosida bo'ladi. Mazkur yondashuv, ayniqsa, kompyuter lingistikasidagi matnning avtomatik analizi yo'nalishida muhim ahamiyat kasb etadi. Bunda so'zlarning grammatic tavsifi va so'zlarning oxiridagi harf tarkibi o'rtaqidagi kuchli korrelatsion aloqaga tayaniladi.³⁴ Ya'ni oxirgi harf tarkibi bir xil bo'lgan so'zlarning derivatsion va relatsion modellari (so'z yasalishi va shakl yasalishi) hamda grammatic ma'lumotlari (qaysi so'z turkumiga mansubligi, qanday grammatic kategoriyalarga egaligi) bir xil bo'lishi tabiiy. Masalan, ingliz tilida -er, -ness, -dom kabi, rus tilida -ность, -щик, -ник kabi, o'zbek tilida -shunos, -chi, -lik qo'shimchalarga ega bo'lgan so'zlar yuqori ehtimollik bilan ot (noun) so'z turkumi hisoblanadi. Demak, tezaurusda (lug'at bazasida) mavjud bo'lмаган so'zlarning avtomatik analizini mavjud bo'lганларining harf tarkibidagi moslikdan, so'zlar analogiyasidan kelib chiqqan holda amalga oshirish mumkin. Bu jarayonda tizimning lingistik ta'minoti chappa (ters) lug'atlar bilan ham to'ldirilgan bo'lishi lozim.

Topshiriqlar:

1. Lisoniy model va matematik modelning uzviy bog'liqligi nimada?
2. Tilshunoslikning qaysi jabhalarini modellashtirib bo'lmaydi va nega?
3. So'z yasash modellariga turli tillardan misollar keltiring.
4. Gaplarni modellashtirishda nimalar e'tiborga olinishi lozim?
5. Aniqlovchi nega alohida gap bo'lagi maqomiga ega emas?

³⁴ Белоногов Г.Г. Об использовании принципа аналогии при автоматической обработке текстовой информации // Проблемы кибернетики. 1974. №28. – С.33.

Adabiyotlar:

1. Новое в зарубежной лингвистике. Вып.ХXIV. Компьютерная лингвистика. – М., 1989.
2. Шемакин Ю.И. Начало компьютерной лингвистики. – М.: МГОУ, 1992.
3. Кодухов В.И. Методы лингвистического анализа. – Л., 1963.
4. Grishman R. Computational Linguistics // Cambridge University Press. 1994.
5. Gelbukh A. Computational Linguistics and Intelligent Text Processing. International Conference. – Mexico, 2003.
6. Гладкий А.В., Мельчук И.А. Элементы математической лингвистики. – М.: Наука, 1969.
7. Po'latov A., Muhamedova S. Kompyuter lingvistikasi. – Toshkent, 2007.
8. Бархударов Л.С. Структура простого предложения английского языка. – М.: Высшая школа, 1966.

FORMAL GRAMMATIKA NAZARIYASI**Reja:**

1. Grammatika haqidagi lingvistik qarashlar.
2. Grammatikaning turlari (tavsiyf, formal, transformatsion grammatika).
3. Formal grammatika nazariyasi.

Tayanch so‘z va iboralar: *grammatika, morfologik sistema, sintaktik sistema, germanevтика, preskriptiv grammatika, sinxroniya, diaxroniya, grammatik modellar, ikki cho‘qqili nazariya, bir cho‘qqili nazariya, verbosentrism, tobelik daraxti, bevosita ishtirokchilar modeli, tema, rema, formal grammatika, transformatsion grammatika, operand, transforma, terminal va no-terminal simvollar, formallashtirish.*

Grammatika tabiiy tillar strukturasi haqidagi fan bo‘lib, u morfologik kategoriya va shakllar, sintaktik kategoriya va konstruksiyalar hamda so‘z

yasash usullari tizimini tashkil etadi. Til qurilish birliklarining paradigmatisk va sintagmatik munosabatga kirishuvi (vertikal va gorizontal yo'nalishda) muayyan qoidalar asosida yuz beradi. Ushbu qoidalar yig'indisi tilning grammatik qurilishi va grammatik sistemasi deb yuritiladi. Grammatika ikki yirik sistemani o'z ichiga oladi:

1. Morfologik sistema – so'z formalari, grammatik shakllar, grammatisk kategoriylar tizimi.
2. Sintaktik sistema – sintaktik kategoriylar va konstruksiyalar, so'zlarning o'zaro birikish qonuniyatları.

Grammatika yunoncha so'z bo'lib, «o'qish va yozish san'ati» ma'nosini bildiradi. Bu tushuncha dastlab xat-savod, imloni o'rgatuvchi fan ma'nosida ishlatalgan. Keyinroq grammatika tilning fonologik, morfologik, sintaktik va semantik belgilarini tavsiflovchi til qoidalari majmuasi ma'nosiga ko'chgan. Grammatika haqidagi ilk qarashlar falsafa, mantiq, **germenevtika** (diniy matnlarni sharhlash, talqin etish) qobig'ida bo'lgan. Bunda tilning paydo bo'lishi, til va tafakkur munosabati, lingvistik belgi motivatsiyasi, diniy matnlar mazmunini to'g'ri tushunish bilan bog'liq masalalar o'rganilgan, til strukturasi esa yetarli darajada tadqiq etilmagan. Faqatgina miloddan avvalgi II – I asrlarda shakllangan Aleksandriya grammatika maktabining eng yirik vakili Dionisiy Traks (miloddan avvalgi 170 – 90-yillarda yashagan) o'zigacha bo'lgan tadqiqotchilarning ishlari va tajriba-larini o'rganib, ulardan foydalanib rimliklar uchun «**Grammatika san'ati**» («**Grammatike technē**») nomli sistemalashtirilgan dastlabki yunon grammatisini yaratdi. Shundan buyon grammatika falsafadan mustaqil soha sifatida ajralib chiqdi.³⁵

Antik davrda grammatika **preskriptiv** (to'g'ri gapirish, to'g'ri jumla tuzishni ko'rsatuvchi yo'rqnoma) xarakterga ega bo'lgan. XVIII asr oxirlarida grammatikani tushunish keskin o'zgardi. Bu davrda bobo til konsepsiyasini ilgari surgan qiyosiy-tarixiy grammatika shakllandı. Unda yevropa tillarining qadimgi sanskrit tili bilan tarixiy aloqasini aniqlash yordamida hind-yevropa tillari shajarasini rekonstruksiya qilish bo'yicha qiyosiy aspektida tadqiqotlar olib borildi.

XX asr boshlarida Ferdinand de Sossyur grammatikani tavsiflashda sinxroniya va diaxroniyani farqladi. Bunda grammatikani tarixiy (diaxron) o'rganishni emas, balki sinxron (muayyan vaqtdagi holati) tadqiq qilish lozim, deb hisobladi. XX asrning 50-yillarida Noam Chomskiy grammatikani tavsiflashning yangi metodini tavsiya etdi. Bu tilshunoslikda «formal

³⁵ Сусов И.П. История языкознания. – Тверь: Тверской гос. ун-т, 1999. – С.24 – 25.

grammatika nazariyasi» deb ataladi. Olimning tadqiqot natijalari kompyuter lingvistikasining shakllanishiga asos bo'ldi. N.Chomskiyning formal grammatika haqidagi qarashlari «*Syntactic Structures*» (1957) hamda «*Aspects of the Theory of Syntax*» nomli kitoblarida yoritilgan.

Grammatikaga bo'lgan yondashuvlar turlicha bo'lganligi bois tilshunoslik tarixida turli grammatikalar yaratilgan. Jumladan, nazariy grammatika va amaliy grammatika; an'anaviy (klassik) grammatika va noklassik grammatika; sinxron va diaxron grammatika; xususiy va umumiy (universal) grammatika; kategorial grammatika, tobeklik grammatikasi, leksik-funktional grammatika, konstruktiv grammatika, transformatsion grammatika, kontekstdan xoli grammatika (context-free grammar) kabi.

Grammatik tavsifning eng sodda (primitiv) formal modeli gap bo'laklariga ajratish modeli sanaladi. Tabiiy tillar grammatikasida sodda gap ikki qismdan – ega va kesimdan tashkil topgan sintaktik qurilma sifatida tavsiflanadi. Ega nutqning predmetini, kesim esa uning belgisini ko'rsatadi. Ega va kesim alohida so'zlar bilan ham, so'zlar guruhi bilan ham ifodalanishi mumkin. Agar ega va kesim so'zlar guruhi bilan ifodalansa, sodda gap ikki struktur elementga ajratiladi: **ega guruhi (noun phrase)** va **kesim guruhi (verb phrase)**.

Ega guruhidagi asosiy mazmun ifodalovchi unsur ot so'z turkumi bilan ifodalangan ega yoki otlashgan so'zlar (substantivatsiya), ega guruhidagi boshqa so'zlar esa eganing aniqlashtiruvchilar vazifasida keladi. Eganing aniqlashtiruvchilar ot, sifat, son, olmosh, kvantifikatorlar (miqdor bildiruvchi so'zlar), determinatorlar (artikllar) orqali ifodalangan aniqlovchi gap bo'lagidir. Kesim guruhidagi asosiy mazmun ifodalovchi unsur fe'l-kesim hamda ot-kesim hisoblanadi, shuningdek, turli so'z turkumlari bilan ifodalangan to'ldiruvchi va hol kesimning aniqlashtiruvchilar bo'lib keladi. Mazkur modelda ega va kesim gapning bosh bo'laklari, gapning semantik-sintaktik yadrosi, aniqlovchi, to'ldiruvchi, hol esa ikkinchi darajali bo'laklar deb nomланади. Ushbu talqin mumtoz sintaksis tamoyillariга muvofiq keladi.

XX asrning ikkinchi yarmida struktur sintaksis, semantik sintaksis yo'nalishlari paydo bo'lishi bilan gapning sintaktik tuzilishiga, gap bo'laklariga bo'lgan yondashuv ham o'zgardi. Yuqorida **ikki cho'qqili nazariyaning o'rniغا bir cho'qqili nazariya** maydonga keldi. Unga ko'ra, faqat kesimgina gapning grammatik yadrosi sifatida e'tirof etildi. Ushbu yondashuv fransuz tilshunosi Lyusen Tenyerning **verbosentrizm** (lotincha «verbum» – «fe'l», «kesim» ma'nolarini anglatadi, «centrum» – «markaz», unga ko'ra, gapning markazi gap bo'lagi sifatida kesim, so'z turkumi sifati-

da fe'ldir) konsepsiysi bilan bog'liqdir.³⁶ Ingliz tilshunosi O.Yespersen mazkur konsepsiya qarshi o'laroq gapdag'i mutlaq hokim bo'lak sifatida egani e'tirof etgan.³⁷ Gap bo'laklari iyerarxiyasida egani markazga qo'yish tendensiysi mantiq fanidan kelib chiqqan. Chunki mantiqda ism (subyekt) substansiysi (mohiyatni), fe'l (predikat) aksidensiysi (hodisani) ifodalaydi, degan qarash mavjud. Bunda ega gapning tub mohiyatini aks ettiruvchi birlamchi bo'lak, kesim esa egani to'ldiruvchi, eganing turli belgilarini ko'rsatuvchi ikkilamchi bo'lak sifatida talqin etiladi.

L.Tenyer g'oyalari ta'sirida shakllangan tobeklik grammatikasi modelari kompyuter lingvistikasining avtomatik analiz dasturlarida ishlataladi. Bu model **tobelik daraxti (shajara)** deb ataladi. Bunda gap asosan daraxt ko'rinishida tasvirlanadi, jumla tarkibidagi so'zlar bir-biri bilan tobeklik munosabatida bo'ladi (*bevosita dominatsiya munosabati*). Kesim daraxting ildizida joylashgan bo'ladi va dominant bo'lak hisoblanadi, boshqa so'zlar (gap bo'laklari) unga bevosita yoki bilvosita (boshqa so'zlar yordamida) tobelangan bo'ladi.

Tilshunoslikda an'anaviy gap bo'laklariga ajratishdan tashqari, yana gapni kommunikativ nuqtayi nazardan qismlarga ajratish ham mavjud, u gapning aktual bo'linishi deb ataladi. Bunda gap **tema** va **rema** qismlariga ajratiladi. Bunda **tema** nutqiy muloqotning bizga ma'lum qismiga nisbatan ishlataladi, **rema** esa muayyan narsa, voqe-a-hodisa, jarayon kabilar haqidagi yangi informatsiyani anglatadi. Ko'pincha tema ega guruhi orqali, rema esa kesim guruhi orqali ifodalanadi. Ba'zan buning aksi bo'lishi ham mumkin. Masalan, «*Botirjon universitetda ishlayapti*» gapida ega vazifasida kelgan *Botirjon* tema hisoblanadi, chunki nutq vaziyati uchun *Botirjon* aniq va avvaldan tanish bo'lgan shaxsdir. Gapda kesim guruhini tashkil etgan *universitetda ishlayapti* remadir. Demak, bunda *Botirjon*ning universitetda ishlayotganligi fakti nutq vaziyati uchun yangi xabardir, shuning uchun u rema hisoblanadi.

Tobelik daraxti (shajara) modeliga eng yaqin model **bevosita ishtirokchilar (immediate constituents)** sintaktik modeli hisoblanadi. Bevosita ishtirokchilar metodiga ko'ra, tayanch nuqta konstruksiya hisoblanadi. Konstruksiya tarkibidan ishtirokchilar va bevosita ishtirokchilar ajratiladi.³⁸ Konstruk-

³⁶ Теньер Л. Основы структурного синтаксиса. – М.: Прогресс, 1988. – С.12.

³⁷ Есперсен О. Философия грамматики. – М.: Иностранный литература, 1958. – С.164 – 165.

³⁸ Nurmonov A. Lingvistik tadqiqot metodologiyasi va metodlari. – Toshkent: Akademnashr, 2010. – B.88.

siya atamasi ostida ma'noli qismlarning ketma-ket munosabatidan tashkil topgan butunlik tushuniladi. Ishtirokchilar deb kattaroq konstruksiya tarkibiga kirgan so'z yoki konstruksiyaga aytildi. Muayyan konstruksiyaning bevosita shakllanishida ishtirok etgan bir yoki bir nechta ishtirokchilarga bevosita ishtirokchilar deyiladi. Masalan, *A'luchi talabalar o'z vazifalarini aniq va puxta bajaradilar*. Bu jumla konstruksiya hisoblanadi, uning tarkibagi barcha ma'noli so'zlar («va» bog'lovchisidan tashqari) ishtirokchilar, bevosita aloqaga kirishgan so'zlar bevosita ishtirokchilar deyiladi. Bunda *a'luchi so'zi talabalar so'zi bilan, aniq, puxta so'zlarini bajaradilar so'zi bilan, o'z so'zi vazifalarini so'zi bilan o'zaro zinch bog'langan*. Demak, bevosita ishtirokchilar sintaktik modelida dastlab so'z birikmalarai ajratiladi, so'ngra ular gap ichida birlashtiriladi.

O'zbek tilshunosligi darg'alaridan biri, o'tkir nigohli olim, professor A.Nurmonovning fikricha, mazkur modelda nutqning har bir mustaqil par-chasi ikki qismdan tashkil topadi. O'z navbatida, har qaysi qism yana o'z ichida ana shunday qismlardan iborat bo'ladi. Ko'rindiki, har bir konstruksiya binar tamoyilga ko'ra qismlarga bo'linadi va bu bo'linish konstruksiya doirasida graduallik (darajalanish) xususiyatiga ega bo'ladi.³⁹

Bevosita ishtirokchilarga ajratish modeli tanqidiy idrok etilib, undagi ayrim g'oyalari asosida birmuncha mukammalroq va formallashtirishning negizi hisoblangan generativ va transformatsion grammatika (*generative and transformational grammar*) maydonga keldi. Transformatsion grammatika 1950-yillarda dastlab Z.Harrisning til strukturasidagi transformatsiya xususidagi qarashlari ta'sirida yuzaga kela boshladi, bu yo'naliish Z.Harrisning shogirdi N.Chomskiy tomonidan rivojlantirildi. Unga ko'ra, dastlabki yadro strukturalar birikma strukturalar qoidalar tizimi orqali tug'iladi. Ya'ni har qanday til grammatikasi **yadro strukturalar** (*kernel structures*) yig'indisidir. Yadro gaplar deb sodda, yig'iq, darak gaplar tushuniladi.⁴⁰ Ingliz tilida yadro gaplar sifatida quyidagi konstruksiyalar ajratib ko'rsatiladi⁴¹ (4-jadval).

Mazkur konstruksiyalarda N (Ot) turli xil determinatorlar (masalan, artikl, olmosh) hisobiga, V (Fe'l) ravishlar, adverbial (ravishli) birikmalar hisobiga kengayishi mumkin. Ushbu yadro konstruksiyalarning bir-biri bi-

³⁹ Nurmonov A. Struktur tilshunoslik: ildizlari va yo'naliishlari. – Toshkent, 2008. – B.124.

⁴⁰ Nurmonov A., Iskandarova Sh. Tilshunoslik nazariyasi. – Toshkent: Fan, 2008. – B.140 – 141.

⁴¹ Херрис З.С. Совместная встречаемость и трансформация в языковой структуре // Новое в лингвистике. Вып. II. – М., 1962. – С.627 – 628.

4-jadval

1.	N V	Noun Verb	Ot fe'l	John came
2.	N V p N	Noun Verb Preposition Noun	Ot fe'l predlogli ot	John looked at Mary
3.	N V N	Noun Verb Noun	Ot fe'l ot	John saw Mary
4.	N is N	Noun is Noun	Ot is ot	John is a teacher
5.	N is p N	Noun is Preposition Noun	Ot is predlogli ot	John is in bed
6.	N is D	Noun is Adverb	Ot is ravish	John is out
7.	N is A	Noun is Adjective	Ot is sifat	John is angry

lan yoki turli transformatsiyalar asosida birikishi natijasida ingliz tilida boshqa turdag'i gaplar hosil qilinishi mumkin. Masalan, *The old man saw a black dog there* jumlesi uchta yadro strukturaning yig'indisi sanaladi: 1) The man saw a dog there; 2) The man was old; 3) The dog was black.

Generativ grammatikada yadro strukturalardan (**operandlar**) turli shakliy o'zgarishlar asosida asosiy ma'noni saqlagan holda ikkilamchi sintaktik qurilmalarning hosil qilinishi (**transformatsiyalar = transformalar**), bu jaryondagi vositalar (**operatorlar**) va **transformatsiya hosil qilish modellari** tadqiq etiladi.⁴² Masalan, Salim keldi – Salimning kelishi – Salim kelgach – Salim kelganda – Salim kelishi bilan...; Anvar xatni yozdi – Xat Anvar tomonidan yozildi. Ushbu misollarda transformatsiya uchun asos bo'lgan gap (*Salim keldi yoki Anvar xatni yozdi* kabi gaplar) **operand**, transformatsiya natijasi bo'lgan hosila gap (*Salim kelgach, Salim kelib yoki xat Anvar tomonidan yozildi* kabi sintaktik strukturalar) **transforma** yoki **transformand**, operanddan transformandni hosil qiluvchi vosita (ravishdosh, sifatdosh, harakat nomi yoki majhul nisbat shakkari) **transformatsiya operatori** deb ataladi.

Transformatsion grammatika matematik lingvistika va kompyuter lingvistikasi fanining rivojlanishida muhim ahamiyat kasb etadi. Birinchidan, transformatsion grammatika tabiiy tillarning grammatikasini formallashirish nazariyasi negizlarini yaratishga asos bo'ldi. Ikkinchidan, transformatsion grammatika avtomatik tarjima tizimining nazariy asosi sanaladi. Transformatsiya va derivatsiya jarayonlarining tabiiy tillarga faol tatbiq etilishi avtomatik tarjima samaradorligini ta'minlaydi. Uchinchidan, transformatsion grammatika til o'qitishni modellashtirishda ham muhim aha-

⁴² Qarang: Хомский Н. Синтаксические структуры // Новое в лингвистике. Вып. II. – М., 1962. – С. 412 – 527.

miyatga molik.⁴³ To‘rtinchidan, transformatsion grammatika tabiiy tillardagi paradigmatic va sintagmatik munosabatlarning me’yoriyligi va grammatik to‘g‘ri va noto‘g‘ri jumlalarni ajratishning aniq mezonlarini belgilaydi.

N.Chomskiy tavsiya etgan grammatikada gaplarni «tug‘dirish» (hosil qilish) uchun o‘rin almashtirish qoidalaridan foydalaniladi. Chap qismda gapning struktur komponenti simvollari joylashadi, o‘ng qism esa ularning simvollari o‘rniga almashevchilar yoki simvollar zanjiri (birikuvi)dan iborat bo‘ladi. Quyidagi jadvalda ingliz tili uchun ayrim gapning struktur komponenti simvollari ko‘rsatilgan:

5-jadval


№	Simvollar	Simvollar birikuvi
1	S – boshlang‘ich simvol, u inglizcha «Sentence» («gap») so‘zining bosh harfidan olingan.	$S = NP + VP$
2	VP – kesim guruhining simvoli, u inglizcha «Verb Phrase» birikmasidan olingan.	$VP = \text{Verb} + NP$
3	NP – ega guruhining simvoli, u inglizcha «Noun Phrase» birikmasidan olingan.	$NP = \text{Det} + N$
4	Verb – kesim gap bo‘lagining simvoli, u inglizcha «Verb» so‘zidan olingan.	$V = \text{Aux} + V$
5	Det – artiklning simvoli, u inglizcha «Determiner» («aniqlagich») so‘zidan olingan.	$\text{Det} = \text{the}, a, \dots$
6	N – ot so‘z turkumining simvoli, u inglizcha «Noun» so‘zidan olingan.	$N = \text{book}, \text{computer} \dots$
7	Aux – yordamchi (ko‘makchi) fe’llarning simvoli, u inglizcha «Auxiliary» so‘zidan olingan.	$\text{Aux} = \text{will}, \text{can} \dots$
8	V – fe'l so‘z turkumining simvoli, u inglizcha «Verb» so‘zidan olingan.	$V = \text{see}, \text{know} \dots$

Jadvaldagagi 5 – 8-qatorlarda ko‘rsatilgan simvollar (Det, N, Aux, V) *terminal simvollar* deyiladi, chunki ular lug‘atdagi aniq so‘zlardir. 1 – 4-qatordagagi simvollar esa *noterminal simvollar* deb ataladi.

Gap hosil qilish jarayoni noterminal simvollarni o‘ng qismga davomiy o‘rin almashtirish asosida yuz beradi. Bunda boshlang‘ich simvol S o‘ziga mos keluvchi simvollar birikuvi NP hamda VP ga almashtiriladi. So‘ng NP va VP simvollari ham, o‘z navbatida, Det + N hamda Verb + NP ga almashtiriladi. Bu jarayon barcha simvollar noterminal bo‘lguncha davom etadi.

⁴³ Шаумян С.К. Теоретические основы трансформационной грамматики // Новое в лингвистике. Вып.II. – С.408.

veradi. Masalan, ingliz tilidagi quyidagi jumlanı bevosita ishtirokchilar modeli asosida tahlil etaylik. Birinchi bosqichda jumla NP va VPga ajratiladi: *The old man | saw a black dog there – Keksa odam u yerda qora itni ko'rди*. Keyingi bosqichda yuqoridagi ajralish, o'z navbatida, yana ikki qismga ajratiladi: *The || old man | saw a black dog || there*. So'nggi bosqichda jumla bevosita ishtirokchilar modeli asosida «daraxt» («sentence tree») ko'rinishida tasvirlanishi mumkin:⁴⁴



Context-free grammar – matndan xoli bo'lgan grammatika, chunki undagi qoidalar universal hisoblanib, ma'lum matnga tayanib tahlil etishga asoslanmaydi, balki u avvaldan empirik tarzda belgilab olinadi. Hozirda ushbu grammatika sun'iy programmalash tillariga (Pascal, C++, Delphi, HTML) faol tatbiq etilgan, shuningdek, tabiiy tillarni formallashtirish jarayonida ham grammatikani bayon qilishning eng optimal usuli hisoblanadi. Masalan:

```

<SENTENCE> ::= < SUBJECT> < VERBPHRASE >
<SUBJECT> ::= John I Mary
< VERB PHRASE > ::= < VERB> < OBJECT>
<VERB> ::= eats I drinks
<OBJECT> ::= wine I cheese
  
```

We could represent the derivation of the sentence «*Mary eats cheese*» as follows:

```

<SENTENCE> = < SUBJECT> < VERB PHRASE >
= Mary <VERBPHRASE>
  
```

⁴⁴ Бархударов Л.С. Структура простого предложения английского языка. – М.: Высшая школа, 1966. – С.21.

```

=Mary <VERB> <OBJECT>
=Mary eats <OBJECT>
  =Mary eats cheese
    < SENTENCE> =:> < SUBJECT> < VERB PHRASE >
=:> < SUBJECT> < VERB> < OBJECT>
=:> <SUBJECT> eats <OBJECT>
=:> Mary eats <OBJECT>
=:> Mary eats cheese.

```

Formallashtirish – bu bilimlar majmuasini, mazmunini muayyan shakllar yordamida sun'iy til belgilari orqali ifodalashdir. Grammatikani formallashtirish tendensiyasi XX asrning o'rtalarida kuchaydi. Bu bevosita tilning strukturasini yanada aniq parametrлarda ifodalashga intilish, uni kompyuterga moslashtirishga urinish bilan bog'liqidir. Formal grammatika nazariyasi matematik mantiq, matematik linnistikating rivojlanishi natijasida yuzaga kelgan. Grammatikani formallashtirish (lotincha «forma» – «shakl», «tashqi ko'rinish») konsepsiyasining asoschisi amerikalik tilshunos Noam Chomskiydir. Formal grammatika abstrakt simvollar orqali bayon etiladigan grammatika hisoblanib, unda til qoidalari, so'z yasalishi, birikma va gap qurilishi turli xil lingvistik modellar, struktur sxemalar yordamida tavsifланади. Formal grammatika 3 ta birlik asosida ish ko'radi:

1. Word-classes – so'z turkumlari (tub va yasama so'zlar).
2. Phrases – gap bo'laklari.
3. Sentences – gap konstruksiyalari sxemalari, modellari.

N.Chomskiy qoidalarning ifodalanish turiga qarab formal grammatikani 4 tipga ajratgan va bu **Chomskiy iyerarxiysi** deb nomlanadi:

1. 0 grammatika (unrestricted phrase-structure grammar) – juda murakkab generativ grammatika, bunda $G=(N, P, S)$ belgilari yordamida ish ko'rildi. N, “ – alifbo (N – noterminal simvollar, u grammatikadagi simvollarni o'z ichiga oladi; “ – metatilning terminal simvollar, u tildagi so'zlarini qamrab oladi); S – noterminal to‘plamning boshlang‘ich simvoli, P – qayta ishlab chiqilgan qoidalari. Bunda terminal va noterninal simvollarini birlashtiruvchi V belgisi qabul qilingan, u inglizcha Vocabulary (lug'at) so'zidan olingan ($V=TUN$). Bu grammatika o'ta abstraktlashgan matematik modellarga, informatika nazariyasiga tatbiq etilgan.

2. 1 grammatika (context-sensitive grammar) – kontekstga bog'liq grammatika bo'lib, bunda simvollar zanjiri kontekst bilan aniqlanishi mumkin. Bu grammatika tabiiy tillar unsurlarining generatsiyasida faol qo'llaniladi.

- 3. 2 grammatika (context-free grammar)** – kontekstga bog'lanmagan gram-

matika bo‘lib, u programmalashtirish tillari unsurlarining generatsiyasida (ifodalar, buyruqlar tizimida) ishlatiladi.

4. 3 grammatika (regular grammar) – regular grammatika deb ataladi, u juda sodda va cheklangan grammatika bo‘lib, tilning sodda unsurlari uchun ishlatiladi (miqdor, konstantalar, o‘zgaruvchilar uchun).

Formal grammatikada 2 ta tushuncha asosiy: a) generation – tug‘dirish, hosil qilish, порождение; b) recognition – tanish, bilish, распознавание. Shunga ko‘ra, grammatika 2 ga bo‘linadi: 1) tug‘dirish grammatikasi (generative grammar) – tog‘ri gaplarni qabul qilish protsedurasi; 2) tushunuvchi, tanuvchi grammatika (recognizing grammar) – to‘gri gaplarni tushunish protsedurasi.

Demak, grammatika tilning asosida yotuvchi shunday ichki strukturaki, uni har bir til tashuvchisi intuitiv ravishda his qiladi va undan g‘ayrishuuriy tarzda foydalanadi. Sir emaski, har bir inson o‘z ona tili grammatikasini bolaligidanoq o‘zlashtiradi. Bu jihatlar esa grammatikani formallashtirish masalasi juda murakkab ekanligini tasdiqlaydi. Grammatikani ideal darajada tavsiiflovchi qoidalar sistemasining mavjud emasligi, har qanday tavsiya etilayotgan model nomukammal ekanligi xususida mashhur tilshunos olim K.Fessler shunday yozadi: «*Grammatikani fonetika, morfologiya va sintaksisiga bo‘lish hech kimga sir emas. Tilni uning shakllanish jarayoni ichida emas, balki uning o‘z holati ichida o‘rganish zarur. Uning ustida anatomik operatsiya o‘tkaziladi. Jonli nutq gaplarga, gap bo‘laklariga, so‘zlarga, bo‘g‘inlarga va tovushlarga ajratib chiqiladi. Ushbu metod to‘liq o‘zini oqlaydi va ahamiyatga molik natijalarga olib borishi mumkin, biroq shu bilan birga xatolarning manbai hisoblanishi ham mumkin. Xatolar ajratilgan bo‘linishning nutq organizimi uchun asos bo‘lishini da’vo qilingan paytda boshlanadi, aslida bu bo‘linish insonning ixtiyoriga bog‘liq ravishda mexanik va majburiy tarzda parchalash edi. Mazkur holat anatomiyanadagi holatni eslatadi: anatom o‘zining yorish, kesish ishlarini albatta o‘zboshimchalik bilan asossiz amalga oshirmaydi, u o‘ziga birmuncha qulaylik tug‘diruvchi joylarni tanlab oladi. Xuddi shuningdek grammalist ham nutqni tovush, bo‘g‘in, asos, qo‘sishcha kabilarga ajratishda tabiiy bo‘lmagan, lekin o‘ziga qulay yo‘ldan boradi».⁴⁵*

Yuqoridagilardan kelib chiqib aytish mumkinki, shu kungacha olimlar tomonidan ishlab chiqilgan barcha grammatik modellar o‘ta shartli va nisbiydir. Keltirilgan barcha modellar – gap bo‘laklari modeli ham, bevosita

⁴⁵ Фосслер К. Позитивизм и идеализм в языкоznании // Звеницев В.А. История языкоznания XIX – XX веков в очерках и извлечениях. Часть 1. – М.: Просвещение, 1964. – С.328 – 329.

ishtirokchilar modeli ham, tobek daraxti modeli ham, transformatsion va generativ grammatika modeli ham mutlaq va benuqson emas. - Ularning hammasi til va nutq strukturasining qaysidir aspektlarini aks ettiradi, xolos. Murakkab sistema hisoblangan tilning barcha qirralarini formallashtirishning imkoniy yo‘q, bunda miuayyan chekllovlar mavjud (ayniqsa, tilning semantik aspektida). Bu xususda nemis olimi 1931-yilda K.Gedel shunday yozadi: «*Yetarli darajada mazmunga boy nazariya formallashtirilsa, bu nazariyani formal tizimda to‘la aks ettirish mumkin emas. Bunda aniqlanmagan, formallashtirilmagan qoldiq qoladi*».⁴⁶ Demak, har qanday formallashtirishning model til grammatikasining butun qirralarini qamrab ololmaydi.

Topshiriqlar:

1. Grammatika deganda nimani tushunasiz?
2. Tilshunoslik tarixida grammatikaga bo‘lgan yondashuvlar haqida yozing.
3. Mumtoz sintaktik qarashlar haqida ma’lumotlar to‘plang.
4. Transformatsion grammatikaning formal tavsif uchun ahamaiyatli jihatlar va cheklangan tomonlari haqida mulohaza yuriting.
5. Formal grammatika iyerarxiyasining mohiyatini tushuntiring.

Adabiyotlar:

1. Chomsky N. Aspects of the Theory of Syntax. – Cambridge, Mass.: MIT Press, 1965.
2. Хомский Н. Синтаксические структуры // Новое в лингвистике. Выпуск II. – С.412 – 527.
3. Nurmonov A. Lingvistik tadqiqot metodologiyasi va metodlari. – Toshkent: Akademnashr, 2010.
4. Nurmonov A. Struktur tilshunoslik: ildizlari va yo‘nalishlari. – Toshkent, 2008.
5. Теньер Л. Основы структурного синтаксиса. – М.: Прогресс, 1988.
6. Есперсен О. Философия грамматики. – М.: Иностранная литература, 1958.
7. Фосслер К. Позитивизм и идеализм в языкоznании // Звегинцев В.А. История языкоznания XIX – XX веков в очерках и извлечениях. Часть 1. – М.: Просвещение, 1964. – С.324 – 335.
8. Шаумян С.К. Теоретические основы трансформационной грамматики // Новое в лингвистике. Выпуск II. – С.391 – 411.

⁴⁶ Анисимов А.В. Компьютерная лингвистика для всех: Миры. Алгоритмы. Язык. – Киев: Наук. думка, 1991. – С.77.

KOMPYUTER LINGVISTIKASIDA MATEMATIK STATISTIKA VA KVANTITATIV METOD

Reja:

1. Matnning statistik tahlili.
2. Kvantitativ metod va uning tilga tatbiqi.
3. Chastotali lug‘atlar.
4. Flektiv tillarda o‘zakni aniqlash, polisemantik so‘zlarni va sinonimik qatorda dominanta so‘zni aniqlash.

Tayanch so‘z va iboralar: *kvantitativ metod, matematik parametr, statistika, indeks, tanlama, tanlanamaning hajmi, absolut chastota, nisbiy chastota, lisoniy tip, flektiv tillar, agglutinativ tillar, chastotali lug‘atlar, matnning statistik tahlili, Zif qonuni, matn atributsiyasi, anonim va psevdonim matnlari, idiostil, polisemantik so‘zlar, sinonimik qator, dominanta, to‘plam, lingvostatistika.*

Statistik tahlil metodi boshqa fanlar qatori tilshunoslik fani uchun ham muhim ahamiyatga ega. Bunda tilda mavjud hodisalar aniq matematik parametrlarda baholanadi, tekshiriladi. Statistika lotinchcha «status» so‘zidan olingan bo‘lib, hodisalarning holati, ahvolini bildiradi. «Status» so‘zidan «stato» – davlat, «statusta» – davlatni biluvchi, «statistica» – davlat to‘g‘risida muayyan bilim, ma’lumotlar yig‘indisi ma’nosini bildiruvchi so‘zlar kelib chiqqan.⁴⁷ Bundan 3500 yil oldin Qadimgi Misrda o’tkazilgan aholi hisobi, Rossiyada Pyotr I davridagi «aholi taftishi», Angliyadagi «Dahshatli sud kitobi» kabilar dastlabki statistik ma’lumotlardir.

XVII asrda Angliyada yuzaga kelgan «*siyosiy arifmetika*» (U.Petti va Jon Grauntlar nomi bilan bog‘liq) fani statistikaning shakllanishiga asos bo‘lgan. Statistika ijtimoiy hodisalarning miqdoriy tomonlarini ularning sifat tomonlari bilan uzviy aloqadorlikda o‘rganuvchi fandir. Hodisalarning sifat tomonlarini maxsus fanlar o‘rganadi. Xususan, tovushlar, so‘zlar, gaplarni lingvistika, qoziya, ritm, vazn, she’r tuzilishini adabiyotshunoslik, organik hayotni biologiya, yer qatlamlari va boyliklarini geologiya kabi fanlar o‘rganadi. Statistika esa ushbu hodisalarini miqdoriy parametrlar asosida o‘rganadi. Bunda statistika hodisalarini turli omillar ta’siridagi

⁴⁷ Abdullayev Y. Statistika nazariyasi. – Toshkent, 2002. – B.4 – 5.

o'zgaruvchanlik xususiyatini – variatsiyasini e'tiborga oladi. Shu jihatdan statistik ma'lumotlar hodisalar rivojining dinamikasini aks ettira oladi. Lekin shu o'rinda aytib o'tish lozimki, statistikaga yagona mutlaq haqiqat deb yondashish, statistik ma'lumotlarga haddan tashqari ishonish ham to'g'ri emas. Ayrim yolg'on faktik materiallarga asoslanib tayyorlangan statistik ma'lumotlar hodisalar haqida xato tushunchalar berishi mumkin. Shu ma'noda statistika yuzasidan shunday hazilomuz gap aytildi: «*Yolg'onning uch turi bor: a) yolg'on; b) g'irt yo'lg'on; c) statistika*».

Statistikaning til hodisalariga tatbiq etilishi natijasida lingvostatistika sohasi shakllandi, unda til birliklari, lisoniy hodisalar, matnlar statistik tahlil etiladi. Matnning statistik tahlili – tilni ehtimollik belgilariga ko'ra tahlil qilish, til hodisalarining statistik xarakteristikalari asosida baholash demakdir. Til birligining gapda yoki matnda qo'llanish chastotasi (sur'ati) ehtimollik deyiladi. Til hodisalari haqidagi haqiqatlar lingvostatistik tadqiqotlar yordamida aniqlanadi. Masalan, o'zbek tili uchun qaysi bo'g'in strukturasi tipik ekanligini, gap modellaridan qaysi biri eng asosiy konstruksiya ekanligini, bosh kelishikdagi otlarning asosan qaysi gap bo'lagi vazifasida kelishini, tanlangan matnda so'z turkumlarining qay darajada ishlatalishini aniqlash uchun lingvostatistik tahlillarga ehtiyoj seziladi.

Til hodisalarini statistik metod asosida tahlil qilish uchun doim ma'lum bir matn yoki matnlar to'plami olinadi. Ular badiiy adabiyotdan, gazeta va jurnallardan, publisistik maqolalardan, ilmiy asarlardan, dialektologlarning jonli nutqidan yozib olgan materiallaridan tanlanadi. Statistik xususiyati o'rganilayotgan muayyan matnlar «tanlama» deyiladi. **Tanlamaning hajmi** tekshirilayotgan hodisalarning umumiyligi sonidir, uni «H» bilan belgilash mumkin. Masalan, 100 ta so'z; 37 ta bosh kelishik shaklidagi ot kabi. Aniqlanayotgan hodisani ko'rsatadigan miqdor (masalan, ot oldida aniqlovchi vazifasida keladigan takrorlangan otlar miqdori) **absolut chastota** hisoblanadi, uni «M» harfi bilan belgilash mumkin. 37 ta otdan 30 tasining aniqlovchi vazifasida kelishi absolut chasteotadir. Absolut chasteota (M)ning tanlama hajmi (H)ga nisbati (M/H)dan **nisbiy chasteota** kelib chiqadi.⁴⁸ Nisbiy chasteota «P» harfi bilan belgilanadi. Nisbiy chasteota uch xil usul bilan aniqlanadi:

- a) oddiy kasr hisobida: $P = M/H$
- b) protsent asosida: $P = M \cdot 100/H$
- c) promil hisobida: $P = M \cdot 1000/H$

Matnning statistik tahlilida Zif qonunidan o'rinci foydalananiladi. Katta

⁴⁸ Усмонов С. Умумий тилшунослик. – Тошкент: Ўқитувчи, 1972. – Б.199.

hajmdagi matnlarda har bir so‘zning qanchalik tez takrorlanishini (chastotasi) va ularning takrorlanish tezligini hisoblashda **Zif qonuni** amal qiladi.⁴⁹ Bunda so‘zning chastotasi (*f*), uning ro‘yxatdagi holati qatori (*r*) deb belgilanadi. Zif qonuniga ko‘ra, matnda eng ko‘p ishlatalgan so‘z $r = 1$, undan pastroq chastotada kuzatilgan so‘z $r = 2$, undan keyingisi $r = 3$ tarzida belgilanadi. Bundan kelib chiqadiki, matndagi ixtiyoriy so‘z uchun (*f*) chastotaga (*r*)ning ko‘paytmasi natijasi o‘zgarmas miqdor – konstanta (*C*)ga teng bo‘ladi ($r^C f = C$), bu yerda *C* matn hajmiga bog‘liq. Masalan, amerikalik yozuvchi Mark Tvenning «Tom Soyerning sarguzashtlari» asari Zif qonuni asosida tahlil etilgan. Asarda jami 71 370 ta belgi mavjud bo‘lib, takrorlanmagan so‘z tiplari 8018 ta. Matnda ishlatalgan so‘zlarning o‘rtacha takrorlanish chastotasi 8,9 dir, ya’ni matndagi so‘zlar taqriban 9 marta takrorlanadi. Lekin bunda eng katta muammo shuki, so‘z tiplarining barchasi matn ichida qo‘llanish darajasi bir xil emas. Ayrim so‘zlar 700 marta takrorlanadi, bunday so‘zlar romanning 1% qismini tashkil etadi. Yana shunday so‘zlar ham borki, ular bir marta takrorlanadi. Bunday so‘zlar **hapas legomena** (yunoncha so‘z «faqat bir marta o‘qi», degan ma’noni anglatadi) deb ataladi, ular asarning qariyb yarmini tashkil etadi. Qariyb 90% so‘zlar 10 marta yoki undan kam, 10% ga yaqin so‘z tiplari 3 marta yoki undan kam miqdorda takrorlanadi.

6-jadval

Word (So‘z)	Frequency (Chastota)	Rank (Qator)	$f^C r$
the	3332	1	3332
a	1775	3	5235
and	2972	2	5944
he	877	10	8770
but	410	20	8400
be	294	30	8820
there	222	40	8880
one	172	50	8600
about	158	60	9480
more	138	70	9660
never	124	80	9920
oh	116	90	10 440
two	104	100	10 400

⁴⁹ Плат У. Математическая лингвистика // Новое в лингвистике. – М.: Прогресс, 1965. Вып.IV. – С.204.

tumed	51	200	10 200
You'll	30	300	9000
name	21	400	8400
comes	16	500	8000
group	13	600	7800
lead	11	700	7700
friends	10	800	8000
begin	9	900	8100
family	8	1000	8000
brushed	4	2000	8000
sins	2	3000	6000
could	2	4000	6000
applausive	1	8000	8000

Matnning statistik tahlili matn atributsiyasi muammosiga ham oydinlik kiritishda muhim tadqiqot usuli hisoblanadi. Ayniqla, badiiy matnlarning statistik tahlili natijasida o'sha matn muallifi ham aniqlanmoqda. Bunda matnda tez-tez ishlatiluvchi til birliklari (otlar, sifatlar, kalit so'zlar, fe'llar, grammatik shakllar, jumla qurilishi, bir so'z bilan aytganda, yozuvchining idiostilini – o'ziga xos uslubini ko'rsatuvchi vositalari) lингvostatistik tahlil yordamida aniqlanadi. Turli matnlardan olingan dalillarning qiyosiy tahlili bizga o'sha matnning mazmun-mundarijasini, matn tuzilgan davrni, dallarni argumentlash xarakterini va hatto mualliflikni aniqlashga imkon beradi. Badiiy asarlarning sujet qurilishiga, matn strukturasiga kvantitativ metodlarning tatbiq etilishi natijasida F.Dostoyevskiy, L.Tolstoy, M.Sholoxov kabi yozuvchilarining matnlari atributsiyasi amalga oshirilgan. Keyingi paytlarda anomim (muallifi noma'lum) va psevdonim (soxta muallifi) matnlarning aniqlanishi yuzasidan ham tadqiqotlar amalga oshirilmoqda.⁵⁰ Bu aspekt kriminalistika sohasida muhim ahamiyat kasb etmoqda.

Amerikalik olim Jozef Grinberg kvantitativ metodni tilshunoslikka – morfologik tiplar nazariyasiga tatbiq etgan. Tadqiqot natijalarini «Quantitative approach to the morphological typology of languages» (1960) («Tillar morfologik tipologiyasiga kvantitativ yondashuv») nomli maqolasida umumlashtirgan. Olim o'zigacha amalga oshirilgan ishlar haqida shunday yozadi: «Tillarning tipologik tasnifi mantiqiy-ratsional mezonlar asosida yuzaga kelgan. Tasnif namunalari nazariy jihatdan asoslangan, ammo lингvistik fakt bilan uziyligi yaqqol ko'zga tashlanmaydi. Bu esa tasnifni amaliyotga

⁵⁰ Баранов А.Н. Введение в прикладную лингвистику. – М.: Эдиториал УРСС, 2001. – С.24.

tatbiq etib tekshirishni taqozo etadi».⁵¹ Shu nuqtayi nazardan olim matematik aniqlikka erishish maqsadida til hodisalarini, mavjud lisoniy tiplarning uchrash darajasini miqdoriy parametrlar asosida qayta baholadi. J. Grinberg kvantitativ metodni 8 tilga (sanskrit, anglo-saks, yoqut, vietnam, fors, ingiliz, suaxili, eskimos tillariga) tatbiq qilgan. Bunda olim o'zi belgilagan formulalar asosida lisoniy tiplarning va tillarda kuzatiladigan tipologik belgilarning miqdoriy tavsifini, statistik ma'lumotlarni ilmiy jamoatchilikka havola etdi.

Masalan, sintetiklikning dunyo tillaridagi darajasini aniqlash uchun **M/W**, **agglutinatsiyani aniqlash uchun A/J**, **kompozitsiyani aniqlash uchun R/W**, **derivatsiyani aniqlash uchun D/W**, **prefiksatsiyani aniqlash uchun P/W**, **suffiksatsiyani aniqlash uchun S/W** formulalaridan foydalandi. Bu yerda M – ma'lum tipdag'i chekli (100 so'zdan iborat) matn ichida uchragan morflar soni, A – agglutinatsiya, R (root) – o'zak, D (derivational) – yasovchi qism, P – prefiks, S – suffiks, W (Word) – matndagi so'zlar sonidir. Hisoblash natijalariga ko'ra, vietnam tili uchun – 1,06 (ya'ni 100 so'zda 106 morf uchraydi), ingliz tili uchun – 1,68, sanskrit tili uchun – 2,59, eskimos tili uchun – 3,72 dir. Natjalardan kelib chiqib olim tillarni baholaydi: «2 dan past ko'rsatkichga ega bo'lgan tillar (vietnam, ingliz, fors, xitoy, italyan, nemis tillari) analitik tillar, 2 dan 3 gacha miqdoriy ko'rsatkichga ega bo'lgan tillar (rus, sanskrit, qadimgi yunon, lotin, eski slavyan, chex, polyak, yoqut, suaxili tillari) sintetik tillar, 3 dan yuqori ko'rsatkichga ega bo'lgan tillar (eskimos, ayrim kavkaz tillari, Amerika hindulari tillari) polisintetik tillar hisoblanadi». **Rus olimi V.Z.Demyankovning fikricha, Grinberg tavsiya etgan metod tilshunoslikda mavjud bo'lgan kartotekalash usulidan ishonchliroq va aniqroqdir.** (7-жадвал)

Chastotali lug'atlar matnda so'zlarning ishlatalish chastotasi (qay darajada ishlatalishi, tez-tez ishlatalishi)dan kelib chiqqan holda tayyorlanadigan so'zliklar hisoblanadi. Chastotali lug'atlar statistik leksikografiyaning rivoji natijasida yuzaga kelgan. Bunday lug'atlar, ayniqsa, til o'qitish jarayonida leksik minimumlarni aniqlashda muhim ahamiyatga ega. So'zlarning chastotasini aniqlash lingvostatistik tahlillar yordamida amalga oshiriladi. Chastotali lug'atlar kompyuterning lingvistik informatsion bazasi hisoblanadi. Masalan, chastotali lug'atdagi birinchi 10 va 50 eng ko'p uchraydigan so'z formalining miqdori umumiyligi so'z birliklariga nisbatan agglutinativ tillarda flektiv tillarga qaraganda kamroq foizni tashkil etadi. Agglutinativ tillarda dastlabki 1000 so'z formasini umumiyligi so'z birliklarining 50 – 60 foizini

⁵¹ Qarang: Гринберг Дж. Квантитативный подход к морфологической типологии языков // Новое в лингвистике. – М., 1963. Вып. III. – С.60 – 94.

7-jadval

**Tillar morfologik tipologiyasining kvantitativ tadqiqi natijalari
(J.Grinberg tadqiqoti)**

Indekslar		Sanskrit	Anglo-saks	Fors	Yoqut	Suaxili	Vyethnam	Ingлиз	Eskimos
Sintez									
Agglutinatsiya									
Qo'shma so'z yasash									
Derivatsiya (so'z yasash)									
Relatsiya (so'z o'zgartirish)									
Prefiksatsiya									
Suffiksatsiya									
Izolatsiya									
Sof fleksiya									
Moslashuv									

8-jadval

**Sintaktik tip (SOV va SVO)ning qit'alarda tarqalish darajasi
kvantitativ tadqiqi**

Tip	Afrika	Yevroosiyo	Avstraliya	Shimoliy Amerika	Janubiy Amerika
SOV	22	26	29	26	18
SVO	21	19	6	6	5

tashkil etsa, bu ko'rsatkich flektiv tillarda 62 – 87 foiz atrofida bo'ladi. Flektiv tillarda chastotali lug'atning dastlabki 1000 so'zi umumiy har xil so'zlar sonining 69 – 89 foizini tashkil etsa, bu ko'rsatkich agglutinativ tillarda 64 – 89 foiz atrofidadir. Flektiv tillarda dastlabki ko'p uchraydigan 100 – 200 so'z formasi (ko'pchiligi yordamchi so'zlar) jami har xil so'z formalarining 50 foizini tashkil etsa, bu ko'rsatkich uchun agglutinativ konstruktiviy turkiy tillarda 600 – 1000 ko'p uchraydigan so'z formalari zarur bo'lar ekan, buning asosiy sababi agglutinativ va flektiv tillar morfologik strukturasi va so'z formalarining tuzilishidadir.

Alfavit chastotali lug'at yordamida muayyan old qo'shimchalarining mahsuldarligini so'z turkumlari bo'yicha aniqlash mumkin. Masalan, rus tili chastotali lug'atini olib qaraylik. **B3-** old qo'shimchasi 74 har xil fe'l, 27 sifat, 14 ot va faqat 2 ravishda uchragan. **БЕЗ-** old qo'shimchasi asosan ot, sifat va ravish yasashda ishlatilar ekan, fe'lida esa atigi 4 martagina ishlatilgan, xolos. Alfavit-chastotali lug'atlar tilda yoki qardosh tillarda va ularning sohalarida u yoki bu so'z paradigmasining amalga oshishini kuzatish imkonini beradi.

Chappa (ters) chastotali lug'atlar tilda qo'shimchalarining qanday qo'llanilishini aniqlab beradi. Chastotali va ters chastotali lug'atlarining ma'lumotlariga ko'ra, ot, olmosh, sifat, ravish va son tillardagi jami so'zlarning 70% ni tashkil qilgani holda, fe'l ulushi ularning 1/4 ga teng. Tillarda so'z turkumlarining ishlatilishi ham tadqiqotchilar e'tiborini o'ziga jalb etadi. Hind-yevropa tillarida yordamchi so'z turkumlarining ko'proq ishlatilishi kuzatiladi (28 – 34%), o'zbek tilida esa kam o'rinn egallaydi (atigi 8%).

Chastotali lug'atlar yaratilishi

1. 1861-yilda bosmaxonada harf terish ishini osonlashtirish maqsadida dastlabki chastotali lug'at tuzildi.
2. 1963-yilda eng faol 2500 leksema kiritilgan chastotali lug'at Shteynfeld tomonidan yaratildi.
3. 1970-yilda Leypsig universitetida prof. L.Gofman guruhi tomonidan tibbiyot, fizika, kimyo, qurilish ishi, matematika, veterinariya sohalarida eng ko'p qo'llaniluvchi so'zlarni jamlagan 3 tilli chastotali lug'at yaratildi.
4. 1972-yilda Kissen tomonidan «Словарь наиболее употребительных слов современного узбекского литературного языка» («Hozirgi o'zbek adabiy tilining ko'p ishlatiladigan so'zlar lug'ati») nomli chastotali lug'at yaratildi.
5. 1974-yilda harbiy chastotali lug'at-minimum yaratildi.

6. 1981-yilda R.Qo'ng'uров va S.Karimovlar tomonidan «Zulfiya poeziyasining lug'ati. Konkordans» tuzildi.

7. 1982-yilda matematika fani yuzasidan inglizcha-ruscha chastotali lug'at ishlab chiqildi.

8. 1984-yil Leningrad davlat universitetida tarix, iqtisod fani yuzasidan inglizcha-ruscha chastotali lug'at ishlab chiqildi.

9. 1986-yilda S.Rizayev va N.Bo'ronovlar tomonidan «A.Qahhor «Sinchalak» povesti tilining chastotali lug'ati» yaratildi.

10. 1987-yilda falsafa fanidan chastotali lug'at yaratildi.

11. 2006-yilda D.O'rınboyeva tomonidan «O'zbek xalq dostonlari tilining chastotali lug'ati» ishlab chiqildi. Bu lug'at uchun «Algomish», «Ravshan», «Rustamxon» dostonlari matni statistik tadqiqot obyekti qilib olin-gan, unda 28 499 so'z shakli statistik tahlil qilingan.

Chastotali lug'atlarning kompyuter lingvistikasi uchun ahamiyati quyidagilarda ko'rindi:

- birinchedan, chastotali lug'atlar avtomatik qidiruv tizimi asosida ishlay-digan elektron lug'atlar yaratish uchun, ularning sohaviy turlari uchun tayyor lingvistik ta'minot vazifasini o'taydi;

- ikkinchedan, chastotali lug'atlar til o'qitishni avtomatlashtirish jara-yonida, kompyuter lingvodidaktikasi sohasida metodologik ahamiyat kasb etadi;

- uchinchedan, chastotali lug'atlar chet tillarini o'qitishning samaradorligini oshirish uchun muhim omil bo'lib, ular xorijiy tillarning leksik va leksik-morfologik minimumlarini yaratishga imkon beradi.

Agglutinativ tillarda o'zak va qo'shimcha orasidagi chegara («chok») aniq sezilib turadi. Bu tillarda o'zakni aniqlash oson. Buni matematik asosda quyidagicha aniqlash mumkin. Masalan: $Y+o^{+}l+d+a, y+o^{+}l+l+a+r, y+o^{+}l+n+i+n+g \dots$

$3(y+o^{+}l)+d+2n+i+g+r$. Demak, bu so'zlar uchun umumiy o'zak eng ko'p qo'llangan tovushlar ($y+o^{+}l$) hisoblanadi.

Flektiv tillarda o'zak va qo'shimcha orasidagi chegara sezilmaydi, bu esa ularda o'zakni aniqlash muammosini keltirib chiqaradi. Ingliz, arab tillari flektiv tillar guruhiга mansubdir. Bu tillarda o'zakni aniqlashda yu-qoridagi usuldan foydalanish mumkin. Bunda eng ko'p takrorlanuvchi tovushlar «o'zak» («root») sifatida olinishi mumkin.

sing – sang – sung – song = $s+n+g - o'zak$

ta'lim – olim – عالم ilm – علم

Arabcha so'zlar uchun umumiy o'zak – ع لم harflaridir.

Polisemantik so'zlar semalari (ma'nolari) orasida integral jihatlar kuza-

tiladi, mantiqiy aloqadorlik bo‘ladi. Ularning polisemantik ekanligini to‘plamlik belgilari asosida tahlil qilish yordamida, to‘plam elementlari va belgilari orasidagi kesishuvni topish yordamida aniqlanadi.

Birikmalar:

- | | |
|-----------------------|----------------------------|
| A. Odamning ko‘zi. | 1. Ko‘rish organi. |
| B. Uzukning ko‘zi. | 2. Shaffoflik belgisi. |
| C. Buloqning ko‘zi. | 3. Cheti botganlik. |
| D. Derazaning ko‘zi. | 4. O‘rtasi bo‘rtganlik. |
| E. Ishning ko‘zi. | 5. Ochilishi va yumilishi. |
| F. Yog‘ochning ko‘zi. | 6. Asosiyligi. |
| G. Qalb ko‘zi. | 7. Sezish (ko‘rish) organi |

«Ko‘z»ning semalari:

9-jadval

Nº	1	2	3	4	5	6	7
A to‘plam	+	+	+	+	+	+	+
B to‘plam	-	+	+	+	-	-	-
C to‘plam	-	-	-	-	+	-	-
D to‘plam	-	+	-	-	+	-	-
E to‘plam	-	-	-	-	-	+	-
F to‘plam	-	-	+	+	-	-	-
G to‘plam	-	-	-	-	-	-	+

Sinonimik qatorda dominanta (bosh, asosiy) so‘zni aniqlash ham yuqorida berilgan to‘plam metodi asosida amalga oshirilishi mumkin. Bunda turli nutq uslublaridagi matnlar tahliliga tortiladi va barcha uslublarda ishlatalishi kuzatilgan so‘z o‘sha sinonimik qatorda dominanta so‘z hisoblanadi.

Topshiriqlar:

1. Statistik tahlil nima uchun zarur?
2. O‘zingiz mustaqil statistik tadqiqot amalga oshiring.
3. Matematik statistikaga oid mustaqil ish tayyorlang.
4. Ma’lum tanlama matnni so‘z turkumlari bo‘yicha statistik tahlil asosida tekshiring.
5. Matn atributsiyasi deganda nimani tushunasiz?

Adabiyotlar:

1. Пиотровский Р.Г. Инженерная лингвистика и теория языка. – Л.: Наука, 1979.

2. Пиотровский Р.Г. Текст, машина, человек. – Л.: Наука, 1975.
3. Гринберг Дж. Квантитативный подход к морфологической типологии языков // Новое в лингвистике. – М., 1963. Вып. III. – С.60 – 94.
4. Campbell L., Bubenik V., Saxon L. Word Order Universals: Refinements and Clarifications // Canadian Journal of Linguistics. №2. 1988. – P.209 – 230.
5. Abdullayev Y. Statistika nazariyasi. – Toshkent, 2002.
6. Плат У. Математическая лингвистика // Новое в лингвистике. Вып.IV. – М.: Прогресс, 1965.
7. Усмонов С. Умумий тилшунослик. – Тошкент: Ўқитувчи, 1972.
8. Баранов А.Н. Введение в прикладную лингвистику. – М.: Эдиториал УРСС, 2001.

KOMPYUTER LINGVISTIKASI TARIXI VA ZAMONAVIY HOLATI. KOMPYUTER LINGVISTIKASI BO‘YICHA TADQIQOTLAR

Reja:

1. Kompyuter lingvistikasi va uning asosiy yo‘nalishlari.
2. Kompyuter lingvistikasiga oid nazariy va amaliy tadqiqotlar.
3. Lingvistik programmalar va ularning yo‘nalishlari.

Tayanch so‘z va iboralar: *kompyuter lingvistikasi, mashina tarjimasi, avtomatik tahrir, avtomatik o‘qitish tizimi, matnning statistik tahlili, lingvostatistika, injener lingvistikasi, chastotali lug‘at, o‘qituvchi lingvistik automat, lingvistik ta‘min, lingvistik programmalar.*

Kompyuter lingvistikasi fani 1960-yilda AQSHda shakllandı. Mazkur fan XX asrning o‘rtalarida paydo bo‘lgan matematik lingvistika fani asoslaridan kelib chiqqan. Tabiiy tillar grammatikasi formal modeli kompyuterda tarjima qilish, tillarga o‘rgatish, bilimlarni diagnostika qilish, matnlarni tahrir etish kabi amaliy dasturlarni ishlab chiqishga asos bo‘lgani holda kompyuter lingvistikasi yo‘nalishiga zamin yaratdi.⁵² Kompyuter lingvis-

⁵² Po‘latov A., Muhammedova S. Kompyuter lingvistikasi. – Toshkent, 2007. – B.37 – 38.

tikasi fanining asosiy maqsadi lingvistik masalalarni hal qilishning kompyuter dasturlarini yaratishdir.⁵³ Uning asosiy vazifalariga tillarga o'qitish, bilimlarni tekshirish, matnlarni turli jihatdan tahrirlash va mashina tarjimasi uchun mo'ljallangan dasturlarni ishlab chiqish kabilar kiradi. Kompyuter lingvistikasi bir-biri bilan chambarchas bog'liq bo'lgan uch yo'naliishni o'z ichiga oladi: 1) lingvostatistika; 2) injenerlik lingvistikasi; 3) algoritmik (dasturlash) lingvistikasi.

Kompyuter lingvistikasi amaliy tilshunoslikning tarkibiy qismi, matematik lingvistikaning mantiqiy davomi bo'lib, u hozirda turli aspektlarda jalal rivojlanmoqda. Kompyuter lingvistikasi fanining asosiy yo'naliishlari sifatida quyidagilarni ajratish mumkin:

- a) matn tahriri – kompyuter yordamida muayyan matnning xatolarini tog'rilash;
- b) avtomatik tarjima – berilgan matnni bir tildan boshqa tilga qisqa vaqt ichida tezkor tarjima qilish tizimi;
- c) CALL (Computer Assisted Language Learning) – til o'qitishni avtomatlashtirish – xorijiy tillarni kompyuter yordamida o'qitish tizimini ta'minlovchi amaliy dasturlar hamda bilimlarni avtomatik baholash mexanizmlari;
- d) kompyuter leksikografiyası (elektron lug'atlar tuzish) – muayyan til leksikonidagi so'zlarning ma'lumotlar bazasi va maxsus programmalashtirish tillari yordamida ishlash tizimiga ega bo'lgan dasturlar (kompyuter lug'atlari) yaratish bilan shug'ullanuvchi soha;
- e) sun'iy intellekt tizimini yaratish;
- f) NLP – tabiiy tilning qayta ishlanishi;
- g) gipertekst texnologiyasi;
- h) on-line o'qitish tizimi (virtual sind va laboratoriyalarda) – kompyuter lingvodidaktikasi;
- i) informatsion qidiruv tizimi.

Xorijda kompyuter lingvistikasi bo'yicha olib borilgan tadqiqotlarning salmog'i va qamrovi juda keng. Ayniqsa, AQShda kompyuter lingvistikasi bo'yicha tematik to'plamlar, «Computational Linguistics» («Kompyuter tilshunosligi») nomli jurnal nashr etiladi. AQShda kompyuter tilshunosligi assotsiatsiyasi mayjud bo'lib (**Association of Computational Lingistics**), bu uyushma kompyuter tilshunosligi bilan bog'liq ko'plab tashkiliy va ilmiy ishlarni amalgalashadi. AQShda ikki yilda bir marta **COLING** konferensiysi o'tkaziladi. AQShning 10 ta universitetida kompyuter lingvistikasi

⁵³ Новое в зарубежной лингвистике. Вып.24. Компьютерная лингвистика. – М.: Прогресс, 1989. – С.10.

fakultetlari mavjud. Kompyuter tilshunosligining muammoli masalalari sun'iy intellekt bo'yicha o'tkaziladigan turli xalqaro konferensiyalarda ham ko'rib chiqiladi. Rossiyada har yili kompyuter lingvistikasiga oid «ДИАЛОГ» xalqaro konferensiyasi o'tkaziladi.⁵⁴ Shuningdek, Niderlandiyada «Artificial Intelligence» («Sun'iy intellekt») jurnali ham chop etiladi. Mexiko shahrida har yili 10 yildan beri «Computational Linguistics and Intelligent Text Processing» nomli xalqaro konferensiya o'tkazib kelinadi.⁵⁵

Rus kompyuter tilshunosligidagi tadqiqotlarning quyidagi yo'nalishlarini alohida ajratib ko'rsatish mumkin:

- mashina tarjimasi (MT);
- avtomatik tahrirlash (AT);
- til o'rgatish jarayonini kompyuterlashtirish (avtomatik til o'qitish – ATO');
- statistik tadqiqotlar (ST).

Kompyuter lingvistikasining mashina tarjimasi yo'nalishida amalga oshirilgan tadqiqotlar bugungi kunda barcha kompyuterlarda mavjud bo'lgan ruschadan boshqa tillarga tarjima qiluvchi dasturlarning yaratilishiha asos bo'ldi. Xususan, L.L.Nelyubin va uning shogirdlari tomonidan ishlab chiqilgan so'zma-so'z tarjima qilishning ilmiy strategiyasi (rasmiyidoraviy uslub asosida) o'sha davr jahon injener lingvistikasi talablari va ilg'or tajribasiga monand bo'lgan edi.⁵⁶

L.L.Nelyubin tadqiqotlarining quyidagi o'ziga xos jihatlarini ta'kidlash lozim: birinchidan, ushbu ishlarda so'z va iboralarning avtomatik lug'ati bilan birlgilikda to'liq tarjima qilish imkoniyatini beruvchi morfologik-sintaktik algoritm-freym yaratishga harakat qilingan; ikkinchidan, vujudga keltirilgan tarjima dasturlari asosida o'qituvchi lingvistik avtomat (ОЛА – Обучающий лингвистический автомат) yaratish me'yorlari ishlab chiqilgan. Ya'ni u o'quvchilarga ingliz tilidagi rasmiy hujjatlarni rus tiliga tarjima qilishni o'rgatish imkonini beradi. Professor L.L.Nelyubinning ilmiy faoliyatida mashina tarjimasi uchun (ingliz tili bo'yicha) algoritmlar va dasturlar ishlab chiqish asosiy o'rinni egalladi. L.L.Nelyubin mashina tarjimasida ingliz tili leksikasini butunligicha qamrab olmagani, u o'z tadqiqotlarining obyekti sifatida AQSh harbiy hujjatlarini belgiladi va bu sohada ko'plab ilmiy asarlar yaratdi. Jumladan, olimning «Перевод боевых документов армии США» (1971), «Частотный англо-русский военный

⁵⁴ <http://www.dialog-21.ru/>

⁵⁵ <http://www.CICLing.org>

⁵⁶ Нелюбин Л.Л. Перевод и прикладная лингвистика. – М.: Высшая школа, 1983. – С.6.

словарь-минимум» (1974), «Перевод и прикладная лингвистика» (1983), «Компьютерная лингвистика и машинный перевод» (1991) kabi monografik tadqiqotlari kompyuter lingvistikasi fani bo'yicha fundamental ishlar hisoblanadi.

Shuningdek, Yu.N.Marchuk tadqiqotlarida ham bir tabiiy tildan boshqa tilga bo'lgan tarjimani modellashtirish tamoyillari, tarjima birligi, tarjima jarayonining statikasi va dinamikasi hamda EHM ishtirokidagi tarjimaning texnologik liniyalari tavsiflangan. Olimning nazariy qarashlari va g'oyalari quyidagi asarlarida o'z ifodasini topgan: «Некоторые принципы автоматизации перевода с немецкого языка на русский» (1980), «Проблемы машинного перевода» (1983), Yu.V.Rojdestvenskiy bilan ham-mualiflikda yaratgan «Введение в прикладную филологию» (1987) monografiyalar, shuningdek, «Теория и практика машинного перевода», «Модель «текст-текст» и переводные соответствия в теории машинного перевода» nomli maqolalari. Yu.N.Marchuk ham tarjimani modellashtirish metodlari va uni avtomatlashtirish yo'llarini ishlab chiqqani holda bugungi rus kompyuter lingvistikasiga asos solgan olimlardan hisoblanadi.

L.L.Nelyubin va Yu.N.Marchuklarning mashina tarjimasi bo'yicha olib borgan tadqiqotlaridan ta'sirlangan va ilhomlangan holda ko'plab rus va ukrain olimlari hara kompyuter lingvistikasiga oid qator izlanishlar olib bordilar. Natijada bir nechta monografiyalar yaratildi, o'nlab dissertatsiyalar himoya qilindi, ilmiy maqola va tezislar e'lon qilindi. Xususan, A.M.Kondratovning «Машинный перевод» (1963), I.I.Revzin, V.Yu.Rozensveylarning «Основы общего и машинного перевода» (1964), V.Ingvening «Язык для программирования задач машинного перевода» (1967), E.I.Korolyovning «Промышленные системы машинного перевода» (1991) nomli monografik tadqiqotlari; V.M.Kalininning «Развитие схемы Пуассона и ее применение для описания статистических свойств речи», I.L.Yeshanning «Опыт статистического описания научно-технического стиля (на материале переводов с румынского языка)», A.V.Zubovning «Переработка текста естественного языка в системе «человек-машина»», V.A.Chijakovskiyning «Фразеология и машинный перевод (опыт составления работы немецко-русского автоматического словаря для публицистических и научных текстов)», A.D.Borisovichning «Англо-русский автоматический словарь оборотов (к проблеме идиоматичности при обращении текста в системе «человек-машина-человек»)», V.V.Goncharenkoning «Лексикографические, лингвостатистические и инженерно-лингвистические вопросы постро-

ения автоматического словаря (англо-русский автословарь по полупроводникам)» mavzularidagi nomzodlik dissertatsiyalari; V.I.Gerasimovning «Современное состояние машинного перевода», G.G.Kotovning «Лингвистика и современное состояние машинного перевода», T.N.Moloshnayaning «Алгоритм перевода с английского языка на русский», Yu.V.Vannikovning «Виды адекватности и типологии переводов» sarlavhali maqolalarini alohida ko'rsatish mumkin.

Mazkur tadqiqotlar rus tili bo'yicha jahon kompyuter tarmoqlarida ma'lumotlar bazasi yaratilishi va buning natijasi sifatida rus tilidagi matnlarni avtomatik tarzda boshqa tillarga tarjima qiluvchi dasturlarning vujudga kelishi uchun asos bo'ldi. O'zbek tilida ham shu kabi ma'lumotlar bazasini yaratish bugungi kundagi eng dolzarb vazifadir.

Rus kompyuter tilshunosligida taraqqiy qilgan yana bir yo'naliш matnlarning avtomatik tahriri yo'naliшidir. Mazkur yo'naliшida ilmiy tadqiqotlar olib borgan olimlar sirasiga R.R.Kotov, V.E.Berzon, V.G.Britvin, I.A.Melchuk, L.I.Belyayeva, V.A.Chijakovskiy, G.G.Belonogov, I.S.Duganova, A.B.Kuznetsov kabilarni kiritish mumkin. Nomi zikr etilgan olimlarning quyidagi tadqiqotlarini alohida ajratib ko'rsatish mumkin: G.G.Belonogov va G.G.Kotovlarning «Автоматизированные информационно-поисковые системы» (1968), G.G.Kotovning «Лингвистические аспекты автоматизированных систем управления» (1977), «Лингвистические вопросы алгоритмической обработки сообщений» (1983), «Прикладная лингвистика и информационная технология» (1987), «Оптимизация речевого воздействия» (1990), G.G.Kotov va B.V.Yakuninning «Язык информационных систем» (1989), I.L.Belyayeva hamda V.A.Chijakovskiyning «Тезарус в системах автоматической переработки текста» (1983) nomli monografiyalari; V.G.Britvinnning «Прикладное моделирование синтагматической семантики научно-технического текста (на примере автоматического индексирования)» mavzusidagi nomzodlik dissertatsiyasi; I.A.Melchukning «Порядок слов при автоматическом синтезе русского слова (предварительные сообщения)», G.G.Belonogov, I.S.Duganova, A.B.Kuznetsov larning «Экспериментальная система автоматизированного обнаружения и исправления ошибок в тексте» sarlavhali maqolalari avtomatik tahrir bo'yicha muhim manbalar sanaladi.

Ushbu olimlarning asosiy xizmati shundaki, ular avtomatik tahrir qiluvchi dasturlar uchun lingvistik ta'min yaratib berishgan. Buning natijasida kompyuterlardagi ruscha matnlarni tahrirlovchi dasturlar ishlab chiqilgan. Bu dasturlar bugungi kunda barcha kompyuterlarda mavjud. Ya'ni bunda

noto‘g‘ri yozilgan so‘zning tagiga qizil chiziq chiziladi, so‘z to‘g‘ri yozilganidan so‘ng chiziq yo‘qoladi. Ko‘rinadiki, bu dastur asosan imloni tekshirishga mo‘ljallangan, unda uslubiy xatolarni aniqlash ko‘zda tutilmagan. Kelajakda yaratiladigan dasturlar, umid qilamizki, avtomatik tahrirning bu jihatlarini ham e‘tibordan chetda qoldirmaydi. Ta‘kidlash lozimki, bunday dasturlarni ishlab chiqish uchun til birliklarining nafaqat fonetik, semantik, morfologik xususiyatlari, balki aynan sintaktik-valentlik xususiyatlari hisobga olingan lingvistik ta‘min yaratish lozim bo‘ladi.

Rus tilshunosligida avtomatik tarzda tilga o‘qitish yo‘nalishida ham izchil tadqiqotlar olib borilgan. Ular oliv va o‘rtta mактабда til o‘qitishni optimallashtirishning psixologik-kibernetik, semiotik, lingvo-statistik, injener-lingvistik va lingvovidaktik asoslarini ishlab chiqishga yo‘naltirilgan. Xusan, G.G.Piotrovskiyning «Компьютеризация преподавания языков» o‘quv qo‘llanmasida EHM vositasida o‘qitish, ya’ni lingvovidaktik vazifalarni kompyuter yordamida yechish, til o‘rgatish jarayonini optimallashtirish, o‘qituvchi lingvistik avtomat (O‘LA) uchun nutqiy materiallarni tayorlash kabi masalalar tadqiq qilingan.⁵⁷

Tadqiqotlar natijasida ko‘plab O‘LALAR uchun lingvistik ta‘min yaratilgan bo‘lib, bu dasturlar rus tilini o‘qitish jarayonini optimallashtirishga xizmat qiladi. Eng muhim, rus kompyuter tilshunosligida «tillarni o‘qitishni kompyuterlashtirish» deyilganda o‘qituvchi yoki o‘quvchi harakatlariiga taqlid qiluvchi ko‘ngilochar dasturlarni yaratish tushunilmaydi. Bunda asosiy e‘tibor AO‘S (avtomatik o‘qituvchi sistema) larga tayanuvchi avtomatlashirilgan o‘quv kurslarini vujudga keltirishga qaratiladi. AO‘S esa o‘quv jarayoni ishtirokchilariga nafaqat taqlid qilishi, balki ularning intellektual faoliyatini modellashtirishi ham zarur bo‘ladi.

Rus tilshunosligidagi tillarga o‘qitish yo‘nalishida lingvistik statistikadan ham keng foydalananligan. Ma’lumki, ona tilidan tashqari ikkinchi bir tilni o‘rganayotganda, avvalo, ushbu tilning lug‘at boyligiga murojaat qilinadi. Ammo har bir tilning lug‘at boyligida ming-minglab so‘zlar mayjud bo‘lib, ularning hammasini eslab qolish mumkin emasligi tabiiy. Shu sababli o‘rganilayotgan tilning dastlab eng asosiy hamda tez-tez qo‘llanib turadigan so‘zlarinigina o‘zlashtirishga kirishiladi va muntazam ravishda bosqichma-bosqich so‘z boyligi oshirib boriladi. Buning uchun esa leksikostatistik ma’lumotlar asosiy poydevor vazifasini o‘taydi. L.N.Zasorinaning ta‘kidlashicha, leksikostatistik aning markaziy muammosi jonli (funksional) tilning statistik qonuniyatlarini va matnning statistik strukturasini aniqlash-

⁵⁷ Пиоторовский Г.Г. Компьютеризация преподавания языков. – Л.: ГГПИ, 1988. – С.74.

dir. Matnning statistik strukturasi deyilganda, shartli ravishda, ma'lum matndagi turli so'zlar miqdori bilan shu matnda uning qaytarilish-qaytalanish chastotasi orasidagi munosabat tushuniladi. Shunga ko'ra, statistik ma'lumotlarni toplash, qayta ishlash kabi murakkab jarayondagi barcha ishlarni EHMga yuklash zaruriyati kelib chiqqan holda kompyuter lingvistikasida statistik yo'nalish yuzaga keldi. U rus tilshunosligida avtomatik tarzda tilga o'qitish yo'nalishi bilan hamohang tarzda rivojlanib borgan. Bu yo'nalishda amalga oshirilgan eng asosiy tadqiqotlar quyidagilardir: P.M.Alekseyev, L.N.German-Prozorova, G.G.Piotrovskiyarning «Основы статистической оптимизации преподавания иностранных языков» (1974), N.D.Andreyevning «Статистико-комбинаторные методы в теоретическом и прикладном языковедении» (1967), P.M.Alekseyevning «Статистическая лексикография» (1975), Ye.A.Kalininaning «Изучение лексико-статистических закономерностей на основе вероятностной модели» (1985).

Matematik va injener lingvistikasi, ya'ni hozirgi kompyuter lingvistikasining yo'nalishlaridagi tadqiqot metodlari turkologiyada ham qo'llanilgan. Turkologiyada bu yo'nalishda amalga oshirilgan tadqiqotlar sirasiga quyidagilarni kiritish mumkin: K.A.Veliyevaning «Формальное описание синтеза азербайджанского слова» (1970), V.Ya.Pinesning «Моделирование структуры азербайджанских глагольных форм в связи с проблемой автоматического словаря» (1970), X.F.Isxakovaning «Исследования в области формальной морфологии тюркских языков (на материале татарского литературного языка в сопоставлении с турецким и узбекским)» (1972), A.Babanarovning «Разработка принципов построения словарного обеспечения турецко-русского машинного перевода» (1981), M.A.Mahmudovning «Разработка системы формального морфологического анализа тюркской словоформы (на материале азербайджанского языка)» (1982), T.Sadikovning «Моделирование киргизской именной морфологии» (1982) mavzusidagi nomzodlik dissertatsiyalari; M.Ayimbetovning «Проблемы и методы квантитативно-типовогического измерения близости тюркских языков (на материалах каракалпакского, казахского и узбекского языков)» (1997) mavzusidagi doktorlik dissertatsiyasi; G.P.Melnikovning «Принципы системной лингвистики в применении к проблемам тюркологии», A.Babanarovning «Автоматический анализ турецкой словоформы и турецко-русский машинный перевод» nomli maqolalari; M.S.Jikiyaning «Морфологическая структура слов в турецком языке (ранговая структура аффиксальных морфем)» (1975), K.B.Bektayevning «Статисти-

ко-информационная типология тюркского текста» (1978) nomli monografiyalari mavjud.

Matematik va kompyuter lingvistikasi Qozog'istonda izchil rivojlangan. Bu yerda dastlabki amalga oshirilgan tadqiqotlar, asosan, statistik yo'naliishga oid bo'lib, keyinchalik qozoq tilshunoslari mashina tarjimasi, avtomatik tahrir, tillarga o'qitish kabi sohalarda ham keng ko'lamli ishlarni amalga oshirishdi. Bunda A.Axbayevning «Статистический анализ лексико-морфологической структуры языка казахской публицистики» (1971), A.X.Jubanovning «Статистическое исследование казахского текста с применением ЭВМ (на материале романа М.Ауэзова «Абай жолы»)» (1973), K.A.Maldibekovning «Частотный словарь казахской детской литературы» (1980), D.A.Baytanayevaning «Информационные характеристики казахского языка» (1985) kabi dissertatsion ishlarini alohida ta'kidlash joiz.

Qozoq kompyuter lingvistikasi shakllanishida prof. Q.B.Bektayevning ilmiy faoliyati muhim ahamiyatga ega. Olim matematik va injener lingvistikasiga oid o'nlab asarlar yaratgan.⁵⁸ Q.B.Bektayev rahbarligidagi «Lingvostatistika va avtomatlashtirish» guruhi a'zolari M.Avezovning «Abay yo'li» romani (4 kitob) tilining chastotali lug'ati so'zligini kompyuter yordamida 50 soat davomida tuzib chiqqanlar. Mazkur chastotali lug'atda 20 000 dan ziyodroq leksema va 60 000 so'z shakli («glossema») mavjud bo'lib, u 466 000 marta qo'llanilgan. Guruh a'zolari bu lug'atni tuzish uchun atigi sakkiz oy vaqt sarflaganlar. Vaholanki, shu ish oddiy qo'l kuchi bilan bajarilganda, mazkur guruh a'zolari tinimsiz 10 yil, bir tilchi esa kamida 100 yil ishlagan bo'lar edi. Shu tariqa ushbu ulkan ish qozoq tilshunosligida kompyuter lingvistikasining rivojlanishiga asos bo'ldi.

O'zbek tili materiallari bo'yicha kompyuter tilshunosligiga oid dastlabki tadqiqotlar olib borgan olimlar H.Arziqulov, S.Rizayev va S.Muhamedovlardir. Mazkur olimlar ham asosan kompyuter lingvistikasining statistik tahlil, avtomatik tahrir yo'naliishlari bo'yicha ishlarni amal-

⁵⁸ Бектаев К.Б., Лукьяненко К.Ф. О законах распределения единиц письменной речи. – СтРААТ, 1971; Бектаев К.Б., Джубанов А. Индексация и кодирование текстовой информации для ввода в ЭВМ. – Алма-Ата, 1973; Пиотровский Г.Г., Бектаев К.Б., Пиотровская А.А. Математическая лингвистика. – М.: Высш. шк., 1977; Бектаев К.Б., Кенесбаев С.К., Пиотровский Г.Г. О инженерной лингвистике // ВЯ. 1973. №2; Бектаев К.Б. Статистика – информационная типология тюркского текста. – Алма-Ата: Наука, 1978; Бектаев К.Б., Садчикова П.В. Опытно-промышленная система лексического машинного перевода. – МСМП, 1979.

ga oshirgan. H.Arziqulov o‘zining «Информатика и переработка текста средствами вычислительной техники» nomli monografiyasida kompyuter yordamida katta hajmdagi matnlarga ishlov berishning avtomatik tizimi asoslarini chuqur tahlil qilgan. Eng muhim, professor H.Arziqulov rahbarligida Samarqand davlat chet tillari institutida injener tilshunosligi markazi tashkil etilgan edi. Bu markaz davlat tilidagi matnlarga kompyuter yordamida qayta ishlov berish masalalari ustida ilmiy kuzatishlar olib borgan. Bunda matnlarga qayta ishlov beradigan kompyuter dasturlarini yaratish, o‘zbek tilining barcha sathlariga oid matnlarni yig‘ish, ularni muayyan bir tizimga keltirish, indeksatsiya qilish, algoritmlarini tuzish, ularga statistik jihatdan ishlov berish, inglizcha-o‘zbekcha mashina tarjimasi dasturini yaratish sohasida izchil ilmiy-tadqiqot ishlarini boshqargan. O‘zbekcha matnlarga qayta ishlov beruvchi avtomatik tizim «Uzlington», lotin alifbosidagi matnlarni kirill yozuviga va lotin alifbosidan kirill alifbosiga o‘tkazuvchi «Spellchecker», kompyuter ko‘magida korrektura qiladigan, imloviy xatolarni tuzatadigan kompyuter dasturlarini yaratishga biringhilardan bo‘lib qo‘l urgan.

Hamdam Orziqulov o‘zbek mashina tilini yaratish maqsadida so‘z tarkibini nihoyatda chuqur tadqiq qildi: morfema va so‘z yasalish strukturalari haqidagi fikrlari, matn statistikasi va undan chastotali lug‘atlar tuzish prinsiplari, o‘zbek matnlariga kompyuter yordamida qayta ishlov berilishi va ularning dasturlarini yaratish haqidagi jiddiy tadqiqotlari tom ma’noda o‘zbek tilshunosligida injener tilshunoslik sohasi yuzaga kelishiga zamin bo‘ldi, kompyuter tilshunosligi alohida tizim sifatida shakllanishi va o‘rganishi ta’minlandi. Shuning uchun ham Hamdam Orziqulov o‘zbek tilshunosligining Samarqand maktabida injener tilshunosligi sohasi asoschisidir, deyish mumkin.

S.Muhamedov o‘zining R.R.Piotrovskiy bilan hammulliflikda yozgan «Инженерная лингвистика и опыт системно-статистического исследования узбекских текстов» nomli kitobida lingvistik modellar, modellashtirish va uning umumiy tamoyillari haqida fikr yuritib, o‘zbekcha matnlarning kvantitativ modellarini keltiradi.⁵⁹ Mazkur asarda sun‘iy intellekt yaratish va injener lingvistikasi metodlari bilan o‘zbekcha nutqni avtomatik qayta ishlash jarayonida foydalanish uchun zaruriy bo‘lgan o‘zbekcha matnlarning leksik – morfologik tuzilishi statistik tahlili natijalari keltirilgan. Ya’ni uning «Статистический анализ лексико-мор-

⁵⁹ Мухамедов С.А., Пиотровский Г.Г. Инженерная лингвистика и опыт системно-статистического исследования узбекских текстов. – Ташкент: Фан, 1986.

фологической структуры узбекских газетных текстов» (nomzodlik dissertasiyasi) va «*O'zbek tilining alfavitli-chastotali lug'ati (gazeta tekstlari asosida)*» asarlari yuqoridagi asarning yozilishida manba bo'lib xizmat qilgan. S.Rizayev «*Kibernetika va tilshunoslik*» asarida tilshunoslikda aniq metodlarning qo'llanishi va bunda EHMdan foydalanish, til va nutq hodisalariga statistik yondashishning sabablari hamda matnlarni avtomatik qayta ishslash va mashina tarjimasi muammolari, shuningdek, harflar chastotasini aniqlashda EHMdan foydalanishga doir ma'lumotlar bergan.

S.Muhamedov va S.Rizayevlarning kompyuter tilshunosligiga oid asarlari bugungi kun kompyuter tilshunosligiga asos hisoblanadi. Ammo o'zbek kompyuter tilshunosligini yangicha, zamonaviy texnologiyalar, dasturlar asosida rivojlantirish hamda samarali, ixcham, qulay va arzon kompyuter dasturlari uchun lingvistik ta'minot yaratib berish eng dolzarb vazifa hisoblanadi.

Shuni ta'kidlash lozimki, mazkur vazifalarni amalga oshirishda kompyuter lingvistikasi o'zbek tilshunosligida shu paytgacha yaratilgan birorta ham ilmiy asarni rad etmaydi. Aksincha, u A.G'ulomov, M.Asqarova, A.Kononov, F.Kamol, Z.Ma'rufov, N.Mamatov, Sh.Rahmatullayev, M.Mirtojiyev, I.Qo'chqortoyev, A.Nurmonov, N.Mahmudov, H.Ne'matov, R.Sayfullayeva, M.Sodiqova, R.Rasulov, E.Begmatov, I.Mirzayev, H.Dadaboyev, Yo.Tojiyev kabi atoqli o'zbek olimlarining o'zbek tili leksikasi va grammatikasiga oid tadqiqotlariga suyanadi. Ulardagi ilmiy-nazariy fikrlarga asoslanadi, ulardan oziqlanadi.⁶⁰

So'nggi yillarda o'zbek kompyuter lingvistikasi asta-sekinlik bilan shakllanmoqda. Ayniqsa, bu sohada A.Po'latov, N.Jo'rayevalarning «Разработка формальной модели грамматики узбекского языка», A.Po'latov, B.Alixo'jayev, N.Jo'rayevalarning «Разработка программы компьютерного анализа и синтеза глаголов узбекского языка», A.Po'latov, S.Muhamedovalarning «Kompyuter tilshunosligida avtomatik tahrir qiluvchi dasturning lingvistik ta'minotini yaratish asoslari» nomli maqolalari, shuningdek, A.Po'latov va S.Muhamedovalarning «Kompyuter lingvistikasi» nomli o'quv qo'llanmalari (2007) muhim ahamiyatga molik.

Kompyuter lingvistikasi sohasida turli xil lingvistik muammolarni hal qilishga yo'naltirilgan dastrurlar yaratilgan va hali-hanuz bunday amaliy tadqiqotlar amalga oshirilmoxda. Quyida ana shunday lingvistik dasturlar va ularning tavsifi haqida to'xtalamiz. Ular asosan matn tahriri, avtomatik

⁶⁰ Po'latov A., Muhamedova S. Kompyuter lingvistikasi. – Toshkent, 2007. – B. 47 – 48.

tarjima, analiz va sintez, tabiiy tilning qayta ishlanishi, kompyuter leksikografiyasiga oid dasturlarni o‘z ichiga oladi.

10-jadval

1	<u>Link Grammar Parser</u> John Lafferty, Daniel Sleator, Davy Temperley Carnegie Mellon University, USA.	Ingliz tilining sintaktik parser dasturi, uning bazasiga 60 000 so‘z shakllari kiritilgan.
2	<u>C&#237;bola Oleada</u> loyihalari Computing Research Laboratory (CLR) New Mexico State University, USA.	Mazkur dastur matrlarning lingvistik analizida ishlataladi. Bu dastur yordamida 16 ta tildagi matrlarning avtomatik tarjimasi, statistik tahlilini amalga oshirish mumkin. Dastur tarkibida turli xil lug‘atlar hamda tezauruslar ham mavjud.
3	<u>Russian Morphological Dictionary</u> Sergey Sikorsky	Ruscha morfologik lug‘at rus tilidagi matrlarning sintaktik va morfologik analizi uchun ishlataladi. Unga 120 000 so‘zning morfologik lug‘ati kiritilgan.
4	<u>Морфологический парсер Яндекс</u>	Ushbu morfologik parseming asosi A.A.Zaliznyak tomonidan yaratilgan «Rus tilining grammatick lug‘ati» (110 ming so‘zni o‘z ichiga oladi) hisoblanadi. Tahlil natijalarini ko‘rish uchun «разбор запроса» rejimi tanlanadi.
5	<u>Лингвоанализатор</u> Д.В.Хмелев	Matn strukturasining matematik tahlilini ta’minlovchi dastur bo‘lib, u on-line rejimida ishlaydi. Bunda mualliflik etalonini matn strukturasi asosida aniqlanadi. Kiritilgan matn analiz qilinadi (Русская фантастика resursidan olingan matnlar analiziga tayaniladi), o‘sha matnning muallifi bo‘lishi mumkin bo‘lgan 3 yozuvchining ismi hamda ularning matnga yaqin keladigan asarlari chiqarib beriladi.
6	<u>Система StarLing</u>	Ushbu tizim katta hajmdagi ko‘p tilli matnlar bilan, transkripsion belgilari bilan

6	<u>Система StarLing</u> С.А.Старостин СУБД	Ushbu tizim katta hajmdagi ko'p tilli matnlar bilan, transkripsion belgilari bilan ishlashga mo'ljallangan bo'lib, u DBF-formatida yuklanadigan Ojegovning izohli lug'ati va Zaliznyakning morfologik lug'ati asosida so'z shakllarining analizi va sintezini, Myullerning lug'ati asosida avtomatik tarjimani ta'minlaydi.
7	<u>Морфологический анализатор</u> С.А.Старостин	Rus, ingлиз tillaridagi so'zlarning morfologik analizi dasturi so'zlarning asosiy shakllari hamda morfologik ma'lumotini menyuga chiqaradi.
8	<u>MonoConc</u> Michael Barlow Dept of Linguistics, Rice university, Texas, USA. 2 версии (MonoConc Pro 2.0 и MonoConc 1.5)	Tanlangan simvolli matnlar korpusi uchun konkordands yaratishda, so'zliklar va indekslar generatsiyasida foydalaniлади.
9	<u>WordSmith Tools</u> Mike Scott	WordSmith 3.0 turli alohida fayllar majmuidan tashkil topgan matnlar korpusi uchun konkordans yaratishda foydalaniлади. Bunda berilgan matnli fayllar majmui uchun so'zlar ro'yxatini generatsiya qiladi, katta hajmli matnlarni fragmentlar majmuiga ajratadi, matnlarning paketli tahririni amalga oshiradi.
10	<u>Concordance 2.0.0</u> R.J.C. Watt, 2000	Win9x/NT/2000 uchun chastotali ro'yxat va konkordanslar yaratish uchun ishlataladi. Windows tizimida mavjud bo'lgan kodirovkalarda matnlarga ishllov beradi, natijalar HTML-fayllar ko'rinishida saqlanadi.
11	<u>TextAnalyst 2.0</u> Научно-производственный инновационный центр «МикроСистемы»	Matn analizi uchun ishlataladi, bunda belgilangan matnda kontekstga mos keluvchi tushunchalarning semantik tarmogi' shakllantiriladi, matn fragmentlari bo'yicha mazmunli qidiruv amalga oshiriladi, iyerarxik daraxt ko'rinishida (tema-podtema) matn analiz qilinadi, matn avtomatik referatlanadi.

		<p><u>TextAnalyst SDK</u> – ingliz va rus tillari uchun lemmatizatsiya (so'zlarni me'yoriy shakliga keltirish), tushunchalarning chastotali ro'yxatini yaratish, kontekstda so'zlarni qidirish kabi ishlarni bajaradi.</p> <p><u>TextAnalyst Lib</u> – gipertekst texnologiyasi asosida elektron kitoblar yaratishda foydalaniladi.</p>
12	<u>Galaktika-ZOOM</u> корпорация Галактика, Москва	Informatsiyani analitik qayta ishlash va avtomatik qidiruvda ishlatiladi.
13	<u>Система Пропись 4.0</u> АО Агама	Rus tilidagi matnlarga ishlov berish uchun ishlataladigan dasturlash paketi bo'lib, bunda orfografiya tekshiriladi, so'zлarning sinonimlar va antonimlar ro'yxati beriladi, matn grammatik va stilistik jihatdan tekshiriladi, izohli lug'at asosida so'zлarning izohi beriladi, matndagi so'zлarni qidirish va almashtirish hamda matnning statistik tahlilini amalga oshirish imkoniyati ham mavjud.
14	<u>Textual Analysis Computing Tools (TACT)</u> Library Electronic Text Resource Service Indiana University, USA	Matnni avtomatik joylashtirish, so'zлarning tartibli ro'yxatini yaratish, matndagi so'zлarning uzunligi va chastotasiga ko'ra taqsimlanishi tahlili, konkordans yaratish kabilari uchun mo'ljallangan dastur sanaladi.
15	<u>Худпомер</u> Леонид Делицын	Mazkur dastur rus tilidagi matnlarni uslubiga ko'ra avtomatik tasniflashga mo'ljallangan. Bunda 4 xil matnlar korpusi (badiiy asar, publisistika, ilmiy maqolalar va dialoglar) tahlil etiladi, natijada stilga bog'liq holda matndagi so'zlar uzunligining egri joylashuvni ko'rindadi. Ular tasniflash jarayonida mezon sifatida olinadi. Dastur yordamida kiritilgan matn «РАЗГОВОРНАЯ РЕЧЬ» (OG'ZAKI NUTQ), «ХУДЛО» (BADIY ADABIYOT), «ГАЗЕТНАЯ СТАТЬЯ» (GAZETA MAQOLASI) yoki «НАУЧНАЯ

		СТАТЬЯ (ILMIY MAQOLA) deb tasniflanadi.
16	<u>«Штампомер»</u> Леонид Делицын	Bu dastur mualliflik matnlarda tez-tez ishlataladigan iboralar (shtamplar), o'sha muallif tomonidan ko'p ishlataladigan so'z va ifodalarni aniqlashga yordam beradi.
17	<u>Свежий взгляд</u> <u>Fresh Eye версия 1.21,</u> 1995 Дмитрий Кирсанов	Bu dastur rus tilidagi matnlarni stilistik jihatdan tekshiradi. Bunda matnda o'zaro yaqin joylashgan fonetik va morfologik jihatdan o'xshash bo'lgan so'zlarni topadi hamda stilistik g'alizlikni, tavtologiyaning oldini oladi.
18	<u>RussianWord Constructor (RWC)</u> версия 1.0, 1992 Дмитрий Кирсанов	Bu rus tilidagi she'rga o'xshash matnlarning generatsiyasi uchun yaratilgan tajriba dastur bo'lib, leksiko-statistik ma'lumotlarga va lug'atga tayanib ruscha neologizmlarni va okkazionalizmlarni hosil qiladi.
19	<u>Scott Pakins automatic complaint-letter generator</u> Scott Pakin	Bu dastur muayyan shaxs yoki tashkilotga shikoyat matnini generatsiya qilishga yordam beradi. Dasturga 7000 leksik unsumi o'z ichiga olgan lug'at bazasi kiritilgan bo'lib, u ingлиз tilida on-line rejimida ishlaydi.
20	<u>Cyrano ServerNando.net</u>	Bu dastur sevgi maktublarining generatsiyada qo'llaniladigan on-line rejimida ishlaydigan dastur bo'lib, bunda foydaluvchi o'z ismini, yozish stilini, sevgilisiga murojaat shaklini, yana sevgilisining ayrim atributlarini tanlaydi, dastur ingliz tilida sevgi maktubini yaratadi.
21	<u>Письмовник</u> MediaLingua Ltd., 1995 – 2002	Ish hujjatlari va yozishmalarni avtomatik tarzda shakllantiradi hamda ularni rus tilidan ingliz tiliga, ingliz tilidan rus tiliga tarjima qiladi.
22	<u>ALICE</u> Dr.Richard S.Wallace. ALICE AI Foundation, USA	Bu dastur gapiruvchi programma bo'lib, u 2000 va 2001-yillarda Lobner mukofotiga (Loebner prize) loyiq topilgan. Dastur AIML (sun'iy intellekt uchun maxsus til) texnologiyasiga asoslanadi.
23	<u>ANANOVA</u>	Buguy Britaniyadagi virtual diktor asosida ishlaydigan axborot agentligi bo'lib, u

	Ananova Limited United Kingdom	orgali kunning yangiliklarini bilib olish mumkin.
24	<u>Sakrament Text-to-Speech Engine v2.0</u> компания «Сакрамент», 2002	Rus tilidagi nutq sintezi tizimi bo'lib, u Microsoft Speech API (SAPI) 5.1. standartiga to'liq mos keladi, erkak va ayol ovozida matnlarni talaffuz qiladi, foydalanuvchining xohishiga ko'r'a intonatsion pauzalar qiladi, nutq tembri va tonini o'zgartiradi.
25	<u>Aki Ross</u> Альберт Товмасян, 2002	Bu dastur rus tilida muloqotni ta'minlaydi. Bunda maxsus plug-in Aki Ross ismli animatsiya ko'rinishidagi qiz-bola suhbатdosh bilan muloqot qilishga imkon beradi. Dasturning bilimlar bazasi juda katta emas, lekin uni AIML tili yordamida to'ldirib borish mumkin yoki dastur saytidan bilimlar bazasini yangilab turish mumkin.
26	<u>Programmable Artificial Intelligence (PAIv3.01) или Программируемый Искусственный интеллект</u> Claudio Scordino, 2002	Ushbu dastur foydalanuvchi bilan ingliz tilida muloqot qilishni ta'minlaydi, u C++ tilida Linux, FreeBSD va Windows tizimlarida ishlaydi.

Topshiriqlar:

1. Kompyuter lingvistikasi bo'yicha xalqaro konferensiya materiallari ni Internetdan yuklab oling.
2. Kompyuter lingvistikasi fani bilan shug'ullangan olimlar va ularning asarlarini ko'rsating.
3. Kompyuter lingvistikasi fanini rivojlantirish uchun nimalar qilish lozim?
4. Kompyuter lingvistikasida avtomatik tarjima muamosi bilan kimlar shug'ullangan?
5. O'zbek tilshunosligida kompyuter lingvistikasiga oid qanday tadqiqotlar mavjud?

Adabiyotlar:

1. Grishman R. Computational Linguistics // Cambridge University Press. 1994.

2. Шемакин Ю.И. Начало компьютерной лингвистики. – М.: МГОУ, 1992.
3. Gelbukh A. Computational Linguistics and Intelligent Text Processing. International Conference. – Mexico, 2003.
4. Новое в зарубежной лингвистике. Вып.24. Компьютерная лингвистика. – М.: Прогресс, 1989.
5. Po'latov A., Muhamedova S. Kompyuter lingvistikasi. – Toshkent, 2007.
6. Jurafsky D., Martin J.H. Speech and Language Processing. – New Jersey, 2000.
7. Арзиқулов Ҳ. Ўзбек лингвистик автомати // Мулоқот. 2002. №1. – Б.20 – 21.
8. Сафаров Ш., Йўлдошев Б. Компьютер лингвистикасини биласизми? // Моҳият. 2004 йил 14 август.

KOMPYUTER LINGVISTIKASIDA AVTOMATIK TARJIMA YO‘NALISHI

Reja:

1. Kompyuter lingvistikasida avtomatik tarjima yo‘nalishi.
2. Avtomatik tarjima yo‘nalishi tarixi. Tarjimon dasturlari.
3. Avtomatik tarjima yo‘nalishining zamonaviy holati va istiqboli.

Tayanch so‘z va iboralar: matn tahriri, avtomatik tarjima, til o‘qitishni avtomatlashtirish, elektron lug‘atlar, tezaurus lug‘atlar, kompyuter leksikografiyasi, kompyuter lingvodidaktikasi, on-line tarjima tizimi, ekvivalent moslik, transformatsion moslik, tarjima protsedurasi, generatsiya, translatsiya, bilingv bazasi, example-based translation (namunalarga asoslangan tarjima), rule-based translation (algoritmga asoslangan tarjima), translation memory (tarjimon xotirasi).

Informatsiyaning geometrik progressiya asosida keskin ko‘payishi ularning boshqa tillarga tezkor tarjima qilinishini ta’minlovchi tizimlarga bo‘lgan ehtiyojni keltirib chiqardi. Bunga javoban mashina tarjimasini yoki avtomatik tarjima yo‘nalishida amaliy tadqiqotlar yaratila boshlandi. Eng aha-

miyatli tomoni shundaki, mashina tarjimasiga oid izlanishlar kompyuter lingvistikasi fanining yuzaga kelishida tayanch nuqta hisoblanadi.

Avtomatik tarjima bo'yicha dastlabki g'oyalar ingliz olimi Charlz Bebbidj tomonidan 1836 – 1848-yillarda ilgari surilgan. Uning fikricha, mexanik-elektron mashinalar tillar o'rtasidagi struktur o'xshashliklar asosida kodlashtirilgan avtomatik tarjimani amalga oshirishi mumkin. Uning loyihasi bo'yicha 50 mingta so'z xotira kuchiga ega bo'lgan elektron mashinalar 100 000 ta so'zni avtomatik ravishda tarjima qilishi zarur bo'ladi.⁶¹

1949-yilda Ch.Bebbidjing g'oyalaridan ta'sirlangan amerikalik olim Uorren Uiver mashina tarjimasi tizimini yaratishning nazariy asoslarini ishlab chiqdi hamda lingvistika, deshifrovka, programmalashtirish nazariyasi bo'yicha mutaxassislarini hamkorlikka chorladi.⁶² Shundan so'ng AQShda MT bo'yicha kollaboratsiyalar, hamkorlik loyihalari yaratildi. Mashina tarjimasi bo'yicha birinchi xalqaro konferensiya 1952-yilda Massachusetts texnologiya institutida o'tkazildi.

1954-yilda AQShdagi Jorjtaun universitetida dunyoda birinchi marta avtomatik tarjima tajribadan o'tkazildi. U GAT tizimi (inglizcha «*Georgetown Automatic Translation*» birikmasining qisqartmasi) deb ataladi. Bu tajribalar IBM-701 kompyuterida o'tkazildi. Bu tajribaning bazasi algoritm-lardan iborat bo'lib, 50 000 ta so'z (60 ta gap)ni rus tilidan ingliz tiliga tarjima qildi.⁶³

Rossiyada mashina tarjimasi yo'naliشining pionerlari D.Yu.Panov, A.A.Lyapunov, I.S.Muxinlar sanaladi.⁶⁴ Shundan so'ng O.S.Kulagina, I.A.Melchuk, Yu.A.Motorin, Yu.N.Marchuk, R.G.Piotrovskiy kabi olimlar ularning izdoshlari sifatida avtomatik tarjima tizimini rivojlantirdilar. Sobiq Ittifoqda mashina tarjimasi bo'yicha birinchi tajriba 1955-yilda o'tkazildi. Shundan so'ng O.S.Kulagina va I.A.Melchuk rahbarligi ostida Amaliy matematika institutida mashina tarjimasi bo'yicha uchta yirik tajriba tizimi yaratildi: fransuzchadan ruschaga (FR-1), inglizchadan ruschaga va fransuzchadan ruschaga (yangi variantda). 1959-yilda Moskva davlat

⁶¹ Po'latov A., Muhammedova S. Kompyuter lingvistikasi. – Toshkent, 2007. – B.52.

⁶² Баранов А.Н. Введение в прикладную лингвистику. – М.: Эдиториал УРСС, 2001. – С.89.

⁶³ Убин И.И. Современные средства автоматизации перевода: надежды, разочарования и реальность // Перевод в современном мире. – М.: ВЦП, 2001. – С.60 – 69.

⁶⁴ Панов Д.Ю., Ляпунов А.А., Мухин И.С. Автоматизация перевода с одного языка на другой. Сессия по научным проблемам автоматизации производства. – М.: Изд-во АН СССР, 1956.

lingvistik universitetida mashina tarjimasi laboratoriysi ochildi. Moskva-da 1974-yilda INFORM-ELEKTRO institutida fransuzcha-ruscha (ETAP-1), inglezcha-ruscha (ETAP-2) hamda nemischa-ruscha (NERPA) avtomatik tarjima tizimlarini yaratish bo'yicha amaliy tadqiqotlar jonlandi. 1960-yilda sobiq Ittifoq Fanlar akademiyasining avtomatik tarjimaga bag'ishlangan maxsus yig'ilishi bo'lib o'tdi. Bu yig'ilishda avtomatik tarjima bo'yicha professor A.Belonogov rahbarligida maxsus laboratoriya tashkil qilindi.

1966-yilda AQShning fan masalalari bo'yicha kongress qo'mitasida avtomatik tarjimaga oid ma'ruza muhokamasi (**Automatic Language Processing Advisory Committee – ALPAC REPORT**) bo'lib o'tdi.⁶⁵ Unda avtomatik tarjima bo'yicha «*Language and Mashines: Computers in Translation and Linguistics*» («*Til va mashinalar: tilshunoslikda va tarjimada kompyuterlar*») deb nomlangan salbiy ma'nodagi ma'ruza qilindi va yuqori darajada sifatli avtomatik tarjimani ta'minlovchi universal tizim yaratish natijasizligi va imkonsizligi ta'kidlandi. Shuningdek, ma'ruzada ko'rsatilishicha, «tabiiy tarjima» (inson tarjimasi) mashina tarjimasidan arzonroq va sifatliroq. Shundan keyin jahon miqyosida avtomatik tarjimaga oid tadqiqotlarni moliyalashtirish keskin kamayib ketdi. Ular faqatgina Yaponiyada davlat tomonidan moliyalashtirildi. «Generel Motors», «Siemens», «LG», «Philips» kompaniyalari bugungi kunda dunyoda avtomatik tarjimaga oid izlanishlarni mablag' bilan ta'minlab turadi.

AQSH harbiy havo kuchlari buyurtmasi bo'yicha D.Tom rahbarligida **SYSTRAN** avtomatik tarjima sistemasi ishlab chiqildi. Mazkur tizim yordamida bir yilda 2,5 mln sahifa matn inglez tilidan nemis, fransuz, ispan, yunon, italyan tillariga hamda fransuz tilidan inglez, ispan, italyan tillariga tarjima qilinadi. Avtomatik tarjima bo'yicha dunyodagi eng yirik loyiha 1991-yilda AQShda NASA mutaxassislari tomonidan yaratilgan: **DIANA**. Uning hajmi 10 mln ta so'zni tashkil etadi. U dunyoning 6 ta yirik tiliga asoslanadi: inglez, rus, fransuz, nemis, arab, ispan.

Rus olimlari ham professor Lyapunov rahbarligida «Vista Technology» kompaniyasi **«Retrans Vista»** loyihasini ishlab chiqdi. Uning tarkibiga kiruvchi 3 mln 400 mingta so'z xotiraga kiritildi. Shunda 1 mln 800 mingtasi ruscha-inglezcha, 1 mln 600 mingtasi inglezcha-ruscha so'zdan iborat.

Bugungi kunda avtomatik tarjimaning quyidagi sistemalari mayjud. 40

⁶⁵ Слокум Дж. Обзор разработок по машинному переводу: история вопроса, современное состояние и перспективы развития // Новое в зарубежной лингвистике. Вып. XXIV. Компьютерная лингвистика. – М., 1989. – С.358.

mln ta so‘z xotira kuchiga ega **YEUROTRA** sitemasi – Yevropa olimlari tomonidan ishlab chiqilgan. U barcha yevropa tillari bo‘yicha avtomatik tarjimani amalga oshira oladi. **SOKRAT** sistemasi 40 mln ta so‘z xotira kuchiga ega. Dunyodagi 40 ta tilda avtomatik tarjimani amalga oshiradi. Ya’ni qaysi tilda Windows operatsion tizimi versiyasi mavjud bo‘lsa, shu tilda avtomatik tarjimani amalga oshira oladi. Lingvo sistemasi (lingvo kompyuter lug‘ati) – bu lug‘atga ham dunyoning 40 tilidagi ma’lumotlar jamlangan. 1990-yillarda Amerikada **Global Link**, Rossiyada **PROMT** avtomatik tarjima tizimlari yaratildi.

Internet tizimining rivojlanishi natijasida avtomatik tarjima global tarmoqda ham tashkil etildi, ya’ni hozirgi kunda **online-tarjima tizimi** ham faol yo‘lga qo‘ylgan.

Avtomatik tarjimaning kamchiliklari:

1. So‘zlar avtomatik tarjima jarayonida to‘g‘ridan-to‘g‘ri tarjima qilinadi. Shuning uchun tarjima grammatik qoidalarga deyarli rioya qilinma-gan holda amalga oshiriladi.
2. Avtomatik tarjima qilingan matnni uslub jihatdan tahrirlab chiqish zarur bo‘ladi.
3. Hozirgi mavjud avtomatik tarjima qiluvchi sistemalar so‘zlar biriku-vini ham deyarli noto‘g‘ri tarjima qiladi.
4. Avtomatik tarjima polisemiya, omonimiya, troplar, frazeologizmlar, idiomalarni e’tiborga olmaydi.

Masalan, *The bat looks like a mouse with wings* gapini rus va o‘zbek tiliga tarjima qilishda har bir so‘zning polisemantik va omonimlik kabi semantik qirralarini e’tiborga olish zarur. Aks holda tarjima muvaffaqiyatlari chiqmaydi. Jumladagi *bat* so‘zi «ko‘rshapalak», «belkurak», «to‘qmoq», «kichik ziyofat» kabi ma’nolarni, *look* so‘zi esa «qaramoq», «nigoh», «ko‘rinish» ma’nolarini anglatadi. Bunda mazkur so‘zlar rus yoki o‘zbek tiliga tarjima qilinayotganda mos ekvivalentini tanlash uchun kontekst va uning distributsiyasidan (qurshovidan) kelib chiqish zarur. Ushbu holat, ayniqlsa, idiomatik ifodalar qatnashgan matnlar tarjimasida murakkablik tug‘diradi. Masalan, *You are an apple of my eyes* jumlesi «Siz ko‘zlarimning olmasisiz» tarzida so‘zma-so‘z tarjima qilinadi, chunki «apple» so‘zining denotative ma’nosи «kolma»dir. Lekin kontekstdan kelib chiqib tarjimaga yondashilsa, to‘g‘ri tarjima yuzaga chiqadi. Bunda jumlaning «an apple of my eyes» qismi idioma ekanligini nazarda tutish lozim va u «Siz ko‘zimning oq-u qorasisisiz» tarzidagi gap hosil bo‘ladi.

Tarjimadagi moslik 3 xil bo‘ladi:

- 1) ekvivalent moslik – bunda bir tildagi so‘z boshqa bir tildagi so‘zga

tarjimada to‘la muvofiq keladi. Masalan, rus tilidagi «книга» so‘ziga inglizcha «book» so‘zi tarjimada to‘la mos keladi.

2) variantli moslik – bunda sinonimiya va polisemiya asosida so‘zning ma’nosiga mos keluvchi variantlar ham chiqariladi. Masalan, rus tilidagi «добиться» so‘ziga ingliz tilida mos keluvchi tarjima variantlari quyidagilari:

добиться гл сов

1. land (чего-либо)

2. win

3. gain (чего-либо расположения)

добиться гл сов (достигнуть, достичь, добиться) attain

добиться гл сов (добиваться)

1. contest (премии, места в парламенте и т.п.)

2. court

добиться гл сов (выигрывать, добиваться, выиграть) gain

добиться гл сов (достигать, добиваться, достичь) fetch, fetch up

добиться гл сов (обеспечивать, добиваться, обеспечить) instate

добиться гл сов (достигать, добиваться, достичь) achieve

достичь цели – achieve one’s purpose

достичь цели – achieve one’s aim

добиться гл сов (добиваться, стремиться) seek

добиться гл сов (добиваться) seek after, seek for

иметь большой спрос – be much sought after

иметь успех – be much sought after

быть популярным – be much sought after

добиться гл сов (выпросить, ухитриться получить) wangle

ухитриться получить лишнюю неделю отпуска – wangle an extra week’s holiday

добиться гл сов (достигать, достичь, добиваться) obtain

добиться гл сов (добиваться)

2. carry

отстоять свою позицию, добиться своего – carry one’s point

3. come at (чего-либо)

как вы это узнали? – how did you come at the information?

добиться гл сов (обрести, получить) find

добиться гл сов (достигать, достичь, добиваться) get

добиться славы – get glory

добиться гл сов (добиваться) secure

добиться гл сов (получать, получить, добиваться) have

мы получили известие – we had news

ничего не добьешься – there is nothing to be had

3) transformatsion moslik – bu asosan birikmali ifodalar tarjimasida ishlatalidi, bunda mazmunga ta'sir ko'rsatmagan holda shakliy o'zgarishlar asosida tarjima amalga oshiriladi. Masalan, ingliz tilida «**the decision of government**» ifodasi «**the government's decision**» tarzida transformatsiya qilinishi mumkin. Har ikkala holatda ham mazmun («**hukumat qarori**») o'zgarmaydi.

Shularni nazarda tutgan holda aytish mumkinki, avtomatik tarjima, ayniqsa, rasmiy til doirasida muvaffaqiyatlama amalga oshiriladi. So'zlashuv va badiiy uslubdagi matnlarning avtomatik tarjimasi hali-hanuz maksimal darajada hal etilgani yo'q. Tipologik jihatdan o'xhash bo'lмаган, bir sistemaga mansub bo'lмаган tillarning avtomatik tarjimasi masalasi bir qator muammolarni keltirib chiqarmoqda. Demak, lingvistik tipologiyadagi farqlarni izchil o'rganish, lingvistik universaliyalarni aniqlash, tillardagi frazeologizmlar, idiomalar, paremalar, sinonimlar, omonimlar naborini qat'iy belgilash asosida mexanik tarjimadagi muammolarni bartaraf etish mumkin.

Eng sifatli tarjima insonning aralashuvi bilan yuzaga chiqadi. Chunki tarjimon inson tabiiy tilning nozik qirralarini, semantik, grammatick va pragmatik jihatlarini nazarda tutgan holda tarjimaga yondashadi. Bunda yondashuv quydagicha bo'lishi lozim: mexanik tarjima yordamida tanlangan matnning tarjima qilingan dastlabki versiyasiga ega bo'lamiz, bundan so'ng inson tarjima jarayoniga aralashadi, ya'ni u mavjud tarjimani tahrir etadi – qo'shimchalar qo'shilish tartibi, gap bo'laklarining joylashuvi, so'zlarning semalariga asosan to'g'ri tanlanganligi, polisemiya, omonimiya, sinonimiyaning e'tiborga olinishi, jumlalarning stilistik jihatdan to'g'riliği kabi parametrlarni tekshiradi.

Rus olimi Yu.I.Shemakin o'zining «*Начало компьютерной лингвистики*» kitobida avtomatik tarjimaning 2 xil modelini va tarjima protsedurasini chizmalar asosida tushuntirib bergan. Birinchi yondashuv «matn-mazmun-matn» modeli va semantikaning formal tavsifiga tayanadi. Ikkinci yondashuv esa «matn-matn» modeli va tarjima mosligiga asoslangan.

Birinchi yondashuvda tilning semantikasiga maksimal darajada e'tibor bergen holda avtomatik sifatli tarjimaga erishishga harakat qilingan. Tizimning lingvistik asosi «*matndan uning mazmuniga qarab borish*» («*from surface structure to deep structure*») hisoblanadi. Bunda tarjima tilning morfologik, sintaktik va semantik tahlili, lug'atlar, grammatick qoidalar,

matnlar korpusiga asoslanib amalga oshiriladi. Buni Yu.I.Shemakin qu-yidagi chizma bilan tushuntirgan.⁶⁶

11-jadval



⁶⁶ Шемакин Ю.И. Начало компьютерной лингвистики. – М.: МГОУ, 1992. – С.68.

Ikkinci yondashuvda matn ortiqchaliklarga ega ko‘p bosqichli tizim sifatida baholanadi, bunga ko‘ra matnning yuqori sathida ko‘proq informatsiya tashuvchi leksik birliklar, quyi sathida esa ozroq informatsiya beruvchi birliklar joylashgan bo‘ladi. Bunda so‘zma-so‘z tarjima amalga oshirilib, ikki tildagi gaplar strukturasi yagona superstrukturaga birlashtiriladi. Bunda avtomatik tarjima modeli ikki holatda bo‘ladi: a) *generatsiya holati* tarjimaning ishlashini – lug‘atlar jamlash, analiz algoritmlari, aniq bir maqsadga yo‘naltirilgan sintezni ta’minlaydi; b) *translatsiya holati* sistemaning mustaqil ravishda tarjima ustida ishlashini ta’minlaydi.

Ikkinci yondashuvga ko‘ra, avtomatik tarjima quyidagi protseduralar asosida ishlaydi:

1-protseundra – qidiruv tizimi bilan bog‘liq bo‘lib, bunda lug‘at baza-sidan so‘zlar, birikmalar, iboralar izlanadi, so‘z-shakllarning morfologik analizi amalga oshiriladi.

2-protseundra – so‘zlarning sintaktik vazifasi, grammatic kategoriyalar – zamon, shaxs-son kabilar aniqlanadi.


3-protseundra – bir yoki ko‘p ma’noli so‘zlar tarjimasi bayon qilinadi.

4-protseundra – jumlanı morfologik va sintaktik jihatdan shakllantirish jarayoni amalga oshiriladi.

5-protseundra – transformatsion o‘zgarishlar (matn yoki jumla strukturasini uning mazmuniga jiddiy ta’sir etmagan holda o‘zgartirish; masalan, Kompyuter yoqildi va musiqa yangradi jumlasini «Kompyuter yoqilgach / kompyuter yoqilishi bilan / kompyuter yoqilib musiqa yangradi» tarzida o‘zgartirish) hosil qilinadi (agar zarurat tug‘ilsa).

6-protseundra yakuniy bosqich bo‘lib, bunda murakkab grammatic formalarining sintezi amalga oshiriladi.

12-jadval



Mashina tarjimasi strategiyasi sekin-astalik bilan o'zgarib borgan. Ilk tajribalarda qo'llanilgan tarjima strategiyasi «*tog'ridan-to'g'ri tarjima strategiyasi*» deb ataladi, bunda faqat tarjima jarayonida so'zma-so'z tarjima mufovigligi e'tiborga olinadi. Ushbu strategiya tarjima sifati va samadarligiga salbiy ta'sir ko'rsatadi. Shuning uchun ushbu strategiyani tanqid qilgan holda «*vositachi til yordamida amalgaloshiriladigan tarjima strategiyasi*» ishlab chiqildi. Ayniqsa, bu strategiya grammatik strukturasi va tipologik xususiyatlari bir-biridan farqlanuvchi tillar o'rtaсидagi avtomatik tarjima tizimlariga faol tatbiq etiladi.

Avtomatik tarjimada inson hamda kompyuter ishtiroti quyidagi tarzda bo'ladi: a) *postediting* – matn (mashina-tarjimon) kompyuter yordamida tarjima qilinadi, so'ng inson-muharrir (inson-tarjimon) uni tahrir qiladi; b) *preediting* – bunda inson matnni mashina-tarjimonga moslaydi, so'ng uni kompyuterga havola etadi; c) *interediting* – bunda tarjimada murakkablik tug'diruvchi holatlar duch kelganda inson mashina-tarjimon ishiga arala-shadi.⁶⁷

Matnni bir tabiiy tildan boshqasiga tarjima qilish jarayonidagi murakkabliklar va muammolarga nazariy va amaliy jihatdan yechim topish bo'yicha hali-hanuz izlanishlar davom etmoqda. 1984-yilda Yaponiyaning Kioto universiteti professori, mashina tarjimasi bo'yicha yapon davlat dasturi rahbari Makoto Nagao bu yo'nalishda yangi konsepsiya ishlab chiqdi.⁶⁸ Ushbu konsepsiya ko'ra, matnlar ilgari inson qo'li bilan tarjima qilingan matnlarga tayanib analogiya tamoyili asosida tarjima qilinishi lozim. Buning uchun kompyuterga kiritilgan katta hajmdagi **bilingv bazasi** (matn va uning tarjimalari) shakllantirilishi zarur. Yangi matnlar tarjimasida bilingv massividan o'xshash matn fragmentlari tanlanadi va tarjimaning muvaffaqiyatli chiqishida foydalaniladi. M.Nagao mashina tarjimasiga bunday yondashuvni «**Example Based Translation**» («Namunalarga asoslanadigan tarjima») deb nomladi, ilgarigi an'anaviy yondashuv «**Rule Based Translation**» («Qoidalarga asoslanadigan tarjima») deb ataladi.

Professor M.Nagao o'zi taklif etgan yondashuvning ham mutlaq emasligini ta'kidlaydi: «*Mashina tarjimasi tizimi bo'yicha yaratilgan har qanday ishlanchalar, yondashuvlar ertami, kechmi boshi berk ko'chaga (tupik-*

⁶⁷ Hutchins J. Retrospect and prospect in computer-based translation // Proceedings of MT Summit VII «MT in the great translation era». – Tokyo: AAMT, 1996. – P.32.

⁶⁸ Nagao M. A framework of a mechanical translation between Japanese and English by analogy principle, in Artificial and Human Intelligence, ed. A. Elithorn and R. Banerji. – North Holland, 1984. – P.173 – 180.

ka) kiradi. Bizning yondashuvimiz ham bundan xoli emas, faqat biz bu jara-yonni kechiktirmoqchimiz».⁶⁹

M.Nagaoning yondashuvi boshqa yangi yondashuvlarning yuzaga kelishiga turki bo‘ldi. Jumladan, amerikalik olim Veb Laynning «**Translation Memory**» («Tarjimon xotirasi») yoki «**Sentence Memory**» («Gap to‘plagich») konsepsiysi.⁷⁰ Bu yondashuvga ko‘ra, muayyan matnni bir tildan ikkinchisiga tarjima qilish uchun dastlab yuqori malakali tarjimonga ko‘rsatiladi. So‘ng asl matn va uning tarjimasi kompyuterga kiritiladi, matn fragmentlarga (alohida jumlalarga, birikmalarga) bo‘linadi, ushbu elementlardan ma’lumotlar bazasi qidiruv tizi-miga yuklanadi, u esa tarjimasi mavjud bo‘lgan matn fragmentlarini va alohida jumlalarni sifatli tarjima qilishga imkon beradi. Matnning ayrim notanish fragmentlari (bazada tarjimasi mavjud bo‘lmagan matn qismlari) inson qo‘li bilan tarjima qilinadi. Bunda bazadagi bu fragmentlarga yaqin keladigan tarjimalardan foydalanish mumkin. Matnning inson tomonidan tarjima qilingan qismlari yana ma’lumotlar bazasiga kiritiladi. Mana shu yo‘l bilan «tarjimon xotirasi» asta-sekinlik bilan boyitib boriladi va tarjima samaradorligi yuksalib boradi. Lekin ushbu yo‘nalishning afzalliklari bilan birga ayrim kamchiliklari ham mavjud. Birinchidan, bu yo‘l bilan har qanday turdagи matnni tarjima qilib bo‘lmaydi. U asosan muayyan tor yo‘nalishdagi bir turdagи matnlarga mo‘ljallangan. Ikkinchidan, ma’lum matnning katta fragmenti ikkinchi bir matnning katta qismiga tarjimada mos kelishi yoki yaqin kelishi har doim ham kuzatilavermaydi. Uchinchidan, «tarjimon xotirasi» bazasini yaratish yoki ikki tilli matnlar (bilingv) mas-sivini to‘ldirib borish amaliy jihatdan ko‘p qiyinchiliklarni keltirib chiqaradi.

Rossiyada professor G.G.Belonogov frazeologik mashina tarjimasi konsepsiyasini asoslab berdi.⁷¹ Unga ko‘ra, matndagi tushunchalar ko‘pincha

⁶⁹ Qarang: Сиокум Дж. Обзор разработок по машинному переводу: история вопроса, современное состояние и перспективы развития // Новое в зарубежной лингвистике. Вып.ХХIV. Компьютерная лингвистика. – М.: Прогресс, 1989.

⁷⁰ Webb Lynn E. Advantages and Disadvantages of Translation Memory: a Cost/Benefit Analysis. San Francisco State University. 1992.

⁷¹ Qarang: Белоногов Г.Г., Зеленков Ю.Г., Кузнецов Б.А., Новоселов А.П., Хорошилов Ал-др А., Хорошилов Ал-сей А. Автоматизация составления и ведения словарей для систем фразеологического машинного перевода текстов с русского языка на английский и с английского на русский // Научно-техническая информация. Серия 2. №12. ВИНИТИ. 1993; Белоногов Г.Г., Кузнецов Б.А. Языковые средства автоматизированных информационных систем. – М.: Наука, 1983; Белоногов Г.Г., Зеленков Ю.Г., Новоселов А.П., Хорошилов Ал-др А., Хорошилов Ал-сей А. Системы фразеологического машинного перевода. Состояние и перспективы развития // Научно-техническая информация. Сер. 2. №12. ВИНИТИ. 1998.

alohida so‘zlar yordamida emas, balki so‘z birikmalari yordamida ifodalanaadi. O‘z-o‘zidan kelib chiqadiki, matnni bir tildan boshqasiga tarjima qilish jarayonida ham mazmunni yuzaga chiqaruvchi asosiy til birliklari ham alohida so‘zlar emas, balki tipik vaziyatlarni ifodalovchi frazeologik birikmalar (bu yerda frazeologik birlik keng ma’noda tushuniladi) hisoblanadi. Mazkur yondashuvga muvofiq matnda tez-tez uchraydigan so‘zlar, iboralar, so‘z birikmalari, nutqiy etiket namunalarining tarjima ekvivalentlari bilan boyitilgan ma’lumotlar bazasi frazeologik mashina tarjimasi tizimining asosini tashkil etadi. Bunda so‘zlarning distributsiyasiga eng ko‘p e’tibor beriladi. Bu metod polisemantik so‘zlarning tarjimada mos keluvchi to‘g‘ri ekvivalentini tanlashga, omonim so‘zlarning kontekstdagi holatini aniqlashga, iboralarning ham idiomatik xususiyatini belgilashga imkon beradi.

Mazkur konsepsiyaga asoslangan frazeologik mashina tarjimasining dastlabki versiyasi 1993-yil RETRANS nomi bilan yaratildi. 1998-yilgacha RETRANS MS DOS operatsion tizimi sharoitida ishlayshga mo‘ljallangan edi. 1998 – 2000-yillarda uning Windows va UNIX operatsion tizimida ham ishlaydigan versiyalari yaratildi. 2001-yilda RETRANS tizimining turli modifikatsiyadagi yangi versiyasi yaratildi: a) MS Word matn muharririda ishlaydi; b) MS Internet Explorering Web-brauzerida ishlaydi; c) MS Note pad, MS Wordpadda *Clipboard* (matnni ko‘chirib ishlay)ga asoslanib ishlaydi. RETRANS tizimi tabiiy va texnika fanlari, iqtisodiyot, siyosat, qonunchilik hamda harbiy sohaga oid 4 mln lug‘at maqolasiga ega bo‘lgan po’litematik so‘zlik bilan ta’minlangan. Kiritilgan til birliklarining 80% qismini so‘z birikmalari tashkil etadi, ular 2 ta so‘z uzunligidan tortib to 17 ta so‘z uzunligiga ega bo‘lgan birikmalardir. Tizim tarkibida 400 ming lug‘at maqolasiga ega bo‘lgan qo‘srimcha tematik lug‘at ham mavjud.

RETRANS tizimining ish tartibini ko‘rib chiqaylik. Ruschadan inglizcha ga tarjima qilish jarayonida dastlab matn avtomatik tarzda morfologik, so‘ng semantik-sintaktik tahlil qilinadi, frazeologik birliklar aniqlanadi. Matnning barcha so‘zлari hamda frazeologik birliklari qidiruv obrazlari shakllanadi. Lug‘at bazasidagi joylashuv tartibga ko‘ra so‘z va birikmalar qidiruv obrazlarining xeshkodlari topiladi, ularning dekodlanishi asosida qidiruv natijalarini namoyon bo‘ladi. Keyingi bosqich matnning har bir fragmentiga mos yagona yoki bir nechta tarjima ekvivalentlari tanlanadi. Tarjima natijalarini quyidagi jadvalda yaqqol ko‘rish mumkin.

Matnning rus tilidan ingliz tiliga qilingan tarjima oraliq natijalari fragmenti

Перевод 00001 00002 text translation
текстов 00002

с 00003 00004 00005 00006 00007 00008 from
some natural languages into others

одних 00004

естественных 00005

языков 00006

на 00007

другие 00008

- 00009 - / is

сложный 00010 complicated / complex / compound /
difficult

творческий 00011 00012 creative process

процесс 00012

, 00013

требующий 00014 requiring / demanding / claiming /
making the demand

от 00015 from

переводчика 00016 interpreter / translator

не 00017 00018 not only / not just

только 00018

соответствующей 00019 corresponding / appropriate /
respective / adequate

лингвистической 00020 linguistic

подготовки 00021 training / preparation /
getting ready / preparing

, 00022

но 00023 00024 but as well / but also

и 00024

хороших 00025 good / nice / well

знаний 00026 knowledge / knowing

тех 00027 those

предметных 00028 00029 subject field / object areas
/ application domain

областей 00029

, 00030

к 00031 00032 to which

которым 00032

переводимые 00033 00034 translated texts

тексты 00034

относятся 00035 relate / belong / concern

. 00036

Shundan so‘ng tarjima ikki rejimda amalga oshiriladi: 1) avtomatik tarjima rejimi; 2) oralıq tarjima natijalarini intellektual tahrirlash imkoniyati mavjud bo‘lgan interaktiv rejim. Avtomatik tarjima rejimida ruscha matndagi har bir so‘z va birikma uchun faqat bitta (odatda, eng asosiy, sinonimik qatordagi dominantlik xususiyatiga ega bo‘lgan so‘z) inglizcha ekvivalenti tanlanadi va matnning morfologik, semantik-sintaktik analizi asosida sintez jarayoni boshlanadi, so‘ng gap strukturasi shakllanadi va tarjima yuzaga chiqadi. Interaktiv rejim ham xuddi avtomatik tarjima singari bo‘ladi, bunda faqat foydalanuvchi (tarjimon-muharrir) taklif etilgan tarjima variantlarining semantik jihatdan eng mos keluvchi ekvivalentini o‘zi tanlash imkoniga ega bo‘ladi, shuningdek, gap strukturasi, so‘z tartibini ham lingvisistik bilimidan kelib chiqib o‘zi tahrir qilishi mumkin.

Shuni alohida ta’kidlash zarurki, yuqoridaq har uchala konsepsiya ham avtomatik tarjima sifati va samaradorligini oshirish, til bilan bog‘liq to‘sinqarni yo‘qotish yo‘lidagi muvaffaqiyatli izlanishlar hisoblanadi.

Topshiriqlar:

1. Avtomatik tarjima bo‘yicha qanday yondashuvlar mavjud?
2. Qanday tarjimon dasturlarni bilasiz?
3. Avtomatik tarjimaning ishonchlilik darajasi haqida mustaqil mulohaza yuriting.
4. Avtomatik tarjimaning to‘laqonli bo‘lishiga to‘siq bo‘luvchi omillarni sanang.
5. Avtomatik tarjima qanday protseduralar asosida ishlaydi?

Adabiyotlar:

1. Нелюбин Л. Л. Компьютерная лингвистика и машинный перевод. – М.: ВЦП, 1991.
2. Шемакин Ю.И. Начало компьютерной лингвистики. – М.: МГОУ, 1992.
3. Пиотровский Р. Г. Текст, машина, человек. – М.: Просвещение, 1989.
4. Марчук Ю.Н. Проблемы машинного перевода. – М.: Наука, 1983.
5. Баранов А.Н. Введение в прикладную лингвистику. – М.: Эдиториал УРСС, 2001.
6. Po‘latov A., Muhamedova S. Kompyuter lingvistikasi. – Toshkent, 2007.
7. Nagao M. A framework of a mechanical translation between Japanese and English by analogy principle, in Artificial and Human Intelligence, ed. A. Elithorn and R. Banerji. – North Holland, 1984. – P.173 – 180.

KOMPYUTER LEKSIKOGRAFIYASI

Reja:

1. Kompyuter leksikografiyasi kompyuter lingvistikasi fanining alohida yo'nalishi sifatida.
2. Kompyuter lug'atlari va ularning ishlash tamoyili.
3. Kompyuter leksikografiyasi sohasining rivojlanishi.

Tayanch so'z va iboralar: *ma'lumotlar ombori, leksikografiya, kompyuter leksikografiyasi, kompyuter lug'atlari, kodlash va dekodlash, lemmatisatsiya, matnlar korpusi, korpus lingvistikasi, virtual matnlar korpusi, parallel matnlar korpusi, on-line lug'atlar, kitobiy lug'atlar, elektron lug'atlar.*

Ma'lumki, leksikografiya tilshunoslik fanining amaliy sohalaridan biri hisoblanadi. U yunoncha «lexikos» – «so'z», «lug'at», «grapho» – yozaman degan ma'nolarni anglatadi. Leksikografiya bo'limida lug'atlar, ularni tuzish yo'llari va tamoyillari o'r ganiladi. Avtomatizatsiya ijtimoiy hayotning barcha jabhalariga kirib kelishi natijasida lug'atlar ham elektron holatda yaratilish imkoniyati yuzaga keldi. Kompyuter yordamida lug'atlar bilan ishlashning optimallashuvi natijasida kompyuter leksikografiyasi yo'nalishi shakllandi. Kompyuter leksikografiyasi amaliy tilshunoslikning muhim tarkibiy qismi bo'lib, unda lingvistik va dasturiy ta'minot asosida ishlaydigan, kodlash va dekodlash prinsipi asosida yaratilgan kompyuter lug'atlari, ularni tuzish dasturlari, algoritmlari o'r ganiladi. Mazkur sohaning rivojlanishi natijasida turli nomlarda elektron lug'atlar yaratilmoqda. Eng mashhur elektron lug'atlar sirasiga CONTEXT, ABBY LINGVO, MULTITRAN, POLYGLOSSUM, MULTILEKS kabilar kiradi.

Leksikografiya sohasiga kompyuter texnologiyalarining tatbiq etilishi lug'at tuzish ishlarini ancha yengillashtiradi. Lug'at tuzish jarayonining naqadar murakkabligini bir tilshunos olim hazilomuz tarzda quyidagicha izohlagan: «*Agar biror kishi og'ir jinoyat sodir qilsa, uni katorgaga surgun qilish shart emas. U lug'at tuzsin, shunda u katorganing barcha azoblarini, qiyinchiliklarini tortgan bo'ladi*». Axborot manbalarini yig'ish bo'yicha maxsus dasturlar (Database Software) lug'at asosini tashkil etuvchi barcha ma'lumot va misollarni jamlash va sistematik tarzda ishlov berishga qulaylik tug'diradi. Bundan tashqari, boshqa maxsus dasturlar lug'atni tahrir qilish va chop etish borasidagi ancha mashaqqatli mehnatni bir qancha oson-

lashtiradi. Elektron lug‘atlar ham, o‘z navbatida, an’anaviy lug‘atlarga qaraganda birmuncha afzalliklarga ega. Bugungi kunda, masalan, ABBY LINGVO kompaniyasining lug‘at va tarjima dasturlari ulardan foydalanuvchi har bir xaridorga o‘z lug‘atini tuzish yoki mavjud lug‘at so‘z boyligini to‘ldirib borish imkonini beradi. Ochiq turdag‘i Internet lug‘atlari (**on-line lug‘atlar**) ham ko‘p hollarda barcha foydalanuvchilarga ushbu lug‘atlarni to‘ldirish imkonini beradi. Shuningdek, elektron lug‘atlarning hajm jihatidan ixchamligi, kompaktligi, boshqa manbalarga (Internet tarmog‘i orqali, giper-murojaatlar yordamida) ularish imkoniyati, mavjud matnlar korpuslari yordamida illustrativ misollar tuza olish imkoniyati, multimediali misollar bilan boyitilganligi, so‘zlarning sinonimik variantlari, omonimlik xususiyatlari, grammatik ma‘lumotlar bilan ta’minlanganligi va ularning tezlik bilan foydalanuvchiga havola etilishi kabi jihatlari elektron lug‘atlarning optimalligini ta’minalaydi.

Kompyuter leksikografiyasini elektron matnlar korpusi yoki parallel matnlar korpuslarisiz tazavvur qilish mumkin emas. **Matnlar korpusi («corpus» lotincha «tana» degan ma‘noni anglatadi)** – bu elektron holda saqlanadigan ma‘lum til birlıklari bo‘lib, ular tilshunoslar uchun turli xil muammolarni hal etish uchun tatbiq etishda va turli yo‘nalishdagi tadqiqotlar uchun zaruriyatga qarab turli shakllarda tuziladi. Bular fonema, grafema, morfemalardan tortib undan kattaroq birlıklar – leksema, gap va matnlarдан (badiiy yoki ilmiy asar, gazeta va jurnal matnlari) tashkil topishi mumkin. Ularning qay tarzda saqlanishiga qarab maxsus dasturlar yordamida har bir kerakli so‘z yoki so‘z birikmasi uchun darhol uning qo‘llanishi bo‘yicha misollar topilishi, imlo bo‘yicha variantlari, sinonimik qatorlari topilishi mumkin. Matnlar korpusiga oid ilmiy tadqiqotlar salmog‘ining ko‘payishi natijasida tilshunoslikda **korpus lingvistikasi** yo‘nalishi shaklandi.⁷²

Kompyuterda yaratilgan birinchi matnlar korpusi **Braun korpusi** (БК, inglizcha *Brown Corpus*, BC) hisoblanadi, u 1961-yilda Braun universitetida yaratilgan, har biri 2000 so‘zli 500 ta matn fragmentini o‘z ichiga oladi. 1970-yillarda 1 mln so‘zni o‘z ichiga olgan matnlar korpusi asosida rus tilining chastotali lug‘ati yaratildi. 1980-yillarda Shvetsiyaning Upsala universitetida ham rus tilida matnlar korpusi yaratildi. Keyinchalik kompyuter leksikografiyasining rivojlanishi natijasida katta hajmli matnlar korpusiga ehtiyoj tug‘ildi. Ya‘ni 1 mln ta so‘z elektron lug‘atlar bazasi uchun yetarli emas. Shu asosda yirik hajmli matnlar korpusi yaratila boshlandi. Ko‘pgina

⁷² Баранов А.Н. Введение в прикладную лингвистику. – М.: Эдиториал УРСС, 2001. – С.61.

mamlakatlarda XX asrning 80-yillaridan boshlab bunday korpuslar tuzila boshlandi. Ular turli maqsad va vazifalarga xizmat qiladi. Buyuk Britaniyada **Ingliz tili Banki** (**Bank of English**) hamda **Britaniya Milliy Korpusi** (**British National Corpus, BNC**), Rossiyada **Rus tilining mashina fondi** (**Машинный фонд русского языка**) hamda **Rus tilining milliy korpusi** (**Национальный корпус русского языка**) loyihalari ishlab chiqildi.⁷³ Masalan, Rus tilining milliy korpusi hajmi hozirgi kunda 149 mln so'zdan iborat. Keyingi yillarda Internet tizimining rivojlanishi **virtual matnlar korpusi** yuzaga kelishiga olib keldi. Ya'ni Internetdagi qidiriv saytlari, elektron kutubxonalar, virtual ensiklopediyalar korpus vazifasini bajarmoqda. Korpusning janri va tematik rang-barangligi Internetdan foydalanuvchining qiziqishlariga bog'liq. Masalan, ilm-fan doirasida **Wikipedia** katta hajm-dagi matnlar korpusi sifatida foydalanimoqda.⁷⁴

Korpus lingvistikasida parallel matnlar korpusi ham muhim ahamiyat kasb etadi. **Parallel matnlar korpusi** esa, o'z navbatida, badiiy asar, qo'llanma, ommaviy axborot vositalari, turli xil hujjalarning ikki yoki undan ko'p tillardagi elektron holdagi ko'rinishlaridir. Masalan, Yevropa Ittifoqi o'zining barcha qonun va hujjalarni ingliz, fransuz, nemis, ispan va italyan tillarida nashr qiladi hamda ular Internet tizimiga barchaga ochiq arxiv sifatida qo'yiladi. Bunday korpuslarning afzalligi shundaki, ular yordamida nafaqat biron bir so'z yoki jumlaning, balki butun boshli matnlarning turli tillardagi variantlarini bilish imkoniyati mavjud. Xuddi mana shu imkoniyat tufayli maxsus **konkordanser dasturlar** ishlab chiqish orqali turli xil ixtisoslik lug'atlari tuzish imkoniyati tug'iladi. Ushbu imkoniyatlar kompyuter leksikografiyasiga uchun ulkan ahamiyat kasb etadi.

Kompyuter leksikografiyasiga semantik maydon, semantik tarmoq, semantik to'r hamda freym semantikasining faol tatbiq etilishi natijasida ulkan kompyuter leksikografiya resurslari yaratildi. Shunday yirik leksikografik resurslardan biri **FRAMENET** bo'lib, u Internet tizimida on-line rejimida ishlaydi.⁷⁵ Mazkur tizim Ch.Fillmorning «**Tools for Lexicon Building**» loyihasi asosida Kaliforniya shtati, Berkli shahridagi Xalqaro informatika institutida ishlab chiqilgan. Framenet resursining ma'lumotlar bazasida 10 000 ta leksik birlik mavjud, undan 6000 dan ortig'i to'liq annotatsiyaga ega. Bundan tashqari, ma'lumotlar bazasida 800 ta semantik freym ko'rsatilgan, 135 000 annotatsiyali gaplar keltirilgan.

Elektron lug'atlar tuzish jarayonida ma'lumotlar ombori, matnlar kor-

⁷³ <http://www.corpus.leeds.ac.uk/list.html>

⁷⁴ http://www.wikipedia.org/wiki/corpus_linguistics

⁷⁵ <http://framenet.icsi.berkeley.edu/>

pusini yaratish, qidiruv tizimi, kodlash, lingvistik va dasturiy ta'minot unsurlari qatorida **lemmatizatsiya** bosqichi ham mavjud. Lemmatizatsiya – bu so'zning dastlabki, boshlang'ich formasini (lug'atdagi shaklini – lemmasi ni) tashkillashtirish texnikasi bo'lib, bu jarayon o'sha so'zning boshqa so'z-shakllaridan kelib chiqqan holda amalga oshiriladi. Lemmatizatsiya morfologik tahlil metodi tarkibiga kiradi, u ikki bosqichni o'z ichiga oladi: 1) deklarativ bosqich – bunda muayyan so'zning mumkin bo'lgan barcha shakllari (so'z-shakllar) belgilanadi; 2) protsedura bosqichi – bunda so'z asos va qo'shimchalarga, ya'ni leksemalarga yoki morfemalarga bo'linadi. Lemmatizatsiya so'zlarning grammatik valentligi, qaysi affikslar bilan birika olish imkoniyatini ham belgilab beradi. Masalan, o'zbek tilida so'zlarning lug'atdagi shakli – lemmasi quyidagicha:

- ot so'z turkumi uchun – bosh kelishik, birlik shakli;
- fe'l so'z turkumi uchun – harakat nomi shakli;
- sifat so'z turkumi uchun – oddiy daraja shakli.

Daftarlarni, daftarlarga, daftarlarning, daftarlardan, daftarlarda ! daftar Yugurdi, yugurgan, yuguryapti, yugurmoqchi ! yugurmoq

Ko'kintir, ko'kish, ko'kroq ! ko'k

Kitobiy lug'atlar va elektron lug'atlarning farqi quyidagilarda ko'rindi:

1. Kitobiy lug'atlarning tuzilishi: a) lug'atning so'zligi shakllantiriladi; b) misollar kartotekalari tuziladi; c) lug'at maqolalari yoziladi; d) lug'atning qolyozma varianti tayyorlanadi; e) qo'lyozma tahrir etiladi; f) muallif tuzishlar qiladi; g) nashr uchun teriladi; h) lug'at sahifalanadi; i) korrektirovka qilinadi; j) lug'at nashr etiladi.

2. Elektron lug'atlarning tayyorlanishi: a) lug'atning so'zligi shakllantiriladi; b) misollar korpusi (elektron kartotekalari) tuziladi; c) lug'at maqolalari yoziladi; d) lug'at maqolalarini ma'lumotlar bazasiga ko'chiriladi; e) bevosita ma'lumotlar bazasida lug'at matni tahrir etiladi, korrektirovka qilinadi; f) lingvistik ta'minot dasturiy ta'minot bilan uyg'unlashtiriladi; g) elektron lug'at.

Kitobiy lug'atlar tuzilishi sahifalar ketma-ketligiga tayanadigan chiziqlik tamoyiliga bo'ysunadi. Elektron lug'atlar strukturasi gipertekst texnologiyasiga asoslangan bo'ladi, bu esa foydalanuvchiga lug'at maqolalarining ixtiyoriy qismiga tezkor murojaat qilish imkonini beradi.

Elektron lug'atlarning ishlash prinsiplarini umumlashtirib quyidagicha izohlash mumkin:⁷⁶ Tilning har bir so'ziga mutanosib keluvchi kod ishlab chiqiladi va qo'llanadi, kodni qayta ishslash jarayonida zaruriy bo'lgan

⁷⁶ Po'latov A., Muhamedova S. Kompyuter lingvistikasi. – Toshkent, 2007. – B.58 – 61.

Ma'lumotlar ombori

Dasturiy ta'minot (matematik modellashtirish va algoritm-lash)

Lingvistik ta'minot (faktografiya, matnlar korpusi)

Simvollar orqali so'zlarni berish (kodlash)

So'zlik tayyorlash (lemmatizaciya)

Qidiruv tizimi

Natija (dekodlash)

ma'lumotlar, tarjimalar, sinonim, antonim va sharhlarga ega bo'lish mumkin.

So'zlarni kodlashtirish quyidagicha amalga oshiriladi. Ma'lumotlar tekst fayllarga joylashtiriladi, uning har bir elementi 3 qismdan iborat bo'ladi: 1) so'zning tartib raqami; 2) so'z; 3) kod.

«So'zning tartib raqami» (ya'ni uning adresi). So'zlarning tarjimasi, sinonimlari va antonimlarini ko'rsatish ularning birinchi harflarini kodirovkadagi tartib raqamlari bilan birligida keltirish bilan amalga oshiriladi.

«So'z» – mutanosib alfavit harflari bilan yozilgan oddiy so'z.

«Kod» – raqam va harflar ketma-ketligi bo'lib, unda so'z barcha zaruriy morfologik, sintaktik, leksik xususiyatlari hamda ushbu so'zning qaysi so'zga tegishliligi haqidagi ma'lumotlar jamlangan bo'ladi: grammatik ma'lumot, adreslar, tarjima, sinonim, antonim, mutanosib sharhlar.

Kodlarni yaratish CREATE va CREATE 1 dasturlari orqali amalga oshiriladi. Ular quyidagi tartibda ishlaydi:

So'z kiritiladi.

1. Grammatik ma'lumotlar yaratiladi – kompyuter so'z haqida morfologik va sintaktik ma'lumotlarni so'raydi va ular darhol aniq nisbat asosida shifrlanadi.

2. Tayyor shiffr «Grammatik ma'lumotlar» bo'limiga yozib qo'yiladi.

3. Tarjimalar sinonimlar, antonimlar adreslari yaratiladi:

a) tarjimasi bo'lishi mumkin bo'lgan so'z so'raladi;

b) kiritilgan so‘z kodning mutanosib bo‘limiga yozib qo‘yiladi;

v) kodlashning oxirida tarjimalar (sinonimlar, antonimlar) kodi topiladi va kiritilgan so‘zlar o‘rniga ularning birinchi harflari va tartib raqamlari yoziladi (masalan, «katta» so‘zi o‘rniga K0083), agar tarjimalar (sinonim, antonimlar) kodi topilmasa, u holda shu so‘zga nisbatan kodlash operatsiyasi amalga oshiriladi va bu bilan bosqich tamomlanadi.

5. Mazkur so‘zga sharh kiritiladi:

a) matn kiritiladi;

b) maxsus dastur asosida so‘z va unng sharhi orasidagi moslik belgilanadi, so‘ngra kiritilgan matn xotiraga yoziladi, ular orasidagi moslik esa so‘z kodida o‘z ifodasini topadi.

Dastur ishlay boshlashi bilan ekranda u va uni ishlab chiquvchilar haqidagi ma’lumotlar paydo bo‘ladi. Ular bilan tanishilgandan so‘ng klavish bosiladi va dastur quyidagi bosqichlarda o‘z ishini davom ettiradi:

I. Ekranga 6 rejimga ega oyna chiqди.

1-rejim. **Only translation (faqat tarjima)** – podstrochnikda foydalaniladigan tarjimalarni va mazkur so‘zning qaysi sohaga tegishliliqi haqidagi ma’lumotlarni beradi. Mazkur rejimning asosiy funksiyasini Only-tran maxsus protsedurasi amalga oshiradi. Ushbu protsedura, avvalo, mazkur so‘z kodining adreslar bo‘limidan tarjimalar adresini izlab topadi. So‘ng uni qayta ishlashni boshlaydi: tarjimaning birinchi harfini olib, tekst faylini ochadi (shu harf bilan nomlangan) va berilgan tartib raqamiga ko‘ra tarjmani topib, uni ekranga chiqaradi.

2. **Grammatical information (grammatik ma’lumotlar)** – so‘zning barcha morfologik va sintaktik xususiyatlari va undan foydalanishdagi ayrim noaniqliklar haqidagi ma’lumotlarni beradi. Gram info maxsus protsedurasi ishlaydi. Grammatik ma’lumotlar kodi bo‘limida jamlangan ma’lumotlarni rasshifrovka qiladi.

3. **List of synonyms (sinonimlar ro‘yxati).**

4. **List of antonyms (antonimlar ro‘yxati).**

Ushbu rejimlar Syn-List va Ant-list maxsus protseduralar yordamida sinonimlar va antonimlar ro‘yxatini beradi. Ular quyidagi tartibda ishlaydi: sinonim va antonimlar kiritilgan so‘z kodning «sinonimlar adresi» va «antonimlar adresi» bo‘limlaridan topiladi hamda ekranga chiqariladi.

5. **New word formation (yangi so‘zlarni qayta yasash)** – mazkur so‘z bilan bir xil o‘zakka ega bo‘lgan barcha so‘zlarni chiqarib beradi. Asosiy ish NWF protsedurasi vositasida amalga oshiriladi:

a) so‘zning o‘zagi ajratiladi;

b) so‘z haqidagi barcha ma’lumotlarga ega bo‘lgan holda ushbu o‘zakka

old qo'shimcha va boshqa qo'shimchalarni qo'shish orqali o'zgartirilishi mumkin bo'lgan barcha so'zlarni chiqarib beradi.

6. Comments (sharhlar) – o'r ganilayotgan so'z tez esda qolishi uchun «aytib berish» (podskazka) ko'rinishidagi sharhlarni chiqarib beradi.

II. Ish uchun zarur bo'lgan rejim tanlanganidan so'ng so'z kiritiladi. Ayrim elektron lug'atlarda leksikon bazasi ozligi sababli ayrim so'zlarning xotirada kodi bo'lmasligi ham mumkin. Shuning uchun kirishdan so'ng **Find Word** protsedurasi ish boshlaydi. Uning vazifasi xotiradagi so'z kodini izlashdan iborat. Agar u topilsa, maxsus protseduralar uzatiladi, aks holda quyidagi xabar chiqadi «Sorry, I do not know (Uzr, men buni bilmayman) va keyingi so'z kiritiladi.

III. Topilgan kod tanlangan rejimning maxsus dasturlari bilan qayta ishlanadi, buning natijasida talab qilingan ma'lumotlar chiqariladi.

IV. Tanlangan rejimlarda ishni davom ettirish haqida so'raladi. «Ha» javobidan so'ng dastur ishi ikkinchi bosqichda davom ettiriladi. Aks holda keyingi bosqichga o'tiladi.

V. Dastur ishini tamom qilish haqida so'raladi.

Kompyuter leksikografiysi bugungi kunda turli qo'shimcha imkoniyatlar asosida rivojlanib bormoqda. Xususan, dastlab kompyuter lug'atlari bir tilli, ikki tilli bo'lgan, hozirda ko'p tilli (uch, to'rt, olti, o'n tilli) elektron lug'atlar yaratilmoqda. Shuningdek, keyingi paytlarda muayyan sohalarga ixtisoslashgan elektron lug'atlar ham yaratilmoqda. Ya'ni dastlab kompyuter lug'atlari faqat umumiyl leksikon bilangina cheklangan edi, hozirda fanga oid bo'lgan, qurilish, aviatsiya, avtomobilsozlik, harbiy, diniy, yuridik sohalarga oid so'zlar bazasi ham e'tiborga olinmoqda. Hatto so'zlarning matnda qo'llanish imkoniyatlari, distributiv holatlari, birikma holidagi ko'rinishlari ham nazarda tutilgan holda lug'atlar yaratilmoqda. Bu ko'rsatkichlar kompyuter leksikografiysi sohasining taraqqiy etayotganidan darak beradi.

Topshiriqlar:

1. Tezaurus lug'at deganda qanday lug'at tushuniladi?
2. Kompyuter leksikografiyasining rivojlanish tendensiyasi haqida yozing.
3. O'quv kompyuter lug'atlari haqida gapiring.
4. Kitobiy va elektron lug'atlar orasidagi mushtarak nuqtalar qaysilar?
5. Kitobiy va elektron lug'atlar orasidagi farqli jihatlar qaysilar?

Adabiyotlar:

1. Нелюбин Л. Л. Компьютерная лингвистика и машинный перевод. – М.: ВЦП, 1991.

2. Шемакин Ю.И. Начало компьютерной лингвистики. – М.: МГОУ, 1992.
3. Po'latov A., Muhamedova S. Kompyuter lingvistikasi. – Toshkent, 2007.
4. Пиотровский Р.Г. Текст, машина, человек. – М.: Просвещение, 1989.
5. Баранов А.Н. Введение в прикладную лингвистику. – М.: Эдиториал УРСС, 2001.
6. Белоногов Г.Г. Компьютерная лингвистика и перспективные информационные технологии. – М.: Русский мир, 2004.

TIL O'RGAATISH JARAYONINI AVTOMATLASHTIRISH

Reja:

1. Kompyuter lingvodidaktikasi va ta'lrim jarayonida kompyuter texnologiyalaridan foydalanishning ahamiyati.
2. Til o'rgatishda avtomatlashtirish.
3. Til o'rgatuvchi o'quv dasturlari va ulardan foydalanish.

Tayanch so'z va iboralar: *til o'qitishi avtomatlashtirish, o'quv dasturlari, «elektron» o'qituvchi, multimedia, virtual kutubxona, CALL, avtomatizatsiya, bixevoiristik yondashuv, kognitiv-intellektual yondashuv, avtomatik korrektorlar, speller, audio va vizual effektlar, interaktiv multimedia texnologiyasi, virtual ensiklopediya.*

XX asr tarixga ilm-fan inqilobi davri, kompyuter, avtomatizatsiya asri sifatida kirdi. Bu davrda insoniyat o'zining og'ir mehnatini o'z aqli bilan osonlashtirishga erishdi. Ya'ni ishlab chiqarish jarayonida foydali ish koefitsiyenti bir necha barobarga oshdi, mehnat unumtdorligi o'sdi. Insoniyat yirik zavod, fabrikalarни, korxonalarни avtomatlashtirishga erishdi. Bunda ilgari manufakturna (qo'l mehnati)ga asoslangan ishlab chiqarish tizimidan avtomatlashgan, kompyuterlashtirilgan tizimga o'tildi. Hozirgi kunda avtomatizatsiya faqatgina ishlab chiqarish emas, balki jamiyatning deyarli barcha sohalariga kirib kelmoqda. Xususan, ta'lim jarayonida bilimlarni

diagnostika qilishning, xorijiy tillarni o'rgatishning ham samarali avtomatik tizimi ishlab chiqilgan.

«Avtomatizatsiya» so'zi lotincha «o'zi harakatlanadi» degan ma'noni bildiradi. So'zning ma'nosidan anglashilib turibdiki, tizim mustaqil harakatlanishga asoslangan, turli operatsiyalar bajarishga yo'naltirilgan va shu tamoyilda ishlashiga moslab programmalashtirilgan mexanizmlar yig'indisidir. Hammaga ma'lumki, yirik korporatsiyalarda, aytaylik, avtomobil ishlab chiqaruvchi zavodlarda avtomatizatsiya tizimi keng yo'lga qo'yilgan. Ushbu tizim optimalligi uchun jamiyatning boshqa sohalariga ham asta-sekinlik bilan tatbiq etilmoqda. Hozirda til o'rgatishning avtomatik tizimlari ishlab chiqilgan. Til o'rgatishning avtomatlashganligi shu bilan izohlanadiki, u maxsus o'quv dasturlari yordamida amalga oshiriladi.

Til o'rgatishda kompyuterdan foydalanish bo'yicha dastlabki tajribalar XX asrning 60-yillarda Stenford (Russian-Program) va Nyu-York universitetlarida (Das Deutsche Program) o'tkazildi. XX asrning 70 – 80-yillarda til o'qitishda kompyuterdan foydalanishga bo'lgan qiziqish kuchaydi va hatto alohida yo'nalishning yuzaga kelishiga olib keldi: **Computer Assisted Language Learning (CALL)**.⁷⁷ CALL bo'yicha 1-xalqaro konferensiya 1985-yil 12 – 13-noyabrda Budapest shahrida o'tkazildi. 2-xalqaro konferensiya 1989-yil 15 – 17-noyabrda bo'lib o'tdi. Mazkur konferensiyalarda kompyuter yordamida xorijiy tillarni o'rgatishning yangi metodlari taklif etildi, o'qituvchi lingvistik avtomatlar xususida qimmatli mulohazalar o'rta ga tashlandi, o'qitishda audio va video vositalardan foydalanish samarali ekanligi ta'kidlandi.

Kompyuter texnologiyalarining shiddat bilan rivojlanishi ta'lim jarayonini yangi bosqichga ko'tardi, bu o'z o'rniда ta'lim mazmunini, metod va shakllarini qayta ko'rib chiqish, uni yangi bilim hamda ko'nikmalar bilan yanada boyitish zaruriyatini tug'dirdi. Hozirgi vaqtida oliv ta'lim muassasalarida yangi pedagogik texnologiyalarning ilmiy asoslarini yaratish, ularni tasniflash, metodik ahamiyatini belgilash, ta'lim jarayoniga tatbiq etish kabi dolzarb muammolar ustida ish olib borilmoqda. Ilg'or pedagogik texnologiyalarning kompyuter texnologiyalari bilan uyg'unlashtirib tashkil etilishi va shu asosda multimedia darslarining yaratilishi asosiy yo'nalishga aylanib qolmoqda. Multimedia («ko'p muhitlik» degan ma'noni bildiradi) zamонави kompyuterlarning deyarli barchasida mavjud bo'lgan imkoniyatlar majmuini, kompleks tushunchani anglatadi. Multimedia axborotning turli ko'rinishlari – matn, jadval, grafika, ovoz, animatsiya (multiplikatsiya), videotasvir, musiqa yordamida axborotni yig'ish, saqlash va qayta uzatish

⁷⁷ <http://www.yazykoznanie.ru>

vazifalarini bajaradi. Multimedia «inson-kompyuter» interaktiv (dialogik) muloqotning yangi, takomillashgan pog'onasi bo'lib, bunda foydalanuvchi juda keng va har tomonlama axborot oladi. Bir qator olimlar, metodistlar tadqiqotlari shuni ko'rsatadiki, ta'lim oluvchi birinchi marta eshitgan mavzusining faqat to'rtidan bir qismini, ko'rgan materialining uchdan bir qisminiga eslab qoladi; ham ko'rib, ham eshitsa, axborotning ellik foizini esda saqlaydi. Interaktiv multimedia texnologiyalaridan foydalanilganda esa bu ko'rsatkich yetmish besh foizni tashkil etadi. Shu bois ta'lim jarayonida kompyuter texnologiyalaridan unumli foydalanish katta ahamiyatga ega.⁷⁸

O'qituvchi lingvistik avtomatlardan foydalanishda 2 xil yondashuv mavjud:

1) bixevoiristik yondashuv – mavjud an'anaviy o'qitish tizimining baracha jabhalarini e'tiborga oluvchi o'qitish mexanizmlari, bunda grammaticanining ma'lum bo'limi tugagandan so'ng uni topshiriqlar asosida baholash, shuningdek, leksik minimumlar bo'yicha bilimni nazorat qilishga yo'naltirilgan dasturiy ta'minotga asoslangan o'qitish tizimi. Bunda bixevoirizmnинг «**stimul-reaksiya-mustahkamlash**» formulasiga asoslaniladi. O'qitish usullari «stimul» (turtki) vazifasini bajaradi, o'rganuvchi bundan ta'sirlanadi va bilimni mustahkamlaydi.

2) kognitiv-intellektual yondashuv – CALL (CALL Software) uchun universal dasturiy ta'minotlar yaratish, o'qitish tizimini lug'at bazasi, grammatika bo'yicha qo'llanmalar, tizimni **avtomatik korrektorlar**, speller bilan ta'minlash, **audio** va **vizual effektlar** bilan boyitish kabi amaliy ishlar majmuidir.

Til o'rgatishda quyidagi kompyuter dasturlarini qo'llash mumkin:⁷⁹

1. *Taqdimot texnologiyasi*, ya'ni mashg'ulotni ko'rgazma sifatida o'tkazish darsda kompyuterdan foydalanishning eng oson usulidir. Buning uchun o'qituvchiga birgina kompyuter va multimedia projektori kerak bo'ladi. MS Power Point dasturi yordamida o'tilajak dars uchun kompyuterda o'qituvchining o'zi slaydlar yaratadi va ko'rgazmalar paketini tayyorlaydi. Elektron nusxa – bu o'zbek tili fani bo'yicha mavjud bo'lgan muayyan darslikning kompyuterdag'i elektron versiyasi (nusxasi) bo'lib, unda multimedia vositalaridan faqat ovoz va matn qatnashadi.

2. *Elektron multimedia darsligi* – aynan kompyuter vositasida o'quv kursini yoki uning bitta katta bo'limini o'qituvchi yordamida yoki mustaqil o'zlashtirishni ta'minlovchi dasturiy-metodik kompleks.

⁷⁸ Po'latov A., Muhamedova S. Kompyuter lingvistikasi. – Toshkent, 2007. – B.64 – 65.

⁷⁹ Ko'rsatilgan asar. – B.66 – 67.

3. *Elektron ensiklopediya* – kuchli qidiruv tizimiga ega bo‘lgan ma’lum yo‘nalishdagi illustratsiyali maqolalar, elektron xaritalar, fotosuratlar, giperhavola (gipermurojaat)lar, audio va videoizohlar, xronologik ro‘yxat, foydalanilgan va tavsiya etiladigan adabiyotlar ro‘yxati va hokazolardan iborat bo‘lgan katta hajmdagi elektron dastur.

4. *Elektron lug‘at* – odatdagи lug‘atlar asosida tuzilgan, multimedia vositalari bilan boyitilgan dastur. Elektron lug‘at turli yo‘nalishda tuzilishi mumkin, undan talabaning so‘z boyligini oshirish, tarjima qilishda foydalaniлади.

5. *O‘rgatuvchi audiodasturlar, elektron lingafon kurslari* umuman ikkinchi tilni o‘rganuvchilar uchun nihoyatda samarali ta’lim texnologiyalari dir. To‘g‘ri talaffuzni o‘rgatuvchi kompyuter dasturlarida animatsiya yordamida tovushning artikulyatsiya o‘rni, usuli ko‘rsatiladi, etalon nutq eshitiriladi, talabaning o‘z talaffuzi yozib kiritiladi, so‘ngra u adabiy til me’ yori bilan taqqoslanadi. Bundan tashqari, audiodasturlar qatoriga «Karaoke» tizimini kiritish mumkin. Undan hordiq chiqarishda yoki biron tadbirni o‘tkazishda foydalanish juda qulaydir.

6. *Universal test dasturi* muayyan fanning biror yirik bo‘limi bo‘yicha test topshiriqlari va reyting tizimidan iborat bo‘lgan kompyuter dasturidir. Uning qulayligi shundaki, birgina dasturiy ta’minot asosida turli xil test sinovlarini o‘tkazish, ya’ni faqat matnni o‘zgartirib, dasturni har xil mavzularda qo‘llash mumkin.

7. *Elektron virtual kutubxona* – multimedia xonasining keng imkoniyatlaridan yana biri, elektron nusxa yoki elektron multimedia darsliklari mujassamlangan, tarmoqqa ulangan kutubxona.

8. *Masofaviy ta’lim* – bu masofadan Internet tarmog‘i orqali o‘qitish usuli bo‘lib, uning asosida respublikamizda ma’lum sohalar bo‘yicha test-tajribalar o‘tkazilmoqda.

Tillarni avtomatik o‘qitish tizimi hisoblangan kompyuter lingvodidak-tikasida quyidagi turdagи topshiriqlardan foydalaniladi:

a) **Close the gap** – Bo‘sh kataklarni to‘ldiring topshirig‘i. Bunda semantika + grammatika sohalarini o‘rganish ko‘zda tutiladi;

b) krossvordlar va leksik o‘yinlar;

c) elektron pochtadan foydalanib bajariladigan mashq (turli xatlar yoki elektron hikoyalari tuzish asosida – **maze**) **word-hunting**;

d) matnlarning avtomatik tarjimasi va tahriri bo‘yicha mashqlar;

e) grammatikaning turli bo‘limlari bo‘yicha diagnostik testlar o‘tkazish;

f) CD-ROMda standart o‘qitish kurslaridan foydalanish.

Ingliz tilini o‘rgatishga mo‘ljallangan quyidagi oquv dasturlari mavjud:

TOEFL tizimi – ingliz tilini avtomatik o‘qitishga mo‘ljallangan eng rivojlangan xalqaro dastur. U dunyoning deyarli barcha mamlakatlarida amal qiladi, u inglizcha Test Of English as a Foreign Language so‘zlarining qisqartmasi bo‘lib, ingliz tilidan xorijiy til sifatida sinov standarti hisoblanadi. Bu tizim ingliz tilini o‘rgatish bilan birgalikda o‘zlashtirilgan bilimlarni diagnostika qila olish imkoniyatiga ham ega.

IELTS – TOEFL tizimiga o‘xshaydigan avtomatik til o‘rgatish va bilimlarni diagnostika qilish tizimi. U grammatika, lug‘at, o‘qib va eshitib tushunish, to‘gri jumla qurish kabilar yuzasidan bilimlarni baholaydi.

ENGLISH FOR ALL (Hamma uchun ingliz tili) – O‘zbekistonda yaratilgan avtomatik o‘qitishga asoslangan o‘quv dasturi. Unda o‘quvchiga ingliz tilidagi tovushlar va ularning talaffuzi audioeffektlar yordamida tushuntiriladi, qisqacha ingliz tili grammatisasi bayon etiladi, mashqlar va testlar yordamida bilimni tekshiradi. Ushbu o‘quv dasturining afzal tomoni shundaki, unda o‘qitish tizimi videoeffektlar bilan ham boyitilgan, ingliz tilida multfilmlar kiritilgan va inglizcha qo‘shiqlar karaoke bilan ta’minlangan.

WAY TO PERFECTNESS (Mukammallik uchun yo‘l) – ingliz tilini avtomatik tarzda o‘qitishga mo‘ljallangan o‘quv dasturi bo‘lib, bunda ham multimedia bilan ta’minlangan. Dasturning yuqoridaqilardan farqli tomoni shundaki, unda dastur «elektron» («virtual») o‘qituvchi bilan ta’minlangan.

REWARD – bir necha yil davomida o‘qitishga mo‘ljallangan til o‘rgatish tizimi.

PROFESSOR HIGGINS – АНГЛИЙСКИЙ БЕЗ АКИЕНТА – fonezik trenirovka, ingliz tilida aksentsiz talaffuz me’yorlarini o‘rgatuvchi tizim.

REPETITOR ENGLISH – Moskvadagi ingliz tilini o‘rgatuvchi xalqaro markaz tashabbusi bilan yaratilgan. Mazkur tizim ingliz tilini turli xil zamonaviy metodlar va elektron metodik ishlanmalar paketi yordamida avtomatik tarzda o‘rgatishga mo‘ljallangan.

EURO PLUS – uch yil davomida ingliz tilini bosqichma-bosqich (Elementary, Intermediate, Upper intermediate, Advanced English) tizimli tarzda o‘rgatishga asoslangan avtomatik o‘qitish tizimi.

Bugungi kunda o‘qitishni kompyuterlashtirish nazariyasini ishlab chiqish, haqiqatan ham, o‘quv faoliyatining samaradorligini oshiradigan, o‘rganilayotgan mavzuga nisbatan ijobjiy munosabat va qiziqishni shakllantiradigan ta’limiy-elektron ishlanmalarni yaratishning umumiyligi va xususiy mezonlarini belgilash zarurati paydo bo‘ldi. Hozirgi paytda Rossiya, Fransiya, Yaponiya, Kanada va boshqa mamlakatlarda ta’limiy-elektron ishlanmalarni yaratish konsepsiyasini ishlab chiqish bo‘yicha ilmiy-metodik tad-

qiqotlar olib borilmoqda. Konsepsiya ishlanmalarning mohiyati, ularni yaratish, tekshirish va qo'llash tartibi belgilanadi. Mutaxassislarining fikricha, ta'limiy-elektron ishlanmalar asosan texnik, pedagogik, metodik talablarga javob berishi zarur. Ular shunday talablarga mos kelsagina, ta'lim jarayonida qo'llanilishi mumkin.⁸⁰

Til o'qitishning avtomatik tizimi yildan yilga rivojlanib, yangi effektlar bilan boyib bormoqda. Bu tizimni yanada rivojlantirish, kompyuter lingvodidaktikasini yangi dastruriy ta'minotlar va pedagogik texnologiya, bilimlar diagnostikasi bilan boyitish kompyuter lingvistikasi fanining dolzarb vazifalaridan sanaladi.

Topshiriqlar:

1. Qanday til o'rgatuvchi o'quv dasturlarini bilasiz?
2. Til o'rgatuvchi o'quv dasturlarining samaradorligi qanday bo'ladi?
3. Boshqa turdag'i o'quv dasturlari haqida yozing.
4. Internet tizimi yordamida (on-line) til o'qitish kurslaridan foydalan-ganmisiz?
5. CALL tizimining rivojlanishi va istiqbollari qanday deb o'ylaysiz?

Adabiyotlar:

1. Нелюбин Л.Л. Компьютерная лингвистика и машинный перевод. – М.: ВЦП, 1991.
2. Шемакин Ю.И. Начало компьютерной лингвистики. – М.: МГОУ, 1992.
3. Po'latov A., Muhamedova S. Kompyuter lingvistikasi. – Toshkent, 2007.
4. Пиотровский Р.Г. Текст, машина, человек. – М.: Просвещение. 1989.
5. Белоногов Г.Г. Компьютерная лингвистика и перспективные информационные технологии. – М.: Русский мир, 2004.

⁸⁰ Po'latov A., Muhamedova S. Kompyuter lingvistikasi. – Toshkent, 2007. – B.68.

KOMPYUTER LINGVISTIKASIDA AVTOMATIK TAHRIR, INFORMATSION QIDIRUV TIZIMLARI VA GIPERTEKST TEXNOLOGIYASI

Reja:

1. Avtomatik tahrir yo‘nalishi.
2. Informatsion qidiruv tizimlari.
3. Gipertekst texnologiyasi.

Tayanch so‘z va iboralar: matn tahriri, mexanik xatolar, matn muharrirlari, avtomatik tahrir, tezaurus, deskriptor, gipertekst, kontekstli qidiruv, avtomatik referatlash, transliteratsiyalash, informatsion qidiruv tizimlari, manzilli qidiruv, semantik qidiruv, faktografik qidiruv, hujjatlri qidiruv, indekslash, gipermedia.

Avtomatik tahrir kompyuter lingvistikasining asosiy yo‘nalishlaridan biri bo‘lib, u kompyuterdagи matn muharrirlari (**Microsoft Word**, **Excel**, **Wordpad**, **Lexicon**) rivojlanishi bilan bog‘liqdir. Bilamizki, avtomatik tahrir deganda matndagi mexanik xatolarning avtomatik tarzda to‘g‘rilanishi va xato ekanligi haqidagi signalarning userga taklif etilishi kabilar bilan bog‘liq. Aniq misollar bilan tushuntiriladigan bo‘lsa, Microsoft Word dasturi bilan ishlar ekanmiz, unda so‘zlarning yozilishi bilan bog‘liq xatolar bo‘lsa, ularning ostiga qizil yoki ko‘k rangda chizilishi, katta harf bilan yozilishi kerak bo‘lgan so‘zlarning avtomatik bosh harfga o‘tkazilishi, hujjatga avtomatik numeratsiya qo‘yilishi kabilar avtomatik tahrir erishgan yutuqlar hisoblanadi.

Avtomatik tahrir yo‘nalishi XX asr o‘rtalariga kelib rivojlandi. U matn muharrir dasturlari bilan bирgalikda yangicha imkoniyatlar bilan, qo‘srimcha effektlar bilan rivojlanmoqda. Oddiy muharrirlardan farqi shundaki, unda tahrir avtomatik tarzda qisqa vaqt birligi ichida hajman katta bo‘lgan matnni tez tekshirish va xatolarni to‘g‘rilash imkoniyati bo‘ladi. Avtomatik tahrirning pragmatik ahamiyati shundaki, u kelajakda taraqqiy etsa, yetarli ma’lumotlar bazasi yaratilsa va maxsus dasturlar ishlab chiqilsa, muharrir kasbi uchun ehtiyoj qolmaydi. Bu esa matn bilan ishlashni osonlashtiradi.

Ma’lumki, kompyuter yaratilmasdan ilgari matnlar yozuv mashinkalalida terilgan, bu jarayonda orfografik, punktuatsion, stilistik va grammatic

xatolarga yo'l qo'yilsa, matnni boshdan oxirigacha qayta yozib chiqishga to'g'ri kelgan, bu esa foydalanuvchiga noqulaylik tug'dirgan. Kompyuterda esa matnni tahrirlash birmuncha qulay bo'lib, unda foydalanuvchi dialogli rejimda ishlaydi va o'z o'rniда xatolarni to'g'rilash imkoniyatiga ega bo'ladi. Hatto matn bilan ishlash jarayonida biz yuqorida ta'kidlab o'tgan avtomatik tahrirlash, xatolarni to'g'rilash imkoniyati ham mavjud. Shu o'rinda alohi-da ta'kidlash zarurki, avtomatik tahrirlash tizimi faqat matn muharrirlari dasturlari bazasiga qo'shilgan tillarda amal qiladi, masalan, ingliz, rus, nemis, fransuz tillarida. Agar bazada mavjud bo'limgan tilda matn kiritilsa, uni avtomatik tahrirlay olmaydi, ayrim internatsional so'zlar bundan mustasno. Avtomatik tahrirlash jarayonida MS Word lug'atida mavjud bo'limgan so'z uchrasa, ostiga qizil chiziq bilan ajratib ko'rsatiladi. Mazkur holat quyidagi sababga ko'ra bo'lishi mumkin, bunda o'sha so'z imlosi haqidada dastur variant taklif eta olmaydi, chunki Ms Word lug'atida bu so'z mavjud emas. Ehtimol u so'z tog'ri yozilgan bo'lishi mumkin, bunda insonning ishtiropi zarur bo'ladi. Agar so'zning imlosi to'g'ri bo'lsa, matnda yana tez-tez qayta ishlatsa, uning avtokorreksiyada to'g'ri deb sanalishi uchun Ms Word lug'atiga «kiritib qo'yish» (kontekst menyudagi «add» yoki «добавить» komandasi yordamida) mumkin. Matn kiritish davomida so'z yoki so'zlar birikmasi ko'k chiziq bilan ajratib qo'yiladi, bunda so'zning imlosida xato mavjud. Bu holda foydalanuvchi xatoni o'zi tog'rilab qo'yishi zarur yoki ostiga chizilgan so'zda sichqonchaning o'ng tomoni bosilsa, kontekst men-yusida so'zning to'g'ri varianti taklif etiladi va uni tanlashi zarur bo'ladi.

Avtomatik tahrirlash tizimi juda ko'p amaliy vazifalarini o'z ichiga ola-di. Bu vazifalarning eng asosiylarini umumlashtirib sanab o'tmoqchimiz:


- orfografiyanı tekshirish;
- grammatika va stilistikani tekshirish;
- kontekstli qidiruv;
- formatlash;
- avtomatik referatlash – matndagi kalit so'zlar asosida uning umumiylundarijasini yaratish;
- matn ichiga jadval, rasm, turli figuralar, klip-artlar, grafik sxemalar, diagrammalar qo'shish, giperhavolalar bilan ta'minlash;
- matndagi abzaslar, belgilar, so'zlarning aniq miqdorini aniqlash (statis-tikasini ko'rsatish);
- tezaurus xizmati – matndagi muayyan so'zning sinonimik variantlari-ni aniqlash;
- transliteratsiyalash – bir alifboden boshqa alifboga o'tkazish (masalan, kirill alifbosidan latin alifbosidagi harfga almashtirish).




Avtomatik tahrirda uch tarkibli asosiy vazifa e'tiborga olinishi lozim:




1. Orfografiyani tekshirish – bu vazifa morfologik tahlil yordamida amalga oshiriladi, bunda etalon lug'atdagi baza asosida tekshiriladi.
2. Sintaksini tekshirish orfografiyani tekshirishdan ko'ra murakkabroq. Chunki orfografiyani tekshiruvchi dasturlar yaratilgan, lekin norasmiy matnlarning sintaktik jihatdan avtomatik tahriri masalasi haligacha hal etilgani yo'q. Rasmiy matnlarning avtomatik tahriri bo'yicha muhim natijalarga erishilgan.


3. Semantik tahrirlash inson tafakkurini modellashtirishga asoslangan sun'iy intellekt tizimi bilan bog'liq ravishda o'r ganilmoqda. Bunda mazkur ko'p aspektli muammoni semantik maydon, freym yondashuv, tezauruslar tizimini boyitish, so'z va so'z birikmalari o'rtasidagi paradigmatic munosabatlar (sinonimiya, gipo-giperonimik-tur-jins munosabati)ni modellashtirishga tatbiq etish asosida hal etish mumkin. Chunki inson bunday assotsiativ munosabatlarni o'z intellektiga tayanib o'rnatada oladi, biroq bu jarayon kompyuter uchun murakkabdir.

Ms Word dasturida orfografiyani tekshirish imkoniyati cheklanganligi bois hozirgi kunda maxsus Spell Checker dasturlar yaratilmoqda. Bunday dasturlar sirasiga quyidagilarni kiritish mumkin: SpellLink Multilingual Pro (ingliz, ispan, italyan, nemis, fransuz, portugal, ukrain tillaridagi so'zlarning to'g'ri yozilishini tekshiradi), Orfo SpellLink English, SpellLink French, SpellLink Italian, SpellLink Spanish, Ruta 1.0 (rus va ukrain tillaridagi so'zlarning imlosini tekshirishga yordam beradi), Asutype, Spellex, Spell Catcher kabi. Mazkur dasturlar Word dasturi ustiga qo'shimcha o'rnatiladi. Masalan, aniqroq tasavvur hosil qilish uchun bu dasturlarning orfografiya tekshirish jarayonini ko'rsatib o'tmoqchimiz.









Kompyuter lingvistikasining muhim yo'nalishlaridan yana biri infomatsion qidiruv tizimlari (IQT) hisoblanadi. Ular formal belgilarga ko'ra infomatsiyani qidirishga mo'ljallangan. IQTlar quyidagi bosqichlar asosida ishlaydi:

- infomatsiyani jamlash;
- infomatsiyani klassifikatsiya qilish;
- hujjatning qidiruv obraqi (HQO)ni yaratish;
- hujjatning qidiruv obraqi va hujjatlarni saqlash;
- qidirish va natijani chiqarish.

«**Infomatsion qidiruv**» (inglizcha «**information retrieval**») termini 1948-yilda Kelvin Mur tomonidan fanga kiritilgan.⁸¹ Infomatsion qidiruv tizimi – bu ma'lumotlarni qisqa vaqt birligi ichida qidirib topish, kerakli hujjatlar ni ma'lumotlar bazasidan topishni optimallashtirish tizimidir. Bu yo'nalish ilmiy-texnikaviy axborotlarning ko'payib ketishiga javoban 1960-yil oxirlarida yuzaga keldi. Axborot ko'paygan sari uni saralash, keraklisini qidirib topish muammosi yuzaga keldi. Mazkur muammoni bartaraf etish uchun olimlar infomatsion qidiruv tizimlari g'oyasini taklif etdilar. Bu yo'nalish Internet tarmog'i yuzaga kelgandan so'ng yanada rivojlandi. Masalan, bugun hammaga ma'lumki, Internetda **Google**, **Yandex**, **Rambler**, **Yahoo** kabi qidiruv tizimlari mavjud.

Infomatsiyani qidirish quyidagi 4 bosqichni o'z ichiga oladi:

- infomatsiyaga bo'lgan talabni aniqlashtirish hamda infomatsion so'rovni shakllantirish;
- so'ralgan infomatsiya saqlangan manbalarni (infomatsion massivlarni) aniqlash;

⁸¹ Manning C., Raghavan P., Schutze H. **Introduction to Information Retrieval** // Cambridge University Press. 2008. – P. 5.

- informatsion massivlardan zaruriy informatsiyani ajratib olish;
- informatsiya bilan tanishish va qidiruv natijalarini baholash.

Qidiruvning quyidagi turlari mavjud:

1. To'liq matnli qidiruv – hujjatning to'liq mazmun-mundarijasi asosida amalga oshiriladigan qidiruv. Masalan, Internetdagi qidiruv tizimlari: www.yandex.ru, www.google.com.

2. Metama'lumotlar bo'yicha qidiruv – hujjatning muayyan atributlari (hujjat nomi, yaratilgan vaqt, hajmi, muallifi) asosida amalga oshiriladigan qidiruv. Qidiruvning bu turiga MS Windows tizimida fayllar bilan ishslashda foydalaniadigan qidiruv dialogi misol bo'la oladi.

3. Tasvir qidiruvi – tasvirning mazmuni asosida amalga oshiriladigan qidiruv. Bunda qidiruv tizimi rasmning mazmunini taniydi va natijada shunga o'xhash rasm topiladi. **Polar Rose, Picollator** qidiruv tizimlari mana shu tamoyil asosida ishlaydi.

4. Multimediali informatsiya qidiruvi – bunda audio va videofayllar bo'yicha qidiruv tushuniladi.

Qidirish jarayoni turli metodlar asosida yuz beradi: manzilli qidiruv, semantik qidiruv, hujjatlari qidiruv, faktografik qidiruv. Manzilli qidiruv so'rovda ko'rsatiladigan sof formal belgilar bo'yicha hujjatlarni qidirish jarayoni bo'lib, bunda hujjatning aniq manzili ko'rsatilishi lozim. Hujjatning manzili web-server va web-sahifa manzili yoki bibliografik qayd elementlari va hujjat saqlangan joy sanaladi. Semantik qidiruv hujjatlarlarining mazmuni asosida qidirish usuli bo'lib, bunda hujjatning umumlashma mazmuni, sarlavhasi deskriptor ko'rinishida shakllantirilishi lozim. Hujjatlari qidiruv matnli ma'lumotlar hamda ular haqidagi bibliografik qaydlarni qidirish jarayonidir. Faktografik qidiruv so'rovda nazarda tutilgan ma'lumotga mos keluvchi faktlarni (matnli hujjatlarni tarkibidan ajratilgan ma'lumotlar) qidirish jarayonidir. Yuqoridaqilardan kelib chiqib aytish mumkinki, qidiruv tizimi relatsion ma'lumotlar bazasida hamda gipertekstli ma'lumotlar bazasida mavjud bo'lgan hujjatlar, hujjatlar haqidagi metama'lumotlar, matnlari, rasmlari, video va audiofayllarni qidirishni o'z ichiga oladi.

Informatsiyaning eksponensial tarzda ko'payib ketayotganligi, shuningdek, Internet tizimida ham kundan kunga ma'lumotlar hajmining o'sib borayotganligi kompyuter lingvistikasi oldiga bir qator vazifalarini ko'ndalang qo'ymoqda:

- qidiruv tiziminining optimal modellarini yaratish;
- hujjatlarni tasniflash (klassifikatorlar tizimini yaratish);
- hujjatlarni klasterlash;

- foydalanuvchi interfeyslari va qidiruv tizimlari arxitekturasini loyi-halash;
- zaruriy informatsiyani ajratib olish, hujjatlarni avtomatik referatlash va annotatsiyalsh;
- deskriptorli tillar va tezauruslarni mukammallashtirish, boyitish.

Saqlangan ma'lumotning hamda qidiruv xususiyatiga ko'ra informat-sion qidiruv tizimlari 2 katta guruhga bo'linadi: hujjatli va faktografik IQT. Hujjatli IQTlarda matn, tavsif va ta'riflar saqlanadi, faktografik IQTlar esa jadvallar, formulalar, grafik ko'rinishidagi ma'lumotlarni o'z ichiga oladi. Shuningdek, aralash tabiatli IQTlar ham mayjud bo'lib, unda ham hujjatli, ham faktografik ma'lumotlar saqlanadi. IQTda qidiruvni ta'minlash uchun maxsus informatsion qidiruv tillari mavjud. Informatsion qidiruv tillari bu formal til bo'lib, u IQTda saqlangan hujjatlarning mazmunini tavsiflash va so'rov uchun mo'ljallangan. Informatsion qidiruv tilida hujjatlarga ishllov berish protsedurasi **indekslash** deb ataladi. Indekslash natijasida har bir huj-jatga IQTdagи ta'rif shakli yoziladi. Mazkur ko'p bosqichli jarayonda deskriptorli informatsion qidiruv tillari ishlataladi. Hujjat mavzusi deskriptorlarning birlashuvi bilan yoziladi. **Deskriptorlar** sifatida so'zlar, termin-lar, muayyan sohadagi boshlang'ich tushuncha va kategoriyalardan foy-dalaniladi. Deskriptorlarni kalit so'zlar deb nomlash ham mumkin. Deskriptorli til bilan ishlaydigan tizimlardan biri M.Taube tomonidan yaratilgan **UNITERM** tizimidir. Bu tizimda deskriptorlar sifatida hujjatning kalit so'zları – unitermlar ishlataladi. Demak, muayyan sohaning terminologiya-si, ya'ni deskriptorlar qidiruv tizimi va tezauruslarning asosini tashkil etadi.

Matnning asosiy mazmun-mundarijasini aks ettiradigan kalit so'zlar, terminlar, tayanch tushunchalar bazasi asosida kompyuterda lug'at tuziladi. Bunday lug'at **informatsion qidiruv tezauruslari** deb ataladi. Tezauruslar ensiklopedik va izohli lug'atlardan farqli ravishda til birliklarining matnda qo'llanish chastotasi va matnning predmet mundarijasini aks ettirish darajasiga qarab tuziladi. Bunda terminning mazmuniy tavsifi orqali bazadagi ma'lumotlar qidirilishiga mo'ljallangan bo'ladi. Terminlar tezaurusga qat'iy semantik prinsiplar asosida kiritiladi, bunda ularning *gipo-geperonimik (tur-jins)*, *holo-meronik (butun-bo'lak)*, *iyerarxik (pog'onali)* munosabatlari hamda assotsiativ mazmuniy bog'lanishlari e'tiborga olinishi lozim. Masalan, Wikipedia sahifasidan [«tezaurus»](#) terminining tavsifini olaylik:

Тезаурус (от греч. Θησαυρός – сокровище) в современной лингвистике – особая разновидность словарей общей или специальной лексики, в которых указаны семантические отношения (синонимы, антонимы, паронимы, гипонимы, гиперонимы и т.п.) между лексическими единицами.

Таким образом, тезаурусы, особенно в электронном формате, являются одним из действенных инструментов для описания отдельных предметных областей.

В отличие от толкового словаря, тезаурус позволяет выявить смысл не только с помощью определения, но и посредством соотнесения слова с другими понятиями и их группами, благодаря чему может использоваться в системах искусственного интеллекта.

В прошлом термином тезаурус обозначались по преимуществу словари, с максимальной полнотой представлявшие лексику языка с примерами её употребления в текстах.

Также термин тезаурус употребляется в теории информации для обозначения совокупности всех сведений, которыми обладает субъект.

Категории: Морфология (лингвистика) | Синтаксис | Разделы лингвистики | Уровни языка

Тезаурусы

– Амара-коша (Словарь Амара) – первый и наиболее важный санскритский тезаурус (III – IV век)

– Первым тезаурусом в современном смысле слова стал английский Тезаурус Роже (XIX век, около 15 000 синсетов).

– Викисловарь: многоязычный свободно пополняемый словарь и тезаурус (2004-наст.вр., проект фонда Викимедиа, в Русском Викисловаре (дамп – январь 2009) содержится 250 тыс. понятий, 67 тыс. отношений)

– РуТез – тезаурус русского языка (был создан Центром информационных исследований как инструмент для автоматического индексирования; разрабатывается с 1997 года по настоящее время, 45 тыс. понятий, 107 тыс. слов и выражений, 177 тыс. отношений)

См. также

– Викисловарь

– Идеографический словарь

– Русский семантический словарь

– Семантический анализ

– Семантическая сеть

Ссылки

– www.thesaurus.com – Тезаурус английского языка

– Захаров Н.В., Луков А.В. Школа тезаурунского анализа // Знание. Понимание. Умение. 2006. № 1. – С.231 – 233.

– Лесников С.В., Лесникова Д.С. Информационно-поисковый тезаурус

– Луков А.В. Фрактальность тезаурусов (в статье делается заключение о фрактальности тезауруса лишь на основании перевода слова «фрактал»)

– Луков В.А., Луков В.А. Тезаурусный подход в гуманитарных науках

Virtual ensiklopedia sanalgan Wikipediada keltirilgan «tezaurus» so‘ziga bag‘ishlangan lug‘at maqolasida semantik munosabatlar, assotsiativ bog‘lanishlar hamda iyerarxiya munosabati yaqqol ko‘zga tashlanadi. Shu o‘rinda ta‘kidlash zarurki, keyingi paytlarda qidiruv tizimlari bazasidagi tezauruslar giperhavolalar bilan ham ta‘minlanmoqda, bu esa userga bir-muncha qulayliklar yaratadi. Ya’ni qidirilayotgan terminlarga aloqador bo‘lgan boshqa yaqin tushunchalar bilan bog‘liq ma‘lumotlarni ham oson topish imkonini beradi.

Ilm-fan, texnika taraqqiyoti intensiv ravishda rivojlanyotgan bu davrda terminlar dinamikasini e’tiborga olgan holda tezauruslar bazasini muttasil to‘ldirib, boyitib borish zarur. Chunki til ochiq dinamik tizim hamda jamiyat taraqqiyotining «barometri» hisoblanadi, ya’ni ayrim tushunchalar eskiradi, ularning o‘rniga yangi tushuncha va terminlar yuzaga keladi. Information qidiruv tezauruslar yaratishda mana shuni doimo e’tiborga olish lozim. Xalqaro INFOTERM (Xalqaro terminologik markaz, Avstriya) tashkiloti ma‘lumotiga ko‘ra, hozirgi kunda tillardagi terminlar miqdori 50 mln, mahsulot nomlari miqdori 100 mln ni tashkil etadi. Lekin ushbu statistik ma‘lumot turg‘un emas, u jamiyat taraqqiyoti bilan yonma-yon o‘zgarib turadi.

Kompyuter lingvistikasida inqilobiy o‘zgarish yasagan yangilik gipertekst texnologiyasi hisoblanadi. Chunki bu tizim Guttenberg asos solgan kitob bosish texnologiyasiga zid ravishda yangi turdag‘i matn strukturasi vujudga keltirdi. Gipertekst g‘oyasi AQSH prezidenti F.Ruzveltning fan va ta‘lim bo‘yicha maslahatchisi Vannevar Bush nomi bilan bog‘liq bo‘lib, u foydalanuvchiga matn va uning fragmentlarini turli assotsiativ munosabatlar asosida bog‘lashga imkon beruvchi «MEMEKS» tizimini nazariji jihatdan asoslab berdi. U 1945-yilda «The Atlantic Monthly» journalida «Memeks» deb atalgan kelajakdagi xayoliy qurilma haqidagi «As We May Think» («Biz o‘ylaganimiz kabi») nomli maqolasini e’lon qildi. V.Bush o‘scha qurilmani kutubxonadagi har qanday hujjatlar, yozishmalar, kitoblarni displayda ko‘rsatib bera oladigan, cheklanmagan mikrofilmrlarga ulangan elektromexanik stol sifatida tasvirlaydi. Kompyuter texnikasi yo‘qligi bois loyihaning amalda qo‘llanishi bir oz keyinga surildi.

Bushning g‘oyasi gipertekst haqidagi nazariyi va amaliy izlanishlar juda katta ta‘sir ko‘rsatdi. Bushning kelajak loyihasi 1960-yilda T.Nelsonning

«Ksanadu» tizimi orqali qayta ko‘tarildi. Bu texnik tizim kiritilgan matnlarni va uning qismlarini turli xil usullarda, har xil qatorda, ixtiyoriy ketma-ketlikda o‘qishga imkon beradi. Bu esa ko‘rilgan matnlarning o‘rnini, ketma-ketligini eslab qolishga va xohlagan vaqtida o‘zingiz uchun kerakli matnni tanlab olishga va tezkor murojaat etishga yordam beradi. Bunday xususiyatga ega bo‘lgan matnlarni T.Nelson **gipertekst** deb nomladi. 1968-yil dekabrda amerikalik olim Duglas Engelbart ham o‘zi yaratgan gipertekst interfeysi e‘lon qildi. Olim uni **«The Mother of All Demos»** deb atadi. 1983-yilda Ben Shneyderman ham o‘z gipertekst loyihasini yaratdi, ushbu loyiha **The Interactive Encyclopedia System (TIES)** deb nomlangan.⁸² 1992-yilda birinchi marta gipertekst World Wide Web (xalqaro to‘r)ga tattbiq etildi.

Gipertekst yunoncha «hyper» – «ostida», «orqasida», «ortidan» ma’nolarini anglatuvchi old qo‘srimcha hamda lotincha «tekst» – «to‘qima» ma’nosini anglatuvchi so‘zlardan olingan.⁸³ 1965-yilda gipertekst va gipermedia terminlari T.Nelson tomonidan fanga kiritildi. Olim bu haqda o‘zining **«Literary Machines»** kitobida shunday yozadi: «*Gipertekst termini gipermedia terminiga qaraganda keng ommalashib ketdi. Aslida har ikki termin bir tushunchani anglatmaydi. Ya’ni gipertekst faqat matnlarning tarmoqlanishiga nisbatan ishlataladi, gipermedia termini esa grafiklar, audio va video-fayllar, shuningdek, matnlarning shaxobchanishini ham o‘z ichiga oladi. Bir muddat har ikki termin o‘rniga «interaktiv multimedia» atamasi ham ishlataldi. Lekin negadir gipertekst termini hammasidan ko‘ra keng e’tirof etildi va ommalashdi*».⁸⁴

Gipertekst bu shundey matnki, u kompyuterda boshqa matnlarga giperhavolalar yordamida bog‘lashga imkon beradi. Bunda u o‘quvchiga faqat matnlar ustida emas, balki turli xil jadvallar, sxemalar, rasmlar, videoroliklarda ham erkin navigatsiya qilish imkonini beradi. Asosan, gipertekst World Wide Web (Xalqaro o‘rgimchak to‘ri) strukturasini ko‘rsatuvchi tushuncha bo‘lib, u orqali Internet tizimida informatsiya tarqalishida qulaylik, osonlik, optimallik ta’minlanadi. Internet olami virtual olam sanalgani uchun biz undagi birinchi olamdan ikkinchi olamga hech qanday to‘siqlarsiz o‘ta olamiz. Mana shu virtuallikni bizga ta’minlab beruvchi tizim gipertekst g‘oyasidir. Internet saytlari manzilini ko‘rsatishda HTTP dan foydalana-miz (Hyper Text Transfer Protocol – Giper matnni o‘tkazish yo‘lagi).

⁸² <http://www.sigweb.org/conferences/ht-cover.shtml>

⁸³ Субботин М.М. Гипертекст. Новая форма письменной коммуникации.

– ВИНИТИ. Сер. Информатика. 1994. - С.18

⁸⁴ <http://www.iw3c2.org>

Tekst va gipertekst tushunchalari o'rtasidagi farqni quyidagicha umumlashtirish mumkin:

13-jadval

TEKST	GIPERTEKST
Tugallanganlik	Tugallanmaganlik
Chiziqlilik	Nochiziqlilik
Aniq muallifning mavjudligi	Aniq muallifning mavjud emasligi
Bir tomonlama yo'nalganlik	Ko'p tomonlama yo'nalganlik
Bir jinslilik (bir xilda tuzilganlik)	Bir jinsda tuzilmaganlik (turfa xillilik)
Yopiq strukturaga egalik	Ochiq strukturaga egalik

Gipertekst strukturasiga ko'ra **iyerarxik (pog'onali)** yoki **tarmoqli** bo'lishi mumkin. Daraxt ko'rinishidgi iyerarxik gipertekstlar foydalanuvchining navigatsiya (uzellar bo'ylab bir qismdan ikkinchi qismga o'tish) imkoniyatini cheklaydi, gipertekst texnologiyasining barcha imkoniyatlarini yuzaga chiqarmaydi. Bunday gipertekstda komponentlar o'rtasidagi aloqalar jinstur munosabatiga asoslangan tezaurus strukturasini eslatadi. Tarmoqli gipertekst esa birmuncha keng tarqalgan va imkoniyati kengroq tizim hisoblanadi, u jins-tur munosabatidan tashqari boshqa assotsiativ munosabatlarни ham o'z ichiga oladi. Shuning uchun tarmoqli gipertekstlar Internet tizimida faol ishlataladi.

Gipertekst ikki xil holatda bo'lishi mumkin: statik va dinamik gipertekstlar. Statik gipertekstlar oldindan tayyorlangan va saqlangan bo'lib, ular turg'un holatda bo'ladi. Masalan, gipertekst texnologiyasi asosida CDga yozilgan kitoblar statik gipertekstga misol bo'la oladi. Dinamik gipertekstlar murakkab va tizimli bog'lanishlarga tayangan bo'lib, u ko'proq tarmoq tizimida ishlaydi. Ayniqsa, Internet tizimida dinamik gipertekstlar faol qo'llaniladi. Masalan, Arizona axborot tizimi (AAIS) dinamik gipertekst sanaladi, uning bazasiga har oyda 300 – 500 referat ko'rinishida ma'lumotlar kiritib turiladi.

Demak, gipertekst texnologiyasi bizga informatsion massivni tezkor ko'rib chiqish (**brausing**), muayyan informatsiya yoki matn fragmentlariga tezkor havola qilish, gipertekst bo'yicha erkin **navigatsiya** qilish, gipertekstni yangi informatsiyalar bilan boyitib borish kabi optimal imkoniyatlar yaratib beradi.

Ko'pgina tadqiqotchilar gipertekst tizimini yangi informatsion eraning boshlanishi, virtual olamga dastlabki qadam sifatida baholadilar. Haqiqatan ham gipertekst tizimi kompyuter lingvistikasida, Internet tizimida o'ziga xos inqilob yasadi, deyish mumkin.

Topshiriqlar:

1. Avtomatik tahrirning pragmatik jihatlarini tushuntiring.
2. Avtomatik tahrirning ishonchlilik darajasi nimalarga bog‘liq?
3. Avtomatik tahrirda ma’lum salbiy jihatlarni tushuntiring.
4. Gipertekst texnologiyasi va an’anaviy kitob bosish texnologiyasini solishtiring.
5. Qanday informatsion qidiruv tizimlarini bilasiz?
6. Deskriptor nima?

Adabiyotlar:

1. Нелюбин Л. Л. Компьютерная лингвистика и машинный перевод. – М.: ВЦП, 1991.
2. Шемакин Ю.И. Начало компьютерной лингвистики. – М.: МГОУ, 1992.
3. Po’latov A., Muhamedova S. Kompyuter lingvistikasi. – Toshkent, 2007.
4. Пиотровский Р.Г. Текст, машина, человек. – М.: Просвещение, 1989.
5. Субботин М.М. Гипертекст. Новая форма письменной коммуникации. – ВИНИТИ. Сер. Информатика, 1994.
6. Белоногов Г.Г. Компьютерная лингвистика и перспективные информационные технологии. – М.: Русский мир, 2004.

**KOMPYUTER ANALIZ VA SINTEZI,
INGLIZ TILIDAGI GAPLARNI O‘ZBEK TILIGA
TARJIMA QILISH ALGORITMI**

Reja:

1. Morfologik analiz va sintez.
2. Sintaktik analiz va sintez.
3. Tarjima algoritmi.

Tayanch so‘z va iboralar: kompyuter analizi va sintezi, avtomatik tarjima, lingvistik ta’mnot, dasturiy ta’mnot, dastur algoritmi, tarjimon das-turlar, formal model, morfologik, semantik-sintaktik va konseptual analiz, lingoanalizatorlar, parser dasturlar.

Matnning formal ajraladigan eng kichik birligi so'z hisoblanadi, lekin u ma'no anglatuvchi eng kichik birlik morfemalardan tashkil topadi. So'z tarkibi o'zak morfemalar, prefikslar (old qo'shimchalar) va suffikslar (o'zakdan keyin qo'shimchalar)dan iborat bo'ladi. Masalan, *besabrlikdandir* so'zida 5 morfema mavjud. So'zlarning morfoligik analizi uchun tildagi prefiks va suffikslar bazasi hamda so'zlarning grammatic shakllarda o'zgarishi (qanday qo'shimchalarni qabul qilishi)ni ko'rsatuvchi lingvistik ta'min yaratilishi lozim. Bunday baza avtomatik tarjima tizimi yaratilgan rus, ingliz, fransuz tillarida yaratilgan. Shulardan birini (rus tili grammaticasi asosida) berib o'tmoqchimiz.⁸⁵

14-jadval

№ п/п	Слово-представитель	Окончания: 1) им.п., ед.ч. 2) тв.п., ед.ч. 3) им.п., мн.ч. 4) род.п., мн.ч.	Примечание
		Существительные мужского рода неодушевленные	
001	телефон	+*), ОМ, ы, ОВ	
002	тираж	+, ОМ, И, ЕЙ	
003	огонь	Ь, ЕМ, И, ЕЙ	См. п. 012
004	перебой	Й, ЕМ, И, ЕВ	См. п. 005
005	санаторий	Й, ЕМ, И, ЕВ	Основы на букву «и»
006	бланк	+, ОМ, И, ОВ	
007	сапог	+, ОМ, И, +	
010	лес	+, ОМ, А, ОВ	
011	колодец	+, ЕМ, ы, ЕВ	
012	путь (класс состоит из одного слова)		
013	край	Й, ЕМ, Я, ЕВ	
014	брюс	+, ОМ, Я, ЕВ	
015	глаз	+, ОМ, А, +	

⁸⁵ Белоногов Г.Г. Компьютерная лингвистика и перспективные информационные технологии. – М.: Русский мир, 2004. – С.68 – 90.

016	зародыш	+, ем, и, ей	
017	волос	+, ом, ы, +	
020	лагерь	ь, ем, я, ей	
Существительные мужского рода одушевленные			
021	кузнец	+, ом, ы, ов	
022	солдат	+, ом, ы, +	
023	сосед	+, ом, и, ей	См. п. 024
024	врач	+, ом, и, ей	Основы на ж, ч, ш, щ
025	пролетарий	й, ем, и, ев	
026	воробей	ей, ем, и, ев	
027	конь	ь, ем, и, ей	
030	учитель	ь, ем, я, ей	
031	сапожник	+, ом, и, ов	
032	испанец	+, ем, ы, ев	
033	юноша	а, ей, и, ей	
034	мужчина	а, ой, ы, +	
035	судья	я, ей, и, ей	
036	товарищ	+, ем, и, ей	
037	гражданин	+, ом, е, +	
040	профессор	+, ом, а, ов	
041	муж	+, ем, я, ей	
042	Иванов	+, ым, ы, ых	
043	сын	+, ом, я, ей	
Существительные женского рода одушевленные			
044	женщина	а, ой, ы, +	
045	переводчица	а, ей, ы, +	
046	нутрия	я, ей, и, й	Основы на букву «и»

047	швея	я, ей, и, й	см. п. 046
050	чапля	я, ей, и, ь	
051	санитарка	а, ой, и, +	
052	мышь	ь, ю, и, ей	
053	Иванова	а, ой, ы, ых	

Существительные женского рода неодушевленные

054	речь	ь, ю, и, ей	Основы на ж, ч, ш, щ
055	грань	ь, ю, и, ей	см. п. 054
056	колба	а, ой, ы, +	
057	задача	а, ей, и, +	
060	заготовка	а, ой, и, +	
061	линия	я, ей, и, й	Основы на букву «и»
062	галерея	я, ей, и, й	см. п. 061
063	земля	я, ей, и, ь	
064	эскадрилья	я, ей, и, ий	
065	статья	я, ей, и, ей	
066	башня	я, ей, и, +	
067	улица	а, ей, ы, +	

Существительные среднего рода

070	место	о, ом, а, +	
071	облако	о, ом, а, ов	
072	поле	е, ем, я, ей	
073	сомнение	е, ем, я, и	
074	жилище	е, ем, а, +	
075	перо	о, ом, я, ев	
076	время	я, ем, а, +	
077	побережье	е, ем, я, ий	

100	колено	о, ом, и, ей	
101	очко	о, ом, и, ов	
102	ружье	е, ем, я, ей	
*) Символ + обозначает нулевое окончание.			

Прилагательные

№ п/п	Слово-представитель	Окончания:	Примечание
		1) им. п., муж. р., ед.ч., 2) им. п., жен. р., ед.ч., 3) род. п., муж. р., ед.ч., 4) им. п., мн.ч.	
103	главный	ый, ая, ого, ые	
104	передний	ий, яя, его, ие	
105	хороший	ий, ая, его, ие	
106	легкий	ий, ая, ого, ие	
107	годовой	ой, ая, ого, ые	
110	плохой	ой, ая, ого, ие	
111	третий	ий, я, его, и	
112	этот, сам	+ , а, ого, и	
113	мой, твой, свой	и, я, его, и	
114	наш, ваш	+ , а, его, и	
115	весь	ь, я, его, е	

Глаголы в личной форме

№ п/п	Слово-представитель	Окончания	Примечание
		1, 2 и 3-го лица ед. ч. и 3-го лица мн. ч.	
116	делать	ю, ешь, ет, ют	
117	строить	ю, ишь, ит, ят	
120	писать	у, ешь, ет, ут	
121	стучать	у, ишь, ит, ат	
122	бежать	у, ишь, ит, ут	
123	хотеть	у, ешь, ет, ят	
124	зависеть	у, ишь, ит, ят	

Morfologik analiz morfemalarga ajratish hamda grammatick ma'lumotlar tahlilini o'z ichiga oladi. Morfologik sintez esa matnga avtomatik ishllov

berish jarayonida yoki uning so'nggi bosqichida (natijalarni inson hukmiga havola qilishda) so'zlarning turli shakllarini chiqarish, analiz natijalarini umumlashtirishdan iborat. Morfologik analiz va sintez jarayoni kompyuterda kodlash-dekodlash tamoyili asosida ishlaydi. Bunda so'z turkumlari maxsus kodlar yordamida belgilanadi. Quyidagi jadvalda RETRANS (inglizcha-ruscha, ruscha-inglizcha frazeologik mashina tarjimasi tizimi) automatik tarjima tizimida morfologik analiz jarayonida foydalilanligidan inglizcha so'zlarning grammatik tasnifini berib o'tamiz:

15-jadval

Inglizcha so'zlarning grammatik tasnifi

Существительные	
11	Собственно существительные
12	Местоименные существительные
13	Количественные числительные
14	Отлагольные существительные
Прилагательные	
21	Собственно прилагательные
22	Местоименные прилагательные
23	Порядковые числительные
24	Отлагольные прилагательные
Глаголы	
31	Вспомогательные глаголы
32	Глаголы настоящего времени, инфинитив
33	Глаголы прошедшего времени
34	Модальные глаголы
Наречия	
41	Собственно наречия
42	Местоименные наречия
43	Наречия сравнительной степени, прилагательные сравнительной степени
44	Отлагольные наречия (инговая форма)
Предлоги	
51	Предлог of
52	Остальные предлоги
Союзы	
61	Сочинительные союзы
62	Подчинительные союзы

Артикли	
71	Определенный артикль
72	Неопределенный артикль
Частицы	
81	Частица to
82	Частицы not и no
83	Остальные частицы

Ushbu jadvalda «1» simvoli otlarni, «2» simvoli sifatlarni, «3» simvoli fe'llarni, «4» simvoli ravishlarni, «5» simvoli predloglarni, «6» simvoli bog'lovchilarni, «7» simvoli artiklni, «8» simvoli yuklamalarni bildiradi. Morfologik analiz jarayonida ushbu simvollar orqali so'zlar kodlanadi. Masalan, inglizcha matn fragmentining RETRANS avtomatik tarjima tizimida morfologik analiz namunasiga e'tibor beraylik.

Inglizcha matn fragmentining morfologik analiz namunasi

Language 0/11 engineering 0/11 is 0/31 the 0/71 core 0/11 of 0/51 information 0/11 technology 1/11 and 0/61 information 0/11 technology 1/11 will 0/31 be 0/31 the 0/71 key 0/1121 industry 1/11 of 0/51 the 0/71 next 0/21 decades 1/11 .

Inglizcha matn fragmentining RETRANS avtomatik tarjima tizimida morfologik analiz namunasi

NNo	Результаты	Классы
п/п	анализа	словоформ
16	No 0/82	6 82
17	Balkan 0/21	.v 21
18	state 0/1132	T 1132 = 11
19	wished 0/2433	э 2433
20	to 0/81	5 81
21	become 0/2432	д 2432
22	embroiled 0/2433	э 2433
23	in 0/52	И 52
ZZZ6v Т э5дЭИ = 11		
.....		
16	No 0/82	6 82

17	Balkan 0/21	v	21
18	state 0/1132	T	1132
19	wished 0/2433	э	2433 = 33
20	to 0/81	5	81
21	become 0/2432	д	2432
22	embroiled 0/2433	э	2433
23	in 0/52	И	52
24	the 0/71	з	71

ZZ6vT э 5дэИЗ = 33

16	No 0/82	6	82
17	Balkan 0/21	v	21
18	state 0/1132	T	1132
19	wished 0/2433	э	2433
20	to 0/81	5	81
21	become 0/2432	д	2432 = 32
22	embroiled 0/2433	э	2433
23	in 0/52	И	52
24	the 0/71	з	71
25	«	«	
26	Great 0/21	v	21

6vTэ5 д эИЗ»v = 32

17	Balkan 0/21	v	21
18	state 0/1132	T	1132
19	wished 0/2433	э	2433
20	to 0/81	5	81
21	become 0/2432	д	2432
22	embroiled 0/2433	э	2433 = 24
23	in 0/52	И	52
24	the 0/71	з	71
25	«	«	
26	Great 0/21	v	21
27	War 0/11	A	11

vTэ5д э ИЗ»vA = 24

Bu yerda ayrim so‘zlar grammatik omonimiyaning hisobiga dastlab («tahlil natijalari»da) ikki xil raqam bilan berilgan, so‘nggi bosqichda ularning kontekstdagi holatidan kelib chiqib aniq tasnifi keltiriladi. Yuqoridagi matn fragmentida shunday so‘zlar sirasiga «state» so‘zini misol qilish mumkin. «State» so‘zi dastlabki tahlilda 0/1132 kodi orqali beriladi, bunda «0» raqami so‘zda qo‘srimchaning yo‘qligini (nol morfemani), «11» raqami ot so‘z turkumini, «32» raqami esa hozirgi zamon shaklidagi fe'l yoki infinitivni bildiradi. Bunga o‘xshash yana bir so‘z «wished» so‘zining dastlabki tahlilida bir qiymatli bo‘lмаган ма’лумотларга ega bo‘lamiz. «Wished» so‘zi 0/2433 kodi bilan beriladi, bunda «0» raqami yuqoridagidek nol morfemani, «24» fe'l asosida hosil bo‘lgan sifat turkumini, «33» o‘tgan zamon shaklidagi fe'lни anglatadi.

So‘zlarning qaysi turkumga mansubligini aniqlashda chappa (ters) lug‘atlardan foydalанилади. Bunga turli xil turkumga mansub so‘zlarning morfologik analizini ko‘rsatuvchi inglizcha so‘z Shakllarining grammatik chappa lug‘ati yaqqol misol bo‘la oladi.

16-jadval

Ingлизча so‘z Shakllarining grammatik chappa lug‘ati fragmenti (ushbu lug‘at 54 000 leksik birlikni o‘z chiga oladi)

So‘z Grammatik ma'lumot		
Ot (Noun)	Sifat (Adjective)	Fe'l (Verb)
America 0/11	morphologic 0/21	tightened 0/2433
Africa 0/11	epidemiologic 0/21	shortened 0/2433
Corsica 0/11	physiologic 0/21	fastened 0/2433
Arctica 0/11	immunologic 0/21	moistened 0/2433
Antarctica 0/11	hydrologic 0/21	flattened 0/2433
Casablanca 0/11	geohydrologic 0/21	aligned 0/2433
Canada 0/11	paleohydrologic 0/21	standardize 0/32
transcanada 0/11	micrometeorologic 0/21	focalize 0/32
Granada 0/11	metrologic 0/21	realize 0/32
Nevada 0/11	neurologic 0/21	specialize 0/32
Andromeda 0/11	paleontologic 0/21	commercialize 0/32
Florida 0/11	allergic 0/21	rationalize 0/32
Propaganda 0/11	readable 0/21	neutralize 0/32
addenda 1/11	achine-readable 0/21	visualize 0/32
agenda 0/11	degradable 0/21	conceptualize 0/32
thermobalance 0/11	biodegradable 0/21	stabilize 0/32
microbalance 0/11	upgradable 0/21	utilize 0/32
heatbalance 0/11	decidable 0/21	straightening 0/142444

resemblance 0/11	undecidable 0/21	heightening 0/142444
surveillance 0/11	formidable 0/21	brightening 0/142444
ambulance 0/11	avoidable 0/21	whitening 0/142444
conformance 0/11	artifical 0/21	fastening 0/142444
performance 0/11	strategical 0/21	listening 0/142444
high-performance 0/11	pedagogical 0/21	peculiarities 3/11
maintenance 0/11	logical 0/21	similarities 3/11
standartization 0/11	mineralogical 0/21	polarities 3/11
stochastization 0/11	pharmacological 0/21	multipolarities 3/11
analyzation 0/11	gynecological 0/21	micropolarities 3/11
radioabsortion 0/11	silent 0/21	particularities 3/11
action 0/11	excellent 0/21	regularities 3/11
co-action 0/11	repellent 0/21	singularities 3/11
reaction 0/11	violent 0/21	stabilizes 1/32
prereaction 0/11	turbulent 0/21	utilizes 1/32
photoreaction 0/11	Ravish (Adverb)	minimizes 1/32
trigger 0/11	profoundly 0/41	optimizes 1/32
debugger 0/11	upwardly 0/41	maximizes 1/32
plugger 0/11	outwardly 0/41	customizes 1/32
tiger 0/11	nicely 0/41	reorganizes 1/32
anger 0/11	largely 0/41	recognizes 1/32
changer 0/11	likely 0/41	specify 1/32
histler 0/11	unlikely 0/41	modify 1/32
hustler 0/11	extremely 0/41	qualify 1/32
settler 0/11	timely 0/41	implify 1/32
bottler 0/11	germetically 0/41	unify 1/32
transmitter 0/11	genetically 0/41	clarify 1/32
knitter 0/11	diamagnetically 0/41	OT (Noun)
plotter 0/11	geomagnetically 0/41	contractions 1/11
slotter 0/11	OT (Noun)	abstractions 1/11
relevancy 1/11	endings 1/11	attractions 1/11
conservancy 1/11	findings 1/11	extractions 1/11
adjacency 1/11	disbondings 1/11	transactions 1/11
complacency 1/11	surroundings 1/11	imperfections 1/11
dependency 1/11	soundings 1/11	objections 1/11
interdependency 1/11	codings 1/11	isolators 1/11
tendency 1/11	encodings 1/11	translators 1/11
agency 1/11	oxidizer 0/11	turbulators 1/11
interagency 1/11	localizer 0/11	calculators 1/11
analogy 1/11	demineralizer 0/11	circulators 1/11
trilogy 1/11	neutralizer 0/11	
ecology 1/11	equalizer 0/11	
oncology 0/11	stabilizer 0/11	

Morfologik analizning mantiqiy davomi sintaktik analiz hisoblanadi. Sintaktik analiz morfologik analiz ustiga quriladi. Bunda sintaktik analiz turli xil modellar asosida amalga oshirilishi mumkin. Formal grammatica asoschisi bo'lgan Noam Chomskiy belgilagan algoritm o'zining optimalligi bilan boshqa sintaktik modellardan ajralib turadi. Matnning avtomatik sintaktik analizi masalasi XX asrning 50-yillarda bir tildan boshqa tilga kompyuter yordamida tarjimani amalga oshiruvchi tizimlarga oid tadqiqotlar bilan uzyvilikda o'rganilgan. Zero, matn tarjimasida gaplarning sintaktik strukturasi, sintaktik aloqasi hal qiluvchi ahamiyat kasb etadi. Dastlabki sintaktik analiz protseduralari ancha cheklangan bo'lib, unda faqat gapning strukturasi analizi e'tiborga olingan, bunda har qanday gap so'zlarning muayyan ketma-ketligi asosida tashkil topgan qurilma sifatida baholangan. Gap strukturasining formallahgan modeli sifatida, odatda, tobelik daraxti (sentence tree)dan foydalanilgan.⁸⁶ Shuni alohida ta'kidlash zarurki, sintaktik analizning samaradorligi hozirgi kunda juda yuqori saviyada, ular faqat avtomatik tarjima sistemasi ishlab chiqilgan tillarda maksimal darajada ishlatilmoqda. Lekin haligacha gapning to'laqonli semantik analizi yuzasidan sezilarli natijalarga erishilgani yo'q. Bu muammo kompyuter lingvistikasidagi ko'plab muammolar bilan tutashib ketadi. Jumladan, inson tafakkurini modellashtirish, sun'iy intellekt tizimi, semantik freym, Word-net kabilar. Agar sanab o'tilgan muammolar o'z yechimini topsa, semantik va konseptual analizning avtomatik tizimi ham to'laqonli ishlaydi.

Kompyuterdag'i avtomatik tarjima kompyuter lingvistikasining eng zamonaviy yo'nalishlaridan biri hisoblanadi. Hozirgi kunda dunyoda keng tarqalgan jahon tillari uchun avtomatik tarjima dasturlari ishlab chiqilgan. Jumladan, ruschadan inglizchaga, inglizchadan ruschaga, ruschdan fransuzchaga yoki aksi tarzida dasturlar yaratilgan. Bunday dasturlar sirasiga SOCRAT, PROMPT, MAGIC GOODDY kabilar kiradi. Ular 2 xil ta'minotga asoslanib ishlaydi: 1) lingvistik ta'minot – bunda mayjud tillarning umumiyligi leksikoni kiritiladi, uning grammatiskasini joylashtiriladi, bir so'z bilan aytganda, ma'lumotlar bazasi yaratiladi; 2) programmaviy ta'minot – bunda bir tildan ikkinchi tilga tarjima qilish algoritmi va kompyuter analizi ishlab chiqiladi (maxsus programmalashtirilgan tillar yordamida).

Avtomatik tarjimaning ishslash algoritmi quyidagicha bo'ladi:

1. Boshlanish – dasturlar paneli va menuy satrini ko'rindan.
2. Ishslash rejimi tanlanadi (tarjimaning yo'nalishi – inglizchadan ruschaga yoki ruschadan inglizchaga).

⁸⁶ Jurafsky D., Martin J.H. Speech and Language Processing. – New Jersey, 2000. – P.353.

3. Jumla kiritiladi va xotiradagi kodi qidirib topiladi.
4. Topilgan kod maxsus dasturlar yordamida qayta ishlanadi va tarjima oynada paydo bo‘ladi.
5. Joriy rejimda ishlashni davom ettirish haqida so‘raladi.
6. Dasturni yopish haqida savol so‘raladi.
7. Dastur yopiladi.

Avtomatik tarjimada samaradorlikning yuqori bo‘lishiga tabiiy tillarning ayrim jihatlari – polisemiya (ko‘p ma’nolilik), omonimlik, frazeologizmlar, idiomalar, paremalar, troplar to‘sqinlik qiladi. Shularni istisno qilganda, hozirda avtomatik tarjima yo‘nalishida yuqori samaradorlikka erishilgan. Hatto hozirda faqat avtomatik tarjima yo‘nalishiga bag‘ishlangan saytlar ham yaratilgan. Bu avtomatik tarjimaning keng qamrovda taraqqiy etayotgan sohalardan ekanligini ko‘rsatib turibdi.

Hozirgi kunda inglizcha-o‘zbekcha va o‘zbekcha-inglizcha kompyuter tarjimasi dasturlari juda katta ahamiyatga ega. Ma’lumki, ingliz va o‘zbek tillari leksik-grammatik xususiyatlari ko‘ra bir-biridan tubdan farq qiladi. O‘zbek tilida gap qurilishi SOV (ega+to‘ld+kes) qolipida bo‘lsa, ingliz tilida SVO (ega+kes+to‘ld) qolipidadir; o‘zbek tili agglutinativ tillar sirasiga kiradi, ingliz tili esa flektiv til hisoblanadi. Shuning uchun ingliz tilidan o‘zbekchaga va o‘zbekchadan inglizchaga kompyuter tarjimasini yaratish o‘ziga xos qiyinchliklarni keltirib chiqaradi. Bugungi kunda rus tili vositasiда ingliz tilidan o‘zbek tiliga avtomatik tarjima qiluvchi dasturlarning versiyalari e’lon qilingan.

Ammo biz taklif qilayotgan ingliz tilidan o‘zbek tiliga kompyuterda tarjima qilish dasturi vositachi tilsiz amalga oshiriladi. Ta’kidlash lozimki, mazkur ish gaplarning sintaktik analiz qilish algoritmlari va formal modelлари bazasi asosida amalga oshiriladi.

Ingliz tilidan o‘zbek tiliga kompyuterda tarjima qilish algoritmi quyidagi vazifalarni hal etish uchun mo‘ljallangan:

I.I. Analiz – bunda ingliz tilidagi gap quyidagi soddalashtirilgan model ramkasida sintaktik tahlil qilinadi.

1. Ushbu model faqat sodda gaplarning qamrab oladi.
2. Gapning har bir bo‘lagi bitta so‘zdan iborat bo‘ladi.
3. Gaplarda aniqlovchilar bo‘lmaydi.
4. Gaplarning standart tiplari ko‘rib chiqiladi (darak gap (ega+kes+to‘ld+hol), so‘roq, inkor va so‘roq-inkor gaplar).
5. Fe’lning quyidagi tuslanishli shakllarini qamrab oluvchi kesimli gaplar ko‘rib chiqiladi:
 - a) shaxs (I, II, III shaxs);

- b) son (birlik va ko'plik);
- v) zamon (o'tgan, hozirgi, kelasi);
- g) harakat tipiga ko'ra (Simple)
- d) maylga ko'ra (Indicative)
- e) nisbatga ko'ra (Active)

II. Tarjimada gaplar ingliz tilidan o'zbek tiliga o'giriladi.

Algoritm quyidagi bosqichlardan tashkil topadi:

- 1) gap kiritiladi;
- 2) gapning har bir so'zi massivining elementlariga qo'shiladi;
- 3) massivining elementlari yordamida lug'at elementlari bilan taqqoslanadi, bu lug'atda olmosh, ko'makchilar, ko'makchi va modal fe'llar, artikllar va noto'g'ri fe'llar ro'yxati mavjud bo'ladi;
- 4) agar so'zlar yordamchi lug'atda topilmasa, unda taqqoslash maxsus lug'at yordamida davom ettililadi;
- 5) topilgan so'zlar yordamchi lug'atga beriladi, bu yerda so'zga ushbu so'zni va uning tarjimasini saqlovchi kod beriladi;
- 6) bunday so'z lug'atlarda mavjud bo'lmasa, so'z shakl yasovchi affiks-lardan ajratib olinadi va 5-ish bajariladi;
- 7) agar so'zlar yordamchi va maxsus lug'atlardan topilmasa, ushbu so'zning yo'qligi haqida ma'lumot kiritiladi;
- 8) gap 2 guruha bo'linadi: kesimgacha bo'lgan so'zlar ega guruhi kiradi (ega guruhi ega);
- 9) kesimdan boshlanib gapning oxirigacha bo'lgan so'zlar kesim guruhi hisoblanadi (kesim guruhi: kesim, to'ldiruvchi, hol);
- 10) kesim guruhidan kesim ajratib olinadi;
- 11) so'ngra to'ldiruvchi ajratiladi;
- 12) gapning qolgan qismi hol hisoblanadi;
- 13) gapning har bir bo'lagi shakl yasovchi qo'shimchalarsiz tarjima qilinadi;
- 14) tarjima qilingan gap bo'laklaridan o'zbek tilidagi gap tuziladi, u al-batta ingliz tilidagi gap konstruksiyasiga mutanosib bo'ladi;
- 15) o'zbek tilidagi so'zlarga ingliz tilidagi so'zlarga mutanosib ravishda affiks va qo'shimchalar qo'yib chiqiladi;
- 16) tarjima chiqarib beriladi («tarjima» rejimida);
- 17) analiz chiqarib beriladi («analiz» rejimida).

Topshiriqlar:

1. Morfologik analiz va sintez qanday protseduralarni o'z ichiga oladi?
2. Sintaktik analiz va sintezning mohiyati nimadan iborat?

3. Ingliz tilida gaplarning dastur orqali tarjimasi sifati qanday bo‘ladi?
4. Algoritmni hayotiy misollar bilan tushuntiring.
5. Tarjima algoritmi nima?

Adabiyotlar:

1. Нелюбин Л. Л. Компьютерная лингвистика и машинный перевод. – М.: ВЦП, 1991.
2. Шемакин Ю.И. Начало компьютерной лингвистики. – М.: МГОУ, 1992.
3. Пиотровский Р.Г. Текст, машина, человек. – М.: Просвещение. 1989.
4. Po‘latov A., Muhamedova S. Kompyuter lingvistikasi. – Toshkent, 2007.
5. Белоногов Г.Г. Компьютерная лингвистика и перспективные информационные технологии. – М.: Русский мир, 2004.

KOMPYUTER LINGVISTIKASI FANINING RIVOJLANISH ISTIQBOLLARI

Reja:

1. Informatsion jamiyat va kompyuter lingvistikasi.
2. Sun’iy intellekt g‘oyasi.
3. Ekspert tizimlar va neyron tarmoqlar.

Tayanch so‘z va iboralar: *informatsion jamiyat, sivilizatsiyaning uch to‘lqini, istiqbollari yo‘nalishlar, sun’iy intellekt, neyron tarmoqlar, ekspert tizimlari, lingvistik protsessorlar, tabiiy tilli interfeys, biokompyuter, semi-otik va biologik yondashuv, mashina ijodi, intellektual (ratsional) agent, texnologik singularlik, Tyuring testi, bilimlar injenerligi.*

Insoniyat uchinchi ming yillikning boshida axborot asriga qadam qo‘ydi. Bu bilan bog‘liq holda informatsion jamiyat konsepsiysi ishlab chiqildi. Bu konsepsiyaning asoschisi amerikalik futurolog olim E.Toffler hisoblanadi. U jamiyatni turli bosqichlarga bo‘lib o‘rganishni taklif etib, sivilizatsiyaning uch to‘lqinini ajratdi: a) birinchi to‘lqin – industrial jamiyatgacha

bo'lgan davr (qishloq xo'jaligi sivilizatsiyasi). Bunda asosiy boylik yer va tabiatdan olingan zaxiralar hisoblanadi; b) ikkinchi to'lqin – industrial sivilizatsiya. Bunda asosiy boylik ishlab chiqarish vositalari sanaladi; c) uchinchi to'lqin – postindustrial sivilizatsiya (informatsion jamiyat). Bunda kaptal va mehnat o'z o'rnnini informatsiya va bilimga bo'shatib beradi.

Minglab yillar davomida rivojlangan inson tafakkuri uchun bugungi kunda dastlabki manba, ya'ni axborot olish hayotiy zaruratga aylandi. Shuning uchun jahon bozorida ma'lumot olindan ham qimmatroq baholanadi. Mazkur axborotni topish, saqlash, qayta ishlash va boshqalarga yetkazishning qulay usullariga bo'lgan ehtiyoj kun sayin oshib bormoqda. Demak, kimki mazkur qulay usullarni ishlab chiqsa, ularga egalik qilsa, dunyodagi eng boy odam bo'ladi. Dunyodagi eng badavlat kishi Bill Geyts kompyuter, ya'ni axborotni qabul qilish, saqlash va qayta ishlash sohasi vakili. Bill Geytsning o'zi shunday deydi: «*Kim axborotga ega bo'lsa, u hamma narsaga ega bo'ladi*», uning yana bir mushohadasi dunyoga mashhur: «*Axborot dunyodagi eng katta, eng qimmat moddiy boyliklardan ham ustun turadi, chunki ushbu boyliklar axborot vositasida qo'nga kiritiladi*».⁸⁷

2003-yil dekabrda Jenevada (Shveitsariya) informatsion jamiyat qurish muammosiga bag'ishlangan Butunjahon Sammiti bo'lib o'tdi. Unda shunday shior o'rtaqa tashlandi: «*Informatsion jamiyat qurish – yangi mingylilikning global chaqirig' idir*». Sammitda ikki muhim hujjat qilib qilindi: Informatsion jamiyat qurish prinsiplari to'g'risidagi Deklaratsiya⁸⁸ hamda information jamiyat qurish bo'yicha ish Rejasি.⁸⁹ Mazkur hujjatlarda belgilanishicha, endilikda jamiyatning taraqqiyoti kompyuter texnologiyalari bilan chambarchas bog'liq bo'lib qoladi. Shu o'rinda alohida ta'kidlash lozimki, kompyuter lingvistikasi informatsion texnologiyalarning istiqbolini belgilovchi eng muhim yo'nalish sanaladi hamda u informatsion jamiyat taraqqiyotida hal qiluvchi ahamiyatga ega bo'ladi.

Olimlar kompyuterlarni intellektual jarayonlar avtomatizatsiyasini yuzaga chiqaruvchi muhim vosita sifatida baholadilar. Qisqa vaqt ichida kompyuterlardan teoremalarni isbotlashda, rasm chizishda, shaxmat o'yinida foydalananlishi sun'iy intellekt bo'yicha izlanishlarning ilk samarasidir. Asta-

⁸⁷ Po'latov A., Muhamedova S. Kompyuter lingvistikasi. – Toshkent, 2007. – B.75 – 76.

⁸⁸ World summit on the information society. Declaration of Principles. Building the Information Society: a global challenge in the new Millennium. Document WSIS-03/GENEVA/DOC/4-E. 12 December 2003.

⁸⁹ World summit on the information society. Plan of Action. Document WSIS-03/ GENEVA/DOC/5-E. 12 December 2003.

sekinlik bilan insonning aqliy faoliyatini modellashtiruvchi dasturlarning yaratilishi muayyan sohalardagi murakkab masalalarni yechuvchi ekspert tizimlarning yuzaga kelishiga olib keldi. Lekin shuni ta'kidlash zarurki, hali-hanuz inson miyasining analogi bo'la oladigan dastur yoki tizim yaratilgani yo'q.

Kompyuter lingvistikasi fanining eng istiqbolli yo'naliishlaridan biri sun'iy intellekt hisoblanadi. Virtual qomus hisoblangan Wikipedia sahifalarida sun'iy intellektga (*artificial intelligence*) shunday ta'rif berilgan: «Sun'iy intellekt – bu kompyuter yoki robotning shunday xususiyatiki, u asosan insonning aqliy faoliyati bilan bog'liq bo'lgan masalalarni, xususan, fikrash, nutq mazmunini anglash, ma'lumotlarni umumlashtirish kabilarni yechishga yo'naltirilgan bo'ladi. Bu termin mazkur xususiyatlarga ega sistemalar ni ishlab chiqish bilan bog'liq kompyuter texnologiyalarining bir bo'limiga nisbatan ham ishlatilmoqda». ⁹⁰ Sun'iy intellekt bo'yicha tadqiqotlar olib borgan olim Jon Makkarti shunday yozadi: «*Sun'iy intellekt – intellektual mashinalar, intellektual kompyuter dasturlar yaratish texnologiyasi va u haqidagi fan. Intellektual sistema strukturasi 3 asosiy blokni o'z ichiga oлади: bilimlar bazasi, masalani yechuvchi tizim va intellektual interfeys*». ⁹¹

Ekspert tizimlari modelida, intellektual informatsion tizimlarda, ba'zi mashinalarda, hayvonlarda va odamlarda intellektning turlicha darajalari va ko'rinishlari mavjud. Mazkur turlichalik bilimlar bazasi va qanday ope-ratsiyalarni bajara olishiga bog'liq. Intellektni bunday talqin qilishdan ko'rinish turibdiki, sun'iy intellekt insondagi intellekt tushunchasining aynan immitatsiyasi emas, balki inson intellektual faoliyatining ko'plab qirralarini o'z ichiga olgan, modellashtirilgan tizimlar texnologiyasi demakdir. Ayni shu ma'noda «*artificial intelligence*» terminini birinchi marta **Jon Makkarti 1956-yilda** Darmut universitetidagi konferensiyada qo'lladi va shundan buyon tanqidlarga qaramay ishlatib kelinmoqda. Rossiya sun'iy intellekt assotsiatsiyasi Peterburg bo'limi boshlig'i T.A.Gavrilovning yozishchicha, ingliz tilidagi *artificial intelligence* birikmasi fantastik antropomorf bo'yog'iga ega emas, u rus tiliga muvaffaqiyatsiz tarjima qilingan. *Intelli-gence* so'zi «aql bilan hukm chiqarish, fikr yuritish qobiliyati» ma'nosini anglatadi, u rus tiliga «интеллект» deb noto'g'ri tarjima qilingan.

XX asrning 70-yillariga qadar sun'iy intellekt bo'yicha tadqiqotlar kiber-netika hamda informatika doirasida olib borilgan. XX asrning 80 – 90-yillaridan boshlab sun'iy intellekt juda ko'plab fanlarning o'rganish obyektiga aylandi. Jumladan, neyrolingvistika, psixologiya, informatika, neyrofi-

⁹⁰ <http://www.wikipedia.org/wiki/artificial intelligence.html>

⁹¹ <http://www-formal.stanford.edu/jmc/whatisai.html>

ziologiya, epistemologiya (falsafadagi bilish haqidagi ta'lomit), kognitologiya, kognitiv lingvistika, kompyuter lingvistikasi kabi fanlar ham o'z doirasida sun'iy intellekt muammosi bilan shug'ullanadilar.

Sun'iy intellekt tizimlarni yaratish muammosiga uch xil asosiy yondashuvni ajratib ko'rsatish mumkin:⁹²

- quyi (ingлизча **Top-Down AI**), semiotik yondashuv – ekspert tizimlari, bilimlar bazasi, mantiqiy hukm chiqarish tizimi, yuqori darajadagi psixik jarayonlar (tafakkur, nutq, emotsiya, ijod kabi)ning imitatsiyasi va analogi bo'lgan tizimlarni yaratish;

- yuqori (ingлизча **Bottom-Up AI**), biologik yondashuv – neyron tarmoqlarini o'rGANISH, biologik unsurlarga asoslangan holda intellektual salohiyatni modellashtirish va natijada **neyrokompyuter** yoki **biokompyuterlarni** yaratish.


- semiotik va biologik yondashuvning sintezi bo'lgan umumlashtiruvchi gibrild tizimli yondashuv – sun'iy intellektning yakuniy maqsadi bo'lishi lozim.

Mazkur yondashuvlardan tashqari, yana simvolli, mantiqiy, agentga yo'naltirilgan yondashuvlar ham mavjud. Simvolli yondashuv, asosan, simvolik mantiq qoidalarini tizimga tatbiq etish bilan bog'liq bo'lib, bu ko'proq tizim qoidalarini ishlab chiqishda, hisoblashda (hukmnинг chin yoki yolg'onligini baholashda) samara beradi. Mantiqiy yondashuv predikatlar tilidan foydalanish asosida sun'iy intellekt tizimini bilimlar bazasining mantiqiy modellari bilan ta'minlash uchun ximat qiladi. 1980-yilda **Prolog** nomli mantiqiy programmalashtirish tizimi va tili yaratildi. Prolog tilida yozilgan bilimlar bazasi faktlar naborini hamda mantiqiy xulosa chiqarish qoidalarini belgilaydi. Agentga yo'naltirilgan yondashuv (yoki intellektual, ratsional agentlardan foydalanishga asoslangan yondashuv) 1990-yillarda rivojlandi. Unga ko'ra, intellekt – bu qo'yilgan masalani hisoblash qismi (rejalashtirish qismi), xolos. Bunda intellekt masalani to'laqonli yechish uchun atrofdagi tizimlar munosabatga kirisha oladigan qo'shimcha intellektual (ratsional) agentga ehtiyoj sezadi. Buni 1-chizmada yaqqol ko'rish mumkin:⁹³

Umuman olganda, robototexnika va sun'iy intellekt bir-biri bilan aloqador tushunchalar bo'lib, kelajakda ushbu ikki yo'nalishning integratsiyasi natijasida intellektual robotlar yaratilishi nazarda tutilmoqda, bu esa sun'iy

⁹² Рассел С., Норвиг П. Искусственный интеллект: современный подход / Artificial Intelligence: a Modern Approach / Пер. с англ. и ред. К.А.Птицына. 2-е изд. – М.: Вильямс, 2006. – С.8.

⁹³ <http://www.wikipedia.org/wiki/artificial intelligence.html>



I-chizma

intellektning yana bir yangi yo‘nalishi hisoblanishi mumkin. PLEO, AIBO, QRIO kabi o‘yinchoq-robotlar intellektual robototexnikaga misol bo‘la oladi.

Sun’iy intellekt tizimi insonning ijodiy tafakkurini modellashtirishni ham o‘z ichiga oladi. Shu bilan bog‘liq ravishda **mashina ijodi** tushunchasi yuzaga keldi, bunda san‘at asarlarini avtomatik tarzda yaratish jarayoni tushuniladi. Bugungi kunda ijodni to‘la modellashtirishga erishilgani yo‘q, lekin bu sohada sezilarli yutuqlar qo‘lga kiritilgan. Jumaladan, kompyuter yordamida musiqalar yaratilishi, treker-dasturlar, sintezatorlar, sekvensorlar yordamida bir turdag'i melodiyalar va tovushlar generatsiyasi oqibatida elektron musiqalarning yaratilishi, matnning avtomatik generatsiyasi yordamida she’rlar, ertaklar – umuman matnlar yaratilishi, rasmlar generatsiyasi va kompyuter grafikasi yordamida kino va o‘yinlarning yaratilayotganligi (ayniqsa, strategiya va harbiy manyovrlarga asoslangan kompyuter o‘yinlari) mashina ijodiga misol bo‘la oladi.

Sun’iy intellekt tizimi doirasida tatbiq etilgan loyihamlar (eksperimentlar) sifatida quyidagilarni ajratib ko‘rsatish mumkin:

– **Deep Blue** tizimi – IBM kompaniyasi tomonidan ishlab chiqilgan shaxmat bo‘yicha superkompyuter. Deep Blue 1997-yil 11-mayda shaxmat bo‘yicha jahon championi Garri Kasparov ustidan g‘alaba qozondi. «Deep Blue» nomi «Deep Thought» («Chuqur mulohaza, tafakkur» ma’nosini anglatadi) loyihasiga aloqadordir.

– **MYCIN** tizimi – bir qator kasalliklarga shifokor singari to‘g‘ri tashxis qo‘yishni ta’minlaydi.

– **20Q** – «20 savol» klassik o‘yini asosida yaratilgan loyiha bo‘lib, u sun’iy intellekt bo‘yicha o‘tkazilgan dastlabki tajribalardan birdir. Bu o‘yin muallifi Robin Byorgenerdir. Bunda foydalanuvchidan biror obyektni topish

so‘raladi, so‘ng foydalanuvchiga 20 ta savol beriladi, berilgan javoblardan kelib chiqqan holda o‘sha narsa topiladi. Ayniqsa, bu tizim Internet paydo bo‘lgandan so‘ng juda mashhur bo‘ldi (<http://www.20q.net> sayti mavjud).

– **Via Voice** – nutqni tovush orqali tanish tizimi.

– **RoboCup** – har yili soddalashtirilgan futbol bo‘yicha robotlar turniri.

Sun’iy intellekt tizimini baholash bo‘yicha 2 xil nuqtayi nazar mavjud: 1) sun’iy intellektini inson tafakkuridan ko‘ra kuchliroq, deb baholash. Ushbu qarash tarafdorlari sun’iy intellekt inson intellektiga qaraganda ko‘proq operatsiyalarni qisqa muddatlarda bajarishi mumkin, deb hisoblaydilar; 2) sun’iy intellekt inson tafakkuridan, intellektidan kuchsiz. Bu yo‘nalishdagi olimlarning fikricha, sun’iy intellektning imkoniyatlari cheklangan bo‘ladi, u faqat programmaviy ta’minot asosida muayyan sohalarda ishlaydi, lekin u insomning bilish qobiliyatining, tafakkurining barcha qirralarini qamrab ololmaydi. Buni Jon Syorl tomonidan o’tkazilgan «Xitoy uyi» nomi bilan mashhur bo‘lgan semantik eksperiment ham tasdiqlaydi. Olim bu tajribasini 1980-yilda «*Minds, Brains and Programs*» («*Tafakkur, miya va programmalar*») nomli maqolasida e’lon qildi. J.Syorlning fikricha, *kompyuter sintaktik qoidalarni algoritm nazariyasi orqali formallashtira oladi, lekin semantika, tafakkurni to‘la modellashtirishga dasturlar ojizlik qiladi*.⁹⁴ Xuddi shu pozitsiyada turgan olimlardan yana biri Rodjer Penrouz o‘zining «*Qirolning yangi aqli*» kitobida tafakkurni formal tizimlar asosida mutlaq modellashtirishning imkonsizligini bayon qilgan.⁹⁵

Ayrim olimlar sun’iy intellekt bo‘yicha erishilayotgan yutuqlarning keyingi oqibatlaridan qo‘rmoqdalar. AQSHda Sun’iy intellekt singular instituti (SIAI) tadqiqotchisi E.Yudkovskiy insoniyatni sun’iy intellektlar bilan bog‘liq global xavf kutayotganidan ogohlantiradi. Olimning fikricha, agar kelajakdagi sun’iy intellekt tizimiga insonlarga nisbatan do’stlonra munosabatda bo‘lishini ta’minlovchi dastur o‘rnatilmasa, butun insoniyat uchun katta xavf paydo bo‘ladi.⁹⁶ Ilmiy fantastik asarlar muallifi Veror Vinj ham sun’iy intellektlar tizimi to‘la yaratib bo‘lingan paytda jamiyatda keskin o‘zgarishlar bo‘lishi haqida yozgan. Bu davr ilmiy adabiyotlarda **texnologik singularlik** deb atalmoqda. Hatto futurooglarning fikricha, bu davr 2030-yilda boshlanadi.⁹⁷

⁹⁴Searle J.R. Minds, brains, and programs // Behavioral and Brain Sciences. 1980. – P.417 – 437.

⁹⁵ Пенроуз Р. Новый ум короля. О компьютерах, мышлении и законах физики. – М.: УРСС, 2005. – P.14.

⁹⁶ <http://www.thetech.org/robotics/ethics/index.html>

⁹⁷ Kurzweil R. The Singularity Is Near. – N.Y.: Viking, 2005. – P.3.

Fanda hali-hanuz sun'iy intellektning aniq va mukammal ta'rifi mavjud emas, chunki fan bu tizimga hali to'liq erishgani yo'q. Mavjud ta'rif va tafsiflarning hammasi mazkur sohadagi erishilgan yutuqlarga asoslanib keltirib chiqarilgan. Falsafada inson intellektining statusi va tabiatini haqidaga munozalarlar davom etmoqda. Kompyuter «aqlililik» darajasining aniq mezonini ishlab chiqilgani yo'q. To'g'ri, bu sohadagi ba'zi gipotezalar mavjud. Xususan, «Tyuring testi», «Nyuel-Saymon gipotezasi» kabi.

Sun'iy intellektga doir izlanishlar XX asrning 40-yillarda boshlangan. Sun'iy intellekt muammosiga bag'ishlangan tadqiqotlarning eyforiyasi davrida «*Mashina fikrlay oladimi?*», «*Mashina o'z yaratuvchisidan aqlli oqmi?*» sarlavhalarida maqolalar e'lon qilindi. «*Mashina fikrlay oladimi?*» (1950) sarlavhali maqolaning muallifi ingliz olimi Alan Tyuring mashina imkoniyatini insonning aqlililik darajasi bilan qiyoslash protsedurasini ishlab chiqdi, u «*Tyuring testi*» deb nomlanadi. Ushbu empirik test g'oyasi 1950-yilda «*Mind*» falsafiy jurnalida «*Hisoblash mashinalari va tafakkur*» (*Computing Machinery and Intelligence*) nomli maqolasida e'lon qilindi. Bu testdan ko'zlangan maqsad sun'iy tafakkurning inson tafakkuriga yaqin kelishi mumkinligini aniqlash hisoblanadi. Unga ko'ra, inson bir kompyuter va bir inson bilan o'zaro munosabatga kirishadi. Savollarga javob berish asosida u kim bilan (inson bilanmi yoki kompyuter dasturi bilanmi) gaplashayotgанини aniqlashi lozim bo'ladi. Kompyuter dasturining vazifasi esa insonni xatoga yo'l qo'yishiga, noto'g'ri tanlov qabul qilishiga majbur qildirish sana-ladi. Barcha ishtirokchilar bir-birini ko'rmaydilar.

TURING TESTidagi savol-javob namunasi:

Q: Please write me a sonnet on the topic of the Forth Bridge.

A: Count me out on this one. I never could write poetry

Q: Add 34957 to 70764

A: (Pause about 30 seconds and then give answer as) 105621.

Test natijasida A.Tyuring shunday xulosaga keladi: «*Mashina (kompyuter) kelajakda 10 gegabaytli xotira bilan insonni 5 minut ichida 30% ga chalg'itishi mumkin bo'ladi*».⁹⁸

Avtomatlashtirilgan ekspert tizimlar mantiqiy masalalarni kompyuter yordamida yechishga imkon beradi. Mazkur tizimlar ma'lum sohadagi bilimlar majmuiga asoslangan implikativ qoidalar – «agar ...sa, u holda ...» qolipidagi mantiqiy qoidalarini o'z ichiga oladi. Masalan, **MYCIN** ekspert tizimi shifokorlarga qon tarkibidagi bir qancha bakterial infeksiyalarga tashxis qo'yishda va ularga mos davolash metodini tanlashda yordam beradi.

⁹⁸ Jurafsky D., Martin J.H. Speech and language processing. – New Jersey, 2000. – P.7.

MYCIN tizimining kompyuter dasturi dastlab simptomlar asosida kasalning holati haqida fikr yuritadi, so'ng mikroorganizmning kasallik qo'zg'otish tabiatiga mos keluvchi tashxisni aniqlaydi, bundan so'ng infeksiya sababini aniqlab, bir yoki bir nechta muqobil davolash usullarini tavsiya etadi.

Tabiiy tilda kompyuter bilan muloqot qilishni ta'minlashga yordam beradigan dasturlar (**lingvistik protsessorlar**) ham yaratilmoqda. XX asrning 70-yillarida AQSHda kompyuter bilan cheklangan muloqotni ta'minlaydigan tabiiy tilli interfeys tizimi (**LIFER – Language Interface Facility with Ellipsis and Recursion**) yaratildi. 1985-yilda «Semantek» korporatsiyasi tomonidan **Q&A** dasturi, «Karnegi gruppasi» kompaniyasi tomonidan **Language Craft** dasturiy ta'minoti ishlab chiqildi.⁹⁹ Bu turdag'i dasturlar hozirda engil tilining standartlashgan so'zlashuv uslubida uncha katta bo'limgan lu'g'at zaxirasi bilan ishlamoqda. Tabiiy tilni tushunishga imkon beruvchi dasturlarning qamrovini kengaytirish kompyuter lingvistikasining dolzarb vazifalaridan biridir. Bunday dasturlarni rivojlantirish inson kabi muloqot qila oladigan, erkin kommunikatsiyaga kirisha oladigan sun'iy intellekt g'oyasining istiqbolini belgilaydi.

Sun'iy intellekt yo'nalişidagi tadqiqotlar sirasiga «ekspert tizimlar» yoki «neyron tarmoqlar» bo'yicha olib borilgan amaliy tadqiqotlar ham kiradi. Mazkur ikki yo'nalişga nisbatan «kompyuter intellekti» («computer intelligence») termini ishlatilmoqda, bunda inson tafakkurini global modellash-tirish jarayoni hamda murakkab masalalarni operativ tarzda yechishga mo'ljallangan avtomatlarning yaratilishi tushuniladi.

Sun'iy intellekt tizimi bo'yicha izlanayotgan mutaxassislar inson tafakkuri, ong-u shuurining barcha qirralarini modellashtirish masalasi im-konsiz qolayotganligini ta'kidlamoqdalar. Mazkur jihatlar sirasiga insonning ichki dunyosi, intuitsiyasi, ong osti jarayonlari, ilhom kabi sirli fenomenlarni aytish mumkin.

Inson miyasi murakkab biologik to'r hisoblanadi, u yuz mlrd nerv tolalaridan – neyronlardan tarkib topgan. Neyronlarning bir-biriga uzviy alo-qadorligi, zanjirli bog'lanishi natijasida miya faoliyati me'yoriy darajada ishlaydi. Zamonaviy sun'iy neyron tarmoqlar inson miyasiidagi neyronlar modeli asosida yaratilmoqda. Hozirgi kunda neyron tarmoqlar bir qator amaliy masalalarni hal etishda keng qo'llanilmoqda. Jumladan, ob-havo prognozini aniqlashda, obrazlarni tanishda (xususan, og'zaki va yozma nutqni aniqlashda), robotlarni boshqarishda, tibbiyotda tashxis qo'yishda ishlatilmoda. Amerikaning NASA kosmik agentligida neyron tarmoqlar-

⁹⁹ Анисимов А.В. Компьютерная лингвистика для всех: мифы. Алгоритмы. Язык. – Киев: Наукова думка, 1991. – С.10 – 11.

dan fazoda robotlarni boshqarish, hududga tasodifan kelib tushgan obyektlarni tutishda foydalanimoqda. «General Dynamics» kompaniyasi esa dvigatel shovqiniga qarab kemalarni tanishga imkon beruvchi tizim ishlab chiqishdi. AQSH Pensilvaniya universitetida uchuvchi obyektlarni (NUJ) aniqlash uchun neyron tarmoqlar tizimi yaratildi.

Neyron tarmoqlarining ishlash tizimi matematik ifodalar yoki mantiqiy qoidalarga asoslanmaydi, balki namuna (**example based approach**) asosida o'qitishga asoslangan. Bunda muayyan masalani yechish uchun namunalar (misollar), ya'ni o'qituvchi tanlamalar tayyorlanadi va tarmoq shu asosda tekshiradi. Bunda turli xil metodlardan foydalilanadi. Eng keng tarqalgan metod – bu dastlabki yechim va sinov natijalarini e'tiborga olgan holda neyron tarmoqlari strukturasini korrektirovka qilishga asoslangan metod (**back propagation method**) bo'lib, unda oldindan ko'plab o'qitish tanlamalari tayyorlab olinadi, u o'z bazasidagi mavjud ma'lumotlarni yangi kiritilayotgan o'qituvchi namuna-tanlamalar bilan solishtiradi. Agar ma'lumotlar bir-biriga mos kelsa, neyron tarmoqlari strukturasida korrektirovka amalga oshirilmaydi. Faqtgina ma'lumotlar bir-biriga muvofiq kelmaganda korrektirovka yuz beradi. Shundan so'ng neyron tarmoqlarida muayyan amaliy vazifani hal etish tizimi to'la shakllanadi.¹⁰⁰

Sun'iy intellekt tizimiga doir amaliy ishlardan biri ekspert tizimlari hisoblanadi. Ekspert tizimi – bu muayyan sohadagi ekspertlik yoki mavjud bilimlarning imitatsiyasi tarzida yaratilgan kompyuter dasturi. Boshqacharoq aytganda, ekspert tizimi maxsus sohaga oid barcha bilimlar jamlangan qomus yoki o'ta professional ekspertlarning kompyuter modelidir. Ekspert tizimlari odatiy kompyuter dasturlaridan farq qiladi. Odatiy kompyuter dasturlari qidiruv tizimi, hisoblash va manipulyatsiya tizimigagina ega bo'ladi. Ekspert tizimlari mazkur jihatlardan tashqari, xuddi insonlarda bo'lgani kabi dalillarga tayanib muhokama yuritish imkoniyatiga ham egadir. Ekspert tizimlarining asosiy ikkita tarkibiy qismi mavjud: ma'lumotlar ombori va mantiqiy mashina.

Ekspert tizimlari konsepsiysi Stensford universiteti professori Eduard Feygenbaum nomi bilan bog'liq bo'lib, u 1977-yilda murakkab mantiqiy masalalarni yechishda kompyuter dasturlarining samaradorligi formallashitish va dasturlash texnikasidan ko'ra muammoli sohaga doir bilimlar ba-

¹⁰⁰ Anderson J. and Rosenfeld E. Neurocomputing Foundations of Research. – Cambridge: MIT Press, 1998; Fukushima K. A Neural Network for Visual Pattern Recognition. IEEE Computer, 1988; Hopfield J.J. Neural Networks and Physical Systems with Emergent Collective Computational Abilities. Proceedings of the National Academy of Sciences, 1982.

zasiga bog'liq ekanligini asoslab berdi.¹⁰¹ Dastlab ekspert tizimlari diagnostika va kasallikni davolash sohasiga tatbiq etildi. Ekspert tizimlari keyinchalik kimyo, biologiya, geologiya sohalarida ham qo'llanila boshlandi.

Ekspert tizimlariga bilimlar bazasini kiritish uchun simvolli ma'lumotlarga ishlov berishga xizmat qiladigan LISP, REFAL, PROLOG kabi sun'iy tillardan foydalanilmoqda. Bu tillar evristik bilimlar va mantiqiy xulosalarni yuzaga chiqarishda eng qulay programmalashtirish tillari hisoblanadi. Bunda yagona qabul qilingan bilimlar bazasi uchun deklarativ formalizm hamda qaror qabul qilish tizimi uchun protsedura tizimi qo'llaniladi.

Ekspert tizimlari ichiga ekspertlar hamda bir qator yordamchi programmalar kiradi:

- savol-javobli dastur foydalanuvchi bilan tabiiy tilda munosabatga kiritishni ta'minlab beradi;
- bilimlar ombori dasturi foydalanuvchiga bilimlar bazasiga o'zgartirishlar kiritish hamda to'ldirib, boyitib borishga imkon beradi;
- tushuntiruvchi dastur – javoblar tizimini tekshiradi;
- interpretator-dastur muayyan sohadagi terminlarni sharhlash, izohlashga yordam beradi;
- ijro etuvchi dastur barcha tizimlar ishini ta'minlab beradi.


Yuqorida aytilganidek, ekspert tizimlari deklarativ va protsedurali bosqichlar asosida ishlaydi. Deklarativ bosqich – bu ekspert tizimiga kiritilgan bilimlar bazasi bo'lsa, protsedurali bosqich ekpert tizimlarining mavjud bilimlar bazasiga tayanib hukm chiqarish va aniq qaror qabul qilish bosqichini o'z ichiga oladi. Ekspert tizimlarining ishlash prinsipiغا doir bir misol keltiraylik. Masalan, qanday sababga ko'ra avtomobildagi benzonasosdan benzin ajralishi qisqarmoqda?

Bu holat bo'yicha ekspert tizimlariga kiritilgan deklarativ bilimlar quydigilar: klapanning tiqilishi, filtrning axlatga to'lganligi, klapan tepa qismining ifloslanganligi, nasos membranasining zararlanganligi. Agar benzonasosdan benzin ajralishi yetarli bo'lmasa, u holda kiritish shlangi axlatga to'lib, tiqilib qolgan bo'lishi mumkin kabi.

Informatsiya shiddat bilan ko'payib borayotgan bugungi davrda ekspert tizimlarining bilimlar bazasini uzuksiz to'ldirib, yangi bilimlar bazasi bilan boyitib borish birlamchi vazifa bo'lib qolmoqda. Chunki vaqt o'tgan sari mavjud bilimlar eskirib, talabga javob bermay qolishi mumkin, shunda ularni yangi va qo'shimcha ma'lumotlar bilan to'ldirish joiz bo'ladi. Bilim-

¹⁰¹ Белоногов Г.Г. Компьютерная лингвистика и перспективные информационные технологии. – М.: Русский мир, 2004. – С.226.

larning mavjud holatlар bilan muvofiqligi hamda bilimlar bazasining bo'ytilishi ekspert tizimlarining tushuntiruvchi programmalari asosida amalga oshiriladi. Hatto keyingi paytlarda bilimlar bazasi bilan shug'ullanuvchi maxsus yo'nalish ham shakllandi. Bu yo'nalish «**bilimlar injenerligi**» («Knowledge Engineering») deb ataladi.



Bilimlar injenerligi kognitiv lingvistika, kompyuter semantikasi va kompyuter lingvistikasining yutuqlariga tayanadi. Bunda informatsiya va bilimlar strukturasiga oid bo'lgan **semantik tarmoq, freym, senariy, Word-net** kabi tushunchalar va ularning tatbiqi muhim hisoblanadi. Semantik tarmoq borliqni so'zlar va ularning semantik munosabatlari yordamida modellashirishga yo'naltirilgan tizim hisoblanadi. **Semantik tarmoq** aniq belgilangan uzellar (obyektlar kesishadigan joy) va dugalar (semantik munosabatlarning biri ikkinchisiga ta'sir ko'rsatadigan nuqta) munosabatdorligi asosida modellashtiriladi. Semantik tarmoq g'oyasi kompyuter texnologiyalaridagi lokal va global tarmoq nazariyasi ta'sirida kelib chiqqan. Uzellar muayyan obyektlarga, muayyan sohaga oid tushunchalarga, dugalar obyektlar o'rtaсидagi semantik munosabatlarga aloqador tushunchalardir. Semantik

tarmoq ikki qismdan tashkil topadi: 1) mavhum tarmoq; 2) aniq tarmoq. Mavhum tarmoq umumiylar tushunchalar orqali ifodalanadigan (zamon, ma-kon, miqdor, sifat kabi) bilimlar fondini o‘z ichiga oladi; 2) aniq tarmoq mavhum tarmoq tarkibiga kiruvchi tushunchalarning real obyektlarini va konkret bilimlar fondini o‘z ichiga oladi.

Semantik tarmoq tizimi quyidagi munosabatlarni o‘rnatish orqali yaratiladi:

1. To‘plam va obyekt o‘rtasidagi munosabat (muayyan obyekt aniq to‘plamga mansub bo‘ladi) tasnif munosabati deyiladi. Masalan, «Sharik it hisoblanadi» holati kabi. Ba’zan ushbu munosabat **Member Of, Instance Of** deb ham yuritiladi.

2. Tur va jins o‘rtasidagi munosabat **AKO** – «A Kind Of», «Subset Of» («urlaridan biri») deb ataladi. Masalan: «It hayvon hisoblanadi» holati kabi. Sistem leksikologiyada tur uchun **giponim** (it), jins uchun **giperonim** (hayvon), tur-jins munosabati uchun **giponimiya** terminlari qabul qilingan.

3. Butun va qism o‘rtasidagi munosabat sistem leksikologiyada **meronimiya** termini bilan ataladi. Masalan, kompyuter – butun; monitor, klaviatura, sichqoncha, protsessor kabilar – qismidir. Butun uchun **xolonim**, qism uchun **meronim** atamalari ishlataladi. Demak, motor – avtomobil uchun meronim, avtomobilning o‘zi esa motor uchun xolonim sanaladi.

Bilimlar strukturasiga oid tayanch tushunchalardan yana biri **freym** hisoblanadi. Freym (inglizcha «frame» – «karkas», «ramka», «skelet» ma’nolarini anglatadi) – sun’iy intellekt tizimida bilimlarni, stereotip (juda ko‘p kuzatiladigan, tipik) vaziyatlarni gavdalantirishning bir usuli sanaladi. Ya’ni freymga modellashtirilayotgan hodisa, vaziyat va jarayonlarni umumlashtirilgan holda joylashtirish mumkin. Freym – mavhum obraz modeli bo‘lib, muayyan obyekt, voqe-a-hodisa, vaziyat va jarayonlarning formal tavsifi demakdir (masalan, restoranga borish, shifokor qabulida bo‘lish, ma’ruzalarga qatnashish, tug‘ilgan kun, futbol o‘yini kabi tipik vaziyatlar). Dastlab «freym» termini XX asrning 70-yillarda Marvin Minsky tomonidan olamning kompyuter modelini o‘z ichiga oluvchi bilimlar strukturasiga nisbatan ishlataligani.¹⁰² Shundan so‘ng freym semantikasi konsepsiysi (frame semantics) amerikalik tilshunos Charlz Fillmor tomonidan rivojlantirildi. Mazkur konsepsiya ko‘ra, so‘zlar, so‘z birikmalari, gaplar, matn ma’nosи sahnalar bilan uyg‘unlashtirilgan, shartlangan bo‘ladi. Bir freym boshqa bir freymning davomi yoki tarkibiy qismi bo‘lishi mumkin. Ch.Fillmorning qarashlariga L.Tenyening aktantlar (fe’Ining bo‘sh

¹⁰² Minsky M. A Framework for Representing Knowledge / The Psychology of Computer Vision. McGraw-Hill, New York (U.S.A.), 1975.

o'rinalarini to'ldiruvchilar) haqidagi g'oyasi katta ta'sir ko'rsatgan. Fillmorning Case (**kelishiklar**) g'oyasiga asosan aktantlar (fe'lning hamrohlari) fe'l yordamida ifodalanadigan holat yoki harakat munosabatlaridagi bajariladigan «rollar» sifatida talqin qilinadi. Ch.Fillmor ajratgan kelishiklar quyidagilari:

- 1. Agent (A)** – harakat bajaruvchisi (inglizcha «agent» so'zidan olingan).
- 2. Tema (T)** – predmet (inglizcha «theme» so'zidan olingan).
- 3. Manba (S)** – harakat obyektining dastlabki holati (inglizcha «source» so'zidan olingan).
- 4. Maqsad (G)** – harakat ijrosidan keyingi yakuniy holati (inglizcha «goal» so'zidan olingan).
- 5. Vosita (I)** – harakat uchun qurol-vosita (inglizcha «instrument» so'zidan olingan).
- 6. Usul (W)** – harakat usuli (inglizcha «way» so'zidan olingan).

Freymlar sun'iy intellekt tarkibiga kiruvchi ekspert tizimlarida faol ishlatalidi. Freymning quyidagi turlari mavjud: freym-namunalar, freym-strukturalar, freym-rollar, freym-ssenariylar, freym-vaziyatlar. Freymlar tizimi birlashib, **semantik tarmoqni** hosil qiladi. Freym kompyuter xotirasida bilimlar xazinasi va faktlar omboriga tayanib olamni maxsus shakkantiruvchi model vazifasini bajaradi. Freym **slot** deb atalgan bir yoki bir necha elementlarning majmui hisoblanadi. Slotlarda obyektlarga xos belgilar ma'nosi qayd etilgan bo'ladi.

17-jadval

«Stol» freym fragmentining jadval ko'rinishidagi reprezentatsiyasi

Slot nomi	Slot mazmuni
Oyoqchalar miqdori	To'rtta, undan ko'proq bo'lishi ham mumkin
Materiali	Yog'och, plastmassa, shisha
Yuzasi, sirti	Oval, kvadrat, aylana
Tumbaning (tagkursining) mavjudligi	Ixtiyoriy tarzda
Vazifalari	Ovqatlanish uchun, dars tayyorlash uchun, ish uchun va hokazo
Boshqalar	

Freym-senariy ba'zi harakat, voqeа-hodisalarining xarakterli unsurlarini o'z ichiga olgan tipik strukturalar hamda vaziyatlarning rivojlanishi, ketma-ketligi (algoritm bosqichlari) demakdir. Ssenariy bu oddiy voqeа-hodisalar zanjiri emas, balki ushbu harakatlar ketma-ketligida kauzal bog'liqlik tamoyili ishlaydi, ya'ni har bir harakat natijasi shartli sanaladi,

uning ta'siri va oqibatida navbatdagi ish-harakat sodir bo'lishi mumkin. Har bir ssenariyda rol bajaruvchilar mavjud. Ssenariylar real hayotda uchraydigan vaziyatlarni aks ettiruvchi holatlar asosida yuzaga keladi. Masalan, restoranga tashrif buyurish ssenariysini olib qaraylik.

Ssenariy: restoran

Rollar: tashrifchi, ofitsiantka, xo'jayin, kassir.

Maqsad: Qorinni to'yg'izish uchun ovqat olish.

Sahna I. Kirish

Restoranga kiriladi.

Bo'sh o'rindiqlar bor joyga nazar tashlanadi.

O'tirish uchun joy tanlanadi.

Tanlangan joyga boriladi.

O'tiriladi.

Sahna II. Buyurtma

Taomnama (menyu) olinadi

Menyu o'qiladi

Nimani buyurtma qilish haqida kelishiladi.

Ofitsiantkadan tanlangan taomni keltirish so'raladi.

Sahna III. Taom

Ovqat olinadi.

Ovqat yeyiladi.

Sahna IV. Chiqish

Hisob so'raladi.

Chek olinadi.

Kassirning oldiga boriladi.

Pul to'lanadi.

Restorandan chiqiladi.

Ko'pchilik mutaxassislarning fikricha, ekspert tizimlari va neyron tarmoqlari sun'iy intellekt bo'yicha izlanishlarda o'zaro musobaqalashuvchi ikki muqobil yo'naliшhlardir. Har ikkala yo'naliшhning o'ziga xos afzal va kamchilik tomonlari mavjud. Shuni e'tiborga olgan holda aytish mumkinki, neyron tarmoqlari va ekspert tizimlarining birgalikda ishlashini ta'minlovchi gibrildiz tizimlar ishlab chiqilishi lozim. Shunda qo'yilayotgan masalaning xarakteridan kelib chiqqan holda mos tizim tanlash va muam-moga optimal yechim topish imkoniyati yuzaga keladi. Agar masala «qoida bo'yicha» (implikatsiya – if ..., then... – agar...-sa, u holda...) hal etilsa, ekspert tizimlariga murojaat qilish zarur. Agar masalada ko'pgina empirik ma'lumotlar mavjud bo'lsa, neyron tarmoqlaridan foydalanish maqsadga muvofiq. Yoki obrazlarni tanishda (masalan, moliyaviy holatni aniqlash-

da) asosan neyron tarmoqlaridan, obraz aniqlangandan keyin bajariladigan mantiqiy amallarda esa ekspert tizimlaridan foydalanilsa, yuqori samaradorlikka erishish mumkin.

Topshiriqlar:

1. Kompyuter lingvistikasi fanining zamonaviy yo‘nalishlari haqida Internet ma‘lumotlarini toping.
2. Lingvistik kompyuter dasturlarining ishslash samaradorligini oshirish uchun nimalar qilish lozim?
3. Ekspert tizimlari qaysi sohalarda ishlatalmoqda?
4. Sun‘iy intellekt tizimi bo‘yicha erishilgan yutuqlarga nimalarni kiritish mumkin?
5. Sun‘iy intellekt tizimini yaratish yuzasidan qanday yondashuvlar mavjud?

Adabiyotlar:

1. Нелюбин Л. Л. Компьютерная лингвистика и машинный перевод. – М.: ВЦП, 1991.
2. Шемакин Ю.И. Начало компьютерной лингвистики. – М.: МГОУ, 1992.
3. Белоногов Г.Г. Компьютерная лингвистика и перспективные информационные технологии. – М.: Русский мир, 2004.
4. Рассел С., Норвиг П. Искусственный интеллект: современный подход // Artificial Intelligence: a Modern Approach / Пер. с англ. и ред. К.А.Птицына. 2-е изд. – М.: Вильямс, 2006.
5. Searle J.R. Minds, brains, and programs // Behavioral and Brain Sciences. 1980.
6. Jurafsky D., Martin J.H. Speech and language processing. – New Jersey, 2000.
7. Minsky M.A. Framework for Representing Knowledge // The Psychology of Computer Vision. McGraw-Hill, New York (U.S.A.), 1975.
8. Анисимов А.В. Компьютерная лингвистика для всех: Миры. Алгоритмы. Язык. – Киев: Наукова думка, 1991.
9. Po‘latov A., Muhamedova S. Kompyuter lingvistikasi. – Toshkent, 2007.

FOYDALANILGAN ADABIYOTLAR RO'YXATI

1. Abdullayev Y. Statistika nazariyasi. – Toshkent, 2002.
2. Анисимов А.В. Компьютерная лингвистика для всех: Миры. Алгоритмы. Язык. – Киев: Наукова думка, 1991.
3. Апресян Ю.Д. Идеи и методы современной структурной лингвистики. – М.: Просвещение, 1966.
4. Ахманова О.С. Словарь лингвистических терминов. – М.: СЭ, 1966.
5. Баранов А.Н. Введение в прикладную лингвистику. – М.: Эдиториал УРСС, 2001.
6. Бархударов Л.С. Структура простого предложения английского языка. – М.: Высшая школа, 1966.
7. Белоногов Г.Г. Компьютерная лингвистика и перспективные информационные технологии. – М.: Русский мир, 2004.
8. Белоногов Г.Г., Зеленков Ю.Г., Новоселов А.П., Хорошилов А.А., Хорошилов А.А. Метод аналогии в компьютерной лингвистике // Научно-техническая информация. Сер.2. № 1. ВИНИТИ. 2000.
9. Буранов Дж. Сравнительная типология английского и тюркских языков. – М.: Высшая школа, 1983.
10. Гладкий А.В., Мельчук И.А. Элементы математической лингвистики. – М.: Наука, 1969.
11. Гринберг Дж. Кvantitativnyj podkhod k morfologicheskoy tipologii jazykov // Novoe v lingvistike. – M., 1963. Vyp.III. – C.60 – 94.
12. Гринберг Дж. Nekotorye grammaticheskie universali, preimushchestvenno kasaющиеся porjadka значимых elementov // Novoe v lingvistike. Vyp.V. Jazykovye universali. – M.: Progress, 1970. – C.115 – 162.
13. Диалектика и логика. Законы мышления. – М.: Наука, 1962.
14. Есперсен О. Философия грамматики. – М.: Иностранная литература, 1958.
15. Ёқубов Т., Каримбеков С. Математик мантиқ elementlari. – Тошкент: Ўқитувчи, 1996.
16. Жуков Д.А. Мы переводчики. – М.: Знание, 1975.
17. Звегинцев В.А. История языкоznания XIX – XX веков в очерках и извлечениях. В 2-х частях. – М.: Просвещение, 1964 – 1965.
18. Зубов А.В., Зубова И.И. Основы лингвистической информации. – Минск: МГПИИЯ, 1992.
19. Кондрашов Н.А. История лингвистических учений. – М.: Просвещение, 1979.
20. Кревский И.Г., Селиверстов М.Н., Григорьева К.В. Формальные языки, грамматики и основы построения трансляторов. – Пенза, 2003.
21. Лагута О.Н. Логика и лингвистика. – Новосибирск, 2000.
22. Лингвистический энциклопедический словарь. – М.: СЭ, 1990.

23. Лурия А.Р. Язык и сознание. – М.: МГУ, 1979.
24. Марчук Ю.Н. Проблемы машинного перевода. – М.: Наука, 1983.
25. Набиева Д. Ўзбек тилининг турли сатҳларида умумийлик-хусусийлик диалектикасининг намоён бўлиши. – Тошкент: Шарқ, 2005.
26. Нелюбин Л.Л. Компьютерная лингвистика и машинный перевод. – М.: ВЦП, 1991.
27. Немматов Ҳ., Бозоров О. Тил ва нутқ. – Тошкент: Ўқитувчи, 1993.
28. Новое в лингвистике. Вып.V. Языковые универсалии. – М.: Прогресс, 1970.
29. Новое в зарубежной лингвистике. Вып.24. Компьютерная лингвистика. – М.: Прогресс, 1989.
30. Нурмонов А. Лисоний белги хусусиятлари ҳақида. – Андижон, 1992.
31. Нурмонов А., Йўлдошев Б. Тилшунослик ва табиий фанлар. – Тошкент: Ўқитувчи, 2001.
32. Nurmonov A. Lingvistik tаддiqot metodologiyasi va metodlari. – Toshkent: Akademnashr, 2010.
33. Nurmonov A. Struktur tilshunoslik: ildizlari va yo‘nalishlari. – Toshkent, 2008.
34. Пенроуз Р. Новый ум короля. О компьютерах, мышлении и законах физики. – М.: УРСС, 2005.
35. Пиотровский Р.Г. Инженерная лингвистика и теория языка. – Л., 1979.
36. Пиотровский Р.Г. Текст, машина, человек. – Л.: Наука, 1975.
37. Плат У. Математическая лингвистика // Новое в лингвистике. Вып.IV. – М.: Прогресс, 1965.
38. Po‘latov A., Muhamedova S. Kompyuter lingvistikasi. – Toshkent, 2007.
39. Рассел С., Норвиг П. Искусственный интеллект: современный подход / / Artificial Intelligence: a Modern Approach / Пер. с англ. и ред. К.А.Птицына. 2-е изд. – М.: Вильямс, 2006.
40. Реформатский А.А. Введение в языкокведение. – М.: Просвещение, 1967.
41. Сиокум Дж. Обзор разработок по машинному переводу: история вопроса, современное состояние и перспективы развития // Новое в зарубежной лингвистике. Вып.XXIV. Компьютерная лингвистика. – М.: Прогресс, 1989.
42. Собиров А. Ўзбек тилининг лексик сатҳини системалар системаси тамойили асосида тадқиқ этиш. – Тошкент: Маънавият, 2004.
43. Соссюр Ф. де. Курс общей лингвистики // Труды по языкоznанию. – М.: Прогресс, 1977.
44. Степанов Ю.С. Основы общего языкоznания. – М.: Просвещение, 1975.
45. Субботин М.М. Гипертекст. Новая форма письменной коммуникации. ВИНИТИ. Сер. Информатика. 1994.
46. Сусов И.П. История языкоznания. – Тверь: Тверской гос. унт, 1999.
47. Теньер Л. Основы структурного синтаксиса. – М.: Прогресс, 1988.
48. Убин И.И. Современные средства автоматизации перевода: надежды, разочарования и реальность // Перевод в современном мире. – М.: ВЦП, 2001.

49. Усмонов С. Умумий тилшунослик. – Тошкент: Ўқитувчи, 1972.
50. Успенский В.А., Семенов А.Л. Теория алгоритмов: основные открытия и приложения. – М.: Наука, 1987.
51. Фалсафа. Қисқача изоҳли луғат. – Тошкент: Шарқ, 2004.
52. Фосслер К. Позитивизм и идеализм в языкоznании // Звегинцев В.А. История языкоznания XIX – XX веков в очерках и извлечениях. Часть I. – М.: Просвещение, 1964. – С.324 – 335.
53. Херрис З.С. Совместная встречаемость и трансформация в языковой структуре // Новое в лингвистике. Выпуск II. – М., 1962.
54. Шаумян С.К. Теоретические основы трансформационной грамматики // Новое в лингвистике. Выпуск II. – С.391 – 411.
55. Шемакин Ю.И. Начало компьютерной лингвистики. – М.: Высшая школа, 1992.
56. Шермуҳаммедова Н. Фалсафа ва фан методологияси. – Тошкент: Университет, 2005.
57. Эко У. Отсутствующая структура. Введение в семиологию. – М.: Петрополис, 1998.
58. Anderson J., Rosenfeld E. Neurocomputing Foundations of Research. – Cambridge: MIT Press, 1998.
59. Belonogov G., Khoroshilov A., Kuznetsov B., Novoselov A., Zelenkov Yu. Systems of Phraseological Machine Translation of Polythematic Texts from Russian into English and from English into Russian (RETRANS and ERTRANS Systems). International Forum on Information and Documentation. Vol. 20. №2. 1995.
60. Campbell L., Bubenik V., Saxon L. Word Order Universals: Refinements and Clarifications // Canadian Journal of Linguistics. №2. 1988. – P.209 – 230.
61. Chomsky N. Aspects of the Theory of Syntax. – Cambridge, Mass.: MIT Press, 1965.
62. Fukushima K. A Neural Network for Visual Pattern Recognition. IEEE Computer, 1988.
63. Grishman R. Computational linguistics // Cambridge University Press. 1994.
64. Gelbukh A. Computational Linguistics and Intelligent Text Processing. International Conference. – Mexico, 2003.
65. Good J. Linguistic Universals and Language Change // Oxford University Press. 2008.
66. Hopfield J.J. Neural Networks and Physical Systems with Emergent Collective Computational Abilities // Proceedings of the National Academy of Sciences. 1982.
67. Hutchins J. Retrospect and prospect in computer-based translation // Proceedings of MT Summit VII «MT in the great translation era». – Tokyo: AAMT, 1996.
68. Jurafsky D., Martin J.H. Speech and Language Processing. – New Jersey, 2000.

69. Kurzweil R. The Singularity Is Near. – N. Y.: Viking, 2005.
70. Manning C., Raghavan P., Schütze H. Introduction to Information Retrieval // Cambridge University Press. 2008.
71. Minsky M. A Framework for Representing Knowledge // The Psychology of Computer Vision. McGraw-Hill. – New York (U.S.A.), 1975.
72. Nagao M. A framework of a mechanical translation between Japanese and English by analogy principle, in Artificial and Human Intelligence, ed. A. Elithorn and R. Banerji. – North Holland, 1984. – P.173 – 180,
73. Ricardo M., Juana G. Linguistic Universals. – Cambridge: Cambridge University Press, 2006.
74. Searle J.R. Minds, brains, and programs // Behavioral and Brain Sciences. 1980.
75. Thomas S. Kuhn. The Structure of Scientific Revolution. – Chicago: University of Chicago Press, 1970.
76. Webb Lynn E. Advantages and Disadvantages of Translation Memory: a Cost // Benefit Analysis. San Francisco State University. 1992.
77. *World summit on the information society*. Declaration of Principles. Building the Information Society: a global challenge in the new Millennium. Document WSIS-03/GENEVA/DOC/4-E. 12 December 2003.

INTERNET SAYTLARI

1. <http://www.vaal.ru>
2. <http://www.rusf.ru/books/analysis>
3. <http://www.starling.rinet.ru>
4. <http://www.ruscorpora.ru> (corpora.yandex.ru)
5. <http://www.philol.msu.ru/~lex/corpus>
6. <http://www.philol.msu.ru/~humlang/articles/PolystylCorp.htm>
7. <http://www.bokrcorpora.narod.ru/frqlist/frqlist.html>
8. <http://www.info.ox.ac.uk/bnc>
9. <http://www.wikipedia.org/wiki/axiom.html> Гильберт
10. <http://www.thetech.org/robotics/etics/index.html>
11. <http://www-formal.stanford.edu/jmc/whatisai.html>
12. http://www.wikipedia.org/wiki/artificial_intelligence.html
13. <http://www.sigweb.org/conferences/ht-cover.shtml>
14. <http://www.iw3c2.org>
15. <http://www.yazykoznanie.ru>
16. <http://www.corpus.leeds.ac.uk/list.html>
17. <http://framenet.icsi.berkeley.edu>
18. <http://www.dialog-21.ru>
19. <http://www.CICLing.org>
20. <http://www.ling.uni-konstanz.de/pages/proj/sprachbau.htm>

KOMPYUTER LINGVISTIKASI TERMINLARI LUG'ATI (GLOSSARIY)

Aksiomatik nazariya – ilmiy nazariya qurilishi, bu nazariya asosida shunday boshlang'ich postulat va aksiomalar qo'yiladiki, qolgan barcha qoidalar (teoremlar) undan kelib chiqadi. U miloddan avvalgi VII – VI asrlarda shakllangan, asoschisi matematik olim Pifagordir. Aksiomatik nazariyaning quyidagi asosiy tamoyillari mavjud:

– ziddiyatsizlik – aksiomalar tizimining shunday xossasiki, unga ko'ra, sistemaning hech qanday ikkita holati bir-biriga zid kelmasligi kerak. Bunda aksiomalar tizimi o'zida rost va yolg'on orasidagi farqni aks ettirishi kerakligi nazarda tutiladi;

– to'lalik – aksiomalar sistemasiga qandaydir jumlanı qo'shganimizda sistemada ziddiyat sodir bo'ladi;

– bog'liqsizlik – berilgan aksiomalar sistemasining u yoki bu sistemalari shu sistemaning boshqa sistemalari yordamida isbot qilinishi mumkin emas.

Algoritm (lotincha «algoritmus» – «ibrido» ma'nosini anglatadi; bu so'zning etimologiyasi buyuk alloma Al-Xorazmiy nomi bilan bog'liq. U Yevropada buzilgan shaklda «Algorithmi» tarzida ishlataligan) – ma'lum bir tipga oid hamma masalalarni yechishda ishlataladigan jarayonlar tizimining muayyan tartibda bajarilishi haqidagi aniq qoida yoki qoidalar tizimi.

Algoritmk tillar – programmalashtirishga asoslangan sun'iy tillar bo'lib, undagi matnlar xuddi tabiiy tildagidek aniq interpretatorga – insonga yoki avtomatik qurilmaga yo'nalgan bo'lishi lozim, toki u axborotni qabul qilsin va tushunsin. Agar bu jarayon (qabul qilish va tushunish) amalga oshmasa, u holda algoritmk tillar va kompyuter orasida vositachi sifatida **translator-dasturlar** (yoki **kompilatorlar**)dan foydalilanadi. Algoritmk tillar **imperativ** xarakterga ega bo'ladi, ya'ni asosan buyruqlar tizimiga tayanadi (begin – boshla, end – tugalla kabi). Dastlabki shunday til 1958-yilda Parijda yaratilgan va «**Algol**» deb atalgan (Uning to'liq nomi inglizcha – «Algorithmic language»). Hozir jahonda 500 dan ortiq algoritmk tillar mavjud.

Analiz (tabiiy tilning kompyuterda morfologik, sintaktik va semantik tahlil yordamida tushunilishi) va **sintez** (kompyuterda matnning grammatic shakllantirilishi va generatsiyasi (hosil qilinishi) – kompyuter lingvistikasining tayanch tushunchalari. Morfologik analiz morfemalarga ajratish hamda grammatic ma'lumotlar tahlilini o'z ichiga oladi. Morfologik sintez esa matnga avtomatik ishlov berish jarayonida yoki uning so'nggi bosqichida (natijalarini inson hukmiga havola qilishda) so'zlarning turli shakllarini chiqarish, analiz natijalarini umumlashtirish dan iborat. Morfologik analiz va sintez jarayoni kompyuterda kodlash-dekodlash tamoyili asosida ishlaydi. Morfologik analizning mantiqiy davomi sintaktik analiz hisoblanadi. Sintaktik analiz morfologik analiz ustiga quriladi, bunda gap strukturasi turli formal modellar asosida tahlil etiladi.

Avtomatik tarjima (mashina tarjimas) – bir tildagi matnni ikkinchi bir tilga EHM (kompyuter) vositasida tez vaqt ichida tarjima qilish tizimi. Mashina tarjimas bo'yicha birinchi xalqaro konferensiya 1952-yilda Massachusets texnologiya

institutida o'tkazildi. 1954-yilda AQShdag'i Jorjtaun universitetida dunyoda birinchi marta avtomatik tarjima tajribadan o'tkazildi. U GAT tizimi (inglizcha «Georgetown Automatic Translation» birikmasining qisqartmasi) deb ataladi. Bu tajribalar IBM-701 kompyuterida o'tkazildi. Tajriba bazasi algoritmlardan iborat bo'lib, 50 000 ta so'z (60 ta gap)ni rus tilidan ingliz tiliga tarjima qildi.

SYSTRAN avtomatik tarjima tizimi yordamida bir yilda 2,5 mln sahifa matn ingliz tilidan nemis, fransuz, ispan, yunon, italyan tillariga hamda fransuz tilidan ingliz, ispan, italyan tillariga tarjima qilinadi. **DIANA** avtomatik tarjima tizimi 10 mln ta so'z bazasiga asoslanib dunyoning 6 ta yirik tilida avtomatik tarjimani ta'minlaydi. 40 mln ta so'z xotira kuchiga ega **YEUROTRA** sistemasi barcha yevropa tillari bo'yicha avtomatik tarjimani amalga oshira oladi. **SOKRAT** sistemasi ham 40 mln ta so'z xotira kuchiga ega bo'lib, dunyodagi 40 ta tilda avtomatik tarjimani amalga oshiradi.

Internet tizimining rivojanishi natijasida avtomatik tarjima global tarmoqda ham tashkil etildi, ya'ni hozirgi kunda **online-tarjima tizimi** ham faol yo'lga qo'yilgan.

Avtomatik tahrir – kompyuter lingvistikasining asosiy yo'nalishlaridan biri bo'lib, u kompyuterdagi matn muharrirlari (**Microsoft Word**, **Excel**, **Wordpad**, **Lexicon**) rivojanishi bilan bog'liqdir. Avtomatik tahrir matndagi mexanik xatolarning avtomatik tarzda to'g'rilanishi va xato ekanligi haqidagi signallarning userga taklif etilishi kabilalar bilan bog'liq. Aniq misollar bilan tushuntiriladigan bo'lsa, Microsoft Word dasturi bilan ishlar ekanmiz, unda so'zlarning yozilishi bilan bog'liq xatolar bo'lsa, ularning ostiga qizil yoki ko'k rangda chizilishi, katta harf bilan yozilishi kerak bo'lgan so'zlarning avtomatik bosh harfga o'tkazilishi, hujjatga avtomatik numeratsiya qo'yilishi kabilalar avtomatik tahrir erishgan yutuqlar hisoblanadi.

Avtomatik tahrir yo'nalishi XX asr o'rtalariga kelib rivojlandi. U matn muharrir dasturlari bilan birligida yangicha imkoniyatlar bilan, qo'shimcha effektlar bilan boyimoqda. Shu o'rinda alohida ta'kidlash zarurki, avtomatik tahrirlash tizimi faqat matn muharrirlari dasturlari bazasiga qo'shilgan tillarda anal qiladi, masalan, ingliz, rus, nemis, fransuz tillarida.

Avtomatik tahrirlash tizimi juda ko'p amaliy vazifalarni o'z ichiga oladi. Bu vazifalarning eng asosiyalarini umumlashtirib sanab o'tmoqchimiz:

- orfografiyani tekshirish;
- grammatika va stilistikani tekshirish;
- kontekstli qidiruv;
- formatlash;
- avtomatik referatlash – matndagi kalit so'zlar asosida uning umumiyligini yaratish;
- matn ichiga jadval, rasm, turli figuralar, klip-artlar, grafik sxemalar, diagrammalar qo'shish, giperhavolalar bilan ta'minlash;
- matndagi abzaslar, belgililar, so'zlarning aniq miqdorini aniqlash (statistikasini ko'rsatish);

– tezaurus xizmati – matndagi muayyan so‘zning sinonimik variantlarini aniqlash;

– transliteratsiyalash – bir alifboden boshqa alifboga o‘tkazish (masalan, kirill alifbosidan lotin alifbosidagi harfga almashtirish).

Ms Word dasturida orfografiyani tekshirish imkoniyati cheklanganligi bois hozirgi kunda maxsus Spell Checker dasturlar yaratilmoqda. Bunday dasturlar sirasiga quyidagilarni kiritish mumkin: SpellLink Multilingual Pro (ingliz, ispan, italyan, nemis, fransuz, portugal, ukrain tillaridagi so‘zlarning to‘g‘ri yozilishini tekshiradi), Orfo SpellLink English, SpellLink French, SpellLink Italian, SpellLink Spanish, Ruta 1.0 (rus va ukrain tillaridagi so‘zlarning imlosini tekshirishga yordam beradi), Asutype, Spellex, Spell Catcher kabi.

Bevosita ishtirokchilar (immediate constituents) – sintaktik model hisoblanadi. Bevosita ishtirokchilar metodiga muvofiq tayanch nuqta konstruksiya hisoblanadi. Konstruksiya tarkibidan ishtirokchilar va bevosita ishtirokchilar ajratiladi.¹⁰³ Konstruksiya atamasi ostida ma’noli qismalarning ketma-ket munosabatidan tashkil topgan butunlik tushuniladi. Ishtirokchilar deb kattaroq konstruksiya tarkibiga kirgan so‘z yoki konstruksiyaga aytildi. Muayyan konstruksiyaning bevosita shakllanishida ishtirok etgan bir yoki bir nechta ishtirokchilarga bevosita ishtirokchilar deyiladi. Masalan, *A’lochi talabalar o’z vazifalarini aniq va puxta bajaradilar*. Bu jumla konstruksiya hisoblanadi, uning tarkibidagi barcha ma’noli so‘zlar («va» bog‘lovchisidan tashqari) ishtirokchilar, bevosita aloqaga kirishgan so‘zlar bevosita ishtirokchilar deyiladi. Bunda *a’lochi so‘zi talabalar so‘zi bilan, aniq, puxta so‘zlar bajaradilar so‘zi bilan, o’z so‘zi vazifalarini so‘zi bilan o’zariz bog‘langan*. Demak, bevosita ishtirokchilar sintaktik modelda dastlab so‘z birligmalarini ajratiladi, so‘ngra ular gap ichida birlashtiriladi.

Bilimlar injenerligi (Knowledge Engineering) – bilimlar bazasi bilan shug‘ullanuvchi maxsus yo‘nalish bo‘lib, u sun‘iy intellekt tizimining tarkibiy qismi sanaladi. Bilimlar injenerligi kognitiv lingvistika, kompyuter semantikasi va kompyuter lingvistikasining yutuqlariga tayanadi. Bunda informatsya va bilimlar strukturasiga oid bo‘lgan **semantik tarmoq, freym, senariy, Word-net** kabi tushunchalar va ularning tatbiqi muhim hisoblanadi.

CALL (Computer Assisted Language Learning) – til o‘qitishni avtomatlashirish – xorijiy tillarni kompyuter yordamida o‘qitish tizimini ta’minlovchi amaliy dasturlar hamda bilimlarni avtomatik baholash mexanizmlari. Til o‘rgatishda kompyuterdan foydalanish bo‘yicha dastlabki tajribalar XX asrning 60-yillarda Stenford (Russian-Program) va Nyu-York universitetlarida (Das Deutsche Program) o‘tkazildi. XX asrning 70 – 80-yillarda til o‘qitishda kompyuterdan foydalanishga bo‘lgan qiziqish kuchaydi va hatto alohida yo‘nalish – **Computer Assisted Language Learning (CALL)**ning yuzaga kelishiga olib keldi. CALL bo‘yicha I-xalqaro konferensiya 1985-yil 12 – 13-noyabrda Budapesht shahrida o‘tkazildi.

O‘qituvchi lingvistik avtomatlardan foydalanishda 2 xil yondashuv mavjud:

1) bixevoiristik yondashuv – mavjud an‘anaviy o‘qitish tizimining barcha jahalarini e’tiborga oluvchi o‘qitish mexanizmlari, bunda grammatikaning ma’lum

bo'limi tugagach, uni topshiriqlar asosida baholash, shuningdek, leksik minimular bo'yicha bilimni nazorat qilishga yo'naltirilgan dasturiy ta'minotga asoslangan o'qitish tizimi. Bunda bixevoirizmning «**stimul-reaksiya-mustahkamlash**» formulasiga asoslaniladi. O'qitish usullari «**stimul**» (turtki) vazifasini bajaradi, o'rganuvchi bundan ta'sirlanadi va bilimni mustahkamlaydi.

2) kognitiv-intellektual yondashuv – CALL (CALL Software) uchun universal dasturiy ta'minotlar yaratish, o'qitish tizimini lug'at bazasi, grammatika bo'yicha qo'llanmalar, tizimni **avtomatik korrektorlar, speller** bilan ta'minlash, **audio** va **vizual effektlar** bilan boyitish kabi amalii ishlar majmuidir.

Ekspert tizimi – muayyan sohadagi ekspertlik yoki mavjud bilimlarning immittatsiyasi tarzida yaratilgan kompyuter dasturi. Boshqacharoq aytganda, ekspert tizimi maxsus sohaga oid barcha bilimlar jamlangan qomus yoki o'ta professional ekspertlarning kompyuter modelidir. Ekspert tizimlarining asosiy ikkita tarkibiy qismi mavjud: ma'lumotlar ombori va mantiqiy mashina. Ekspert tizimlari konsepsiysi Stenford universiteti professori Eduard Feygenbaum nomi bilan bog'liq bo'lib, u 1977-yilda murakkab mantiqiy masalalarni yechishda kompyuter dasurlarining samaradorligi formallashtirish va dasturlash texnikasidan ko'ra muammoli sohaga doir bilimlar bazasiga bog'liq ekanligini asoslab berdi.

Elektron ensiklopediya – kuchli qidiruv tizimiga ega bo'lgan ma'lum yo'nalishdagi illustrasiyali maqolalar, elektron xaritalar, fotosuratlar, giperhavola (gipermurojaat)lar, audio va videoizohlar, xronologik ro'yxat, foydalilanigan va tavsiya etiladigan adabiyotlar ro'yxati va hokazolardan iborat bo'lgan katta hajmdagi elektron dastur.

Elektron lug'atlar – leksikografiya sohasiga kompyuter texnologiyalarining tabbiq etilishi natijasida yaratilgan lug'atlar, ular odatdagi lug'atlar asosida tuzilgan, multimedia vositalari bilan boyitilgan dastur. Eng mashhur elektron lug'atlar sirasiga CONTEXT, ABBY LINGVO, MULTITRAN, POLYGLOSSUM, MULTILEKS kabilar kiradi.

Elektron lug'atlarning tayyorlanishi quydigicha: a) lug'atning so'zligi shakllantiriladi; b) misollar korpusi (elektron kartotekalari) tuziladi; c) lug'at maqolalari yoziladi; d) lug'at maqolalari ma'lumotlar bazasiga ko'chiriladi; e) bevosita ma'lumotlar bazasida lug'at matni tahrir etiladi, korrektirovka qilinadi; f) lingvistik ta'minot dasturiy ta'minot bilan uyg'unlashtiriladi; g) elektron lug'at.

Elektron lug'atlar an'anaviy kitobiy lug'atlarga qaraganda birmuncha afzalliklarga ega. Elektron lug'atlarning hajm jihatidan ixchamligi, kompaktligi, boshqa manbalarga (Internet tarmog'i orqali, gipermurojaatlar yordamida) ulanish imkoniyati, mavjud matnlar korpuslari yordamida illustrativ misollar tuza olish imkoniyati, multimediali misollar bilan boyitilganligi, so'zlarning sinonimik variantlari, omonimlik xususiyatlari, grammatik ma'lumotlar bilan ta'minlanganligi va ularning tezlik bilan foydalanuvchiga havola etilishi kabi jihatlari elektron lug'atlarning optimalligini ta'minlaydi.

Elektron multimedia darsligi – aynan kompyuter vositasida o'quv kursini yoki uning bitta katta bo'limini o'qituvchi yordamida yoki mustaqil o'zlashtirishni

ta'minlovchi dasturiy-metodik kompleks bo'lib, bunda tizim matnli fayllar, turli xil animatsiyalar, audio va videoeffektlar bilan boyitilgan bo'ladi.

Example Based Translation («Namunalarga asoslanadigan tarjima») – 1984-yilda Yaponianing Kioto universiteti professori, mashina tarjimasi bo'yicha yapon davlat dasturi rahbari Makoto Nagao tomonidan yaratilgan yangi konsepsiya. Ushbu konsepsiya ko'ra, matnlar ilgari inson qo'li bilan tarjima qilingan matnlarga tayanib analogiya tamoyili asosida tarjima qilinishi lozim. Buning uchun kompyuterga kiritilgan katta hajmdagi **bilingy bazasi** (matn va uning tarjimalari) shakllantirilishi zarur. Yangi matnlar tarjimasida bilingy massividan o'xhash matn fragmentlari tanlanadi va tarjimaning muvaffaqiyatli chiqishida foydalaniлади. M.Nagao mashina tarjimasiga bunday yondashuvni «**Example Based Translation**» («Namunalarga asoslanadigan tarjima») deb nomladi, ilgarigi an'anaviy yondashuv «**Rule Based Translation**» («Qoidalarga asoslanadigan tarjima») deb ataladi.

Formallashtirish – bilimlar majmuasini, mazmunini muayyan shakllar yordamida sun'iy til belgilari orqali ifodalash. Grammatikani formallashtirish tendensiysi XX asr o'rtalarida kuchaydi. Bu bevosita tilning strukturasini yanada aniq parametrlarda ifodalashga intilish, uni kompyuterga moslashtirishga urinish bilan bog'liqidir. Formal grammatika nazariyasi matematik mantiq, matematik lingvistikaning rivojlanishi natijasida yuzaga kelgan. Grammatikani formallashtirish (lotincha «forma» – «shakl», «tashqi ko'rinish») konsepsiyasining asoschisi amerikalik tilshunos Noam Chomskiydir. Formal grammatika abstrakt simvollar orqali bayon etiladigan grammatika hisoblanib, unda til qoidalari, so'z yasalishi, birkma va gap qurilishi turli xil lingvistik modellar, struktur sxemalar yordamida tavsiflanadi. Formal grammatika 3 ta birlik asosida ish ko'radi:

1. Word-classes – so'z turkumlari (tub va yasama so'zlar).
2. Phrases – gap bo'laklari.
3. Sentences – gap konstruksiyalari sxemalari, modellari.

Formal grammatika turlari – N.Chomskiy qoidalarning ifodalaniш turiga qarab formal grammatikani 4 tipga ajratgan va bu **Chomskiy iyerarxiyasi** deb nomlanadi:

1. 0 grammatika (unrestricted phrase-structure grammar) – juda murakkab generativ grammatika, bunda $G=(N, P, S)$ belgilari yordamida ish ko'rildi. N, “ – alifbo (N – noterminal simvollar, u grammatikadagi simvollarni o'z ichiga oladi; “ – metatilning terminal simvollar, u tildagi so'zlarni qamrab oladi); S – noterminal to'plamning boshlang'ich simvoli, P – qayta ishlab chiqilgan qoidalar. Bunda terminal va noterminal simvollarni birlashtiruvchi V belgisi qabul qilingan, u inglizcha Vocabulary (lug'at) so'zidan olingan ($V=TUN$). Bu grammatika o'ta abstractlashgan matematik modellarga, informatika nazariyasiga tatbiq etilgan.

2. 1 grammatika (context-sensitive grammar) – kontekstga bog'liq grammatika bo'lib, bunda simvollar zanjiri kontekst bilan aniqlanishi mumkin. Bu grammatika tabiiy tillar unsurlarining generatsiyasida faol qo'llaniladi.

3. 2 grammatika (context-free grammar) – kontekstga bog'lanmagan grammatika bo'lib, u programmalashtirish tillari unsurlarining generatsiyasida (ifodalar, buyruqlar tizimida) ishlatiladi.

4. 3 grammatika (regular grammar) – regular grammatika deb ataladi, u juda sodda va cheklangan grammatika bo'lib, tilning sodda unsurlari uchun ishlataladi (miqdor, konstantalar, o'zgaruvchilar uchun).

Frazeologik mashina tarjimasi – avtomatik tarjimaning sifatini oshirish uchun Rossiyada professor G.G.Belonogov tomonidan ishlab chiqilgan konsepsiya. Unga ko'ra, matndagi tushunchalar ko'pincha alohida so'zlar yordamida emas, balki so'z birikmalar yordamida ifodalanadi. O'z-o'zidan kelib chiqadiki, matnni bir tildan boshqasiga tarjima qilish jarayonida ham mazmunni yuzaga chiqaruvchi asosiy til birliklari alohida so'zlar emas, balki tipik vaziyatlarni ifodalovchi frazeologik birikmalar (bu yerda frazeologik birlik keng ma'noda tushuniladi) hisoblanadi. Mazkur yondashuvga muvofiq matnda tez-tez uchraydigan so'zlar, iboralar, so'z birikmalar, nutqiyl etiket namunalarining tarjima ekvivalentlari bilan boyitilgan ma'lumotlar bazasi frazeologik mashina tarjimasi tizimining asosini tashkil etadi. Bunda so'zlarning distributsiyasiga eng ko'p e'tibor beriladi. Bu metod polisemantik so'zlarning tarjimada mos keluvchi to'g'ri ekvivalentini tanlashga, omonim so'zlarning kontekstdagi holatini aniqlashga, iboralarning ham idiomatik xususiyatini belgilashga imkon beradi.

Freym – bilimlar strukturasiga oid tayanch tushunchalardan biri. Freym – (inglizcha «frame» – «karkas», «ramka», «skelet» ma'nolarini anglatadi) sun'iy intellekt tizimida bilimlarni, stereotip (juda ko'p kuzatiladigan, tipik) vaziyatlarni gavdalantirishning bir usuli sanaladi. Ya'ni freymga modellahtirilayotgan hodisa, vaziyat va jarayonlarni umumlashtirilgan holda joylashtirish mumkin. Freym – mavhum obraz modeli bo'lib, muayyan obyekt, voqe-a-hodisa, vaziyat va jarayonlarning formal tavsisi demakdir (masalan, restoranga borish, shifokor qabulida bo'lish, ma'ruzalarga qatnashish, tug'ilgan kun, futbol o'yini kabi tipik vaziyatlar). Dastlab «freym» termini XX asrning 70-yillarida Marvin Minskiy tomonidan olamning kompyuter modelini o'z ichiga oluvchi bilimlar strukturasiga nisbatan ishlataligan. Shundan so'ng freym semantikasi konsepsiysi (**frame semantics**) amerikalik tilshunos Charlz Fillmor tomonidan rivojlantirildi. Mazkur konsepsiya ko'ra, so'zlar, so'z birikmalar, gaplar, matn ma'nosini **sahnalar** bilan uyg'unlashtirilgan, shartlangan bo'ladi. Bir freym boshqa bir freymning davomi yoki tarkibiy qismi bo'lishi mumkin.

Freymlar sun'iy intellekt tarkibiga kiruvchi ekspert tizimlarida faol ishlataladi. Freymning quyidagi turlari mavjud: freym-namunalar, freym-strukturalar, freym-roller, freym-ssenariylar, freym-vaziyatlar. Freymlar tizimi birlashib, **semantik tarmoqni** hosil qiladi. Freym kompyuter xotirasida bilimlar xazinasi va faktlar omboriga tayanib olamni maxsus shakllantiruvchi model vazifasini bajaradi. Freym slot deb atalgan bir yoki bir necha elementlarning majmui hisoblanadi. Slotlarda obyektlarga xos belgilari ma'nosini qayd etilgan bo'ladi.

Freym-ssenariy – ba'zi harakat, voqe-a-hodisalarining xarakterli unsurlarini o'z ichiga olgan tipik strukturalar hamda vaziyatlarning rivojlanishi, ketma-ketligi (algoritm bosqichlari) demakdir. Ssenariy – bu oddiy voqe-a-hodisalar zanjiri emas, balki ushbu harakatlar ketma-ketligida kauzal bog'liqlik tamoyili ishlaydi, ya'ni

har bir harakat natijasi shartli sanaladi, uning ta'siri va oqibatida navbatdagi ish-harakat sodir bo'lishi mumkin. Har bir ssenariyida rol bajaruvchilar mavjud. Ssenariyilar real hayotda uchraydigan vaziyatlarni aks ettiruvchi holatlar asosida yuzaga keladi. Masalan, restoranga tashrif buyurish ssenariysi.

Generativ va transformatsion grammatica – formallashtirishning negizi hisoblangan grammatika, 1950-yillarda dastlab Z.Harrisning til strukturasidagi transformatsiya xususidagi qarashlari ta'sirida yuzaga kela boshladi, bu yo'naliш Z.Harrisning shogirdi N.Chomskiy tomonidan rivojlantirildi. Unga ko'ra, dastlabki yadro strukturalar birikma strukturalar qoidalar tizimi orqali tug'iladi. Ya'ni har qanday til grammatiskasi **yadro strukturalar (kernel structures)** yig'indisidir.

Generativ grammaticada yadro strukturalardan (**operandlar**) turli shakliy o'zgarishlar asosida asosiy ma'noni saqlagan holda ikkilamchi sintaktik qurilmalarning hosil qilinishi (**transformatsiyalar = transformalar**), bu jarayondagi vositalar (**operatorlar**) va **transformatsiya hosil qilish modellari** tadqiq etiladi. Masalan, Salim keldi – Salimning kelishi – Salim kelgach – Salim kelganda – Salim kelishi bilan...; Anvar xatni yozdi – Xat Anvar tomonidan yozildi. Ushbu misollarda transformatsiya uchun asos bo'lgan gap (*Salim keldi yoki Anvar xatni yozdi* kabi gaplar) **operand**, transformatsiya natijasi bo'lgan hosila gap (*Salim kelgach, Salim kelib yoki xat Anvar tomonidan yozildi* kabi sintaktik strukturalar) **transforma** yoki **transformand**, operanddan transformandni hosil qiluvchi vosita (ravishdosh, sifatdosh, harakat nomi yoki majhul nisbat shakkari) **transformatsiya operatori** deb ataladi.

Gipertekst – kompyuter lingvistikasida inqilobiy o'zgarish yasagan texnologiya. Gipertekst g'oyasi AQSH prezidenti F.Ruzveltning fan va ta'lrim bo'yicha maslahatchisi Vannevar Bush nomi bilan bog'liq bo'lib, u foydalanuvchiga matn va uning fragmentlarini turli assotsiativ munosabatlar asosida bog'lashga imkon beruvchi «MEMEKS» tizimini nazariy jihatdan asoslab berdi. U 1945-yilda «The Atlantic Monthly» jurnalida «Memeks» deb atalgan kela-jakdag'i xayoliy qurilma haqida «As We May Think» («Biz o'ylaganimiz kabi») nomli maqola e'lon qildi. V.Bush o'sha qurilmani kutubxonadagi har qanday hujjatlar, yozishmalar, kitoblarni displayeda ko'rsatib bera oladigan, cheklanma-gan mikrofilmlarga ulangan elektromexanik stol sifatida tasvirlaydi. Kompyuter texnikasining yo'qligi bois loyihaning amalda qo'llanishi bir oz keyinga surildi. «Gipertekst» termini 1965-yil T.Nelson tomonidan ilmiy iste'molga olib kirilgan. 1992-yilda birinchi marta gipertekst World Wide Web (xalqaro to'r)ga tatiq etildi.

Gipertekst bu shunday matnki, u kompyuterda boshqa matnlarga giperhavolalar yordamida bog'lashga imkon beradi. Bunda u o'quvchiga faqat matnlar ustida emas, balki turli xil jadvallar, sxemalar, rasmlar, videoroliklarda ham erkin navigatsiya qilish imkonini beradi. Asosan, gipertekst World Wide Web (Xalqaro o'rgimchak to'ri) strukturasini ko'rsatuvchi tushuncha bo'lib, u orqali Internet tizimida informatsiya tarqalishida qulaylik, osonlik, optimallik ta'minlanadi. Internet olami virtual olam sanalgani uchun biz undagi birinchi olamdan ikkinchi olamga hech qanday to'siqlarsiz o'ta olamiz. Mana shu virtuallikni bizga ta'minlab

beruvchi tizim gipertekst tizimidir. Demak, gipertekst texnologiyasi bizga informatsion massivni tezkor ko'rib chiqish (**brausing**), muayyan informatsiya yoki matn fragmentlariga tezkor havola qilish, gipertekst bo'yicha erkin **navigatsiya** qilish, gipertekstni yangi informatsiyalar bilan boyitib borish kabi optimal imkoniyatlar yaratib beradi.

Grammatika – yunoncha so'z bo'lib, «o'qish va yozish san'ati» ma'nosini bildiradi. Bu tushuncha dastlab xat-savod, imloni o'rgatuvchi fan ma'nosida ishlataligani. Keyinroq grammatika tilning fonologik, morfologik, sintaktik va semantik belgilarini tavsiflovchi til qoidalari majmuasi ma'nosiga ko'chgan. Grammatika haqidagi ilk qarashlar falsafa, mantiq, germenevtika (diniy matnlarni sharhlash, talqin etish) qobig'ida bo'lgan. Bunda tilning paydo bo'lishi, til va tafsakkur munosabati, lingvistik belgi motivatsiyasi, diniy matnlar mazmunini to'g'ri tushunish bilan bog'liq masalalar o'rganilgan, til strukturasi esa yetarli darajada tadqiq etilmagan. Faqatgina miloddan avvalgi II – I asrlarda shakllangan Aleksandriya grammatika maktabining eng yirik vakil Dionisiy Traks (miloddan avvalgi 170 – 90-yillarda yashagan) o'zigacha bo'lgan tadqiqotchilarning ishlari va tajribalarini o'rganib, ulardan foydalanib rimliklar uchun **«Grammatika san'ati»** (**«Grammatike techne»**) nomli sistemalashtirilgan dastlabki yunon grammatikasini yaratdi. Shundan buyon grammatika falsafadan mustaqil soha sifatida ajralib chiqdi.

Antik davrda grammatika **preskriptiv** (to'g'ri gapirish, to'g'ri jumla tuzishni ko'rsatuvchi yo'riqnomasi) xarakterga ega bo'lgan. XVIII asr oxirlarida grammaticani tushunish keskin o'zgardi. Bu davrda bobo til konsepsiyasini ilgari surgan qiyosiy-tarixiy grammatika shakllandi. Unda yevropa tillarining qadimgi sanskrit tili bilan tarixiy aloqasini aniqlash yordamida hind-yevropa tillari shajarasini rekonstruksiya qilish bo'yicha qiyosiy aspektida tadqiqotlar olib borildi.

XX asr boshlarida Ferdinand de Sossyur grammatikani tavsiflashda sinxroniya va diaxroniyani farqladi. Bunda grammatikani tarixiy (diaxron) o'rganishni emas, balki sinxon (muayyan vaqtidagi holati) tadqiq qilish lozim, deb hisobladi. XX asrning 50-yillarda Noam Chomskiy grammatikani tavsiflashning yangi metodini tavsiya etdi. Bu tilshunoslikda «formal grammatika nazariyasi» deb ataladi. Olimning tadqiqot natijalari kompyuter lingvistikasining shakllanishiga asos bo'ldi. N.Chomskiyning formal grammatika haqidagi qarashlari *«Syntactic Structures»* (1957) hamda *«Aspects of the Theory of Syntax»* nomli kitoblarida yor'iltilgan.

Grammatikaga bo'lган yondashuvlar turlicha bo'lganligi bois tilshunoslik tarixida turli grammatikalar yaratilgan. Jumladan, nazariy grammatika va amaliy grammatika; an'anaviy (klassik) grammatika va noklassik grammatika; sinxon va diaxron grammatika; xususiy va umumiy (universal) grammatika; kategorial grammatika, tobelik grammatikasi, leksik-funksional grammatika, konstruktiv grammatika, transformatsion grammatika, kontekstdan xoli grammatika (context-free grammar) kabi.

Implikativ universaliya – Amerikalik olim Jozef Grinberg tomonidan implikatsiyalar (mantiqiy shartli hukmlar) asosida aniqlangan universaliyalar. Olim 45 ta implikativ universaliyani aniqlagan. Masalan:

1. Agar til uzluksiz affiks larga ega bo'lsa, unda yo prefiksatsiya yoki suffiksatsiya yaxshi rivojlangan bo'ladi.
2. Agar til istisnoli tarzda suffiks sal bo'lsa, u holda bu til posleoglarga, keli-shiklarga boy bo'ladi.
3. Agar til istisnoli tarzda prefiks sal bo'lsa, u holda bu til predloglarga boy bo'ladi.
4. Agar til VSO modelida bo'lsa, bu tilda predloglar dominantlik qiladi.

Informatsion qidiruv tizimlari – formal belgilarga ko'ra informatsiyani qidirishga mo'ljallangan avtomatik tizim. IQTlar quyidagi bosqichlar asosida ishlaydi: informatsiyani jamlash, informatsiyani klassifikatsiya qilish, hujjatning qidiruv obrazi (HQO)ni yaratish, hujjatning qidiruv obrazi va hujjatlarni saqlash, qidi-rish va natijani chiqarish.

«**Informatsion qidiruv»** (inglizcha «**information retrieval**») termini 1948-yilda Kelvin Mur tomonidan fanga kiritilgan. Informatsion qidiruv tizimi – bu ma'lumotlarni qisqa vaqt birligi ichida qidirib topish, kerakli hujjatlarni ma'lumotlar bazasidan topishni optimallashtirish tizimidir. Bu yo'nalish ilmiy-texnikaviy axborotlarning ko'payib ketishiga javoban 1960-yil oxirlarida yuzaga keldi. Axborot ko'paygan sari uni saralash, keraklisini qidirib topish muammosi yuzaga keldi. Mazkur muammoni bartaraf etish uchun olimlar informatsion qidiruv tizimlari g'oyasini taklif etdilar. Bu yo'nalish Internet tarmog'i yuzaga kelgandan so'ng yanada rivojlandi. Masalan, bugun Internetda **Google**, **Yandex**, **Rambler**, **Yahoo** kabi qidiruv tizimlari mavjud.

Informatsion qidiruv tillari – IQTda qidiruvni ta'minlash uchun yaratilgan maxsus tillar. Informatsion qidiruv tillari bu formal til bo'lib, u IQTda saqlangan hujjatlarning mazmunini tavsiflash va so'rov uchun mo'ljallangan. Informatsion qidiruv tilida hujjatlarga ishlov berish protsedurasi **indekslash** deb ataladi. Indekslash natijasida har bir hujjatga IQTdagi ta'rif shakli yoziladi. Mazkur ko'p bos-qichli jarayonda deskriptorli information qidiruv tillari ishlatiladi. Hujjat mavzusi deskriptorlarning birlashuvni bilan yoziladi. **Deskriptorlar** sifatida so'zlar, terminlar, muayyan sohadagi boshlang'ich tushuncha va kategoriyalardan foydalaniлади. Deskriptorlarni kalit so'zlar deb nomlash ham mumkin. Deskriptorli til bilan ishlaydigan tizimlardan biri M.Taube tomonidan yaratilgan **UNITERM** tizimidir. Bu tizimda deskriptorlar sifatida hujjatning kalit so'zları – unitermlar ishlatiladi. Demak, muayyan sohaning terminologiyasi, ya'ni deskriptorlar qidiruv tizimi va tezauruslarning asosini tashkil etadi.

Informatsion qidiruv tezauruslari (lotincha «thesaurus» – «xazina» degan ma'noni anglatadi) – matnning asosiy mazmun-mundarijasini aks ettiradigan kalit so'zlar, terminlar, tayanch tushunchalar bazasi asosida kompyuterda tuzil-gan lug'at. Tezauruslar ensiklopedik va izohli lug'atlardan farqli ravishda til birliklarining matnda qo'llanish chastotasi va matnning predmet mundarijasini aks ettirish darajasiga qarab tuziladi. Bunda terminning mazmuniy tavsifi orqali bazadagi ma'lumotlar qidirilishiga mo'ljallangan bo'ladi. Terminlar tezaurusga qat'iy semantik prinsiplar asosida kiritiladi, bunda ularning **gipo-geperonimik**

(*tur-jins*), *holo-meronik* (*butun-bo'lak*), *iyerarxik* (*pog'onali*) munosabatlari hamda assotsiativ mazmuniy bog'lanishlari e'tiborga olinishi lozim. Shu o'rinda ta'kidlash zarurki, keyingi paytlarda qidiruv tizimlari bazasidagi tezauruslar giperhavolalar bilan ham ta'minlanmoqda, bu esa userga birmuncha qulayliklar yaratadi. Ya'ni qidirilayotgan terminlarga aloqador bo'lgan boshqa yaqin tushunchalar bilan bog'liq ma'lumotlarni ham oson topish imkonini beradi.

Kodlash va dekodlash – informatsiyani mashina (kompyuter) tushunadigan tilga o'tkazish va bunga teskarli bo'lgan kompyuter tushunadigan tildan inson tushunadigan tilga aylantirish jarayoni.

Kompyuter leksikografiyası (elektron lug'atlar tuzish) – muayyan til leksikonida gi so'zlarning ma'lumotlar bazasi va maxsus programmalashtirish tillari yordamida ishslash tizimiga ega bo'lgan dasturlar (kompyuter lug'atlari) yaratish bilan shug'ullanuvchi soha. Kompyuter leksikografiyası bugungi kunda turli qo'shimcha imkoniyatlar asosida rivojlanib bormoqda. Xususan, dastlab kompyuter lug'atlari bir tilli, ikki tilli bo'lgan, hozirda ko'p tilli (uch, to'rt, olti, o'n tilli) elektron lug'atlar yaratilmoqda. Shuningdek, keyingi paytlarda muayyan sohalarga ixtisoslashgan elektron lug'atlar ham yaratilmoqda. Ya'ni dastlab kompyuter lug'atlari faqat umumiyl leksikon bilangina cheklangan edi, hozirda fanga oid bo'lgan, qurilish, aviasiya, avtomobilsozlik, harbiy, diniy, yuridik sohalarga oid so'zlar bazasi ham e'tiborga olinmoqda. Hatto so'zlarning matnda qo'llanilish imkoniyatlari, distributiv holatlari, birikma holidagi ko'rinishlari ham nazarda tutilgan holda lug'atlar yaratilmoqda.

Kompyuter lingvistikasi – matematik lingvistikaning mantiqiy davomi bo'lib, u amaliy tilshunoslikning eng muhim qismini tashkil etadi. Kompyuter lingvistikasi 1954-yil AQSHda Jorjtaun universitetida mashina tarjimasi bo'yicha dunyoda o'tkazilgan birinchi tajriba asnosida yo'nalish sifatida shakllana boshladi, 1960-yilga kelib mustaqil fan sifatida shakllandı. Kompyuter lingvistikasi inglizcha «computational linguistics» so'zining kalkasidir. XX asrning 80-yillariga qadar bu fan turlichcha nomlar bilan atalgan: *hisoblash lingvistikasi*, *matematik lingvistika*, *kvantitativ lingvistika*, *injener lingvistikasi* kabi. Mazkur fanning asosiy maqsadi lingvistik masalalarni yechishning kompyuter dasturlarini ishlab chiqish, inson va mashina (kompyuter) muloqotini optimallashtirish, tabiiy tilni qayta ishslash (**Natural Language Processing**)dir.

Kompyuterli modellashtirish – bugungi kunda barcha fanlarda, xususan, kompyuter lingvistikasida ham samarali metod hisoblanadi. Kompyuter modellashtirish quyidagi asosiy bosqichlardan iborat:

- masalaning qo'yilishi, modellashtirish obyektining aniqlashtirilishi;
- konseptual (tushunchaviy, fikriy) modelning ishlab chiqilishi, tizim asosiy unsurlarining ajratib olinishi;
- formalizatsiya, ya'ni matematik model bosqichi; algoritm yaratilishi hamda dastur ishlanishi;
- kompyuter eksperimentlarini o'tkazish;
- natijalar tahlili va talqini.

Sun'iy intellekt tizimi doirasidagi tabiiy tilli interfeys, ekspert tizimlari, neyron tarmoqlar, lingvoanalizatorlar, gapiruvchi avtomatlar – barchasi kompyuter model-lashtirish natijasi hisoblanadi.

Kontekstga bog'liq bo'limgan grammatika (Context-free grammar) – matndan xoli bo'lgan grammatika, chunki undagi qoidalar universal hisoblanib, ma'lum matnga tayanib tahlil etishga asoslanmaydi, balki u avvaldan empirik tarzda belgilab olinadi. Hozirda ushbu grammatika sun'iy programmalash tillari-ga (Pascal, C++, Delphi, HTML) faol tatbiq etilgan, shuningdek, tabiiy tillarni formallashtirish jarayonida ham grammatikani bayon qilishning eng optimal usuli hisoblanadi.

Lemmatizatsiya – so'zning dastlabki, boshlang'ich formasini (lug'atdagi shaklini – lemmasini) tashkillashtirish texnikasi bo'lib, bu jarayon o'sha so'zning boshqa so'z-shakllaridan kelib chiqqan holda amalga oshiriladi. Lemmatizatsiya morfologik tahlil metodi tarkibiga kiradi, u ikki bosqichni o'z ichiga oladi: 1) deklarativ bosqich – bunda muayyan so'zning mumkin bo'lgan barcha shakllari (so'z-shakllar) belgilanadi; 2) protsedura bosqichi – bunda so'z asos va qo'shimchalariga, ya'ni leksemalarga yoki morfemalarga bo'linadi. Lemmatizatsiya so'zlarning grammatik valentligi, qaysi affikslar bilan birika olish imkoniyatini ham belgilab beradi. Masalan, o'zbek tilida so'zlarning lug'atdagi shakli – lemmasi quyidagicha:

- ot so'z turkumi uchun – bosh kelishik, birlik shakli;
- fe'l so'z turkumi uchun – harakat nomi shakli;
- sifat so'z turkumi uchun – oddiy daraja shakli

Daftarlarni, daftarlarga, daftarlarning, daftarlardan, daftarlarda ! daftar Yugurdi, yugurgan, yuguryapti, yugurmoqchi ! yugurmoq Ko'kimdir, ko'kish, ko'kroq ! ko'k

Lingvistik protsessorlar – tabiiy tilda kompyuter bilan muloqot qilishni ta'minlashga yordam beradigan dasturlar. XX asrning 70-yillarda AQSHda kompyuter bilan cheklangan muloqotni ta'minlaydigan tabiiy tilli interfeys tizimi (**LIFER** – Language Interface Facility with Ellipsis and Recursion) yaratildi. 1985-yilda «Semantek» korporatsiyasi tomonidan **Q&A** dasturi, «Karnegi gruppasi» kompaniyasi tomonidan **Language Craft** dasturiy ta'minoti ishlab chiqildi. Bu turdag'i dasturlar hozirda ingliz tilining standartlashgan so'zlashuv uslubida uncha katta bo'limgan lug'at zaxirasi bilan ishlamoqda.

Lingvistik universaliya – barcha tillarga yoki dunyo tillarining mutlaq ko'pchilik qismiga xos umumiyligini qonuniyatlar. 1941-yilda Aginsky tomonidan «The Importance of language universals» sarlavhali maqola e'lon qilindi. 1961-yilda Nyu-York shahrida universaliyalarga bag'ishlangan xalqaro konferensiya o'tkazildi. Unda J.Grinberg, J.Jenkins, Ch.Osgudlar «**Lingvistik universaliyalar haqida memorandum**» mavzusida chiqish qildilar. Konferensiyada Ch.Osgud shunday yozadi: «*Biz ushbu konferensiyada qonsiz inqilobning guvohi bo'lamiz.*

Fonologiya, morfologiya, sintaksis, semantika sohalarida aniqlangan lingvis-tik universaliyalar 2000-yilga kelib 1600 tani tashkil etdi. Germaniyaning Kons-tanz universitetida lingvistik universaliyalar bazasi (**Universals Archive**) yaratildi

va u har yili yangi ma'lumotlar bilan boyitib boriladi. Mazkur baza Internetda <http://www.ling.uni-konstanz.de/pages/proj/sprachbau.htm> saytiga joylangan.

Matematik lingvistika – XX asrning 50-yillarida (1952-yilda) yuzaga kelgan amaliy tilshunoslikning alohida yo'nalishi bo'lib, unda tabiiy tillarning matematik modellarini (bunday formallashgan til **metatil** deb ataladi) ishlab chiqish, xususan, sun'iy tillarni yaratish algoritmini tuzish bilan shug'ullanuvchi fandir. Bu fanning shakllanishida Kopengagen struktural tilshunoslik maktabi (glossematika)ning asoschisi Lui Yelmslevning g'oyalari o'ziga xos «turtki» vazifasini o'tagan. U hatto til hosidalarini matematik bayonda tushuntiradigan fanning nomini ham taklif etgan. Olimning fikricha, bu fan «**til algebrasi**» («lingvistik algebra») deb atalishi lozim edi. Amerikalik tilshunos Noam Chomskiyning formal grammatika, transformatsion grammatika haqidagi qarashlari bevosita matematik lingvistikaning alohida yo'nalish sifatida yuzaga kelishiga sabab bo'lgan.

Matnlar korpusi («corpus» – lotincha «tana» degan ma'noni anglatadi) – elektron holda saqlanadigan ma'lum til birliklari bo'lib, ular tilshunoslar uchun turli xil muammolarni hal etish uchun tatbiq etishda va turli yo'nalishdagi tadqiqotlar uchun zaruriyatga qarab turli shakllarda tuziladi. Til birliklarining qay tarzda saqlanishiga qarab maxsus dasturlar yordamida har bir kerakli so'z yoki so'z birikmasi uchun darhol uning qo'llanishi bo'yicha misollar topilishi, imlo bo'yicha variantlari, sinonimik qatorlari topilishi mumkin. Matnlar korpusiga oid ilmiy tadqiqotlar salmog'ining ko'payishi natijasida tilshunoslikda **korpus lingvistikasi** yo'nalishi shakllandi.

Kompyuterda yaratilgan birinchi matnlar korpusi **Braun korpusi** (БК, ingizcha *Brown Corpus*, BC) hisoblanadi, u 1961-yilda Braun universitetida yaratilgan, har biri 2000 so'zli 500 ta matn fragmentini o'z ichiga oladi. 1970-yillarda 1 mln so'zni o'z ichiga olgan matnlar korpusi asosida rus tilining chastotali lug'ati yaratildi. 1980-yillarda Shvetsianing Upsala universitetida ham rus tilida matnlar korpusi yaratildi. Buyuk Britaniyada **Ingliz tili Banki** (Bank of English) hamda **Britaniya Milliy Korpusi** (British National Corpus, BNC), Rossiyada **Rus tilining mashina fondi** (Машинный фонд русского языка) hamda **Rus tilining milliy korpusi** (Национальный корпус русского языка) loyihalari ishlab chiqildi. Masalan, Rus tilining milliy korpusi hajmi hozirgi kunda 149 mln so'zdan iborat. Keyingi yillarda Internet tizimining rivojlanishi **virtual matnlar korpusining** yuzaga kelishiga olib keldi. Ya'ni Internetdagи qidiriv saytlari, elektron kutubxonalar, virtual ensiklopediyalar korpus vazifasini bajarmoqda. Korpusning janri va tematik rang-barangligi Internetdan foydalanuvchining qiziqishlariga bog'liq. Masalan, ilm-fan doirasida **Wikipedia** katta hajmdagi matnlar korpusi sifatida ishlatalmoqda.

Matnning statistik tahlili – tilni ehtimollik belgilariga ko'ra tahlil qilish, til hodisalarini statistik xarakteristikalarini asosida baholash demakdir. Til birligining gapda yoki matnda qo'llanish chastotasi (sur'ati) ehtimollik deyiladi. Til hodisalarini haqidagi haqiqatlar lingvostatistik tadqiqotlar yordamida aniqlanadi. Masalan, o'zbek til uchun qaysi bo'g'in strukturasi tipik ekanligini, gap modellaridan qaysi biri eng asosiy konstruksiya ekanligini, bosh kelishikdagi otlarning asosan qay-

si gap bo‘lagi vazifasida kelishini, tanlangan matnda so‘z turkumlarining qay darajada ishlatalishini aniqlash uchun lingvostatistik tahlillarga ehtiyoj seziladi.

Matnning statistik tahlili matn atributsiyasi muammosiga ham oydinlik kiritishda muhim tadqiqot usuli hisoblanadi. Ayniqsa, badiiy matnlarning statistik tahlili natijasida o‘sha matn muallifi ham aniqlanmoqda. Bunda matnda tez-tez ishlataluvchi til birliklari (otlar, sifatlar, kalit so‘zlar, fe’llar, grammatic shakllar, jumla qurilishi, bir so‘z bilan aytganda, yozuvchining idiostilini – o‘ziga xos uslubini ko‘rsatuvchi vositalar) lingvostatistik tahlili yordamida aniqlanadi. Turli matnlardan olingen dalillarning qiyosiy tahlili bizga o‘sha matnning mazmun-mundarijasini, matn tuzilgan davrni, dalillarni argumentlash xarakterini va hatto mualliflikni aniqlashga imkon beradi. Badiiy asarlarning sujet qurilishiga, matn strukturasiga kvantitativ metodlarning tatbiq etilishi natijasida F.Dostoyevskiy, L.Tolstoy, M.Sholoxov kabi yozuvchilarining matnlari atributsiyasi amalga oshirilgan. Keyingi paytlarda anonim (muallifi noma'lum) va psevdonim (soxta muallifi) matnlarning aniqlanishi yuzasidan ham tadqiqotlar amalga oshirilmogda.

Mashina ijodi – san’at asarlarini avtomatik tarzda yaratish jarayoni. Bugungi kunda ijodni to‘la modellashtirishga erishilgani yo‘q, lekin bu sohada sezilarli yutuqlar qo‘lga kiritilgan. Jumladan, kompyuter yordamida musiqalar yaratilishi, treker-dasturlar, sintezatorlar, sekvensorlar yordamida bir turdagи melodiyalar va tovushlar generatsiyasi oqibatida elektron musiqalarning yaratilishi, matnning avtomatik generatsiyasi yordamida she’rlar, ertaklar – umuman matnlar yaratilishi, rasmlar generatsiyasi va kompyuter grafikasi yordamida kino va o‘yinlarning yaratilayotganligi (ayniqsа, strategiya va harbiy manyovrlarga asoslangan kompyuter o‘yinlari) kabilar mashina ijodiga misol bo‘la oladi.

Metagrammatika – yunoncha «metha» – «keyin», «grammatike» – «o‘qish va yozish san’ati», metaqoidalarga asoslangan grammatika; tavsisiy grammatika, formal grammatika, transformatsion grammatika bosqichlaridan so‘ng yuzaga kelgan, qayta yozilgan grammatika; programmalash tillarini tavsiflash uchun tabiiy til grammatikasi modeli asosida ishlab chiqilgan metaqoidalar to‘plami. Lingvistik universaliyalar g‘oyasi ta’sirida metagrammatika haqida qarashlar, nazariy va amaliy tadqiqotlar yuzaga keldi. Metagrammatika haqidagi dastlabki g‘oyalari Dekart, Leybnis kabi matematiklar tomonidan ilgari surilgan ratsional (universal) grammatika yaratish, Klod Lanslo va Antoniy Arnoldlarning (1660, Parij) «Por-Royal grammatikasi» bilan bog‘liqdir. Algol 68 uchun ishlangan metaqoidalalar Winjaarden-grammar yoki W-grammar deb nomlangan. Keyinroq 1981-yilda olimlar Gazdar, Pullman, Saglar ham metaqoidalar ishlab chiqdi, u **Generalized Phrase Structure Grammar (GPSG)** deb ataladi.

Model (lotincha «modelus» so‘zidan olingen bo‘lib, «nusxa», «andaza», «o‘chov», «me‘yor» ma’nolarini anglatadi) – fanda shunday moddiy qurilma, grafik, sxema, umuman, bilish vositasi sifatida tushuniladiki, u muayyan original-obyekt haqidagi ma’lumotlar majmui tarzida yuzaga kelgan hosila-obyekt demakdir. Boshqacharoq tushuntirganda, model tabiiy obyektlarning imitatsiyadir (o‘xshashi, taqlidiy ko‘rinishi), u o‘zbek tilidagi qolip, andaza so‘zlariga mos

keladi. Masalan, globus yerning modeli, o'yinchoq mashina haqiqiy mashinaning modeli sifatida baholanishi mumkin.

Modellarni shartli ravisda quyidagicha tasniflash mumkin: 1) tabiiy modellar – o'rganilayotgan obyekt bilan bir turda bo'ladi va undan faqat o'chamlari, jarayonlarining tezligi va ba'zi hollarda yasalgan materiali bilan farq qiladi; 2) matematik modellar – prototipdan (asl nusxdadan) jismoniy tuzilishi bilan farq qiladi, lekin u bilan bir xil matematik tasvirga ega bo'ladi; 3) mantiqiy-matematik modellar – belgilardan iborat bo'lib, abstrakt model hisoblanadi va tafakkur jarayonini o'rganishda qo'llaniladi; 4) kompyuterli modellar – matematik va mantiqiy modellashtirish metodlariga asoslangan holda kompyuterda algoritm va dasturlaridan foydalanib yaratiladigan modellar.

Modellashtirish – barcha fanlar uchun xos bo'lgan umumilmiy metod hisoblanadi va u quyidagi tamoyillarga amal qiladi:

- deduktivlik – mantiqiy xulosa chiqarishga asoslangan, xususiylikdan umumiyligka tamoyilida bo'ladi;
 - tafakkur eksperimentidan foydalanish;
 - evristik funksiyaga ega bo'lishi. Ya'ni u yangi g'oyalar bera olishi va uni amaliyotda sinab ko'rish imkoniyati bo'lishi zarur;
 - eksplanatorlik xususiyatiga, ya'ni tushuntirish kuchiga ega bo'lishi kerak. Shundagina model eski nazariya tushuntirib bera olmagan muammoni hal qiladi, obyektning ilgari kuzatilmagan, ammo kelajakda amalga oshishi mumkin bo'lgan tomonini kashf etadi;
 - modelni ideallashtirilgan obyekt sifatida talqin qilish.
- Modellashtirish jarayoni uchta unsurni o'z ichiga oladi:
- subyekt (tadqiqotchi);
 - tadqiqot obyekti;
 - o'rganuvchi subyekt va o'rganiluvchi obyekt munosabatini aks ettiruvchi model.

Modellashtirish tilshunoslikka strukturalizm yo'nalishi ta'sirida faol tatbiq qilina boshlandi. Gap strukturasini modellashtirish g'oyasi XX asrning 50-yillari da amerikalik tilshunos Charlz Friz tomonidan olg'a surildi (1952-yilda «The Structure of English» nomli tadqiqotini yaratdi). Ch.Friz o'z konsepsiyasini distributiv model deb nomlagan. Unga ko'ra, gap muayyan so'z turkumlariga oid bo'lgan so'zlar zanjiri hisoblanadi va tahlilda morfologiya bazasiga tayaniladi. Masalan, «*The young man painted the door yesterday*» jumlesi distributiv model asosida quyidagicha tahlil etiladi: **D 3 I¹ 2-d D I¹ 4**. Bu yerda **D** – otning aniqlovchisi (inglizcha determiner), **3** – sifat, **I** – birlikdagi ot, **2-d** – o'tgan zamon shaklidagi fe'l, **4** – ravishni anglatadi. Demak, bu modelda turli so'z turkumlariga mansub so'z shakllarining nutq zanjiridagi distributsiyasi (tarqalishi, qurshovi) gap strukturasini modellashtirishning asosiy mezoni sanaladi.

Neyron tarmoqlar – inson miyasidagi neyronlar modeli asosida yaratilgan tizim bo'lib, u sun'iy intellektning muhim tarkibiy qismi hisoblanadi. Hozirgi kunda neyron tarmoqlar bir qator amaliy masalalarni hal etishda keng qo'llanilmoqda.

Jumladan, ob-havo ma'lumotini aniqlashda, obrazlarni tanishda (xususan, og'zaki va yozma nutqni aniqlashda), robotlarni boshqarishda, tibbiyotda tashxis qo'yishda ishlatilmoda. Neyron tarmoqlarining ishlash tizimi matematik ifodalar yoki mantiqiy qoidalarga asoslanmaydi, balki namuna (**example based approach**) asosida o'qitishga asoslangan. Bunda muayyan masalani yechish uchun namunalari (misollar), ya'ni o'qituvchi tanlamalar tayyorlanadi va tarmoq shu asosda tekshiradi.

On-line lug'atlar – ochiq turdag'i Internet tizimida ishlaydigan lug'atlar. Bu lug'atlarning aktivlashishi uchun albatta Internetga ulangan bo'lishimiz lozim. Ularning afzalligi shundaki, foydalanuvchilarga ushbu lug'atlar bazasini to'ldirib borish, boyitish imkonini beradi.

Parallel matnlar korpusi – badiiy asar, qo'llanma, ommaviy axborot vositasi naschlari, turli xil hujjatlarning ikki yoki undan ko'p tillardagi elektron holdagi ko'rinishlari. Masalan, Yevropa Ittifoqi o'zining barcha qonun va hujjatlarini ingлиз, fransuz, nemis, ispan va italyan tillarida nasr qiladi hamda ular Internet tizimiga barchaga ochiq arxiv sifatida qo'yiladi. Bunday korpuslarning afzalligi shundaki, ular yordamida nafaqat biron bir so'z yoki jumlaning, balki butun boshli matnlarning turli tillardagi variantlarini bilish imkoniyati mavjud. Xuddi mana shu imkoniyat tufayli maxsus **konkordanser dasturlar** ishlab chiqish orqali turli xil ixtisoslik lug'atlari tuzish imkoniyati tug'iladi. Ushbu imkoniyatlar kompyuter leksikografiyasi uchun ulkan ahamiyat kasb etadi.

Semiotika yoki **semiologiya** (yunoncha «semiotike», ya'ni «belgilash», «tasvirlash», «ifodalash» degan ma'nolarni anglatadi) belgilar sistemasi haqidagi fan bo'lib, unda axborotni saqlovchi, uzatuvchi turli xil belgi va belgilar tizimlarining yaratilishi, vazifalarini, belgilar sistemasiga kiruvchi hodisalarini, ularning tabiatini, mohiyatini, turlari, ko'rinishlari, amal qilishi kabilarni tekshiradi. Semiotika tilshunoslikda, xususan, kompyuter lingvistikasida ham muhim metodologik ahamiyat kasb etadi. Chunki til ham belgi sanaladi, semiotikada tabiiy tillar ham, sun'iy tillar ham, hatto yo'l belgilari, audio va videosignallar ham tadqiq etiladi. Semiotika fani XIX asr oxirlarida vujudga keldi, uning asoschisi amerikalik olim Charlz Sanders Pirs (1839 – 1914) hisoblanadi. Semiotikada belgilar tizimi to'rt aspekt asosida o'r ganiladi: 1) *sintaktika* – belgilar strukturasini tekshiradi; 2) *semantika* – belgilarning mazmuniy tomonini tekshiradi; 3) *sigmatika* – belgi va uni aks ettiruvchi obyekt o'rtasidagi munosabatni o'rganadi; 4) *pragmatika* – belgilarning insonga bo'lgan munosabati, foydaliligi, amaliy jihatlarini tadqiq etadi.

Semantik tarmoq – borliqni so'zlar va ularning semantik munosabatlari yordamida modellashtirishga yo'naltirilgan tizim hisoblanadi. **Semantik tarmoq** aniq belgilangan uzellar (obyektlar kesishadigan joy) va dugalar (semantik munosabatlarning biri ikkinchisiga ta'sir ko'rsatadigan nuqta) munosabatdorligi asosida modellashtiriladi. Semantik tarmoq g'oyasi kompyuter texnologiyalaridagi lokal va global tarmoq nazariyasi ta'sirida kelib chiqqan. Uzellar muayyan obyektlarga, muayyan sohaga oid tushunchalarga, dugalar obyektlar o'rtasidagi semantik munosabatlarga aloqador tushunchalardir.

Sun'iy intellekt – intellektual mashinalar, intellektual kompyuter dasturlar yaratish texnologiyasi va bu haqidagi fan. Intellektual sistema strukturasi 3 asosiy blokni o'z ichiga oladi: bilimlar bazasi, masalani yechuvchi tizim va intellektual interfeys. Sun'iy intellekt insondagi intellekt tushunchasining aynan immitatsiyasi emas, balki inson intellektual faoliyatining ko'plab qirralarini o'z ichiga olgan, modellashtirilgan tizimlar texnologiyasi demakdir. Ayni shu ma'noda «*artificial intelligence*» terminini birinchi marta **Jon Makkarti** 1956-yilda Darmut universitetidagi konferensiyada qo'lladi.

Tobelik daraxti (shajara) – L. Tenyer g'oyalari ta'sirida shakllangan tobelik grammaticasi modeli bo'lib, u kompyuter lingvistikasining avtomatik analiz dasturlarida ishlatalidi. Bunda gap asosan daraxt ko'rinishida tasvirlanadi, jumla tarkibidagi so'zlar bir-biri bilan tobelik munosabatida bo'ladi (*bevosita dominatsiya munosabati*). Kesim daraxtning ildizida joylashadi va dominant bo'lak hisoblana-di, boshqa so'zlar (gap bo'laklari)unga bevosita yoki bilvosita (boshqa so'zlar yordamida) tobelangan bo'ladi.

Translation Memory («Tarjimon xotirasi») yoki **Sentence Memory** («Gap to'plagich») – avtomatik tarjima samaradorligini oshirish maqsadida amerikalik olim Veb Layn tomonidan ishlab chiqilgan konsepsiya. Bu yondashuvga ko'ra, muayyan matnni bir tildan ikkinchisiga tarjima qilish uchun dastlab u yuqori malakali tarjimonga ko'rsatiladi. So'ng asl matn va uning tarjimasi kompyuterga kiritiladi, matn fragmentlarga (alohida jumlalarga, birikmalarga) bo'linadi, ushbu elementlardan ma'lumotlar bazasi tayyorlanadi. Ma'lumotlar bazasi qidiruv tizimiga yukланади, у esa tarjimasi mavjud bo'lgan matn fragmentlarini va alohida jumlalarni sislati tarjima qilishga imkon beradi. Matnning ayrim notanish fragmentlari (bazada tarjimasi mavjud bo'lmagan matn qismlari) inson qo'li bilan tarjima qilinadi. Bunda bazadagi bu fragmentlarga yaqin keladigan tarjimalardan foydalanish mumkin. Matnning inson tomonidan tarjima qilingan qismlari yana ma'lumotlar bazasiga kiritiladi. Mana shu yo'l bilan «tarjimon xotirasi» astasekinlik bilan boyitib boriladi va tarjima samaradorligi yuksalib boradi. Lekin ushbu yo'nalishning afzalliklari bilan birga ayrim kamchiliklari ham mavjud. Birinchidan, bu yo'l bilan har qanday turdag'i matnni tarjima qilib bo'lmaydi. U asosan muayyan tor yo'nalishdagi bir turdag'i matnlarga mo'ljallangan. Ikkinchidan, ma'lum matnning katta fragmenti ikkinchi bir matnning katta qismiga tarjimada mos kelishi yoki yaqin kelishi har doim ham kuzatilavermaydi. Uchinchidan, «tarjimon xotirasi» bazasini yaratish yoki ikki tilli matnlar (bilingv) massivini to'ldirib borish amalii jihatdan ko'p qiyinchiliklarni keltirib chiqaradi.

«Tyuring testi» – «Mashina fikrlay oladimi» (1950) sarlavhali maqolaning muallifi ingliz olimi Alan Tyuring tomonidan ishlab chiqilgan empirik test. Olim mashina imkoniyatini insonning aqlilik darajasini bilan qiyoslash protsedurasini ishlab chiqdi. Ushbu g'oya 1950-yilda «Mind» falsafiy jurnalida «*Hisoblash mashinalari va tafakkur*» (*Computing Machinery and Intelligence*) nomli maqolada e'lon qilindi. Bu testdan ko'zlangan maqsad sun'iy tafakkurning inson tafakkuriga yaqin kelishi mumkinligini aniqlash hisoblaniadi. Unga ko'ra, inson bir kompyu-

ter va bir inson bilan o'zaro munosabatga kirishadi. Savollarga javob berish asosida u kim bilan (inson yoki kompyuter dasturi bilanmi) gaplashayotganini aniqlashi lozim bo'ladi. Kompyuter dasturining vazifasi esa insonni xatoga yo'l qo'yishga, noto'g'ri tanlov qabul qilishga majbur etish sanaladi.

Zif qonuni – matnning statistik tahlilida keng foydalilanadi, ayniqsa, katta hajmdagi matnlarda har bir so'zning qanchalik tez takrorlanishini (chastotasini) va ularning takrorlanish tezligini hisoblashda **Zif qonuni** amal qiladi. Bunda so'zning chastotasi (f), uning ro'yxatdagi holati qatori (r) deb belgilanadi. Zif qonuniga ko'ra, matnda eng ko'p ishlatalgan so'z $r = 1$, undan pastroq chastotada kuzatilgan so'z $r = 2$, undan keyingisi $r = 3$ tarzida belgilanadi. Bundan kelib chiqadiki, matndagi ixtiyoriy so'z uchun (f) chastotaga (r)ning ko'paytmasi natijasi o'zgarmas miqdor – konstanta (C)ga teng bo'ladi ($r^{\text{Ч}}f = C$), bu yerda C matn hajmiga bog'liq.

Chastotali lug'atlar – matnda so'zlarning ishlatalish chastotasi (qay darajada ishlatalishi, tez-tez ishlatalishi)dan kelib chiqqan holda tayyorlanadigan so'zliklar. Chastotali lug'atlar statistik leksikografiyaning rivoji natijasida yuzaga kelgan. Bunday lug'atlar, ayniqsa, til o'qitish jarayonida leksik minimumlarni aniqlashda muhim ahamiyatga ega. So'zlarning chastotasini aniqlash liovstatistik tahlillar yordamida amalga oshiriladi. Chastotali lug'atlar kompyuterning lingvistik informatsion bazasi hisoblanadi.

MUNDARIJA

So‘zboshi	3
Kompyuter lingvistikasi fanining mazmun-mohiyati	4
Mantiq, grammatika va algoritm	10
Aksiomatik nazariya – tilni formal tavsiflash asosi	23
Kompyuter lingvistikasida modellashtirish va analogiya metodlari	29
Formal grammatika nazariysi	37
Kompyuter lingvistikasida matematik statistika va kvantitativ metod	48
Kompyuter lingvistikasi tarixi va zamonaviy holati.	
Kompyuter lingvistikasi bo‘yicha tadqiqotlar	57
Kompyuter lingvistikasida avtomatik tarjima yo‘nalishi	72
Kompyuter leksikografiyasi	85
Til o‘rgatish jarayonini avtomatlashtirish	92
Kompyuter lingvistikasida avtomatik tahrir, informatsion qidiruv tizimlari va gipertekst texnologiyasi	98
Kompyuter analiz va sintezi. Ingliz tilidagi gaplarni o‘zbek tiliga tarjima qilish algoritmi	110
Kompyuter lingvistikasi fanining rivojlanish istiqbollari	123
Foydalanilgan adabiyotlar ro‘yxati	138
Kompyuter lingvistikasi terminlari lug‘ati (Glossariy)	142

Ilmiy nashr

RAHIMOV AZAMATJON USMANJANOVICH

KOMPYUTER LINGVISTIKASI ASOSLARI

Muharrir: Abdulla SHAROPOV
Musahhih: Kurshid IBROHIMOV
Badiiy muharrir: Feruza NAZAROVA
Texnik muharrir: Dilshod NAZAROV

Nashriyot litsenziyasi: AI №134, 27.04.2009.

Terishga 01.01.2011-yilda berildi. Bosishga ruxsat etildi: 09.02.2011-y.
Ofset qog'oz. Qog'oz bichimi: 60x84 $\frac{1}{16}$. LexTimes garniturası. Ofset bosma.

Hisob-nashriyot t.: 8,5. Sharthi b.t.: 9,3. Adadi: 1000 nusxa.

Buyurtma № 42

«AKADEMNASHR» nashriyotida nashrga tayyorlandi.
100156, Toshkent shahri, Chilonzor tumani, 20A-mavze, 42-uy.
Tel: (+998 97) 331-56-22 **e-mail:** akademnashr@mail.ru

“KO‘HI NUR” MCHJ bosmaxonasida chop etildi.
Toshkent shahri, Mashinasozlar mavzesi, 4-uy.